



ABS.1.80.12

SCOTTISH NATIONAL LIBRARY OF  
SCOTLAND









COLLOQUIA  
DE  
MORBIS,  
PRACTICA ET THEORETICA,  
QUAESTIONIBUS ET RESPONSIOS;  
AD USUM  
*INGENUAE JUVENTUTIS*  
ACCOMMODATA.

---

AUCTORE  
ARCHIBALDO ROBERTSON, M. D.  
ET QUONDAM APUD EDINENSES  
SERMONUM PRACTICORUM  
DE  
ARTE MEDICINALI  
PRAELECTORE.

---


*EDITIO TERTIA, AUCTIOR ET MULTO EMENDATOR.*

---

EDINBURGI:  
VENEUNT APUD ADAMUM BLACK;  
LONDINI, APUD LONGMAN ET SOCIOS.

---

MDCCXXXVIII.



ARCHIBALDUS ROBERTSON,  
VIRIS GENEROSIS  
IN MEDICINAM ACADEMIA EDINENSI  
INCUMBENTIBUS  
S. D.

---

Editionem tertiam hujus libelli De Morbis, Viri Generosi, vobis in manus trado; quam ita ab erroribus expurgare, ut vestram laudem iterum mereretur, atque doctrinam nostrae almae Academiac a Professoribus ejus peritissimis comprobatam exhiberet, conatus sum. Argumentum paulo plenius, et sermonem emendatiorem faciendi, studiosus fui.

Conspectum Nosologiae brevem apud initium operis exhibui; de febribus dein disserui, propterea quod plerisque morborum febris adest; tum de morbis cuiuscunque corporis partis a capite ad calcem usque descendens; denique de vitiis cutis. In singulis morbis tractandis definitionem

Nosologicam, signa, causas, diagnosin,  
prognosin, et curationem, quantum ea fu-  
erint cognita, in ordine studiose servavi.

Lingua Latina simplice et perspicua, et  
quam purissima potui, usus sum, ut eam  
in medicinae studium incumbentibus,  
quantum in me fuerit, commendarem.  
Easdem quaestiones sub singulis morbis  
tam saepe proponendo, similitudo verbo-  
rum vix effugienda erat, quam tamen,  
quantum potuerim, vitavi.

Si haec editio, Ingenui Juvenes, vobis  
acceptior atque utilior prioribus sit; mihi  
quidem gratum erit. Valete.

*Prid. Kal. Jan.* |  
**MDCCLXXXVIII.** |

# TABULA

MORBORUM QUI IN COLLOQUIS CONTINENTUR.

---

---

## COLLOQUIUM PRIMUM.

### DE NOSOLOGIA.

	Pag.		Pag.
De Morborum Classibus.....	1	De Febrium divisione.....	6
De Morborum Ordinibus.....	2		

## COLLOQUIUM SECUNDUM.

### DE FEBRIBUS INTERMITTENTIBUS.

	Pag.		Pag.
De Febre Intermittente.....	7	De Febre Flava.....	10
Remittente.....	9		

## COLLOQUIUM TERTIUM.

### DE FEBRIBUS CONTINUIS.

	Pag.		Pag.
De Synocha.....	27	De Typho.....	37
De Synocho.....	31D	Typho Pestifera, sive Peste	43

## COLLOQUIUM QUARTUM.

### DE EXANTHEMATIS.

	Pag.		Pag.
De Variola .....	57	De Scarlatina.....	74
De Varicella.....	64	De Cynanche Maligna.....	ib.
De Rubeola.....	66		

## COLLOQUIUM QUINTUM.

## DE MORBIS CEREBRI.

	Pag.		Pag.
De Phrenitide.....	89	De Chorea.....	129
De Hydrocephalo Acuto.....	93	De Epilepsia.....	131
De Apoplexia.....	100	De Amentia.....	137
De Paralysi.....	106	De Melancholia.....	139
De Tetano.....	115	De Mania.....	142
De Convulsione .....	122	De Hydrocephalo Aquoso....	147

## COLLOQUIUM SEXTUM.

## DE OCULI, AURIS, ET NASI MORBIS.

	Pag.		Pag.
De Ophthalmia.....	149	De Cynanche Parotides.....	161
De Caligine.....	154	De Epistaxi.....	163
De Amaurosi.....	156	De Catarrho.....	165
De Otitide.....	160		

## COLLOQUIUM SEPTIMUM.

## DE MORBIS ORIS, FAUCIUM, ET CERVICIS.

	Pag.		Pag.
De Odontalgia, et Ageustia..	163	De Cynanche Laryngea.....	175
De Adipsia, et Polydipsia....	169	De Cynanche Tracheali.....	178
De Pica, et Ulcuscula.....	170	De Hydrophobia.....	186
De Cynanche Tonsillari.....	171	De Dysphagia.....	189
De Cynanche Pharyngea.....	174		

## COLLOQUIUM OCTAVUM.

## DE MORBIS THORACIS.

	Pag.		Pag.
De Pneumonia.....	192	De Phthisi.....	201
De Peripneumonia Notha....	196	De Haemoptysi.....	206
De Catarrhi Gravis curatione	199	De Dyspnoea.....	213

De Asthmate .....	215	De Angina Pectoris .....	227
De Pertussi .....	220	De Palpitatione .....	231
De Carditide .....	224	De Aneurismate Aortae .....	233
De Syncope .....	225	De Hydrothorace .....	234

## COLLOQUIUM NONUM.

### DE MORBIS VENTRICULI.

	Pag.		Pag.
De Gastritide .....	239	De Hypochondriasi .....	249
De Spasmo Ventriculi .....	244	De Pyrosis .....	251
De Dyspepsia .....	246	De Haematemesi .....	253

## COLLOQUIUM DECIMUM.

### DE MORBIS INTESTINORUM.

	Pag.		Pag.
De Enteritide .....	255	De Dysenteria .....	274
De Colica .....	259	De Obstipatione .....	280
De Cholera .....	265	De Tympanite Intestinali ..	282
De Diarrhoea .....	270	De Vermibus Intestinorum ..	283

## COLLOQUIUM UNDECIMUM.

### DE VISCRUM ABDOMINIS MORBIS.

	Pag.		Pag.
De Hepatitide Acuta .....	297	De Tabe Mesenterica .....	299
De Hepatitide Chronica .....	290	De Tympanite Abdominali ..	301
De Ictero .....	293	De Ascite .....	302
De Splenitide .....	297		

## COLLOQUIUM DUODECIMUM.

### DE RENUM ET VESICAE URINAE MORBIS.

	Pag.		Pag.
De Diabete .....	307	De Nephritide .....	312
De Calculo Renum .....	311	De Haematuria .....	315

De Iachuria.....	317	De Dysuria.....	322
De Cystitide.....	320	De Enuresi.....	324

## COLLOQUIUM DECIMUM TERTIUM.

### DE MORBIS CUM UTERO CONSENTIENTIBUS.

	Pag.		Pag.
De Hysteritide.....	326	De Menorrhagia.....	335
De Chlorosi.....	328	De Hysteria.....	339
De Amenorrhoea.....	332		

## COLLOQUIUM DECIMUM QUARTUM.

### DE MORBIS INCERTAE SEDIS.

	Pag.		Pag.
De Rheumatismo Acuto ....	343	De Scrofula.....	361
Chronico	348	De Syphilide.....	364
De Podagra.....	350	De Scorbuto.....	368
De Anasarca.....	358		

## COLLOQUIUM DECIMUM QUINTUM.

### DE VITIIS CUTIS.

	Pag.		Pag.
De Papula.	365	De Pompholyge.....	365
De Strophulo.....	371	De Pustula.	
De Lichene.....	372	De Impetigine.....	397
De Prurigine.....	373	De Porrigine.....	390
<i>De Squamis.</i>		De Ecthymate.....	392
De Lepra.....	374	De Scabie.....	393
De Psoriasis.....	375	<i>De Vesiculis.</i>	
De Pityriasi.....	376	De Vaccinia.....	395
De Ichthyosi.....	377	De Herpete.....	396
<i>De Exanthematis.</i>		De Rupia.....	397
De Urticaria.....	378	De Eczemat.....	398
De Rossola.....	379	De Aphtha.....	399
De Purpura.....	380	<i>De Tuberculis.</i>	
De Erythema.....	381	De Acne.....	400
<i>De Bullis.</i>		De Sycoal.....	401
De Erysipelate.....	382	De Frambosis.....	401
De Pemphigo.....	384	<i>De Maculis....</i>	

COLLOQUIA  
DE  
MORBIS  
PRACTICA ET THEORETICA,  
QUAESTIONIBUS ET RESPONSIIS.

---

COLLOQUIUM PRIMUM.

---

DE NOSOLOGIA.

*Q.* **Quomodo** morbi, quibus genus huma-  
num opportunum est, in Nosologia Methodica  
celeberrimi Doctoris Cullen collocati sunt?

*R.* In Classes, Ordines, Genera, et Species.

*Q.* Quot Classes sunt?

*R.* Quatuor; Pyrexiae, Neuroses, Cachex-  
iae, et Locales.

*Q.* Quid de CLASSE intelligis?

*R.* Classis quosdam morbos comprehendit,  
qui seriem signorum certam semper exhibit.

*Q.* Quis est character Classis Primae, sive Pyrexiarum?

*R.* " Post horrorem pulsus frequens, calor major, plures functiones laesae, viribus praesertim artuum imminutis."

*Q.* Quis est character Classis Secundae, sive Neurosum?

*R.* " Sensus et motus laesi, sine pyrexia idiopathica, et sine morbo locali."

*Q.* Quis est character Classis Tertiae, sive Cachexiarum?

*R.* " Totius vel magnae partis corporis habitus depravatus, sine pyrexia primaria vel neurosi."

*Q.* Quis est character Classis Quartae, sive Localium?

*R.* " Partis, non totius corporis, affectio."

*Q.* Quid de ORDINE morborum intelligis?

*R.* Ordo morbos comprehendit, qui simul cum signis classis, cujus sunt, alia signa sibi propria ostendunt.

*Q.* Quot Ordines *Prima Classis*, Pyrexiae nimirum, comprehendit?

*R.* Quinque; Febres, Phlegmasias, Exanthemata, Haemorrhagias, et Profluvia.

*Q.* Quae est definitio *Ordinis Febrium*?

*R.* " Praegressis languore, lassitudine, et

aliis debilitatis signis, pyrexia sine morbo locali primario."

Q. Quae est definitio *Ordinis Phlegmasiarum*?

R. "Febris synocha; phlogosis; vel dolor topicus, simul laesa partis internae functione; sanguis missus, et jam concretus, superficiem coriaceam albam ostendens."

Q. Quae est definitio *Ordinis Exanthematum*?

R. "Morbi contagiosi, semel tantum in decursu vitae aliquem afficientes; cum febre incipientes; definito tempore apparent phlogoses, saepe plures, exiguae per cutem sparsae."

Q. Quae est definitio *Ordinis Haemorrhagiarum*?

R. "Pyrexia cum profusione sanguinis absque vi externa; sanguis missus ut in phlegmasiis appetet."

Q. Quae est definitio *Ordinis Profluviorum*?

R. "Pyrexia cum excretione aucta, naturaliter non sanguinea."

Q. Quot Ordines *Classis Secunda*, Neuroses, comprehendit?

R. Quatuor; Comata, Adynamias, Spasmos, et Vesalias.

*Q.* Quomodo *Comata* definiuntur?

*R.* "Motus voluntarii, imminuti cum sopore sive sensuum feriatione."

*Q.* Quomodo *Adynamiae* definiuntur?

*R.* "Motus involuntarii, sive vitales sive naturales, imminuti."

*Q.* Quomodo *Spasmi* definiuntur?

*R.* "Musculorum, vel fibrarum muscularium, motus abnormes."

*Q.* Quomodo *Vesaniae* definiuntur?

*R.* "Mentis judicantis functiones laesae, sine pyrexia vel comate."

*Q.* Quot Ordines *Classis Tertia*, nempe Cachexiae, comprehendit?

*R.* Tres; Marcores, Intumescentias, et Impetigines.

*Q.* Defini mihi *Ordinem Marcorum*?

*R.* "Corporis totius macies."

*Q.* Defini *Ordinem Intumescentiarum*?

*R.* "Totum vel magna corporis pars extorsum tumens."

*Q.* Defini quoque *Ordinem Impetiginum*?

*R.* Cachexiae, cutem et externum corpus praecipue deformantes.

*Q.* Quot Ordines *Classis Quarta*, Locales nimirum, comprehendit?

*R.* Octo : Dysaesthesiae, Dysorexias, Dyscinesias, Apocenoses, Epischeses, Tumores, Ectopias, et Dialyses.

*Q.* Quomodo definiuntur *Dysaesthesiae* ?

*R.* " Sensus depravati aut deleti, ex organorum externorum vitio."

*Q.* Quomodo definiuntur *Dysorexiae* ?

*R.* " Appetitus erroneus vel deficiens."

*Q.* Quomodo definiuntur *Dyscinesiae* ?

*R.* " Motus impediti vel depravati ex organorum vitio."

*Q.* Quomodo definiuntur *Apocenoses* ?

*R.* " Fluxus sive sanguis, aut humores alii, solito uberius profluens, sine pyrexia impietive fluidorum aucto."

*Q.* Quomodo definiuntur *Epischeses* ?

*R.* " Excernendorum suppressiones."

*Q.* Quae definitio est Ordinis Sexti, nempe *Tumorum* ?

*R.* " Partis magnitudo aucta sine phlogosi."

*Q.* Quomodo definiuntur *Ectopiae* ?

*R.* " Pars ex sua sede dimota tumorem faciens."

*Q.* Quomodo quoque definiuntur *Dialyses* ?

*R.* " Solutio continui visu tactuve manifesta."

*Q.* Postea de generibus et speciebus mor-

borum colloquemur ; interim pauca dicamus de Febribus, quippe quae adeo frequenter ubique accidunt. Quid de **FEBRE IDIOPATHICA** intelligis ?

*R.* "Praegressis languore, lassitudine, et aliis debilitatis signis, pyrexia sine morbo locali primario," febrem idiopathicam indicat.

*Q.* Quot Ordines Pyrexiarum *Febres Idiopathicas* continent?

*R.* Duo ; Ordo Febrium, et Ordo Exanthematum.

*Q.* Nonne morbus localis est in Exanthematicis?

*R.* Certe, sed febris ei praecedit ; itaque non primarius, verum symptomaticus.

*Q.* Nonne Pyrexiae igitur utilissime in *Febres Idiopathicas* et in *Symptomaticas* dividi possent?

*R.* Utilissime, et summo cum jure.

*Q.* Quare?

*R.* Febris enim *Idiopathica* attentionem medici summam sibi vindicat : quod in *Febre Symptomatica* longe aliter est.

*Q.* Quid de *Febre Symptomatica* intelligis?

*R.* Febris est, quae morbum localem quendam primarium sequitur, et postea comitatur, eoque nititur.

*Q.* Quot Ordines Pyrexiarum *febres symptomaticas* exhibent?

*R.* Tres; Ordo Phlegmasiarum, Haemorrhagiarum, et Profluviorum.

*Q.* Nonne harum febrium *Hectica* est?

*R.* Febris Hectica vere symptomatica morbi localis est.

*Q.* An Febris Symptomatica curationem aliam, quam Idiopathica, postulat?

*R.* Ita; in febre symptomatica morbus localis primarius attentionem medici sibi vindicat, et febris simul cum hoc abscedit.

*Q.* An Febres Idiopathicae divisae sunt?

*R.* Plerumque in Febres Intermittentes, et Continuas.

## COLLOQUIUM SECUNDUM.

### DE FEBRIBUS INTERMITTENTIBUS.

*Q.* Quomodo definis Febres Intermittentes?

*R.* "Febres miasmate paludum ortae, paroxysmis pluribus, apyrexia, saltem remissione evidente interposita, cum exacerbatione nota-

bili, et plerumque cum horrore redeuntibus, constantes: paroxysmo quovis die unico tantum."

*Q.* Ex ea definitione patet paroxysmos et intermissiones sive apyrexiam invicem aliis succedere; nonne paroxysmus ipse divisus est?

*R.* In *stadia tria*; stadium nempe frigoris, caloris, et sudoris.

*Q.* Quae signa plerumque apparent in *stadio frigoris*?

*R.* Languor, lassitudo, oscitatio frequens, pandiculatio, pallor vultus, cutis rugosa et constricta; deinde sensus frigoris in dorso praecipue, rigores, et tremores artuum; urina limpida; pulsus tardior primò, debilior, et exilior, postea multo frequentior et saepe inordinatus; respiratio quoque frequens et gravis, interdum tussiculâ comitata; nausea, et vomitus; dolor capitis, artuum, et molestia summa interna; sitis; calor demum cùm frigore alternat, major, majorque fit, et tandem supra modum surgit.

*Q.* Quae signa sunt *stadii secundi* sive *caloris*?

*R.* Calor magis magisque ingruit; pulsus plenior et durior; respiratio, quamquam adhuc frequens et gravis, plenior et liberior; nausea

et vomitio rara ; sitis urget ; lingua sicca et albida ; urina subrubra ; facies et summa cutis rubescunt ; capitis dolor vehemens, et haud raro aliquid delirii ; omnia quae signa incitationem corporis nimiam, seu diathesin phlogisticum, denotant.

*Q. Quae signa sunt stadii tertii sive sudoris ?*

*R. Signis jam dictis fere gravissimis ; per totum corpus sudor erumpit copiosus, quo signa leniora redduntur, calor multo minor, pulsus tardior et mollior, respiratio liberior et paene naturalis, evadunt ; sitis tolerabilius et multo minor est ; et omnes secretiones copiosius fluunt ; urina sedimentum coloris lateritii demittit ; et tandem somnus plerumque irrexit, ex quo aeger expurgiscit integer.*

*Q. Quomodo aeger se in Intermmissione habet ?*

*R. A paroxysmo languidus et infirmus est ; lingua ejus fere albida ; sitis magna ; appetitus haud multus ; et denique multum irritabilitatis adhuc remanet.*

*Q. Quo Intervallum differt ab Intermissione ?*

*R. Spatium temporis ab initio unius paroxysmi ad accessionem usque proximi, Intervalum ; spatium autem a fine unius ad initium*

alterius paroxysmi, Intermisso, appellari solitum est.

**Q.** Quae notae morbum incrementem ostendunt?

**R.** Accessio citius venit; indicia omnia magis magisque in omni paroxysmo urgent; diutius durant; intermissionem multo brevorem reddunt; et praeterea irritabilitatem adeo multam movent, ut febris non intermitat, sed remissionem solummodo subeat.

**Q.** An febris Intermittens in Remittentem convertatur?

**R.** Interdum causa febris fortior fit, indicaque multo graviora reddit; febris igitur, quae primis a paroxysmis intermittebat, paulatim gravior tantum remittit; febre autem inclinante, contrarium accidit.

**Q.** An febris Intermittens igitur, et febris Remittens, ejusdem generis sunt?

**R.** Certe sunt ejusdem generis; nam ex eadem causa oriuntur, et alia in aliud eodem in aegro eodem morbo laborante interdum mutatur.

**Q.** An differunt solummodo in gravitate signorum?

**R.** Ita, ut nobis apparent.

**Q.** An Febris Flava Indiae occidentalis generis Intermittentis est?

*R.* Hoc disputatum est, flavedo cutis tamen interdum in febribus vere Remittentibus videatur; et praeterea febris Remittens, et febris Flava eādem in regione eodem tempore apparent, et promiscue grassantur. Flavedo cutis aliis adest, aliisque abest.

*Q.* Si febris Remittens et Flava ejusdem generis sunt, in quo tandem differunt?

*R.* Inter sese videntur praecipue in violentia differre; quo enim gravior febris, eo altior flavedo est cutis.

*Q.* Enumera mihi seriem earum febrium.

*R.* Febris Intermittens est levis, febris Remittens gravior, et febris Flava gravissima.

*Q.* Nonne Febris Flava Continua esse putata est?

*R.* Natura ejus fere adeo gravis est, ut paroxysmi inter sese appropinquent, et signa parum sese remittant; hinc Continuae simillima est.

*Q.* An febris Flava contagiosa est?

*R.* Si haec febris affinis est febri Intermittenti, et Remittenti, et si inter omnes constat eas febres non esse contagiosas, ne febrem flavam quidem contagiosam esse patet.

*Q.* Nonne vero experientia medicorum nos docuit hanc febrem esse contagiosam?

*R.* Exempla innumera Febris Flavae eādem

anni tempestate eodem in loco inciderunt; et eadem febris, etiamsi causa ejus submota esset, alios homines implicare solita est: et continuatio ejus in contagio niti videbatur. Sed homines ea febre implicita intra provinciam causae excitantis erant, vel, si haec submota erat, typus febris in *Typhum effluviis humanis quodammodo mutatus est.*

*Q.* An febris Intermittens vel Remittens in *Typhum* convertatur?

*R.* Certe, ita accidat, ut Intermittens et etiam Remittens, causis *Typhi* objectae, naturam hujus continuam et gravem induerint.

*Q.* Quae causae praecipue typum febrium mutant?

*R.* Aër effluviis e corpore humano emissis onustus febres generis Intermittentis adeo afficit, ut formam sibi propriam amittant, continuam assumant, et facillime contagio communicari possint. Contra, miasmata paludum *Typhum* ita afficiunt, ut typhum Intermittentem vel Remittentem sibi assumat.

*Q.* An igitur mutatione typi rationem explicare velis, quare Febres Flava in sua natura non contagiosa aliis hominibus communicari possit?

*R.* Maxime; et ratio talis iis, qui aequo animo in hanc rem inquirant, certe satisfaciat.

*Q.* Quid hoc ei medicinam in regionibus paludosis facienti suggerit?

*R.* Plane ostendit febres Intermittentes et Remittentes ventilatione justa et munditie prohiberi posse, quo minus alios homines contagio invadant.

*Q.* Quis typus generis Intermittentis maxime vulgaris est?

*R.* Febris Tertiana, dein Quartana, et tum Quotidiana in ordine frequentius accidunt.

*Q.* Nonne alii typi praeter hos interdum videntur?

*R.* Certe, alii interdum, sed perraro quidem, circuitu multo longiore redeunt; *in tribus prioribus tamen et morbi sunt, et medicina.*

*Q.* Quo modo definitur *Tertiana*?

*R.* "Paroxysmi similes intervallo quadraginta octo circiter horarum: accessionibus meridianis."

*Q.* Nonne *Tertiana duplex aliquando est, quomodo eam Quotidiana dignosceres?*

*R.* *Tertiana interdum adeo intendant causā excitante gravi, ut paroxysmus ejus quotidie redeat; caeterū paroxysmi alternis diebus, quibus incipiebant, pares sunt: interpositis diebus impares.*

*Q.* *Quae definitio *Quartanae* est?*

*R.* "Paroxysmi similes intervallo septua-

ginta duarum circiter horarum : accessionibus pomeridianis."

*Q.* Quomodo definitur *Quotidiana* ?

*R.* " Paroxysmi similes intervallo viginti quatuor circiter horarum : paroxysmis matutinis."

*Q.* Quae ratio est, quôd febris modo tertiana, modo quartana, et modo quotidiana sit ?

*R.* Illud est difficillimum explicatu ; proclivitatem vero ad motus periodicos servandos oeconomiae animali esse putatum est. Sed fortasse de causae excitantis malignitate potissimum pendeat.

*Q.* An accessio paroxysmi ab apýrexia eidem causae attribuenda est ?

*R.* Ad quotidianos circuitus oeconomiae animalis imputata est ; sed potius fortasse naturae febris peculiari, quae certo paroxysmo et certo spatio intermissionis vel remissionis gaudet, quibus ab omnibus aliis morbis distinguatur, attribui debeat.

### *De Causis Excitantibus.*

*Q.* Quae causa excitans est febris Intermittentis et Remittentis ?

*R.* Miasmata e locis paludosis, vel e vegetabilibus putridis, orientia in aëre volitant, in pulmones simul cum spiritu trahuntur, et mo-

do adhuc incognito hanc febrem peculiarem movent.

*De Causis Praedisponentibus.*

*Q.* Nonne illa miasmata alio homines, sed non alios, in eadem regione degentes afficiunt?

*R.* Quidam huic febri multo magis proclives sunt, quam alii, eoque facilius implicantur.

*Q.* Quae causae corpori proclivitatem dant ad hanc febrem facile recipiendam?

*R.* Languor, lassitudo, et debilitas, ex quibusunque fontibus oriantur.

*Q.* Qui fontes sunt debilitatis, quae causa febris praedisponens habeatur?

*R.* Fatigatio; intemperantia cujuscunque generis; venus nimia; vigilia; studium nimium; affectus animum deprimentes, sicut timor, horror, et moeror; plus minusve debilitatis in corpore movent.

*De Diagnosi.*

*Q.* Quibus notis febrem Intermittentem et Remittentem ab aliis distinguere possumus?

*R.* Accessione et decessione febris, et apyrexia, Intermittens; remissione signorum certis temporibus diei, et accessione iterum, Remittens dignoscenda est. Situs aegri quoque

an paludosus, an in arbusto folioso, an excelsus, in diagnosin statuendo auxiliatur.

Q. Nonne Febris Continua remissiones et exacerbationes ostendit?

R. Certe, Febris Continua vespere plerumque intenditur, et multo mane se remittit: sed illae remissiones et exacerbationes multo minus notabiles, quam Intermittentis, aut etiam Remittentis, sunt.

### *De Prognosi.*

Q. Quae notae prognosin faustum fore indicant?

R. Si paroxysmus tempus ejus assuetum occupat; si stadia ordinata sunt; si apyrexia sive intermissio paroxysmum sequitur, prognosin feliciter: sin autem signa omnia graviora et paululum inordinata sunt; et si non intermissio, sed remissio tantum paroxysmo succedit, prognosin adhuc felicem, etiamsi multo magis periculosam, praedicere licet.

Q. Quae notae prognosin infaustum fore ostendunt?

R. Incitatio corporis, sive diathesis phlogistica alta; respiratio difficilis; anxietas magna febrilis; sensus doloris urentis, vel plenitudinis, vel gravitatis in quadam parte internâ; delirium, vel coma; paroxysmus adeo pro-

tractus, et remissio adeo levis, ut febris continuae similis videatur; praecipue si vomitus perpetuo urget; et si flavedo cutis et oculorum adest, prognosis erit infaustissima.

*De Curatione Febrium Intermittentium et Remittentium.*

*Q.* Quae sunt consilia medendi?

*R.* Paroxysmum ita temperare, ut celerius absolvatur: secundo, spatio intermissionis corpus, praecipue vero genus nervosum, ita firmare, ut accessio paroxysmi prohibeatur.

*Q.* Ad consilium primum implendum, quid in *stadio primo* faciendum est?

*R.* Stimulantia tempore frigoris utilissima sunt, sicuti potus calidus cum aromaticis, zingibere nimirum, cinnamomo, lauro cassia, pipere, et similibus; haud multum tamen potus hujus semel porrigendum est, quanquam enim sitis vehementer urgeat, ventriculum debilem nimis distendat, molestiam et vomitum perpetuum moveat. Calor extrinsecus applicatus, balneum calidum, si in promptu est; lodices laneae; massa ferrea, ad lintea laevigandum, calefacta, panno laneo involuta, et ad regionem ventriculi et praecordia, quam calidissime applicata, auxiliis optimis sunt.

*Q.* Quae alia praeter haec stadio frigoris conveniunt?

*R.* Multus inter medicos in usum venit emetica adhibere, ut eorum impetu stadium frigoris brevius reddant, idque caloris festinent; vomitio tamen spontanea huic stadio fere accidit, quae consilio emeticorum respondeat. Compressio arteriae humeralis, et femoralis laterum alternorum per horae quadrantem ex usu fuit ad stadium caloris festinandum. Frictio etiam cum panno laneo quam calidissimo utilis est.

*Q.* Quae in *stadio secundo* seu *caloris facienda* sunt?

*R.* Primo, incitationem corporis nimiam temperare oportet; deinde sudorem accelerare. Cum primum calor naturalis fit, potus frigidus ad libitum adhibendus est; et lecti experimenta minuenda; si calor longe supra modum surgit, affusio frigida, et postea dosis Tincturae Opii ad guttas triginta violentiam paroxysmi frangunt: quod si diathesis phlogistica altissima evasit; et si molestia, vel dolor intus plurimum vexat, sanguis pro re nata prius mitten-dus est; deinde affusio frigida, et haustus ex Tinctura Opii repetantur, si opus est. Aër liberè debet admitti in aegri cubiculum.

*Q.* Quid in *stadio tertio sive sudoris* faciendum est?

*R.* Nihil, nisi diluentia blanda et frigida copiose adhibeamus.

*Q.* Quid tempore intermissionis fieri debet, quo corpus adeo firmare, ut redditum paroxysmi prohibere possimus?

*R.* Si febris Tertiana est, melius est ducere alvum statim post paroxysmum; deinde pulveris Cinchonae officinalis scrupulos duos, cui addantur pulveris zingiberis, pulveris Rhei, utriusque grana sex, pro dosi adhibere; et tertia quaque horâ ad tempus solitum usque accessionis repetere: haec dosis saepius vel rarius pro spatio intermissionis, et pro statu ventriculi, et cum vel sine pulvere Rhei pro re nata, sumatur.

*Q.* An necessarium est, ut pulverem Cinchonae per totam intermissionem, vel per paucas horas solummodo ante accessionem expectatam adhibeamus?

*R.* Illud multum de conditione ventriculi penderet; nam, si nausea adsit, tantum cinchonae partitis vicibus, quantum ventriculus ferre possit, ante tempus, quo expectetur paroxysmus, sumendum est.

*Q.* Quod si ventriculus ita irritabilis est, ut

vix aliquid pulveris Cinchonae retineat, quid fieri debet?

*R.* Infusi Cinchonae uncia cum semisse pro dosi, vel quantum ventriculus ferat sine fastidio, alterā quāque horā sumatur; vel Decocti Cinchonae unciae duae adhibeantur, et pro statu ventriculi repetantur. Interdum Tincturae Cinchonae semuncia, et Tincturae Opii guttae quindecim, singulis Infusi vel Decocti dosibus addantur ad irritabilitatem ventriculi sedandam.

*Q.* Nonne est praeparatio recens Cinchonae in usu hodierno?

*R.* Ita, *Quinini Sulphas*, quae virtutes omnes Corticis salutiferas possidet, nauseam et vomitum vix unquam ciet, et propter molem exiguum pro dosi ventriculo semper facile retinetur.

*Q.* Quae est dosis ejus?

*R.* *Quinini Sulphatis* grana duo ter quaterque in die exhiberi debent.

*Q.* An curatio febris Remittentis eadem est?

*R.* Plerumque eadem est, sed saepius affusionem frigidam, vel detractionem sanguinis in stadio calido postulat; quibus remissio haud raro in intermissionem convertatur; et tempore remissionis tantum Cinchonae adhibendum est, quantum ventriculus recipiat. Im-

primis hic utile est addere Cinchonae id pulveris vel Tincturae Rhei, quod ad alvum facilem et solutam reddendum necessarium sit.

Q. An Cinchona semper paroxysmum Intermittentis prohibere pollet?

R. Non; casus subinde accidunt, qui curari Cinchonā recusant; his vero Liquor Arsenicalis Doctoris Fowler plerumque bene respondet. Hic vix unquam spem medici fallit, ubi illa diu frustra adhibita erat.

Q. Quae dosis est Liquoris Arsenicalis?

R. Guttae ejus octo adhibeantur ter in die; et doses singulae guttā unā quotidie augeantur ad quindecim vel octodecim usque, vel plures, si ventriculus commode ferre possit.

Q. An Cinchona et Liquor Arsenicalis omnes febres Intermittentes, quibus exhibeantur, curant?

R. Sunt febres, quae et illi et huic obsistunt, sed certe rarissimae.

Q. Nonne alia medicamenta ad paroxysmo obsistendum usurpata sunt?

R. Certe; tonica et amara, sicuti, calumba, angustura, cascilla, gentiana, anthemis nobilis, sulphas zinci, et sulphas ferri: horum autem effectus multo magis incerti sunt, quam illorum.

*De Curatione Febris Flavae.*

*Q.* An curatio Febris Flavae eadem est?

*R.* Non; signa ejus febris gravissima sunt, et, nisi remediis potentissimis tempestive superentur, aegrum e modio citò tollunt. Summis viribus igitur nostris operam dandum est, ut febrem hanc debellemus, et submoveamus.

*Q.* Enumera mihi signa Febris Flavae urgentia.

*R.* Capitis dolor vehemens est; facies rubet; oculi sunt rubri, ignei, et subhumidi, cum hebetudine visus, et intolerantia lucis; calor morbidus maximus; dolores subito per regionem ventriculi transverse tendunt; vomitus bilis perpetuus; pulsus frequens; delirium vel coma fere, adsunt.

*Q.* Nonne stadium frigoris ea signa antecedit?

*R.* Plerumque, sed adeo breve est interdum, ut aegri attentionem vix capiat.

*Q.* Annon flavedo cutis fere adest?

*R.* Raro inter signa primaria est, sed fere secundo tertiove die febris accedit.

*Q.* Quid eam incitationem nimiam corporis superare faciendum est?

*R.* Inter initia Febris Flavae, cum incitatio corporis altissima est, detractio sanguinis co-

piosa ad uncias triginta, quadraginta, vel etiam plures, remedium est primum et efficacissimum ; si deliquum animi incidit, melius est : et si intra paucas horas diathesis phlogistica iterum altissima surgit, sanguis iterum ad syncopen vel ad uncias triginta detrahendus est, ut vires pulsuum superentur, et determinatio sanguinis injuriosa in partes internas minuantur : et quoties redit incitatio corporis nimia, toties sanguis pro viribus aegri et gravitate morbi detrahatur.

*Q.* Quid praeter detractionem sanguinis ad diathesin phlogisticam minuendam opus est ?

*R.* In stadio frigoris, si evidens est, medicamentum purgans adhiberetur ; et, post primam sanguinis missionem, repeteretur, si opus est ad alvum tenendam valde solutam ; et tum caput abradatur, et congii duo tresve aquae quam frigidissimae tarde super caput affundantur, quum primum incitatio nimia iterum surgit ; deinde aegrotans linteolo, aqua frigida et aceto madefacto, circum tempora circumdato in lectum ponatur : et, si adhuc dolor capitis vehemens perstiterit, summo capiti Emplastrum Cantharidis Vesicatoriae amplum imponatur.

*Q.* Annon *Quinini Sulphas* bonum auxilium praeberet ?

*R.* Ita, post sanguinis missionem, et affusionem frigidam, Quinini Sulphas dosibus exiguis iteratis exhiberi debet.

*Q.* Nonne calesceret corpus?

*R.* Certe stimulat, sed effectus ejus salutiferi genus nervosum ita imprimunt, ut febrem cito resolvant, et salutem restituant.

*Q.* Nonne Hydrargyrus summas laudes in curatione Febris Flavae adeptus est?

*R.* Summas quidem laudes.

*Q.* Quomodo Hydrargyrus adhibitus est?

*R.* Submuriatis Hydrargyri grana quinque singulis horis intrinsecus data sunt; dum multum Unguenti Hydrargyri Fortioris per totum corpus extrinsecus infricatum est, ut quam primum effectus ei proprii excitarentur.

*Q.* Quomodo agit Hydrargyrus in curatione efficienda?

*R.* Alvum vehementer dicit, omnesque secretiones et excretiones, praecipue salivae fluxum promovet: effectibus ejus purgantibus vero febrem minuere videtur.

*Q.* An curatio saepe fluxum salivae subsequitur?

*R.* Saepe, sed difficillimum est corpus Hydrargyro ita afficere, ut salivam copiosè effundat; irritabilitas enim ventriculi plurimum ejus cito rejicit, et mors subita et immatura

instat, aegrumque infelicem saepe permit priusquam effectus Hydrargyri appareant.

**Q.** Consideresne Hydrargyro solum ad Febris Flavae curationem?

**R.** Non, verum id factum est, utique perperam, ni fallor; Hydrargyrus auxilio bono est, sed remedio unico parum confidendus: nam gravitas morbi praesentem potentemque oppugnationem desiderat, veluti detractionem sanguinis copiosam et repetitam; et affusio nem frigidam, ut jam dictum est.

**Q.** Nonne debilitas maximè metuenda est?

**R.** Maxime quidem intra tres quatuorve dies, si parum aut nihil ad curationem factum esset.

**Q.** Quae signa sunt debilitatis instantis?

**R.** Coma; vomitio materiae atrae urgens; pulsus frequentissimus et debilissimus; languor generalis; sudor glutinosus; lingua sicca et nigra; petechiae; vibices; haemorrhagiae.

**Q.** Nonne tales exinanitiones jam memoratae debilitatem augent?

**R.** Effectum ex toto contrarium habent, nam incitationem corporis nimiam reprimunt, quae vel inflammationem incitet, vel aliter viscera, in quibus vita nititur, perdat impetu sanguinis vehementissimo. Observandum est tamen, quòd illae exinanitiones sanguinis

multo minus periculi, quam morbus, offerant; et quod si non intra horas quadraginta octo ab initio stadii calidi factae sint, nimis sero veniant, et tum, quod verisimillimum est, inefficaces erunt.

*Q.* Dic mihi amplius de his remediis et debilitate.

*R.* Debilitas naturaliter actiones vehementes sequitur, utpote consequentia necessaria, et, nisi ei repugnetur atque obsistatur, inevitabilis. Debilitate ingruente, aeger ebrioso similis apparet, et vires vitae subsidunt. Exinanitiones nunc pro tempore allevent, sed in summum nihil ad curationem valeant.

*Q.* An haec Febris Flava remissionem post ea remedia idonea ostendit?

*R.* Absque remediis continua perstat: cum remediis vero idoneis remissionem insignem, etiamsi interdum primo brevem ostendit; sed sanguinis missio et catharticum repetita eam et longiorem et evidenter reddunt.

*Q.* An curatio post remissionem eadem est, ac remittentis?

*R.* Ita, eadem est postea.

## COLLOQUIUM TERTIUM.

## DE FEBRIBUS CONTINUIS.

*Q.* Quae definitio est febrium continuarum?

*R.* "Febres, sine intermissione, nec miasmate paludum ortae, sed cum remissionibus et exacerbationibus, parum licet notabilibus, perstantes; paroxysmis quovis die binis."

*Q.* Quot genera sunt earum febrium?

*R.* Tria; *synocha*, *typhus*, et *synochus*.

*Q.* Nonne Pestis locum inter febres continuas haberet?

*R.* Celeberrimus Cullen, Pestis ad Exanthematum, an ad febrium ordinem referri debat, dubitabat; nobis quidem ut in Ordine Febrium ei locus esset videtur.

*Q.* Quo nomine Pestis designari debet?

*R.* Nominetur *Typhus Pestifera*.

*Q.* Quis videtur esse ordo idoneus febrium continuarum?

*R.* *Synocha*, *synochus*, *typhus*, et *typhus pestifera*, seriem secundum earum violentiam constituunt.

## DE SYNOCHA.

*Q.* Quomodo *Synocham* definis?

*R.* "Calor plurimum auctus ; pulsus frequens, validus, et durus ; urina rubra ; sensorii functiones parum turbatae."

*Q.* Quae signa sunt praecipua Synochae ?

*R.* Ab horrore, languore et lassitudine, dorsi et lumborum doloribus, nauseâ, anorexiâ, vomitu, incipit ; deinde calor major majorque fit ; agitatio ; sitis ; anxietas febrilis, accedunt ; tum cutis admodum calescit ; pulsus ut in definitione frequens, validus, et durus, evadit ; vultus et oculi rubescunt, turgentque ; lucis et soni intolerantia adest ; caput vehementer dolet, et denique incitatio corporis altissima fit saepe cum delirio.

### *De Causis Excitantibus.*

*Q.* Quibus ex causis oritur Synocha ?

*R.* In regionibus tropicis plerumque ex insolatione ; in frigidioribus, e frigore ; vel e contagio, ut in Exanthematis ; atque ubique terrarum, ex intemperantiâ, oritur.

### *De Causis Praedisponentibus.*

*Q.* Quae causae proclivitatem huic febri dant ?

*R.* Habitus plenus sive plethoricus aliquo modo infirmatus, sicuti inedia, aestu, vigilia,

et fatigione, corpus ad Synocham admodum proclive reddit.

*Q.* Haec sine febris idiopathica frequentior, an symptomatica est?

*R.* Idiopathica est plerumque in regionibus tropicis, in aliis autem symptomatica frequentior est.

### *De Diagnosi:*

*Q.* Quomodo Synocham primo aliis febribus dignosceres?

*R.* Accessio subita signorum gravium; fervor corporis ingens; plenitudo et vultus oculorumque rubor; et praecipue pulsus validus, durusque, Synocham indicant.

### *De Prognosi.*

*Q.* Quae Synochae prognosis est?

*R.* Si signa subito gravia fiunt, si vires multum imminuntur, si impetus sanguinis caput versus, aliamve partem internam maximus est, prognosis dubia est, et caute dicenda: sin autem res se melius habent, idoneisque remediis cedunt, fausta pronuncietur.

### *De Curatione.*

*Q.* Quae curatio est! *Synochae Idiopathicae?*

*R.* Missio sanguinis, postquam incitatio corporis nimis alta facta est, copiosa ad vires pulsuum usque minuendum ; et si incitatio nimia redit, mittatur sanguis iterum pro violentia signorum, et viribus aegri ; purgantia ; diluentia ; refrigerantia, et emplastra vesicatoria, pro re nata adhibenda sunt.

*Q.* Quae Purgantia adhiberes ?

*R.* Dosis medicamenti purgantis, veluti, pulveris Convolvuli Jalapae scrupulus, Submuriatis Hydrargyri granis quinque mistus ; vel pulveris Jalapae compositi drachma ; vel Sulphatis Magnesiae, aut Phosphatis Sodaee, uncia sumatur, et post horas tres repetatur, si opus est ad alvum ducendam.

*Q.* Quae ratio est Purgantium ?

*R.* Purgantia in dose plena ita repetita, ut diarrhoeam atque nauseam excitant, vires pulsuum minuunt, ad intestina versus humores multo magis copiosos derivant, eoque febrem allevant.

*Q.* Quando Vesicatoria adhiberes ?

*R.* Impetus sanguinis, cum in cerebrum maximus est, delirium, vel comam ; cum in pulmones, respirationem difficilem, excitat : Emplastrum Vesicatorium, crinibus rasis, in summum caput, vel in sternum, impositum, ex usu maximo est.

*Q.* Quae ratio est Vesicatorii ?

*R.* Emplastrum Cantharidis Vesicatoriae partem, cui imponatur, stimulat, humores sibi attrahit, circuitum sanguinis ibi faciliorem et magisaequalem reddit, eoque partem internam levat laborantem.

*Q.* Quae Refrigerantia et Diluentia optima esse videntur ?

*R.* Affusio frigida more Doctoris Currie pro re nata repetenda ; et aër in cubiculum libere admittendus ; potusque frigidus, praesertim aqua ; vel aqua hordeacea, vel avenacea, vel ptisana, acidoimbuta, adhiberi debet ; et haustus salinus omni tertia vel quarta hora repetitus, halitum cutis promovet, corpusque aliquantulum refrigerat.

#### DE SYNOCHO.

*Q.* Quae est definitio *Synochi* ?

*R.* " Morbus contagiosus. Febris ex synocha et typho composita, initio synocha, progressu et versus finem typhus."

*Q.* Enumera mihi breviter *indicia Synochi*.

*R.* Signa primis diebus eadem sunt ac synochae, de quibus jam mentio facta est ; prae-  
gressis nimirùm languore, lassitudine, aliisque

signis debilitatis, incitatio corporis nimia vires vitae exhaustit, cietque plus minusve debilitatis pro gradu ejus ; hinc pulsus frequentissimus et admodum debilis, delirium murmuratione comitatum ; vel coma ; lingua sicca, nigra, et fissuris plena ; dentes crusta subnigra obducti ; cutis arida et calida ; inquietudo generalis ; auditus, visusque defectus ; tinnitus aurium ; et subsultus tendinum, accedunt.

### *De Causis Excitantibus.*

*Q.* Quae causae Synochum excitant ?

*R.* Frigus corpori fatigato et exhausto subito applicatum ; vel effluvia e corpore humano emissa ; contagium ex alio febre laborante aliis directe per aera, vel per fomites, transmissum ; causae excitantes Synochi esse videntur.

### *De Causis Praedisponentibus.*

*Q.* Quae corpus iis causis excitantibus affici magis opportunum reddunt ?

*R.* Debilitas, et exinanitio.

*Q.* Quibus rebus oritur talis debilitas ?

*R.* Aer inquinatus ; diaeta tenuis et parca, vel e rebus parum nutrientibus constans ; obstipatio ; exinanitiones nimiae ; affectus animalium deprimentes ; venus immodica ; studium

nimum, vigilia, et fatigatio; corpus totum infirmant, et febri obnoxium reddunt.

*De Diagnosi.*

**Q.** Quomodo distingueres Synochum a Synocha aliisque febribus?

**R.** Primo, signis omnibus paululum lenioribus; deinde accessione notarum ex debilitate ingruente, a Synocha: sub initio signis gravioribus, doloribus vagis et Catarrho saepius comitantibus; deinde debilitate minore, a Typho; et Synochus continua et contagiosa facie ab Intermittentibus, distinguatur.

*De Prognosi.*

**Q.** Quae signa prognosin faustam esse ostendunt?

**R.** Si signa remediis idoneis cedunt; si nihil delirii vel comae adest; si pulsus tardior et firmior; si calor minor; si sitis moderatior; si lingua mundior; et os humidius evadit, bonum est.

**Q.** Quae notae prognosin infaustam declarant?

**R.** Si delirium vel coma adest; si pulsus intermittens et inordinatus; si vires plurimum imminutae; si anxietas febrilis maxima; si calor morbidus altissimus; si subsultus tendi-

num ; si motus omnes tremoribus gesti ; si pervigilium ; si visus est imminutus ; si singultus multum vexat ; si floccos aeger in lecto legit carpitque ; si supinus jacet ; et si vix devorare potest ; prognosis infaustissima est.

### *De Curatione.*

*Q. Quae consilia sunt curationis ?*

*R. Tria ; febri obsistere, si fieri potest ; secundo, si non, eam temperare atque minuere ; et tertio, signa aliqua molesta cursu morbi submovere.*

*Q. Quibus remediis febri occurrere possumus ?*

*R. Missione sanguinis ; vomitu ; affusione frigida ; purgantibus ; et diaphoreticis.*

*Q. An sanguinem mitteres in Synocho, qua debilitas cito accedit ?*

*R. Si calor morbidus ingens est ; si pulsus frequens, parvus, et potius durus ; si anxietas magna febrilis ; si impetus sanguinis caput versus maximus est, quem indicant rubor oculorum, et totius vultus ; arteriae temporales vehementer pulsantes ; et capitis dolor vel delirium ; sanguinem ad uncias quindecim vel viginti mittere sine dubio utilissimum est ; et repetere, si opus sit.*

*Q. Nonne illa debilitatem festinaret ?*

*R.* Si detractio sanguinis signa febris urgen-  
tia minuit, eamque cedere aliis auxiliis cogit,  
debilitatem prohiberet; nam nihil, nisi febris,  
incitationem corporis nimiam movet, quae in-  
vicem celeriter infirmitatem plurimam infert,  
viresque exhaust.

*Q.* Quo ordine alia remedia ad febri occur-  
rendum adhibenda sunt?

*R.* Affusio frigida calorem corporis minuit,  
pulsusque etiam minus frequentes minusque  
duros efficit; deinde vomitus impetu, quem  
corpori dat, circuitum sanguinis magis aequa-  
lem, secretionesque omnes expeditiores copio-  
sioresque reddit; tum, ventriculo quieto, me-  
dicamentum purgans, sicuti, Submuriatis Hy-  
drargyri grana sex cum Pulveris Antimonia-  
lis granis tribus, sumatur: aeger postea fere  
in somnum inclinat, e quo haud raro conva-  
lescens expergiscitur.

*Q.* Quae methodus est Affusione Frigida  
utendi?

*R.* Aeger e cubili prolatus in dolium ponan-  
tur, superque ejus caput et humeros congii  
duo tresve aquae frigidae caute fundantur;  
deinde ille bene fricitur sicc urque ante cu-  
bitum redeat; et quoties calor animalis longe  
supra modum surgit, toties repetatur affusio.

*Q.* Annon Affusio eo modo adhibita stimu-

lum corpori dat, quo actio multo major, quam antea, sequitur, periculumque auget?

R. Affusio frigida eo modo usurpata certe corpus stimulat ad actiones fortiores exercendum; sed calor animalis morbidus, si non prius ingens erat, Affusione adeo imminutus, ut non, nisi post quasdam horas, redeat ad pristinum gradum, et cum supra modum surgit, Affusio repetita eum superabit.

Q. Affusio frigida sic adhibita bene Typho convenit, qua incitatio corporis haud altissima ei cedit; an autem aequa Synocho conveniret, qua incitatio sive diathesis phlogistica primis diebus gravissima est?

R. Non aequa; in Synocho enim si signa sub initio gravissima superare nequit, contra, exasperat; hinc fortasse ratio sit, cur Affusio spes medicorum clari nominis refellerit, qui auxilium hoc potentissimum immerito negligunt.

Q. Quomodo igitur Affusio frigida adhiberi debet, ut incitationem corporis altam primis diebus Synochi minuat?

R. Affusio frigida et lavatio vicissim semel per sextam vel quartam horae partem continuanda sunt, vel etiam diutius, usque dum maxilla inferior ita tremit, ut dentes sonum edant eodem modo, ac frigore hiemali incidit.

Quum primum aeger invitus dentibus frendet, sedulo siccandus est, et in lectum ponendus, pedibus, si frigidi sunt, panno laneo calido involutis.

*Q.* An tutum est aegrotantem aëri nudum exponere per spatium temporis ita longum?

*R.* Experientia nos docuit tutissimum esse ad hanc metam usque; sed trans eam periculosum.

*Q.* Quam metam, seu limitem, intelligis?

*R.* Tremores, quibus dentes utriusque maxillae sese feriant, ut ex frigore hiemali.

*Q.* Nonne illa nota in errorem ducere possit?

*R.* Non; index enim est certissimus caloris imminuendi animalis, citra hunc affusio et lavatio frigida sine periculo exerceantur; nam quanto minus gradum naturalem calor morbus superat, tanto citius dentes tremoribus maxillae sonum edunt: et contra, quo altior ille, eo serius hi sese feriunt.

*Q.* Quod si signa gravia non affusioni et lavationi frigidae cedant, quid faciendum est?

*R.* Iis casibus paucas sanguinis uncias e vena abstrahere expedit, ut incitatio corporis alta caeteris auxiliis cedat.

*Q.* An emetica repetere in decursu morbi convenit?

*R.* Raro, unum aut alterum primis diebus plerumque satis est.

*Q.* An diluentia frigida vel tepida porrigeres?

*R.* Frigida; veluti aqua fontana; vel aqua acido leniter tincta; multaque alia blanda sunt porrigenda: fructus maturi, aquosi, et subacidi, grati sunt, et refrigerantes.

*Q.* Quid de purgantibus dicis?

*R.* Medicamentum purgans primo bis terve plena dose adhibeatur; deinde partitis vicibus ita, ut alvum facilem teneat.

*Q.* Nonne omnes stimulos ab aegro amovere oportet?

*R.* Certe; omnia, veluti lux, sonus, calor, loquela, motus; et affectus animi, caute per totam febrem, praesertim primos dies, amovenda sunt.

*Q.* Annon interdum Anodyna ad stimulos et irritationem superandum necessaria sunt?

*R.* Opium, Hyoscyamus, Camphora, Æther, et caetera ejusmodi, data sunt; sed quamdiu incitatio corporis nimis alta remanet, illa vix, aut ne vix quidem, somnum inducere valent. Affusio frigida, incitatione morbida imminuta, fere officio perfungitur anodyni, et favet quieti.

*Q.* Nonne Anodyna igitur febribus utilia sunt?

*R.* Diathesi phlogistica superata, Opii puri granum, vel Tineturae Opii guttae triginta, hora somni summo cum commodo adhibeantur; Camphorae vel Extracti Hyoscyami grana tria eidem consilio respondeant.

*Q.* Suntne alia remedia, quae in curatione Synochi usurpata sunt?

*R.* Multa alia in progressu morbi utilia sunt, sed de iis postea, cum ad curationem Typhi ventum est, colloquemur.

#### DE TYPHO.

*Q.* Quae est *definitio Typhi*?

*R.* "Morbus contagiosus; calor parum auctus; pulsus parvus, debilis, plerunque frequens; urina parum mutata; sensorii functiones plurimum turbatae; vires multum immunitae."

*Q.* Quot species seu varietates Typhi sunt?

*R.* Duae; *Typhus gravior*, et *Typhus mitior*.

*Q.* Quibus in rebus illae species inter se differunt?

*R.* *Typhus gravior* apud initium incitatem corporis Typho mitiore minorem, ostendit; et postremo ille multo magis pronus, quam hic est, in putredinem humorum, ut dicitur, abire, genus nervosum potissimum afficit.

*Q.* Enumera mihi *signa Typhi mitioris*?

*R.* Sensus frigoris; nausea; languor et lassitudo; dolores vagi; deinde sensus caloris cum frigore saepe alternat; capitis dolor; oculi graves, subhumidi, et hebetes; vomitus; animus demissus; vires plurimum imminutae; pulsus debilis et frequens; tum, rigoribus cessantibus, calor remanet, et brevi tempore supra naturam surgit; sitis; anxietas multa; suspiratio; respiratio difficilis et frequens; tum arteriae temporales fortiter micant; oculi rubescunt; capitis dolor vehe mens, et delirium, accedunt; alvus astricta est; lingua sicca, cui dentibusque saepius crusta sibnigra adhaeret; dolor in epigastrio est: denique incitatio modica debilitati summae cedit, quae petechiis, maculis, vibicibus, et aphthis interdum, comitatur.

*Q.* Quae signa sunt *Typhi gravioris*?

*R.* Signa prope eadem, ac quae jam dicta sunt, sed multo graviora; calor modo parum, modo plurimum auctus; confusio idearum; et delirium mussitans; sitis moderata; tremores artuum; et subsultus tendinum; coma; sudor frigidus; et diarrhoea, haud raro apparent.

### *De Causis Excitantibus.*

*Q.* Quae causae Typhum excitant?

*R.* Effluvia e corpore humano emissa, seu

contagium praecipue ; et interdum, etiam si raro,  
frigus humori junctum.

*De Causis Praedisponentibus.*

*Q.* Quae causae corpus ad Typhum proclive  
reddunt ?

*R.* Quaecunque corpus debilitent ; sicuti fa-  
tigatio ; diaeta nimis parca ; intemperantia om-  
nigena ; aēr impurus ; alvus astricta ; affectus  
animum deprimentes ; et morbi praeeuntes.

*De Diagnosi.*

*Q.* Quomodo diagnosin statueres inter Ty-  
phum aliasque febres ?

*R.* Gravitate signorum solummodo ; prae-  
sentia debilitatis ineunte quidem morbo ; et  
genere nervoso plurimum laborante, Typhus  
dignoscitur.

*De Prognosi.*

*Q.* Quae signa periculum indicant ?

*R.* Si debilitas maxima est ; si oculi fixi et  
rubri ; si vox mutata ; si pervigilium ; si visus  
defectus ; si tremores linguae et manuum  
magni ; si subsultus tendinum ; si crusta sub-  
nigra linguam et dentes tegit ; si delirium,  
praecipue coma ; si nausea urget ; si vix de-  
vorare potest ; si singultus ; si petechiae livi-

dae ; si alvus tumida est ; si faeces et urinam inscius reddit ; si supinus ore aperto cubat ; vel si secum mussitat ; prognosis infaustissima est, et mors in propinquuo.

*De Curatione.*

*Q.* Quae sunt consilia medendi ?

*R.* Impetum febris rumpere eique occurrere : secundo, eam temperare : et tertio, signa urgentia mitigare.

*Q.* Quibus rebus consilium primum conficiendum est ?

*R.* Sub initio, cum frigus per totum corpus percurrit, et alia debilitatis signa adsunt, medicamentum, quod primo vomitum plenum moveat, dein alvum liberè ducat, saepe febrem ex toto discutit. Hoc faciunt Tartratis Antimonii grana quatuor, in aquae unciis sex soluta ; cuius aegrotans vespere dimidiā capiat, et tertiam horae partem post reliquum, nisi prius vomuerit.

*Q.* Quod si vomitus et alvi ductio non febrem discutiant, quid fieri convenit ?

*R.* Si corpus supra consuetudinem incaluit ; et si impetus sanguinis caput versus magnus est ; et capitis dolor, et sitis urgent ; corpori nudo affundere aquam egelidam, dein id hac bene lavare convenit, dum dentes utriusque

maxillae usque se feriunt, ut frigore hiemali incidit; post affusionem quietus irrepit somnus, et hælitus cutis generalis per omnia membra plerumque diffunditur.

Q. An alia necessaria sunt?

R. Ventilatio libera; potus frigidus et blandus ad libitum; fructus aquosi et aciduli; alvus facilis, prosunt: stimuli vero externi, sicuti lux, sonus, calor; interni, veluti sitis, potus calefacientes, affectus animi hilares, diligenter submovendi sunt.

Q. Nonne *haustus Anodynus* hora somni utilis est?

R. Incitatione corporis superata, haustus ex Tincturae Opii guttis triginta, et aquae menthae unciā, horā somni irritabilitatem sedat, somnumque gratum inducit: et, morbo inclinato, Emulsionis Camphoratae, aquae, utriusque unciae tres, quibus Carbonatis Magnesiae drachma cum semisse addatur, misceantur, cuius Misturae febricitans uncias duas ter in die sumat, irritationem minuendi causa et quieti jucundae favendi.

Q. Quibus rebus signa inordinata, quae progressu morbi vexant, debellanda mitigandaque sunt?

R. Lavatio capitis saepe aquâ frigidâ et accepto dolorem ejus ferè minuit; si non, Emplas-

trum Cantharidis Vesicatoriae summo capiti, vel nuchae, applicatum, eum mitigat : si dolor pectoris urget, Vesicatorium fere eum tollit ; si tussis, Misturae Mucilaginosae cum paulo Tincturae Hyoscyami, vel Opii, cochleare subinde fere ei occurrit : si nausea et vomitus, aēr apertus, et Haustus Salinus Effervescent, bene respondent ; si diarrhoea, Electuarii Catechu grana decem, aut quindecim, aut plura, si opus est, ei obsistunt ; si sudor frigidus et infirmans, pulveris Cinchonae Officinalis semidrachma, cum Acidi Sulphurici Aromatici guttis viginti in cyatho aquae frigidae, bis terve in die, sumatur cum maximo commodio.

*Q.* Sub fine Typhi nonne *stimulantia* idonea sunt ?

*R.* Postquam incitatio corporis nimia immunita est ; et cutis arida, delirium cum murmuratione, et agitatio adhuc existunt, et in debilitate potissimum niti videntur ; vinum rubrum partibus aquae duabus mistum adhibetur ad cyathum omni tertia hora ; si aegro gratum est, repetatur, et sensim augeatur ad libram vini meracis usque intra horas viginti quatuor. Ex omnibus stimulantibus optimum est vinum.

*Q.* Nonne *tonica* in fine Typhi aequa idonea sunt ?

*R.* Debilitate ingravescente, tonica utilissima sunt, quorum omnium Cinchona optima; et huic proximae sunt praeparationes Ferri. Pulveris Cinchonae semidrachma; vel Tincturae Muriatis Ferri guttae viginti pro dosi, bis terve in die, in cyatho aquae exhibeantur summo cum commodo.

*Q.* Annon aër purus frigidusque, et mundities omnis generis, officio tonicorum perfunguntur?

*R.* Aër communis, libere in cubiculum febricitantis admissus, vires plurimum recreat, functionesque corporis varias promovet. Munditia integrati corporis multum favet; hinc indusium, et lodices cubiles, mutare semel bisve in die aegro gratuum et utile est.

#### DE PESTE, SIVE TYPHO PESTIFERA.

*Q.* Quomodo definitur Pestis?

*R.* "Typhus maxime contagiosa, cum summa debilitate."

*Q.* In qua Classe et Ordine Doctor Cullen Pestem posuit?

*R.* In Classe Pyrexiarum, et Ordine Exanthematum.

*Q.* Quae ratio est Pestem sive Typhum pestiferam in ordine Febrium ponendi potius, quam Exanthematum?

*R.* Quia signa ejus fere omnia Typhi similima sunt : et praeterea, eundem hominem bisterve, aut saepius, in decursu vitae, Pestis afficiat ; neque definito tempore apparent phlogoses ; sed, contra, incerto morbi die, eruptio bubonum vel anthracum incidit : hinc Typho affinis est.

*Q.* Dic mihi quam brevissime signa Pestis, sive Typhi Pestiferae ?

*R.* Signa sunt prope eadem ac Typhi ipsius, scilicet, debilitas generalis ; capitis gravitas ; vultus hebes, stolidus, et ebrii instar ; oculi subhumidi et rubri ; aeger saepe oscitat, inhorescit ; faciemque manibus fricat, adhuc non continetur, sed huc et illuc vacillat ; deinde cubat ut in somnum abeat ; die secundo fere dolor capitis ; idearum confusio ; vertigo ; calor ingens morbidus, et haud raro delirium, vel coma, accedunt ; pulsus frequens est, et interdum inordinatus ; tremores, subsultus tendinum, nausea, vomitus, ad syncopen proclivitas, fiunt ; respiratio difficilis est, et suspiriis aliquando interrupta ; anxietas febrilis maxima ; dolor et ardor in epigastrio, sitis insatibilis, plurimum affligunt : die tertio, quarto, aut quinto, incitatio corporis alta praeterita est, et signa debilitatis summae ingruunt ; materia subnigra et biliosa vomitu ejicitur ;

glandulae inguinum, vel axillae, vel partium aliarum fere tument, et haud raro suppurant ; carbunculi, petechiae, vibices, haemorrhagiae, et diarrhoea perpetua, superveniunt.

Q. An signa pestis semper incitationem corporis altam ostendunt ?

R. Plerumque, sed non semper ; multi enim casus incidunt, quibus genus nervosum adeo afficitur, ut nihil, nisi signa debilitatis extremae, ab initio quidem appareat.

Q. An casus ejusmodi in Typho unquam accidunt ?

R. Saepe ; sed in Typho debilitas vix adeo maxima, ut in Peste, est.

Q. Suntne tumores glandularum, sive bubes et carbunculi pesti peculiares ?

R. Minime vero ; nam in Typho graviore interdum etiam apparuerunt.

Q. Num Pestis sine bubonibus et carbunculis cursum ejus percurrere potest ?

R. Certe ; casus quidam gravissimi et fatales aliquando iis signis caruerunt.

Q. Quae ex iis signis Pestis peculiaria sunt ?

R. Difficillimum est dictu : sed debilitas summa, vertigo, vacillatio ebrii instar, capitis dolor, delirium ineunte morbo ; anxietas maxima ; palpitatio ; ad syncopen proclivitas ; pulsus fere debilis et inordinatus ; ardor et

molestia in regione ventriculi ; bubones ; et carbunculi, progressu Typhum Pestiferam indicant.

*De Causis Excitantibus.*

**Q.** Quibus ex rebus Pestis oritur ?

**R.** Effluviis, quae ex materia animali et vegetabili putridâ oriuntur, atque in aëra simul cum humore tolluntur, qui sole aestivo a locis paludosis et valde immundis vaporat ; et contagio, quod a corporibus laborantium oriens alios integros implicet.

**Q.** An Pestis remissiones et exacerbationes ostendit, Febri Remittenti similis ?

**R.** Modo sub forma remittente, modo continua apparet, ut, quod verisimile est, causa alterutra, materia nimirūm animalis putrida, vel miasmata paludum, praeponderat.

**Q.** Quibus argumentis probari potest eas causas esse Pestis ?

**R.** Attici a Peloponnensibus in urbem Athenas frequentes coacti sunt, et, portis clausis, in vicis sub divo, nocte dieque jacebant, aestui ardenti sine vento objecti, nam domus et templa quidem omnia hominibus jam referta essent : immunditia et effluvia humana febrem movebant, quae cadaveribus et hominum et jumentorum putrescentibus, soli aesti-

vo oppositis, verè Pestis facta est. In urbe Memphi (*Cairo*) vici angusti et immunditiis pleni sunt, et domus male ventilatae; per medium transit urbem canalis, Nilo ex alveo consueto effluente, aquâ impletus; in quem omnia immunda et animalium et vegetabilium conjiciuntur; hoc, dum in alveum Nilus redit, vaporatione arescente, odor ingratissimus limo et putridis nascitur sanitati inimicissimus, Pestemque movens, quae inter cives grassatur ad tempus usque, quo Nilus iterum ex alveo fluit. In oppido Joppe (*Jaffa*) exercitus Gallicus nuper, itineribus longis fatigatus, pane aliisque necessariis privatus, cadaveribus putridis militum, aequa ac bestiarum intumulatis, et paludibus vicinis, Peste implicitus est, quae multa millia hominum peremit.

**Q.** Annon a quibusdam disputatum est, an Pestis vere sit contagiosa?

**R.** Certe, sed nihil dubii est, quin admodum contagiosa sit: ventilatio tamen et munditia, et fortasse etiam fumigatio, effluvia humana et putrida minuere, et dissipare, aditumque tutum aegrotantibus reddere, valent.

### *De Causis praedisponentibus.*

**Q.** Quae causae corpus ad Pestem proclive reddunt?

*R.* Fames ; fatigatio sub solo aestivo ; corpus rori et frigori nocturno objectum ; aqua paludosa rebus putridis plena ; intemperantia ; aliaeque causae febris praedisponentes, corpus Pesti obnoxium reddunt.

### *De Diagnosi.*

*Q.* Quibus notis Typhus Pestifera aliis febribus dignoscenda est ?

*R.* Loco ; caelo ; tempestate anni ; quibus febris epidemica apparet, qua plurimi homines laborant, pereuntque ; signis ejus gravissimis, vertagine, syncope, vomitu et debilitate extrema comitatis, bubonibus et carbunculis, qui saepius adsunt, de Peste certiores facti sumus.

### *De Prognosi.*

*Q.* Quae est prognosis Typhi Pestiferae ?

*R.* Pestis adeo periculosa est, et adeo saepe lethalis, ut prognosis semper cum summa cautione de ea pronuncianda sit, et signis praesentibus regenda.

*Q.* Quae signa exitum felicem indicant ?

*R.* Pyrexia lenis ; vires, etiamsi fractae, non exhaustae ; pulsus firmus et ordinatus ; halitus cutis modicus et generalis ; cum bubones cito apparent, simul cum cute possunt moveri, et

apte in suppurationem abeunt; et cum parum putredinis incidit.

Q. Quae, contrà, infelicem exitum ostendunt?

R. Signa omnia gravia; fervor nempe corporis ingens; vires plurimum depressae, et cito quasi exhaustae; syncope; foetor spiritus, et quidem totius corporis maxime injucundus; vomitus materiae atrae biliosae perpetuus; carbunculi gangraenâ comitati; petechiae et vices purpureae; sudores profusi; diarrhoea perpetua, malum exitum portendunt.

### *De Curatione.*

Q. Quibus remediis curatio Pestis gesta est?

R. Missione sanguinis, et sudorem elicendo.

Q. An alia remedia etiam, sicuti vomitus, et purgatio, adhibita sunt?

R. Homines orientales, et vomitum et medicamenta purgantia metuentes, iis igitur per raro usi sunt: frictioni tamen oleosae confidere soliti sunt.

Q. Nonne curatione opus est meliore, quae inventis et culturae artis medicinalis respondeat?

*R.* Curatio melior Pestis hodie multum est desideranda.

*Q.* Quae videntur esse consilia medendi?

*R.* Eadem sunt ac Typhi; scilicet, primo, impetum febris rumpere, eique occurrere: secundo, debilitatem quam maxime cavere: et tertio, signa ulla urgentia in progressu morbi mitigare.

*Q.* Num horrores, tremores, capitis gravitas vel dolor, languor, lassitudo, oscitatio et debilitas magna, in prima accessione Pestis, plerumque adsunt?

*R.* Certe omnia, quae debilitatem fere comitantur.

*Q.* Quibus rebus illa signa optime discutienda sunt?

*R.* Emetico Ipecacuanhae, vel Tartratis Antimonii; et frictione summae cutis, ope panni lanei calidi, vel olei calidi, ut orientalibus mos est.

*Q.* Post horrores et sensum frigoris, quid plerumque fit?

*R.* Corpus magis magisque incalescit, et tandem fere morbidus calor maximus fit, ut signa, quae sese ostendunt, indicant.

*Q.* Quae signa incitationem corporis nimis altam plane declarant?

*R.* In exacerbatione cutis fere plurimum

calet, rubetque ; calor vero internus in praecordiis, praecipue in regione ventriculi, intolerabilis ; oppressio et anxietas magna pectoris ; capitis dolor, idearum confusio, et delirium ; oculi rubri, subhumidi, et interdum feri ; vultus sanguine turgidus, ebrii instar ; pulsus frequens, et potius validus et plenus ; sitis insatiabilis, et caetera, diathesin phlogisticae praeter dubium indicant.

*Q.* Quibus remediis illa incitatio corporis nimia debellanda est ?

*R.* Affusione frigida, et lavatione vicissim, usque dum tremoribus maxillae inferioris dentes sese vehementer feriunt, ut frigore hiemali incidere solitum est ; quae pro re nata ad calorem morbidum minuendum repetenda ; purgantibus refrigerantibus ; diluentibus frigidis copiosis, praesertim aquâ ; et sanguinis detractione, cum diathesis phlogistica non aliis jam dictis cedit, hac autem raro opus est.

*Q.* Estne affusio frigida in curatione Pestis unquam adhibita ?

*R.* Raro, si unquam ; nonnulli tamen aegri paroxysmo delirii in deserta fugerunt, et aëri et rori nocturno objecti, cito mentem recuperaverunt, et convalescentes redierunt. Magister navis peste graviter implicitus, vehementer incaluit et delirio tentatus, se nudum depositus

super foros, rori gravi subjectum noctu, se meliorem intra paucas horas invenit, in mare multo mane descendit, et semper postea convaluit. Miles quoque peste laborans se in Nilum praecipitavit, eoque pestem discussit, et cito convaluit.

*Q.* An detractio sanguinis omittenda est?

*R.* Detractio sanguinis auxilium est potens, sed non opus est, nisi gravitas morbi in paroxysmo imminui aliis remediis recuset; si opus, tantum sanguinis e vena semel detrahendum, quantum incitationem nimiam superare sufficiat.

*Q.* Nonne curatio est sudore tentanda est?

*R.* Sudor copiosus per totum corpus pestem, aliasque febres, interdum solvit; sed multo saepius spes curantis fefellit, cum medicamentis et stragulis per vim elicitus esset; sed semper optabile est sponte oriri: postquam incitatio corporis nimia affusione et lavatione aquae frigidae, purgantibus et sanguinis missione imminuta est, halitus cutis copiosus fere sequitur sua sponte, vel ope Anodynī horā somni jucunde elicetur.

*Q.* Cum calor parum supra consuetudinem surgit, ut quibusdam casibus incidit, et plurimum urget debilitas, quid fieri debet?

*R.* Tum aqua, a gradu nonagesimo ad cen-

tesimum usque calefacta, subito in corpus affundatur ; et postea summa cutis bene pannis calidis fricitur. Vinum rubrum, et diluentia blanda et nutrientia porrigenda sunt ; ventilatio cubiculi, et munditia semper observanda ; et alia ac in Typho.

**Q.** Quum incitatio nimia subacta est, an reliqua curatio eadem est ac Typhi gravioris ?

**R.** Quum primum debilitas urget, incitatione moderata, ad eandem curationem, quae Typho commendata est, decurrere oportet.

**Q.** Quam curationem *bubones* et *carbunculi* postulant ?

**R.** Cataplasma emolliens ; et si in suppurationem abeunt, ut saepe fit, curari debent eodem modo ac alii abscessus et vulnera.

**Q.** Quomodo Pestis praecaveri potest ?

**R.** Ventilatione justa, munditia, dejectionibus et urina longe ab aegro submotis ; contactu aegri et praesertim spiritu quam maxime evitatis ; aegrotantibus ab integris semotis, nutribus, adjutoribus, et medicis, diaeta firma et nutrita, et vino rubro utentibus, atque intemperantiam, et quaecunque corpus debilitent, fugientibus ; et corpus oleo olivae unguendo.

## COLLOQUIUM QUARTUM.

## DE EXANTHEMATIS.

*Q.* Quot morbi Exanthematum definitioni Nosologiae respondent?

*R.* Quatuor: Variola; Varicella; Rubeola; et Scarlatina.

*Q.* Qui alii morbi fere inter Exanthemata enumerantur?

*R.* Pestis; Erysipelas; Miliaria; Urticaria; Pemphigus; et Aphtha.

*Q.* Quibus in rebus hi sex morbi non Exanthematis respondent?

*R.* Hi omnes saepius semel in decursu vitae eundem hominem afficere possunt; neque semper cum febre incipiunt; neque definito tempore apparent phlogoses; neque sunt omnes contagiosi.

*Q.* Quinam ex iis sunt contagiosi?

*R.* Pestis semper; Erysipelas, Pemphigus, et fortasse Aphtha interdum, sed raro quidem, contagiosi sunt.

*Q.* Cui ordini affine est Erysipelas?

*R.* Ordini Phlegmasiarum videtur.

Q. Ubi Miliaria, Urticaria, et Pemphigus, locum haberent?

R. Inter vitia cutis.

Q. Ubi Aphtha collocaretur?

R. Inter Cynanches, cum pyrexia adest sed saepius inter Locales.

### DE VARIOLA.

Q. Quae definitio Variolae est?

R. "Synocha contagiosa cum vomitu, et, ex epigastrio presso, dolore.

"Tertio die incipit, et quinto finitur eruptio papularum phlegmonodearum, quae, spatio octo dierum, in suppurationem, et in crustas demum abeunt, saepe cicatrices depressas, sive foveolas in cute, relinquentes."

Q. Quot species Variolae sunt?

R. Duae; *discreta* nimiram, et *confluens*.

Q. Quomodo definitur *Variola discreta*?

R. "Variola discreta pustulis paucis, discretis, circumscriptione circularibus, turgidis; febre, eruptione facta, protinus cessante."

Q. Quae est definitio *Confluentis*?

R. "Variola confluens pustulis numerosis, confluentibus, circumscriptione irregularibus, flaccidis, parum elevatis; febre post eruptiōnem perstante."

Q. Quae signa sunt *Variolae*?

*R.* Primo languor, lassitudo, aliaque debilitatis signa adsunt ; quibus febris ardens supervenit, quae incitationem corporis altissimam sive diathesin phlogisticam ostendit ; nausca ; vomitus ; saepe convulsiones ; capitis dolor vehementis ; tum maculae rubrae passim in conspectum veniunt, quae in pustulas elevantur, margine inflammato circundatas, humore impletas, qui in pus mutatur ; febris, pustulis praesentibus, si discretae, minuitur, si confluentes, perstat ; facies tumet ; oculi clauduntur ; vox rauca ; deglutitio difficultis ; saliva copiosa, vel diarrhoea ; tum manus pedesque tument ; et pustulae rumpunt, nigrescunt, siccescunt, atque decidunt.

*Q.* Quibus in rebns *Variola Confluens* differt ?

*R.* Febris primis diebus ardentior graviorque, apices pustularum citius humorem continent, sed nunquam ad justam altitudinem surgunt ; humor in pustulis non ad colorem flavum, sed fuscum spectat ; debilitas maxima, febris secundaria, et ad putredinem proclivitas magna, accedunt.

### *De Causis Excitantibus.*

*Q.* Quae causae Variolam excitant ?

*R.* Conditio aëris quaedam et adhuc incog-

nita, ut Sydenhamo visum est ; et contagium peculiare.

*Q.* Quibus modis Variola ad alios communicari potest ?

*R.* Aëre solummodo ; fomitibus ; contactu, vel inoculatione.

### *De Causis Praedisponentibus.*

*Q.* Quae res corpus ad Variolam proclive reddunt ?

*R.* Debilitas ; frigus ; vel nimium caloris.

*Q.* Quae res Variolam nunc discretam, nunc confluentem, ex eodem contagio orientem, reddunt ?

*R.* Temperamenta aegrorum diversa ; cubiculum aegri unius bene ventilatum ; alterius egelidum ; tertii calidum : gradus caloris, cui aeger subjiciatur, febrem plus minusve ardentem movet ; et quanto altior calor est, tanto gravior febris ; et, porro, quo plus febris ardet, eo magis pustulae in numero sunt, et in unam congeriem coëunt ; et vice versa.

### *De Diagnosi.*

*Q.* Quibus morbis Variola confundi potest ?

*R.* Primis diebus cum Rubeola, Scarlatina, et postea Varicella.

*Q.* Quomodo eos morbos, alium alio, dignoscere possumus?

*R.* Ante eruptionem difficile est alium alio dignoscere; quia Synocha in omnibus ardet: vomitus tamen et dolor Epigastrii pressu, *Variolam*; sternutatio, epiphora, tussis sicca et rauca, *Rubeolam*; angina sive cynanche et vox rauca, *Scarlatinam*; et synocha levior, *Varicellam*, ab initio quidem plerumque declarant.

*Q.* Quae notae post eruptionem alium alio dignoscunt?

*R.* *Variola* tertio die puncta rubra, quae tactu dura et rotunda sentiuntur, et sub cute jacent; *Rubeola* quarto die papulas exiguae, confertas, et supra cutem paululum eminentes, colore cutis naturali in interstitiis, ostendit; *Scarlatina* die secundo ruborem cutis floridum late diffusum; *Varicella* papulas, quae nascuntur in pustulas humore limpido plenas, tertio vel quarto die in crustas abeunt.

*Q.* Primis diebus cum *Variola*, an *Rubeola*, an *Scarlatina*, an *Varicella* sit, incerti sumus, quid tum faciendum est?

*R.* Parvi interest quis ex iis morbis adsit, curatio enim primo eadem est; et eruptio, quum in conspectum venit, morbum plane indicat.

*De Prognosi.*

*Q.* Quae signa sunt fausta?

*R.* Si febris potius levis est, et, eruptione accedente, sese remittit vel cessat; si pustulae paucae sunt, discretae pure subflavo plenae, in fastigium elevatae, et areolâ inflamatâ circundatae; si facies, dein manus, et denique pedes tument; si saliva fluit; aut si diarrhoea ad ultimum supervenit, exitum felicem praedicere licet.

*Q.* Quae signa exitum infaustum denotant?

*R.* Si febris ardet; si pulsus frequens et debilis est; si capitis, pectoris, aut ventriculi dolor, nausea et vomitus, urgent; si pustulae numerosae et confluentes, flaccidae et parum elevatae sunt; si humorem sanguineum continent, et nigrae cito fiunt; si febris post eruptionem perstat, increscitque; si debilitas summa et putredo celeri pede ingruunt; prognosis infaustissima est.

*De Curatione.*

*Q.* Quae curatio est *Variolae discretae*?

*R.* Si febris levis; et signa omnia moderata sunt; aēr apertus, potus frigidus, et purgantia lenia, sed repetita, satis sunt.

*Q.* At, si febris et alia signa multo graviora sunt, quae curatio est?

*R.* Eadem ratio medendi, ac quae synochae commendata est, huic respondet; scilicet affusio frigida et lavatio; aqua pro potu frigida; purgantia; et interdum missio sanguinis, febrem minuunt, pustulas, quo minus confluentes fiant, prohibent, periculumque arcent.

*Q.* Nonne *Affusio Frigida* periculosa est, quippe quae eruptionem pustularum intus repelleret, atque inflammationem internam moveret?

*R.* Affusio idonea tempestive adhibita febrem et incitationem corporis nimiam temperat, atque eruptionem multo leniorem reddit; sed neque accessionem ejus prohibet, neque eam, postquam in conspectum venerit, repellit. Porro, Diathesi Phlogistica subacta, proclivitas ad inflammationem multo minor redditur.

*Q.* Nonne Emeticum dares sub initio ad febrem discutiendam?

*R.* Raro, nam cupiditas vomendi ex irritabilitate generis nervosi pendere videtur; vomitus igitur eam auget, nocetque; regimen vero frigidum ferè vomitum sedat.

*Q.* Quam *Variola Confluens* facta est, quae curatio postulatur?

*R.* Curatio pro re nata gerenda est ; cum agitatio et anxietas febrilis magnae sunt ; potus frigidus et blandus, et Opiata subinde, prosunt ; cum debilitas maxime urget, serum lactis vinosum, vel vinum rubrum bene dilutum, Cinchona, vel Quinini Sulphas, aër purus, et munditia, utilissima sunt : cum diarrhoea infestat, opiate, et mucilaginosa, et astringentia lenia, ad eam temperandam, non vero omnino sistendam, danda sunt.

*Q.* Si convulsio infantibus vel pueris incidat, quid faciendum ?

*R.* Si convulsio calore nimio orta est, aegrum tenellum in aëra purum frigidumque removere, et aquam frigidam, ut ad libitum bibat, porrigere, deinde alvum ducere, satis est : si frigore nimio, dum debilitas adest maxima, balneo tepido, opiatis, et vino calido diluto, uti convenit.

*Q.* Si Angina sive Cynanche aegrum vexat, quid fieri debet ?

*R.* Purgantia lenia pro re nata repetere, gargarismate Decoicti Cinchonae cum pauxillo acidi Muriatici uti, et faucibus externis Emplastrum Cantharidis Vesicatoriae imponere, utilissimum est.

*Q.* Quae diaeta optima esse videtur ?

*R.* Diaeta lactea ; juscula bovina vel vituli-

na ; gelatina ; panis ; ptisana ; et similia ex herbis et fructibus confecta ; fructus maturi et subacidi, optime respondent : quibus accedant, in Variola Confluente, vinum et tonica.

#### DE VARICELLA.

*Q.* Quomodo definitur Varicella ?

*R.* "Synocha. Papulae post brevem febriculam erumpentes, in pustulas Variolae similes, sed vix in suppurationem euntes ; post paucos dies in squamulas, nulla cicatrice relicta, desinentes."

*Q.* Num febris semper lenis est ?

*R.* Plerumque vix evidens fit ante eruptio-  
nem, deinde ex toto cessat ; interdum tamen  
febris adeo ardet, ut calor cutis maximus fiat,  
caput vehementer doleat, delirium adsit, oculi  
rubescant, agitatio, vigilia, et sitis, aegritudi-  
nem corporis augeant.

#### *De Causis.*

*Q.* Quibus causis oritur Varicella ?

*R.* Contagio peculiari, quod interdum in aē-  
re volitat, atque hanc febrem peculiarem movet  
epidemicam.

*De Diagnosi.*

*Q.* Quibus morbis Varicella confundi potest?

*R.* Variolā.

*Q.* Quibus notis Varicella a Variola distinguenda est?

*R.* Febre praeeunte leniore; vesiculis sive pustulis citius ad maturitatem venientibus; humore pustularum magis fluido, limpido, vel saniei simili; et raro si unquam ulla cicatrice relicta.

*De Prognosi.*

*Q.* Quae Varicellae prognosis est?

*R.* Signa fere semper lenia sunt, eoque prognosis fausta est.

*De Curatione.*

*Q.* Quam methodum curationis Varicella postulat?

*R.* Febris plerumque ita levis est, ut aeger non domi contineatur, neque queratur; nullo medicamento igitur eget: cum vero febris ardet, ut interdum, etiamsi raro quidem, incidit; tum affusione frigida, purgantibus, aëre frigido, et potu frigido copioso, opus est; ut jam in Variola commendata sunt.

## DE RUBEOLA.

*Q.* Quae est definitio Rubeolae?

*R.* "Synocha contagiosa cum sternutatione, epiphora, et tussi sicca, rauca.

"Quarto die, vel paulo serius, erumpunt papulae exiguae, confertae, vix eminentes, et post tres dies in squamulas furfuraceas minimas abeuntes."

*Q.* Quot species aut varietates Rubeolae sunt?

*R.* Duae; *Rubeola vulgaris*, et *variolodes*.

*Q.* Quomodo definitur *Rubeola vulgaris*?

*R.* "Rubeola vulgaris papulis minimis, confluentibus, corymbosis, vix eminentibus."

*Q.* Quomodo definitur altera species?

*R.* "Rubeola variolodes papulis discretis eminentibus. Quae apud Scotos vulgo appellatur *Nirles*."

*Q.* Trade mihi historiam brevem Rubeolae.

*R.* Infantes et pueros praecipue, interdum tamen adultos, invadit, plerumque vere, multo rarius alia tempestate, epidemica grassatur; saepe inflammationem partis internae, sicuti pectoris, vel oculorum, movet.

*Q.* Quae signa sunt Rubeolae?

*R.* Pyrexia fere ardens, gravior graviorque fit ad diem usque quartum aut quintum, quo

eruptio appareat; ab initio febris adsunt rauicitas; tussis sicca; capitis gravedo; oculorum rubor; sternutatio; epiphora; coryza; desiderium dormiendi; papulae exiguae, confertae, super cutem paululum eminentes comparent, et post tres quatuorve dies in squamulas furfuraceas abeunt; febris accessione eruptionis interdum levatur, saepius perstat, haud raro inten ditur, et, desquamatione finita, plerumque cessat: tussis et spirandi difficultas urgent, quam diu febris perstiterit.

**Q.** Quae mala Rubeolam fere sequuntur?

**R.** Pneumonia; Phthisis; Ophthalmia; aut saltem oculorum debilitas; palpebrarum inflammatio; tumores glandularum strumosi; et diarrhoea.

**Q.** An Rubeola corpus ad inflammationem proclive reddit?

**R.** Diathesis phlogistica Synocham comitans sanguinis momentum auget ita, ut inflammationem partibus fabricâ tenerâ praeditis haud raro moveat: hinc inflammatio erythematica membranae mucosae in substantiam pulmonum irrepit, tunicae intimae intestinorum Diarrhoeam, vasorum tunicae adnatae Ophthalmiam, incitat: atque ea interdum diu post Rubeolam manebunt.

*De Causis.*

*Q.* Quae causae Rubeolam excitant?

*R.* Contagium peculiare vel aëre vel sommitibus vel contactu aliis, qui nunquam antea hoc morbo laborassent, Rubeolam communicat.

*De Diagnosi.*

*Q.* Quibus morbis Rubeola confundatur?

*R.* Cum Variola, Scarlatina, Roseola, et interdum Varicella, primis diebus confundatur.

*Q.* Quae signa Rubeolae propria sunt, quibus ab aliis morbis distinguuntur?

*R.* Catarrhi indicia, nempè capitis gravedo; distillatio humoris ex oculis naribusque; sternutatio frequens; tussis sicca, et saepe peculiariter rauca; spirandi angustia et difficultas: et diathesis phlogistica gravis, qua pulsus frequens, validus et durus, et calor maximus moventur; ab initio Rubeolam indicant: deinde maculae subrubrae paululum super cutem eminentes, et tactu asperae; quae ex pluribus papulis exiguis, semine milii minoribus, constant; hunc aliis morbis dignoscunt.

*De Prognosi.*

*Q.* Quae signa exitum felicem indicant?

*R.* Febris levis; tussis modica; nulla aut

parum spirandi difficultas ; vires aegri parum fractae ; papulae cito apparentes et nullae lividae aut nigrae, quod putredinem instare ostendit, exitum futurum esse faustum significant.

**Q.** Quae indicia periculum ostendunt ?

**R.** Febris ardens ; tussis frequens et molesta ; nausea ; vomitus post eruptionem ; capitis dolor ; nulla excreatio muci ; agitatio, pulsus frequens, debilis, et chordae similis ; dyspnoea ; debilitas magna ; diarrhoea profusa ; partis internae inflammatio ; et papulae lividae, aut subito abeuntes ; periculum esse magnum ostendunt.

### *De Curatione.*

**Q.** Quae curatio *Rubeolae* in usu communi est ?

**R.** In casibus permultis regimine antiphlogistico uti ; calorem nimium, nimiumque frigus aequa evitare ; et temperiem mediocrem, alvumque facilem servare, satis putatur.

**Q.** Quae ratio medendi primis diebus ante eruptionem maxime convenit, cum signa graviora sunt ?

**R.** Cum Catarrhus simul cum febre leni accessit, alvum ducere ; diaetam tenuem parcumque ; fructus maturos et subacidos ; di-

luentia blanda et frigida, dare oportet : quum febris graviter ardet, sanguinem mittere, auxilium potissimum ; et, si Dyspnoea et dolor pectoris urgent, Emplastrum Cantharidis vesicatoriae sterno vel parti dolenti imponere ; si tussis sicca assidue vexat, misturam mucilaginosam aut oleosam, cum pauxillo tinturae hyoscyami vel opii, partitis vicibus, porrigeret, admodum expedit.

*Q.* Quae ratio medendi, eruptione praesente, convenit ?

*R.* Signa molesta temperare ; maturitati decessionique eruptionis favere satis est.

*Q.* Quae ratio curationis post eruptionem convenit ?

*R.* Si febris simul cum desquamatione papularum abscedit ; et si indicia alia parum urgent ; nihil, nisi alvus facilis, et diaeta lactea, postulatur : sin autem febris adhuc gravis est ; si tussis frequens et sicca ; si pectoris et capitis dolor ; si oculorum et palpebrarum rubor et debilitas ; et si diarrhoea, aegrum torrent, detractio sanguinis pro signorum gravitate viribusque aegri vel generalis, vel e parte laesa hirudinibus ; Emplastrum vesicatorium pectori, vel temporibus, vel pone aures applicatum ; et mistura mucilaginosa et glutinosa.

nosa cum paululo opii pro tussi, remedia optima sunt.

Q. An affusio aut levatio frigida Rubeolae adhibita est?

R. Ita; affusio frigida quater fortuito ad Rubeolam a meritò celeberrimo Doctore Currie adhibebatur, et semper felicissimo exitu incidebat.

Q. Num ea curatio ab aliis medicinam scientibus usurpata est?

R. Maxime; a te ipso Edinburgi; et tuo amico Georgio Magrath, armigero, chirurgo peritissimo atque expertissimo tum inter captivos in nosocomio de *Mill Prison* apud *Plymouth*, ut in praelectionibus tuis mentionem facere solitus es.

Q. Narra praecipua, quae a me acceperis in praelectionibus?

R. Mense Martio et Aprili, anni 1808, *Rubeola* epidemica grassabatur in urbe Edinensi, oppidisque vicinis, et admodum lethalis erat; et memini te audientibus dixisse, ut tibi contingisset aegros octodecim, Rubeolà laborantes infra annum aetatis decimum tractare, et omnes ad exitum felicem perducere lavatione frigida, egelida, tepida, aut calida pro gradu caloris morbidi, viribusque aegri adhibitâ, et purgantibus repetitis.

*Q.* Fac mentionem quoque, quae de meo amico Domino Magrath a me audiveris?

*R.* Ejusdem anni 1808, Februario, Martio, Aprili, et Maio, Rubeola erat epidemica in oppido *Plymouth*, locisque vicinis; et inter naves regias, et cohortes militares ibi aequa ac inter oppidianos, et rusticos, valde lethalis: in carcere rem captivorum inferebatur, ibique grassabatur inter captivos, et formam gravem vix ratione medendi consuetâ debellandam, eoque maxime formidandam, in duebat: Dominus Magrath igitur, hodie Doctor Medicinam peritè faciens apud *Plymouth*, ad lavationem frigidam aqua et aceto in omnibus casibus, uno alterove primo excepto, decurrit; et semper febrem et incitationem corporis vehementem statim minuit, et equidem characterem morbi quodammodo mutavit. Praeter lavationem frigidam nullo medicamento, salino purgante exempto, usus est; illâ enim signa urgentia adeo celerrime et efficacissime subacta erant, ut aliis nihil opus esset.

*Q.* Quot aegros amicus meus, Dominus Magrath, ea tempestate, lavatione frigidâ tractavit?

*R.* Eo modo tractavit septem et quadraginta adultos, omnesque felicissime curavit; et

neque pneumonia, neque febris secundaria, neque ulla alia mala, sequebantur.

Q. Nonne *eruptio* lavatione frigida repellebatur?

R. Eruptio certe multo minus rubra et evidens erat, sed nihilominus inflammationem partis internae, etiamsi regimine frigido multum repulsa, nunquam movebat.

Q. An affusio et lavatio frigida igitur tuta, aequa ac efficax, in Rubeola esse reperta est?

R. Aegri quatuor a Doctore Currie; septem et quadraginta a Domino, nunc Doctore, Magrath; et octodecim a te ipso, tractati, et omnes felicissime curati, hanc methodum mendendi, utpote salutiferam et tutissimam, constituunt, probantque praeter dubium.

Q. Nonne aliis remediis ad signa urgentia superanda utereris praeter affusionem vel lavationem frigidam?

R. Sine dubio; haec non usum aliorum vetat auxiliorum; itaque, si tussis gravis; si magna spirandi angustia et difficultas; si dolor pectoris, urgent; missione sanguinis, emplastro vesicatorio, et mistura mucilaginosa et opiate, opus est.

## DE SCARLATINA.

*Q.* Quomodo definitur Scarlatina?

*R.* "Synocha contagiosa.

"Quarto morbi die, facies aliquantum tumens; simul in cute passim rubor floridus, maculis amplis, tandem coalescentibus, post tres dies in squamulas furfuraceas abiens; superveniente dein saepe anasarca."

*Q.* Quot species Scarlatinæ sunt?

*R.* Duae, aut potius tres; scilicet *Scarlatina simplex*; *cynanchica*; et *Scarlatina purpurata* sive *Cynanche Maligna*.

*Q.* Annon a Doctore Cullen *Cynanche Maligna* inter Phlegmasias posita est?

*R.* Ita, inter Phlegmasias posuit; nihilo minus tamen saepe dubitavit, annon Scarlatina omnis sit cynanchica, et semper idem fere morbus ac *Cynanche Maligna*.

*Q.* An igitur *Cynanche Maligna* vere species est, et affinis Scarlatinæ?

*R.* Id multum diuque inter medicos disputatum est, sed nunc inter plerosque constat *Cynanchen Malignam* esse speciem Scarlatinæ.

*Q.* Quae rationes medicorum opiniones de illa re confirmaverunt, iisque persuaserunt?

*R.* Exempla Scarlatinæ simplicis, cynan-

chicae, et purpuratae sive malignae in eadem domo apparuerunt ; et, quanquam ex eodem fonte contagii orta essent, longe tamen in gravitate et periculo absimilia fuerunt. In eadem familia infans unus Scarlatinā simplice ; alter Scarlatina cynanchicā gravissime implicitus est ; et pater ipse Scarlatinā purpuratā sive Cynanche Maligna correptus, et intra dies quatuor mortuus est. Hinc omnes illae species morbi, quae ex eodem contagio primario ortae essent, ejusdem generis esse demonstrationem praebent.

Q. Quae est *definitio* speciei *simplicis Scarlatinae* ?

R. " Scarlatina simplex nulla comitante Cynanche."

Q. Quae *definitio* est speciei *Cynanchicae* ?

R. " Scarlatina cynanchica cum cynanche ulcerosa."

Q. Quomodo definitur *Cynanche Maligna*, sive Scarlatina Purpurata seu Maligna ?

R. " Cynanche maligna tonsillas et membranam faicum mucosam afficiens tumore, rubore, et crustis mucosis coloris albescens vel cineritii, serpentibus, et ulcera tegentibus ; cum febre typhode et exanthematis."

Q. Nonne illae species saepius inter se miscentur ?

R. Saepius duae priores simul, et interdum, sed multo rarius, ultima aliis miscetur.

Q. Qua tempestate anni Scarlatina fere epidemica fit?

R. Sub fine autumni aut initio hiemis praecipue, sed aliis anni tempestatibus quoque apparet.

Q. Quae signa sunt *Scarlatinae simplicis*?

R. A signis aliarum febrium consuetis incipit; die primo vel secundo cutis praeter solitum calet rubetque, et fauces plerumque leviter dolent; alvus astricta est; tertio vel quarto die facies turgescit; et simul in cute passim rubor floridus, maculis amplis, tandem coalescentibus, vino rubro quasi tinctus, appareat; et post alios tres dies rubor cutis subducere se incipit, et cuticula in squamulas furfuraceas abiens deteritur. Febris rubore cutis parum aut nihil levatur; pulsus frequens et durus est; calor corporis multum augetur; et sitis et agitatio aegrum vexant.

Q. Quae sunt *indicia Scarlatinae Cynanchicae sive Anginosae*?

R. Signa jam memorata sunt omnia graviora; incitatio corporis maxima est, et saepe inaequalis; nam in truncō et capite calor morbidus longe supra consuetudinem elevatur,

dum pedes manusque frigent; pulsus frequens et fere parvus et durus est; saepe delirium, praesertim noctu; alvus nihil reddit; fauces dolent rubentque circiter secundum aut tertium diem, et ulcuscula exhibent; aeger difficulter aliquid devorat; tumores glandularum faucium saepius adsunt et cervicis rigiditas; eruptione decadente, debilitas plurimum urget, praecipue systematis vasorum lymphaticorum, ut indicant tumores glandularum, et pedum, manuumque, et haud raro Anasarca.

*Q. Quae signa sunt Scarlatinae Purpuratae sive Malignae?*

*R. Signa febris consueta; facies rubescit; oculi subhumidi et rubri fiunt; cervix paululum riget; fauces rubent dolentque; vox rauca est; maculae cinereae vel fuscae apparent in tonsillis, velo pendulo palati, et uvula, et ulcuscula tegunt; spiritus foetet; lingua crustâ fusca obducitur; alvus astricta est; vires plurimum imminuuntur; pulsus frequens, parvus, debilis et inordinatus; respiratio gravis; coryza; et delirium, sed saepius coma, superveniunt; secundo vel tertio die cutis efflorescit, ad purpuram spectans; debilitas evadit summa; et ulcuscula faucium in gangraenam saepe abeunt.*

Q. An haec species febre ardente sub initio comitatur?

R. Saepius est; interdum autem calor parum auctus, incitatio corporis vix supra consuetudinem concitata, et debilitas totius corporis, praecipue generis nervosi, maxima celeriter ingruit.

Q. An febris primo Synocha et versus finem Typhus?

R. Scarlatina maligna plerumque duobus primis diebus Synocham exhibit; quae cito vires frangit exhaeritque, et postea in Typhum graviorem transit. Interdum, sed per raro, ab initio signa Typhi exhibit, quae fere lethalis est.

Q. Nonne igitur illae tres species inter sese gradu pro constitutione aegri, aliisque rebus adventitiis, differunt?

R. Sine dubio, gradu violentiae solnmmodo differunt; nam in eadem familia Scarlatina simplex, mitissimâ formâ, unum invasit; fratrem ejus tamen Scarlatina anginosa gravissime arripuit, cum quo pater dormire solitus est; denique patrem ipsum Scarlatina purpura sive maligna implicuit, atque intra dies quatuor occidit.

Q. An alia in aliam transire potest?

R. Maxime; regimine nimis calido Scarla-

tina simplex ita intenditur, ut in Cynanchicam gravissimam convertatur; vel species Cynanchica quidem levis, in Cynanchen Malignam quoque transeat.

### *De Causis Excitantibus.*

Q. Quibus ex causis oritur Scarlatina?

R. Ex aëris statu peculiari, et contagio, oritur; et inter impuberes utriusque sexus, et adultos interdum etiam, facillime propagatur.

Q. Quomodo causae illae evitandae sunt?

R. Si de aëris statu pendent, vix evitari; sin autem de contagio, ventilatione domūs et praecipue cubiculi, munditiā summā, balneo frigido, et alvo libera, saepe possunt. A te enim audivi quòd iisdem modis contigisset tibi quater aut saepius in familiis diversis Scarlatinæ occurrere, eamque aegro affecto continere, et prohibere quo minus tres alios liberos ejusdem domūs, qui nunquam ea impliciti essent, invaderet. Accidit quoque Doctori Currie in area postica de *Peter-Street* in oppido *Liverpool* liberos decem, qui Scarlatinæ obnoxii essent, contagio defendere.

### *De Causis Proedisponentibus.*

Q. Quae causae corpus Scarlatinæ proclive reddunt?

*R.* Difficillimum est dictu, sed verisimile est debilitatem aliasque res, quae eam moveant, causas esse praedisponentes.

*De Diagnosi.*

*Q.* Quibus morbis Scarlatina confundi potest?

*R.* Cum Variola, Rubeola, Cynanche Tonsillari, et Roseola, Scarlatina confundatur.

*Q.* Quomodo Scarlatinam a *Variola* distingueres?

*R.* In *Variola*, nausea, vomitus, dolor epigastrio presso, plurimum infestant, et eruptio raro ante diem quartum aut quintum appareat, quae morbum protinus declarat: in *Scarlatina* verò cutis late rubescit ab initio quidem, et die secundo aut tertio plane rubore efflorescit, qui per cutem universam diffunditur; tonsillae, faucibus inspectis, plus minusve rubent, dolent, tumentque, et post diem quartum quintumve eruptio nullum dubium de morbo relinquunt.

*Q.* Quae notae Scarlatinam a *Rubeola* distinguunt?

*R.* In *Rubeola*, sternutatio, tussis, oculorum mador, palpebrarum tumor primo; deinde eruptio tertio fere die in facie appareat, quarto paululum super cutem maculis distinctis emi-

net, quae tactu asperae sentiantur, inter quas color cutis naturalis conspicitur. In *Scarlatina* tamen signa ea primaria fere desunt; et rubor cutis citius apparet, perque universam cutem diffunditur nunc saturior, nunc dilutior, veluti cutis vino rubro tincta esset; et fauces fere plus minus afficiuntur.

*Q.* Quibus notis Scarlatina a *Cynanche Tonsillari* distinguitur?

*R.* In ambabus Synocha saepe vehementer ardet, tumor vero tonsillarum et saepe glandularum submaxillarium, et praesertim devorandi et etiam loquendi difficultas, sine ullo cutis rubore Cynanchen Tonsillarem satis evidenter indicant.

*Q.* Quomodo Scarlatinam a *Roseola* distingueres?

*R.* In *Roseola* febris fere lenior est; interdum vero acuta; color roseus cutem inficit vespero primi diei vel noctu, et per diem unum alterumve durat; die quarto aut quinto abscedit; quod in *Scarlatina*, ut supra dictum est, longe aliter incidit.

### *De Prognosi.*

*Q.* Quae signa Scarlatinæ exitum felicem ostendunt?

*R.* Febris levis, quae sese, eruptione appa-

rente, remittit; rubor cutis, faucibus aut non, aut saltem leniter, affectis; atque vires vegetae, exitum felicem futurum esse indicant.

*Q.* Quae signa periculum denotant?

*R.* Synocha ardens cum multâ generis nervosi perturbatione; ulcuscula lata et alta in faucibus; praesertim si livida et ad gangraenam spectantia; humor acris copiosus, qui saporem odoremque vitiat, labium superius, pharyngem, oesophagum, irritat; et diarrhoeam quoque movet; tumor glandularum gutturis externus; spiritûs foetor maximus; et debilitas summa, periculum esse maximum ostendunt. Observare licet conditionem ulcusculorum ex faucibus crustis tectorum; et vires aegri, indices optimos esse periculi.

### *De Curatione.*

*Q.* Quae consilia medendi sunt?

*R.* Febri occurrere, aut eam temperare: secundo, proclivitatem ad putredinem sistere: et tertio, vires aegri sustentare, et signa urgentia quam maxime moderari.

*Q.* Quae remedia febri occurunt?

*R.* Primo vomitum adhibere expedit; et quum primum calor corporis longe supra solutum surgit, affusio et lavatio corporis universi aquâ frigidâ exercenda sunt, usque dum tre-

mores maxillae inferioris dentibus sonum edunt, ut Typho commendatum est ; et pedes, si frigent, eodem tempore in aquam calidam immergendi sunt, ut calor totius corporis quam maxime aequalis et naturalis sit : tum medicamentum purgans partitis vicibus dandum est, ut alvus liberè ducatur : affusio frigida pro re natâ repetenda est.

Q. Nonne detractio sanguinis febri occurrendae utilis esset ?

R. Si habitus aegri plenus est, et si febris ardet, nihil obstat missione sanguinis duos intra primos dies, dummodo morbus aliis auxiliis inhiberi recuset. Sin autem debilitas, et ad putredinem inclinatio, cito sese manifestant, sanguis nullo modo detrahendus est.

Q. An iis rebus febrem Scarlatinam sistere possumus ?

R. Interdum ex toto sistimus ; persaepe autem ita temperamus, ut signa gravia superrentur, et rubor cutis solummodo naturam febris propriam indicet.

Q. An corpus aegri Scarlatinâ Malignâ laborantis aquâ frigidâ affundi et lavari debet ?

R. Certe ; si calor et incitatio corporis supra consuetudinem primis diebus elevantur ; sed postquam debilitas magna accesserit, multâ majore cautione usurpanda sunt.

*Q.* Quid fieri debet, cum debilitas ab initio urget?

*R.* Post vomitum, totum corpus bene laveretur aquâ frigidâ, egelidâ, vel tepidâ pro gradu caloris morbidi ad tremores maxillae sonumque dentium usque; tum tantum vini rubri calidi detur, quantum aetati aegrotantis conveniat. Pedes et crura, si frigescunt, ut saepe fit, aquâ calidâ, inter partes superiores lavandum, foveantur, et postea in lecto vestimento laneo involvantur:

*Q.* Nonne plerique medicorum purgantia in Scarlatina metuunt?

*R.* Ita, purgantia condemnant; quippe quae materiam acrem in canalem intestinorum deferant; irritationem latius diffundant; viresque aegri exhaustant.

*Q.* An purgantia igitur vere inutilia et injuriosa sunt?

*R.* Apud initium cum febris ardet, purgantia ita adhibita partitis vicibus, ut dejectiones duas tresve plenas intra primas horas viginti quatuor moveant, utilissima sunt auxilia in febre minuendâ: postea vero, febre inclinata, et debilitate instantे unam dejectionem vel ad summum duas in die promovere satis est.

*Q.* Num aequa purgantia Scarlatinæ Malignac utilia sunt?

*R.* Primo et secundo die, cum incitatio corporis alta est, purgantia aequa utilia sunt ; et, cum fauces crustis ulcusculisque obsessae, et humore acri et tenaci plena sunt, adhuc utilia, sed caute adhibenda, ut intestina onus eorum accumulatum et injuriosum reddere stimulent.

*Q.* Nonne Diarrhoea fere semper in Cynanche Malignâ accidit, ideoque nihil opus est purgantibus ?

*R.* Maxime ; sed vires morbi initio remediis idoneis frangendo, mala in faucibus consueta plurimum praecauta sunt, itaque multo leniora ; multo minus quoque humoris acris effunditur, ut in intestina descendat ; ideoque diarrhoea minor est. In aliis casibus ubi humor acris copiosissime effusus nares, fauces, oesophagum, ventriculum et intestina irritat, leniter inflammat, et tandem, acrimoniâ ejus auctâ, diarrhoeam perpetuam et admodum periculosam incitat. Illum humorum igitur acrem ex intestinis expellere Jenibus purgantibus, sine dubio expeditissimum et utilissimum est.

*Q.* An Emplastra Vesicatoria utilia sunt ?

*R.* Certe in Scarlatina Cynanchica emplastrum cantharidis vesicatoriae, quum faucibus externis, sed non aliis, applicatur, ad minuendam inflammationem internam plurimum va-

let: sed in Cynanche Maligna interdum gangraena multum est metuenda, et in parte exulcerata accidere potest: ideoque a vesicatorio extrinsecus abstinendum, cum ulcuscula frequentia alta fauces internas infestant, ne gangrenam moveat.

*Q.* Nonne hirudines faucibus externis applicatae utiles essent internam inflammationem acutam minuendo?

*R.* Sine dubio decem vel duodecim hirudines faucibus tumidis et dolentibus applicatae, auxilio optimo sunt.

*Q.* Nonne fauces expedit gargarizare?

*R.* Gargarismata certe ex usu maximo sunt; hujusmodi Infusum Rosae Gallicae cum pauxillo Acidi Sulphurici diluti; vel Decoctum Cinchonae; vel aquae Acetatis Ammoniae et aquae partes aequales; vel aquae Acetatis Ammoniae, tincturae myrrhae, utriusque unciae dimidium, et decocti hordei unciae septem, inflammationi acutae bene respondent.

*Q.* Quae gargarismata ad Scarlatinam Malignam optima sunt?

*R.* Capsici annui grana quatuor, in aquae unciis octo infundantur, quo infuso tepido fauces saepe laventur: vel infusum vel decoctum Cinchonae Acido Muriatico subacidum fit, calefactum gargarismati utile est: vel

tincturae myrrhae et tincturae Cinchonae uncia, mucilaginis gummi Arabici unciis quatuor mista, faucibus crustas detergendo utilis est.

Q. Annon Cinchona intrinsecus bonum est remedium?

R. Infantes et pueri Cinchonam vix devorabunt, itaque per anum injecta est: sine dubio tamen, febre inclinata, Cinchona summo cum fructu adhibeatur.

Q. Annon Quinini Sulphas et internè et externè exhibeatur in casibus, quibus Cinchona indicetur?

R. Ita, in dose grani unius exhibeatur, et quaque tertia hora repetatur pro re nata: aut in forma gargarismatis Quinini Sulphatis scrupulus in aquae unciis octo solutus, faucibus internis subinde applicari potest.

Q. Quae res ad vires aegri sustentandum idonea sunt?

R. Cinchona, aut Quinini Sulphas, vinum rubrum, lac, juscula, fructus maturi, similiaque nutrientia, expeditissima sunt.

Q. In quo stadio morbi illa adhibeantur?

R. Non in primo, quum calor et febris maxima sunt; sed, cum febris recesserit, et debilitas instare coepit, vinum, cinchona, et nutrientia liberrime adhibenda sunt.

*Q.* Quae praeparationes Cinchonae optime respondent?

*R.* Quinini sulphas, aut pulvis, si devorari et retineri potest; si non, decoctum vel infusum detur; si debilitas maxime urget, tincturae cinchonae et syrupi simplicis partes aequales plerumque facile sumantur; et vinum calidum pro aetate aegri utilissimum est.

*Q.* Quid fieri debet cum Anasarca fit; vel cum pedes et manus tument post eruptionis decessionem?

*R.* Purgantia ex Submuriate Hydrargyri pro re nata repetenda, cum paululo pulveris Scillae, vel Digitalis: vel tincturae Muriatis Ferri guttae triginta in aquae cyatho bis in decium illis alterne adhibeantur.

---

## COLLOQUIUM QUINTUM.

### DE MORBIS CEREBRI GENERISQUE NERVOSI.

*Q.* Quibus morbis caput obnoxium est?

*R.* Duodecim morbis; scilicet Phrenitidi,

**Hydrocephalo Acuto, Apoplexiae, Paralysi, Tetano, Convulsioni, Chorea, Epilepsiae, Amentiae, Melancholiae, Maniae, et Hydrocephalo Aquoso.**

**Q.** An Tetanus, Convulsio, et Chorea, ut capitis morbi habenda sunt?

**R.** Certe hi morbi non cerebrum solum, verum etiam magnam partem, vel totum genus nervosum, plus minusve afficiunt; nihilominus, ut cerebrum praecipue iis malis afficitur, et fons et origo quasi generis nervosi est, haud absurdum iis malis locum inter morbos cerebri assignare videtur.

### *De Phrenitide.*

**Q.** Quomodo Phrenitidem definis?

**R.** "Pyrexia vehemens; dolor capitis; rubor faciei et oculorum; lucis et soni intollerantia; pervigilium; delirium ferox vel typhomania."

**Q.** In qua Classe et Ordine nosologiae Phrenitis ponitur?

**R.** In Classe Pyrexiarum, Ordineque Phlegmasiarum.

**Q.** Quae signa adsunt, praeter quae jam in definitione enumerata sunt?

**R.** Dolor capitis vehemens est; pulsus interdum exilis, sed saepius validus, durus chor-

dae similis, et frequentissimus; impetus sanguinis caput versus maximus, quem pulsatio arteriarum carotidum vultusque rubor indicant; vultus ferox; vires auctae; sitis, et lingua sicca et fusca, accedunt.

*Q.* An Phrenitis idiopathica an symptomatica est?

*R.* In utroque modo appetet; idiopathica vero rara, et symptomatica multo frequentior est in regionibus temperatis.

### *De Causis Excitantibus.*

*Q.* Quae causae Phrenitidem seu inflammationem cerebri ejusve membranarum movent?

*R.* Quaecunque membranas aut substantiam cerebri immodicè stimulant; et praesertim quae sanguinis impetum in vasa cerebri intendunt, sicuti, insolatio in plagis calidis, affectus animi vehementes, potatio nimia, studium noctu immodicum, venus immoderata, et vis externa capiti illata, Phrenitidem excitant.

### *De Causis Praedisponentibus.*

*Q.* Quae causae corpus Phrenitidi obnoxium reddunt?

*R.* Debilitas fatigatione, vigilia, vel intem-

perantiā oriens, causa plerumque praedispōnens est.

*De Diagnosi.*

*Q.* Quibus morbis Phrenitis confundi potest?

*R.* Cum Maniā, et Delirio, quod febribus interdum supervenit.

*Q.* Quomodo Phrenitidem Maniā dignoscere possumus?

*R.* Pyrexia gravis, capitis dolor ingens, et pulsus frequens et durus, Phrenitidem indicant.

*Q.* Quomodo Delirio febrium eam dignoscere?

*R.* In Phrenitide Delirium primarium, subitoque accedit; vultusque atrox; dum in febribus semper secundarium est.

*De Prognosi.*

*Q.* Quae prognosis est Phrenitidis?

*R.* Phrenitis seu idiopathica seu symptomatica semper periculosa est, nam si intra paucos dies non lethalis est, in Maniam aut stuporem saepe desinit: prognosis igitur plerumque infausta est.

*De Curatione.*

*Q.* Quae curatio Phrenitidis est?

*R.* In Phrenitide vita aegri in praecipiti periculo est, remedia igitur efficacissima protinus adhibere, scilicet sanguinem copiosè, vel ad deliquium usque animi, mittere ex vulnere ampio venae jugularis praecipue, vel alijs venae, oportet; deinde alvum ita ducere purgantibus repetitis, ut diarrhoeam excitent, teneantque, expedit. Interea, caput ad cutem radere; deinde aquâ quam frigidissimâ diu lavare; et tum Emplastrum Cantharidis vesicatoriae amplum sumino capiti imponere, utilissimum est.

*Q.* Nonne alia remedia interdum utilia sunt?

*R.* Cucurbitula cum ferro, vel hirudines, decem aut sexdecim temporibus applicatae, post alia idonea remedia, et cum vires sanguinem e vena iterum mitti non patiuntur, praesidio haud parvo sunt. Caput elevatum, corpore prope erecto, tenere; potum frigidum dare, quantum libebit; et pedes aquâ calidâ fovere, convenit.

*Q.* Annon affusio et lavatio frigida, ut in febribus idiopathicis praeceptum est, Phrenitidi convenient?

*R.* Ita videntur; sed quantum scio, non adhuc in usum venerunt; itaque detractio sanguinis copiosa, purgatio, et vesicatoria capiti applicata, auxilia optima sunt.

## DE HYDROCEPHALO ACUTO.

*Q.* In qua Classe et Ordine morborum Hydrocephalus acutus ponitur?

*R.* In Classe Neurosum, et Ordine Comatum.

*Q.* Quomodo definitur Hydrocephalus acutus?

*R.* "Apoplexia hydrocephalica (ita enim hic morbus a Doctore Cullen nominatus est) paulatim adoriens; infantes et impuberis, primum lassitudine, febricula, et dolore capitis, dein pulsu tardiore, pupillae dilatatione, et somnolentia afficiens."

*Q.* Quam aetatem Hydrocephalus acutus plerumque infestat?

*R.* Aetatem ineuntem plerumque, interdum tamen juvenes, et adultos etiam adoritur.

*Q.* Quem habitum invadit?

*R.* Habitum plerumque Scrofulâ imbutum, aliquando autem alios, in quibus nihil Scrofulae detegi potest.

*Q.* In quot stadia hic morbus divisus est?

*R.* In tria; *stadium nimirum febrile*, sive incitationis auctae; *stadium torporis*; et in *stadium effusionis*.

*Q.* Quae signa *stadium primum* indicant?

*R.* Languor, lassitudo, anorexia, sitis, mo-

rositas, capitis dolor; deinde vomitus perpetuus, lingua albida, calor major, alvus plerumque pertinaciter astricta, vultus ferè pallidus, nonnunquam rubicundus, pulsus frequens, validus et durus, et lucis intolerantia accedunt; interdum febris remittit, et vespere increscit, cum facies rubescit; arteriae carotides vehementer micant; caput maxime dolet; ventriculus valde est irritabilis; et oculi vix lucem intueri possunt: haec signa graviora fiunt, incitatio corporis generalis longe super modum nascitur; pulsus frequentissimus ad 130 aut 140 usque in horae sexagesima parte, respiratio celerior et subinde suspirio interrupta, aeger subito ex somno expergiscit, peculiariterque stridet, et torpor generalis sensim ingravescit.

*Q. Quae signa stadium secundum indicant?*

*R. Pulsus prius frequens tardior fit, et modo debilis et tardior, modo fortior et celerior vacillat; capitis dolor, et vomitus augmentur; stridor dentium; rotatio capitis perpetua; fricatio frontis manu; convulsiones; strabismus; et respiratio nunc celer, nunc tarda est: sensus paulatim hebetiores evadunt, versus finem hujus stadii, vomitus cessat; cibi et medicamenta avide devorantur;*

pupillae dilatatae ; alvus adhuc nihil reddit, nisi ope purgantium.

Q. Quae signa *stadium* hujus morbi *tertium* designant ?

R. Omnia graviora sunt ; pulsus iterum magis magisque frequens fit ad ducentos usque ictus, vel plures, in horae sexagesima parte ; coma ; oculi rubri, et hebetes ; caecitas ; gemitus imo pectore eduntur ; convulsiones ; paralysis ; sudor glutinosus ; et mors, superveniunt.

### *De Causis Excitantibus.*

Q. Quae causae Hydrocephalum Acutum excitant ?

R. Injuriae capiti illatae ; incurvatio corporis frequens ; exercitatio immodica ; calor nimius ; Pertussis ; Rubeola ; Scarlatina ; Convulsiones ; aliquique morbi acuti, interdum Hydrocephalum Acutum movent.

### *De Causis Praedisponentibus.*

Q. Quae causae proclivitatem Hydrocephalo Acuto dant ?

R. Causae ejus praedisponentes incertae sunt ; sed in familiis Scrofulâ imbutis liberos alios post alios infestare observatum est ; hinc Scrofula aetatem infantilem Hydrocephalo

Acuto proclivem reddere videtur. Debilitas totius corporis cum irritabilitate magnâ generis nervosi, ut saepe incidit sub dentitione, proclivitatem quoque praebet. Magnitudo arteriarum cerebri aetate ineunte fortasse ad hunc morbum plurimum conferat.

### *De Diagnosi.*

**Q.** Quibus morbis Hydrocephalus Acutus confundi potest?

**R.** Cum Vermibus intestinorum; Marasmo; febre Remittente infantili; et dentitione.

**Q.** Quibus notis a *Vermibus* Hydrocephalum distingueres?

**R.** Appetitu vario, nunc penè nullo, nunc vorace; alvo etiam variâ, modo soluta, modo astrictâ; capitis dolore se intermittente, *vermes intestinorum* cognoscuntur: In *Hydrocephalo* tamen adsunt ab initio anorexia; alvus pertinaciter astricta; capitis dolor perpetuus excruciansque; intolerantia lucis et soni; et signa alia ex actione auctâ vasorum cerebri, quae diagnosin planè statuunt.

**Q.** Quomodo Hydrocephalum *Marasmo* dignoscere possumus?

**R.** Capitis dolore perpetuo; vomitione violenta; intolerantiâ lucis sonique, *Hydrocephala-*

lus dignoscitur; quae omnia in Marasmo raro accidunt.

Q. Quibus notis Hydrocephalus *Febre Remittente Infantili* dignoscitur?

R. Remissionibus; vomitu spontaneo capitatis dolorem minuente, aut ex toto submoveente; alvo facile solvendâ; et dejectionibus subfuscis et limosis, *Febris Remittens Infantilis* dignoscitur. In *Hydrocephalo Acuto* remissiones multo minus notabiles sunt; vomitus non capitatis dolorem allevat, verum plurimum intendit; et praeterea lucis sonique intolerantia, et signa actionis auctae arteriarum in capite accedunt.

Q. Quomodo Hydrocephalum a *Dentitione* distingueres?

R. Conditione gingivarum, fluxu copioso salivae, et irritabilitate magna, *Dentilio* cognoscitur; omnia quae, gingivis incisis, evanescent: dum capitatis dolor perpetuus, intolerantia lucis, vomitus frequens, alvus pertinaciter astricta, aspectus dejectionum peculiaris, mutatio pulsûs, aeger positurae erectae impatiens, vociferatio stridula, strabismus, pupillae dilatatae, rotatio capitatis perpetua, stridor dentium, coma, convulsiones frequentes, paralysis unius lateris, et respirationes inordinatae cum stertore, *Hydrocephalum Acutum* declarant.

*De Prognosi.*

*Q.* Quae notae exitum felicem Hydrocephali Acuti indicant?

*R.* Cum morbus in stadio primo est; cum alvus medicamentis solvitur; cum vomitus rarius incidit; cum remedia adhibita adversus febrem efficacia sunt; et cum capitis dolor allevatur, prognosis fausta est.

*Q.* Quae notae infaustae sunt?

*R.* Si morbus provectus est, et in stadio secundo; si violenter procedit; si strabismus, pupillae dilatatae, et convulsiones, adsunt, prognosis infausta est: sin autem convulsiones frequentes, stridor dentium, rotatio capitis, paralysis unius lateris, caecitas, et pulsus vel tardus vel velocissimus accesserunt, prognosis est infaustissima.

*De Curatione.*

*Q.* Quae curatio est Hydrocephali in *stadio primo*?

*R.* Purgantia repetita, praecipue Submuriæ Hydrargyri; hirudines decem vel plures temporibus applicatae, vel missio sanguinis generalis; et balneum tepidum mane et vespere; et, si capitis dolor, et vomitus, non cedant iis auxiliis, Emplastrum Cantharidis ve-

sicatoriae amplum summo capiti superimponatur, remedia optima sunt.

Q. Quae curatio est Hydrocephali Acuti in *stadio secundo*?

R. Alvum ducere Submuriate Hydrargyri in partitis dosibus, quater vel sexies in die; et unguenti Hydrargyri drachmas duas in corpus bis in die bene infricare, convenit: cum adsunt torpor, strabismus, pupillae dilatatae, alvus pertinaciter astricta, capitis dolor perpetuus, vultus pallidus, et pulsus circiter centum et viginti aut triginta, et exilis debilisque est, tinctura Digitalis cum Spiritu aetheris nitrosi aetati aegri aptata, alvo interim Submuriate Hydrargyri soluta, remedium efficax interdum est.

Q. Nonne alia remedia in hoc stadio prosunt?

R. Si incitatio corporis maxima est, pulsu valido, vultus et oculorum rubore, et capitis dolore vehementer, indicata, detractione sanguinis et emplastro vesicatorio, iterum opus est.

Q. Quid in *stadio tertio* faciendum est?

R. In hoc stadio de aegro actum est; et nihil ad rem fieri potest; nisi alvum facilem teneamus, caput vel nucham iterum exulceremus, et diuretica, sicuti Scillam maritimam,

**Hydrargyrum, Digitalem, et caetera ejusmodi, exhibeamus.**

**Q.** Quid generaliter de curatione hujus morbi observas?

**R.** Curatio constat in febrem temperando purgantibus, refrigerantibus, et detractione sanguinis; deinde in effusioni intra cerebrum praecavendo, aut eam, si acciderit, submovendo, purgantibus, diureticis, et vesicatoriis, ut jam dictum est.

**Q.** Quae morbida, capita mortuorum inspiciendo, detecta sunt?

**R.** Venae sanguine plerumque turgidae, adhaesiones membranarum, partes earum inflammatae et spissatae, saepius plus minusve humoris in ventriculis, tumores coloris subalbidi in substantia cerebri, post mortem reperita sunt.

#### DE APOPLEXIA.

**Q.** In qua Classe et Ordine Nosologiae Apoplexia ponitur?

**R.** In Classe Neurosum, et Ordine Comatum.

**Q.** Quomodo definitur Apoplexia?

**R.** "Motus voluntarii fere omnes imminu-

ti, cum sopore, plus minusve profundo, superstite motu cordis et arteriarum."

**Q.** Quot species sunt Apoplexiae Idiopathicae?

**R.** Novem; *sanguinea nimirum, serosa, hydrocephalica, atrabiliaria, traumatica, venenata, mentalis, cataleptica, et suffocata.*

**Q.** Hae species totidem causas diversas agnoscant, nonne rectius in duas species reduci possunt?

**R.** Ita; omnis vel sanguinea vel serosa est.

**Q.** Quorum morborum Apoplexia symptomatica est?

**R.** Febrium, Hysteriae, Epilepsiae, Podagrae, Vermium, Ischuriae, et Scorbuti.

**Q.** Utrum Apoplexia sanguinea, an serosa frequentior est?

**R.** Sanguinea multo frequentior accedit, quam serosa, quae quidem rara est.

**Q.** Quos homines Apoplexia saepius corrigit?

**R.** Homines aetate ferè proiectos, capite magno, cervice brevi, plenoque habitu, praeditos; atque poculis, epulisque deditos, plerumque rapit.

**Q.** Quae signa Apoplexiae paroxysmum praecedunt?

**R.** Capitis dolor; motus quidam spasmo-

dici quorundam muscularum ; torpor vel sensus defectus in quadam parte ; vertigo ; somnolentia ; tinnitus aurium ; titubatio ; defectus memoriae, auditus, aut visus ; duplex visus ; strabismus ; imbecillitas saepe, et interdum paralysis quidem alicujus membra ; paroxysmum Apoplexiae instare significant.

*Q.* Quae signa sunt Apoplexiae ipsius paroxysmi ?

*R.* Homo, quibusdam ex signis supra memoratis fere praeceuntibus, subito correptus cadit, jacetque sensu motuque voluntario privatus ; vultus ei rubicundus aut purpureus est ; respiratio difficilis et cum stertore perficitur ; palpebrae vel clausae, vel semiapertae sunt ; pulsus plenus, validus, et durus : interdum est stridor dentium ; et unum latus Paralysi, dum alterum convulsionibus, implicatur.

### *De Causis Excitantibus.*

*Q.* Quae causae Apoplexiā incitant ?

*R.* Quaecunque quantitatem impetumque sanguinis in vasis cerebri augeant, sicuti exercitatio immoda, ira violenta, incurvatio corporis diutina, ligatura circa collum nimis arcta, calor theatri coetūsve magnus, balneum calidum, inspiratio plena cum spiritu protinus

retento, venus nimia, insolatio, vapores narcotici, et injuriae externae capiti illatae, Apoplexiā movere possunt.

Q. An iis causis tanta copia sanguinis tali cum impetu in cerebrum propellitur, quanto vasa ejus rumpantur?

R. Vasa quaedam cerebri impetu sanguinis vehementer interdum rumpuntur; sed multo saepius dilatantur ita, ut eundem effectum, paroxysmum nempè Apoplexiae, efficiant: in hoc autem differunt, quod ille remediis idoneis et tempestivis nunquam; hic vero saepe, submoveatur.

Q. An *Apoplexia serosa* causis supra enumeratis movetur?

R. Interdum fortasse, sed raro; nam fere semper aegris Ischuriā laborantibus, hydropicis, et admodum debilibus, accidit.

### *De Causis Praedisponentibus.*

Q. Quae causae corpus Apoplexiae obnoxium reddunt?

R. Plethora sanguinis, ignavia, obstipatio, modus vivendi luxuriosus, potatio nimia, caput magnum, collum breve, solitae evacuationes suppressae, calor externus, et aetas proxecta, causae praedisponentes certe habenda sunt.

*De Diagnosi.*

**Q.** Cum quibus morbis Apoplexia confundi potest?

**R.** Cum Ebrietate; Epilepsia; Paralysi, et fortasse Hysteria.

**Q.** Quomodo Apoplexia ab *Ebrietate* distinguida est?

**R.** Odor spiritū; pulsus parvus, debilis et frequens; vultus pallidus vel ruber; historia horarum sex vel decem proxime praeeuntium; et motus inembri, stimulo admoto, ebrietatem designant: dum sopor profundus, vultus lividus, accessio subita paroxysmi, et pulsus plenus et validus, Apoplexiā indicant.

**Q.** Quo modo Apoplexia ab *Epilepsia* distinguida est?

**R.** In Epilepsia convulsiones ambobus corporis lateribus cum sopore accidunt; musculi faciei plurimum convelluntur et torquentur; vultus rubescit, et sudore madidus est, oculi fixi et prominentes sunt; et aeger spumat ore; praeterea, aura epileptica saepe accessionem paroxysmi antecedit. In Apoplexia vero convulsiones, cum adsint, latus unum solummodo corripiunt, dum alterum Paralysi resolvitur; musculi faciei torquentur, sed raro convelluntur; vultus lividus et rubicundus est; oculi

fixi sunt, sed palpebris celantur, quae vel clausae, vel semiapertae sunt; aeger non sputat ore, stertit vero inter respirandum.

*Q.* Quomodo Apoplexia *Paralysi* dignoscenda est?

*R.* Paroxysmus Apoplexiae et Paralysis in gradu tantum inter se differre videntur: nam in Paralysi, quanquam sopor, et respiratio difficultis, et stertor, quodam modo adsint; aliquid sensus tamen, veluti auditus, et motus voluntarii nonnulli etiamsi imminuti, adhuc supersunt.

*Q.* An Apoplexia cum *Hysteria* confundi potest?

*R.* Vix; in foeminis tamen habitus plenissimi, paroxysmus Hysteriae interdum Apoplexiae haud absimilis in aspectu; sed puleus pene naturalis, suspiratio, respiratio inaequalis, nunc tarda nunc velox, subsultus musculorum aliquorum, et convulsiones seu contortiones corporis generales, Hysteriam designant. Plerumque globus quoque paroxysmum antecedit.

### *De Prognosi.*

*Q.* Quae prognosin Apoplexiae faustum indicant?

*R.* Prognosis semper cum cautione dicenda

est, quippe quae plerumque infausta. Quanto tamen levior paroxysmus, quanto junior ae-grotus, et quanto vita ejus praeterita temperatior; tanto magis fausta est prognosis: porro, si sanguis protinus mittatur, et postea si redeant et motus et mens, spes adhuc major est sanitatis.

*Q.* Quae notae, contrà, prognosin fore infaustam significant?

*R.* Totum corpus ita vehementer resolutum, ut motus omnes voluntarii, et sensus quoque imminuantur; sopor profundus cum stertore; aeger aetate provectus; prognosis praebent infaustissimam.

### *De Curatione.*

*Q.* Quid in curatione Apoplexiae faciendum est?

*R.* Missio sanguinis copiosa, ductio alvi plena, Emplastrum Cantharidis vesicatoriae, et diluentia blanda et frigida, in ordine necessaria sunt.

*Q.* Quantum sanguinis semel mitteres?

*R.* Quum vita aegri in praecipiti periculo est, sanguis pro habitu et viribus ejus ex vulnera venae ample detrahendus est ad redditum usque mentis motusque, vel ad deliquium animi; nisi pulsus parvus intermittens et fre-

quens, et vires exhaustae contrà indicent. Si post aliquot horas diathesis phlogistica redeat, sanguis iterum in quantitate justa pro viribus mittendus est.

Q. Quid post sanguinis missionem protinus faciendum est?

R. Capillos radere; et Emplastrum Vesicatorium forte et amplum summo capiti superimponere oportet, ut humor quam copiosissimus educatur.

Q. Quid post sanguinis missionem, Emplastrumque Vesicatorium, fieri debet?

R. Alvus est ducenda; si aeger devorare potest, habeat pulveris Jalapae scrupulum, cum Submuriatis Hydrargyri granis quinque omni tertia hora, usque dum alvus libere responderit; si non devorare, injiciatur enema purgans, et alterâ quâque horâ repetatur, si opus, ad alvum ducendam.

Q. Nonne alia purgantia aequa respondebant?

R. Certe multa alia sicuti Oleum Ricini; Sulphas Magesiae, Soda, Potassae; Phosphas Soda; Infusum Sennae; et caetera, bene respondent.

Q. Si rubor vultûs, confusio idearum, dolor capitidis, aliaque signa urgentia, detractionem

sanguinis iterum indicant; vires autem et habitus aegri vix patiuntur, quid fieri debet?

*R.* Hirudines decem vel quindecim, vel cucurbitula cum ferro, temporibus aegri applicari debent; deinde Emplastrum alium Vesicatorium summo capiti, si fieri potest, aut nuchae, imponendum est, et tum alvus leniter ducenda, caput totum aqua frigida et aceto saepe lavare bonum est.

*Q.* Quid regimen Apoplectis idoneum est?

*R.* Diaeta tenuis, parca, et parum nutritiva; herbae; fructus; serum lactis; lac butyri; panis; juscula adipe destituta; et aqua fontana pro potu, potissimum conveniunt.

*Q.* Qui exitus sunt Apoplexiae?

*R.* Curatio, aut Paralysis, aut mors.

*Q.* An Apoplexia saepe in Paralysin desinit?

*R.* Saepe; nam, si injuria cerebro illata magna fuisset, priusquam remedia idonea administrata, paralysis sequitur, ut consequentia illius injuriae necessaria.

#### DE PARALYSI.

*Q.* Quae est definitio Paralysis?

*R.* "Motus voluntarii nonnulli tantum immutati, saepe cum sopore."

*Q.* Quot species sunt Paralysis?

*R.* Quatuor : "Paralysis *partialis* quorundam muscularum tantum, *hemiplegica* alterius corporis lateris ; *paraplegica* dimidii corporis transversim sumpti ; et *venenata* a potentissimis sedantibus externe et interne adhibitis."

*Q.* An Paralysis semper sequela Apoplexiae est ?

*R.* Saepius Apoplexiā sequitur, sed minime semper ; ex aliis enim causis quoque oritur.

*Q.* Quae signa sunt Paralysis ?

*R.* Imminutio motū voluntarii in quibdam corporis partibus, modo paucioribus, modo pluribus ; et saepe perturbatio vel defectus mentis facultatum, sicuti memoriae, imaginationis, attentionis, judicii, et affectionum animi, Paralysin plane designant.

*Q.* Nonne quaedam indicia saepe Paralysis accessionem praecedunt ?

*R.* Vox balbutiens, tremor, crebra oscitatio, debilitas alicujus membra, veterinus, torpor, animae deficientis metus, memoria labans aut amissa, oculi caligantes, et duplex visus, haud raro paroxysmum praecedunt.

### *De Causis Excitantibus.*

*Q.* Quibus ex causis Paralysis oritur ?

*R.* Ex Apoplexia, vel potius ex ejus causis ;

ex injuriis cerebro ipsi, medullae spinali, vel nervis, illatis ; e frigore et humore conjunctis et diu continuatis ; et e narcoticis venenis.

*Q.* Nonne Paralysis convenienter in duo genera dividi potest, ut causa ejus vel in capite, vel aliis in partibus, sita est ?

*R.* Maxime ; Paralysis enim aut de compressione originum nervorum in cerebro ipso ; aut de compressione vel injuriâ nervorum in quadam viae parte inter cerebrum et organa motûs, pendere videtur.

*Q.* Quid cerebrum et origines nervorum comprimere potest ?

*R.* Sanguis vasa intra caput nimirum distendens, et multo majus spatium, quam decet, occupens ; vel serum ob debilitatem, aut sanguis, vase rupto, in ventriculos cerebri effusus ; vel tumores interdum cerebrum originesque nervorum comprimunt, eoque movent Paralysin.

*Q.* Quid vulgo Paralysin in partibus corporis movet ?

*R.* Tumor, vel Aneurisma nervos praecipuos membrai comprimens ; vel laesio nervi ; vel frigus diu applicatum ; vel venenum, sicuti plumbum, nervos hebetat, sensum perdit, Paralysinque plus minusve perfectam pro modo injuriae nervis illatae facit.

*De Causis Praedisponentibus.*

Q. Quae causae sunt Paralysis praedisponentes?

R. Debilitas sola esse causa videtur, corpus, aut partem ejus etiam, proclive ad Paralysin reddendi; Paralysis enim maxime illos invadit, qui meridiem vitae transierint, quorumque valetudo senectute, curis, studio, intemperantia, aut morbis, sicuti Epilepsia, Chorea, Podagra, Rheumatismo longo, et Hysteria, conquassata fractaque fuit.

Q. Nonne graviditas et puerperium interdum Paralysi proclivitatem praebent?

R. Graviditas certe a mense quinto ad finem usque praegnationis haud raro impetum sanguinis caput versus plurimum auget, et nonnunquam, sed perraro quidem, Paralysin movet; nam uteri magnitudo vasa sanguinea premens, cursumque sanguinis ex parte impediens, eum sursum transire cogit, cui obstipatio non nihil auxiliatur.

*De Diagnosi.*

Q. Cum quibus morbis Paralysis confundi potest?

R. Cum Apoplexia, aut Epilepsia.

*Q.* Quomodo Paralysis ab *Apoplexia* distinguenda est?

*R.* Pulsu tardo et plerumque molli; immunitio[n]e et non privatione motūs omnis sensus; et stertore absente, quae in *Apoplexia* sese aliter habent.

*Q.* Quibus notis Paralysis ab *Epilepsia* distinguenda?

*R.* Convulsionibus amborum laterum generalibus; et privatione subitā sensūs, quae signa brevi tempore durant, deinde cessant; *Epilepsia* designatur: quae in *Paralysi* non ita sunt.

### *De Prognosi.*

*Q.* Quae prognosis est Paralysis?

*R.* Prognosis saepius est infausta; nam effectus injuriae saepe diu remanet, postquam causa ejus sublata est. Calor tamen membrorum laborantium, et sensus pruritūs, aut formicationis, aut doloris etiam, potius fausta sunt indicia.

### *De Curatione.*

*Q.* Num missio sanguinis Paralysi utilis est?

*R.* Si causa ejus de nimia distentione vasorum, aut effusione seri, pendere videtur; si signa gravia sunt, et habitus aegri haud ita

multo quassatus, sanguis certe mittendus est: sin autem Paralysis post sanguinis detractio-  
nem generalem perstat, vena iterum, si impe-  
tus sanguinis caput versus adhuc nimius est,  
incidatur; vel hirudines duodecim tempori-  
bus imponantur.

*Q.* An sanguinem mitteres, si debilitas ad-  
esse videtur?

*R.* Illud signis praesentibus potissimum ni-  
teretur, quando enim caput multum laborat,  
et membra plura, aut latus unum, Paralysi  
corripitur; sanguinis, utcunque debilitas ur-  
geat, mittendus est pro viribus aegri, ut cere-  
brum quam primum sublevari possit, deinde  
alia auxilia idonea adhibenda sunt.

*Q.* An sanguis mittendus est, quando Pa-  
ralysis e frigore aut venenis oriatur?

*R.* Si caput non afficitur, et si hemiplegia  
non adest; Paralysis vero partialis, vel para-  
plegica solum incidit, sanguis nullo modo de-  
trahendus est.

*Q.* Quum cerebrum adhuc comprimi vide-  
tur post copiosam sanguinis missionem, et re-  
solutio nervorum maxima remanet, quid ne-  
cessarium est fieri?

*R.* In tali casu vel serum effusum, vel vasa  
relaxata et dilatata multo plus sanguinis solito  
continentia, cerebrum originesque nervorum

comprimunt, etiamsi causa effusionis, relaxatio-  
nisque, submota esset; ut pulsus debilis et  
mollis indicat; tum Emplastrum Vesicatorium  
summo capiti applicatum, et iterum iterumque  
repetitum, si opus erit, ad sextam vel deci-  
mam usque vicem; et purgantia lenia bis in  
die, conmodissima sunt.

*Q.* An Hydrargyrus in Paralysi utilis est?

*R.* Utilissimus est; nam et alvum ducit, et  
vasa absorbentia ad humorem effusum hauri-  
endum stimulat.

*Q.* Num stimulantia interna unquam expe-  
diunt?

*R.* Certe, si Paralysis e frigore oriatur, vi-  
num, diaeta plena et nutriens, Aromatica, se-  
mina sinapeos, olea volatilia, Tinctura Guaiaci,  
et Aqua Ammoniae, utilissima sunt.

*Q.* An eadem stimulantia idonea sunt, post-  
quam compressio cerebri missione sanguinis,  
aliisque remediis, submota est; et Paralysis  
magna ex parte debilitate niti videtur?

*R.* Si Paralysis de injuria, quam cerebrum  
originesque nervorum compressione accepis-  
sent, pendet, et nulla effusio adhuc superest,  
eadem remedia certe expediunt: quod si effu-  
sionis ulla signa adsint, Emplastrum Vesica-  
torium summo capiti superimponendum, et, si  
opus sit, repetendum est; diaeta parca et faci-

lis concoctu ; purgantia lenia ; diuretica, sicuti Hydrargyrus, Digitalis, Scilla, et Spiritus aetheris nitrosi, maxime conveniunt.

*Q.* An stimulantia extrinsecus membris paralyticis prosunt ?

*R.* Membra paralytica Oleo Ammoniato, oleo terebinthinae, tinctura Cantharidis vesicatoriae, et aquâ Ammoniae, fricare ; vel catalplasmatis sinapis, aut cochleariae armoraciae, citra exulcerationem stimulare interdum magno ex usu est : simul cum iis remediis et internis et externis, exercitatio membrorum Paralysi laborantium utilissima est. Electricitas non-nunquam utilis est, sed potius dubium remedium habenda.

#### DE TETANO.

*Q.* In qua Classe et Ordine Nosologiae Tetanus ponitur ?

*R.* In Classe Neurosum, et Ordine Spasmodorum.

*Q.* Quae definitio est Tetani ?

*R.* "Plurium muscularum rigiditas spastica."

*Q.* Quot species sunt Tetani ?

*R.* Duae ; "*trismus nascentium* infantes intra duas primas a nativitate septimanas corri-

piens ; et *trismus traumaticus* omnium aetatum, a vulnere vel frigore."

*Q.* In quo differt Tetanus a *trismo* ?

*R.* In Tetano dimidium vel totum corpus spasmis afficitur ; dum in trismo est praecipue maxillae inferioris spastica rigiditas.

*Q.* Nonne Tetanus et trismus eidem morbo referendi sunt ?

*R.* Sine dubio, etenim nunc unus, nunc alter, et haud raro ambo simul, in eodem morbo apparent.

*Q.* Quae generaliter de Tetano notatu digna sunt ?

*R.* Sub omni caelo, praecipue calido, omnem aetatem, sexum utrumque, sed potius masculinum, et temperamentum omne, infestat.

*Q.* Quae signa sunt Tetani ?

*R.* In praecordiis molestia et tensio dolens sentiuntur ; pars cervicis postica modo subito modo paulatim rigida fit, rigiditas magis magisque intenditur, et tandem motus capitis impedit ; musculi linguae, gutturis, et maxillae inferioris, praecipue rigidi sunt, et spasmo afficiuntur ; hinc motus linguae et maxillae dolorem movent ; et fere difficultas devorandi adest ; apud imam partem sterni dolor vehemens est, qui retro ad spinam usque tendit ; et plurimum excruciat. Musculi modo caput sca-

pulis, modo mentum pectori annectunt, modo rectam et immobilem cervicem intendunt. Prior Opisthotonus, insequens Emprosthotonus, ultimus Tetanus appellatur. Musculi abdominis quoque spasmo retrahuntur; alvus plurimum astricta est; pulsus tardus et durissimus; omnes musculi voluntarii tandem spasmo tenentur, qui modo sese remittit, modo intendit. Dolor intolerabilis est in epigastrio. Vultus fere rubescit; sudor copiose manat; respiratio difficilis est; cor vehementer palpitat; delirium, et mors sequitur.

### *De Causis Excitantibus.*

*Q.* Quae causae Tetanum movere videntur?

*R.* Transitus subitus a calore ad frigus, et ab aëre sicco in humidum, dum corpus halitu cutis humectatur, et exhaustum; puncturae, vulnera, vel laesiones nervorum; vitia ventriculi atque intestinalium; et retentio meconii in nascentibus, Tetanum excitare observata sunt.

### *De Causis Praedisponentibus.*

*Q.* Quae causae Tetani praedisponentes habendae sunt?

*R.* Hic morbus est generis nervosi, cuius

vitia parum cognita ; itaque nihil certi de causis praedisponentibus dicere habemus.

*De Diagnosi.*

**Q.** Quibus morbis Tetanus confundi potest ?

**R.** Cum Hydrophobia solummodo.

**Q.** Quibus notis Tetanus *Hydrophobia* dignoscendus est ?

**R.** In Tetano musculi non solum gutturis, verum etiam caeterarum partium, vehementer spasio afficiuntur ; nullus est metus aquae, sed devorandi, quia deglutitio et motus muscularum spasmos intendunt ; et dolor excrucians in epigastrio, quae omnia morbum nostrum indicant. In Hydrophobia tamen spassi guttur solummodo infestant ; sensumque dant suffocationis ; aegro plerumque summus horror aquae est ; atque ob sensum generis nervosi morbidum timiditas insolita valet.

*De Prognosi.*

**Q.** Quae est prognosis Tetani ?

**R.** Prognosis ejus infaustissima est ; quamquam enim casus quidam aliquando remedii cedant, curationemque admittant ; plerumque tamen obsistunt, atque sunt lethales.

*De Curatione.*

*Q.* Quae curatio est Tetani?

*R.* Varia remedia in usum venerunt, sicuti Opium, Moschus, Camphora, aliaque anti-spasmodica; balneum calidum, aut frigidum; missio sanguinis; Hydrargyrus; vinum et Cinchona; et non perrime purgantia; quae omnia etiamsi nonnunquam utilia, spes tamen medicorum saepius fefellerunt. Curatio rationalis et efficax adhuc plurimum desideratur.

*Q.* Nonne curatio rationalis ex iis remediis seligi potest?

*R.* Curatio idonea et rationalis causis morbi nitatur necesse est; causa vero saepe abdita, eoque in tenebris obscuris curatio est.

*Q.* Annon causa evidens est, cum e vulnere oriatur?

*R.* Interdum ita est; et tum pars laesa quam primum excidenda est; et suppuratio ibi cataplasmatis calidis promovenda: hoc tamen respondet solum, quum vulnus recens est; nam si irritabilitas maxima generis nervosi excitata fuerit, non sine maxima difficultate sedari potest.

*Q.* An alia remedia praeter excisionem partis laesae utilia sunt?

*R.* Maxime; acria, sicuti Nitrás argenti,

Aqua Potassae, oleum terebinthinae, parti applicata sunt, ut suppuration ibi excitaretur, sed rarissime cum fructu.

*Q.* Si spasmi irritabilitate generis nervosi nituntur, nonne eos antispasmodicis superare atque sedare licet?

*R.* Omnia Antispasmodicorum Opium potissimum est, quod, dosibus maximis et saepe repetitis exhibitum, spasmos interdum solvit, saepius vero sine magno efficiendo commodo.

*Q.* Nonne balneum calidum Opio auxilio bono esset?

*R.* Balneum calidum spasio solvendo utile est, sed iterum cito peiores fiunt: balneum tamen frigidum, spasmorum paroxysmo adhibitum, in multo saepius utile repertum est.

*Q.* Si spasmi et opio et balneo pertinaciter obsistunt; nonne missioni sanguinis copiosae cederent?

*R.* Hoc remedium antiquissimum est, Asclepiades enim mittendum esse sanguinem credidit; et ab eo tempore aliis aliisque medicis decursum est, et interdum cum fructu; hodie tamen detractio sanguinis in curatione Tetani creditur injuriosa esse.

*Q.* An Hydrargyrus spasmis solvendis utilis est?

*R.* Hydrargyrus certe est utilis spasmos

solvendo, cum effectus ei proprii, gingivae nimurum tenerae et inflammatae, in corpore excitantur.

*Q.* Num purgantia utilia sunt?

*R.* Auxilia utilissima videntur esse; sed curationem purgantibus solum credere minime idoneum est; quia alvum solutam facere difficultum est.

*Q.* An vinum et Cinchona commoda sunt?

*R.* Interdum cum debilitas magna adest, et cum morbus e frigore ortus esse videtur, utilia sunt.

*Q.* Cum signa incipientia Tetani sese ostendunt, quid fieri debet?

*R.* Alvus protinus ducenda est Submuriate Hydrargyri, et, si aeger plenus est, sanguis ad uncias triginta, vel plures, mittendus; deinde dosis opii puri magna exhibenda est, et repetenda pro re nata; et tum balneum frigidum, si opus erit, usurpandum.

*Q.* Quod si deglutitio difficilis est, et spasmos sive trismum ita inducit, ut medicamenta vix devorari possint, quid faciendum est?

*R.* Unguentum Hydrargyri, et tinctura opii copiosè in corpus bene infricanda sunt; et tinctura opii simul cum nutrimento per anum injicienda, si maxillae clauduntur, et nihil devorari potest.

*Q.* Qutum aeger est tenuis debilisque, et morbus e frigore, vel errore functionum concoctionis, oriri videtur, quae remedia optima sunt?

*R.* Purgantia, et enemata, ad alvum, opium et aether ad spasmos, solvendum; et vinum, atque balneum frigidum, ad vires roborandum, utilia sunt.

*Q.* In *Trismo nascentium* quid faciendum est?

*R.* Purgantia, praecipue oleum ricini, vel Submurias Hydrargyri, pro re nata danda repetendaque sunt; vel, si aeger non devorare potest, enemata nutrientia injicienda sunt: umbilicum fomentis calidis subinde fovere; vel aegrum in balneum calidum immergere, prodest.

#### DE CONVULSIONE.

*Q.* In qua Classe et Ordine Nosologiae Convulsio est?

*R.* In Classe Neurosum, et Ordine Spasmorum.

*Q.* Quae definitio est Convulsionis?

*R.* "Musculorum contractio clonica, abnormis, citra soporem."

*Q.* Quam aetatem Convulsio praecipue afficit?

*R.* Aetatem ineuntem praecipue, aut foeminas uterum gerentes, et puerperas infestat.

*Q.* Quae signa sunt Convulsionis?

*R.* Pulsus frequens et plerumque validus; rubor vultus; respiratio accelerata; motus abnormes quorundam muscularum, praecipue faciei; dum pollices et digiti in volam retrahuntur; artus modo extenduntur, modo convelluntur; oculi fixi; et sensus privatio temporaria, Convulsionem indicant.

*Q.* An eadem indicia Convulsionem aetatis adultae designant?

*R.* Partim; verum adsunt quoque capitis dolor lancinans; lucis intolerantia; dolor in epigastrio; fastidia; tinnitus aurium; visus imminutus; scintillae aut nebulae ante oculos; respiratio stridula; oculi sursum versi; et Convulsiones.

### *De Causis Excitantibus.*

*Q.* Quibus ex causis oritur Convulsio in tenera aetate?

*R.* Ex dentitione; cruditate in ventriculo aut intestinis; vermibus intestinalibus; Obstructione, aut Marasmo; morbis acutis, sicuti Variola; calore nimio; irritatione generis ner-

vosi, veluti puncturâ acûs: et debilitate summâ.

*Q.* Quibus ex causis oritur Convulsio in foeminae gravidis, aut puerperis?

*R.* Ex uteri, et vesicae urinae, distentione; irritatione magna cujuscunque generis; injuriis capiti illatis; agitatione vehementer; aëre nimis calido; affectibus animi; et oedemate extremitatum inferiorum.

### *De Causis Praedisponentibus.*

*Q.* Quae causae corpus Convulsionibus obnoxium reddunt?

*R.* Plethora, irritabilitas magna generis nervosi, congestio sanguinis in vasis cerebri, atque aër inquinatus, causae praedisponentes habendae sunt.

### *De Diagnosi.*

*Q.* Quibus morbis Convulsio confundi potest?

*R.* Cum Epilepsia; Hysteria; et Apoplexia.

*Q.* Quibus indiciis Convulsio *Epilepsia* dignoscenda est?

*R.* Tenera aetas; praegnationis menses posteriores; et puerperium, in quibus Convulsiones plerumque accidunt, raro Epilepsia tentantur; praeterea in Convulsione, pulsus in-

ordinatus est; aegra adulta contortit oculos; palpebras velociter movet; sibilat ore; et lingua perpetuo agitat.

*Q.* Quomodo Convulsio ab *Hysteria* distinguenda est?

*R.* *Hysteria* rarissime, si unquam, ante duodecimum annum aetatis, et perraro quoque in ultimis graviditatis mensibus appetet, in quibus Convulsiones fere accidunt; alia signa quoque plurimum discrepant.

*Q.* An Convulsio cum *Apoplexia* confundi potest?

*R.* Vix; nam sopor profundus, imminutio motuum voluntariorum, et pulsus validus et durus, *Apoplexiam* indicant: dum aetas, puerperium, aliaeque res cum his conjunctae, Convulsionem designant.

*Q.* Nonne Convulsio in *Apoplexiā* transire potest?

*R.* Cūm causae excitantes maximae, et cūm habitus aegri plenissimus est, paroxysmus *Apoplexiae* vere accidere potest, quem saepe demonstrat pars, quae Paralysi capiatur; et Convulsio post certum intervallum, si *Apoplexia* et Paralysis remediis idoneis sublatae essent, sub forma ei propria redire potest, dum aeger ad sanitatem reducatur.

*De Prognosi.*

**Q.** Quae est prognosis Convulsionis?

**R.** Convulsio fere semper periculosa est; prognosis igitur caute dicenda esse debet. Cum autem paroxysmus potius lenis est, et intervallum longum sequitur; et cum causa ejus evidens est; praesertim si remediis cedat, prognosis magis fausta ducenda est: contrà vero, si paroxysmi longi, graves, et frequentes sunt; si vultus rubescit, livescitque; si cum steriore respiratio geritur; si coma profundum vel stupor inter paroxysmos perstat; et si in puerperis oedema crurum adest, prognosis infaustissima est.

*De Curatione.*

**Q.** Quae est curatio Convulsionis in aetate ineunte?

**R.** Curatio de causa multum pendet; sub dentitione gingivae inspiciendae sunt, et, si dentes suas capsulas distendere, et irritationem excitare videntur, protinus ad dentes usque orientes incidendae: deinde alvus statim ducenda est: et tum aeger in balneum calidum paulisper descendat.

**Q.** Quòd si ne haec quidem respondeant, et Convulsiones redeant, quid fieri debet?

*R.* Sanguis pro aetate et viribus aegri mittendus, vel hirudinibus ad tempora applicatis, vel ramulo arteriae temporalis inciso; et tum Emplastrum Cantharidis Vesicatoriae, capillis erasis, summo capiti superimponatur: alvum adhuc ducere expedit.

*Q.* Nonne stimulantia, et antispasmodica, interdum necessaria sunt, quum tenellus aeger infirmus est, et in comate diu remanet?

*R.* Aqua Carbonatis Ammoniae naribus applicata; oleum succini, vel tinctura saponis cum opio, super abdomen fricata; dum serum vini albi; Alcohol Ammoniatum aromaticum, vel tinctura hyoscyami, vel tinctura valerianae, intrinsecus commendata sunt ad gravitatem paroxysmi temperandam, comaque tollendum.

*Q.* Quid faciendum est, cum convulsio uterum gerentibus, aut puerperis incidit?

*R.* Sanguinem copiosè mittere; deinde alvum solvere; et, si aegra grava est, partum quam primum expedere, oportet. Si irritabilitas magna generis nervosi remanet, mistura camphorata cum pauxillo tincturae hyoscyami; vel mistura opiate ad eam sedandam commodissima est?

*Q.* Nonne Emplastra Vesicatoria prosunt?

*R.* Certe; cum coma, aut stupor diu rema-

net post paroxysmum, caput exulcerare vesicatorio utilissimum est.

*Q.* Si oedema plurimum augeatur, quid necessarium est?

*R.* Submovendum est Submuriatis Hydrargyri et Jalapae dosibus iteratis; et tincturae Digitalis guttis decem ter quaterve in die repetitis, vel pluribus et saepius, si opus est.

#### DE CHOREA.

*Q.* In qua Classe et Ordine Nosologiae Chorēa ponitur?

*R.* In Classe Neurosum, et Ordine Spasmodorum.

*Q.* Quomodo definitur Chorēa?

*R.* "Impuberis utriusque sexūs, ut plurimum intra decimum et decimum quartum aetatis annum adorientes, motus convulsivi ex parte voluntarii, plerumque alterius lateris, in brachiorum et manuum motu, histrionum gesticulationes referentes; in gressu, pedem alterum saepius trahentes quam attollentes."

*Q.* Quae alia signa Choreae adsunt?

*R.* Dolor, vel torpor, vel debilitas, vel sensus frigoris extremitatum; vertigo, tinnitus aurium, motus convulsivos saepe praecedunt; appetitus varius, saepe vorax; alvus plerum-

que astricta est; motus quidam abnormes fiunt; loquela, et deglutitio nonnunquam afficiuntur; mentis facultates quoque haud parum perturbatae et imminutae fiunt.

*Q.* Nonne Chorea partim Paralysi, et partim spasmo, attribuenda est?

*R.* Ita; Chorea enim laborantes, paralyticis similes, pedem alterum trahunt, dum motus voluntarii quidam spasmo inordinati et ridiculi redduntur.

### *De Causis Excitantibus.*

*Q.* Quae causae Choram excitare videntur?

*R.* Omnia, quae genus nervosum irritent; sicuti dentitio; vermes, cruditas, vel acria ventriculum et intestina irritantia; et etiam consensus, et affectus animi, causae excitantes habenda sunt.

### *De Causis Praedisponentibus.*

*Q.* Quae Chorea proclivitatem dant?

*R.* Debilitas causa esse sola praedisponens videtur; nam Chorea aetatem puerilem, valeducine adversa quassatam et infirmatam; et foeminas potius quam mares, invadit.

*De Diagnosi.*

*Q.* An Chorea cum ulla aliis morbis confundi potest?

*R.* Vix, quia motus convulsivi et ridiculi, extremitates, sicuti brachium et crus, afficienes, Choremam evidenter indicant.

*De Prognosi.*

*Q.* Quae est prognosis Choreae?

*R.* Rarissime periculosa est; trahit vero diutius. Paucissimi intra mensem restituuntur; plerique vero in menses duos tresve aegrotant; et per pauci annum integrum laborant. Interdum, sed perraro, in Epilepsiam et Fatuitatem desinit.

*De Curatione.*

*Q.* Quae est curatio Choreae?

*R.* Consilium medendi de causa excitante multum pendet; si morbus a dentitione efficiatur, gingivae libere super dentes offendentes incidendae sunt: si ab irritationibus in canali alimentario, purgantium usus constans prudensque aegro efficaci remedio est.

*Q.* Nonne purgantia repetita vires aegri exhauriunt, et injuriosa fiunt?

*R.* Purgantia ita repetita in plenis dosibus,

ut dosis insequens effectum prioris adjuvet, faeces accumulatas paulatim expellunt, atque non modo non vires aegri debilitant, verum etiam recreant, roborantque.

*Q.* Annon tonica interdum utilia sunt?

*R.* Sine dubio vinum, Cinchona, ferri præparationes, et amara, utilissima sunt; quando cum purgantibus conjunguntur, vel alternantur, ad ventriculum et intestina roborandum.

*Q.* An missio sanguinis, et alia remedia, necessaria sunt?

*R.* Sydenhamus missione sanguinis et purgantibus aegros Choreâ laborantes, et De Haen antispasmodicis et electricitate, curare solitus est: quae remedia igitur interdum commoda sint.

*Q.* Quae remedia efficacissima reperta sunt?

*R.* Purgantia caute et prudenter administra-ta, tonica, et interdum antispasmodica, cum diaeta nutritive, curationem fere efficiunt.

*Q.* Quae morbi redditum prohibent?

*R.* Diaeta lauta, alvus facilis, balneum fri-gidum, et exercitatio libera sub divo, Chorem certissime arcebunt.

*Q.* In qua Classe et Ordine Nosologiae po-nitur Epilepsia?

*R.* In Classe Neurosum, et Ordine Spasmodum.

*Q.* Quomodo Epilepsia definitur?

*R.* "Musculorum convulsio cum sopore."

*Q.* Quot species Epilepsiae sunt?

*R.* Tres: *Epilepsia cerebralis, sympathica, et occsionalis.*

*Q.* Quomodo definitur species *cerebralis*?

*R.* "Epilepsia cerebralis sine causa manifesta subito adoriens; praegressa nulla sensatione molesta, nisi fortassis vertiginis vel Scotomiae alicujus."

*Q.* Quomodo definitur species *sympathica*?

*R.* "Epilepsia sympathica sine causa manifesta; sed praegressa sensatione aurae cujusdam, a parte corporis quadam versus caput asurgentis."

*Q.* Quae definitio est speciei *occasionalis*?

*R.* "Epilepsia occasionalis ab irritatione manifesta oriens, et ablata irritatione cessans."

*Q.* Quae generaliter de Epilepsi notanda sunt?

*R.* Morbus in paroxysmis accedit; et breve post tempus abscedit; epilepticum saepe in valetudine solita; nonnunquam vero debilitatem vel stuporem, intervallo relinquit. Saepe juvenes et pueros, quam adultos, et puel-

las, occupat ; saepius noctu quam interdiu paroxysmus accedit.

*Q.* Nonne paroxysmum signa quaedam praecedunt ?

*R.* Interdum capitis dolor, vertigo, visus defectus, scintillae, vel spectrum ante oculos, tinnitus aurium, palpitatio, flatus, languor, stupor, aut aura ut dicitur, Epilepsiae paroxysmum praecedunt ; multo saepius tamen epilepticus repente corripitur.

*Q.* Quae signa sunt paroxysmi ipsius ?

*R.* Homo quam primum percussus horrifice vociferat, subito concidit, jacetque prostratus, sensus expers ; musculi plurimum convelluntur, praecipue unius lateris, os distorqueatur, oculis ursum versi album ostendunt, digiti arcte contrahuntur ; ex ore spumae moventur, quae cruentae sunt ubi lingua mordetur, quod saepe evenit ; deinde interposito tempore ad se aeger redit, et per seipsum consurgit.

### *De Causis Excitantibus.*

*Q.* Quae causae Epilepsiam movent ?

*R.* Injuriae capiti illatae ; exostosis, vel spicula ossea, vel tumores, serum vel sanguis effusus intra cranium : affectus animi vehementes, praecipue subitus metus ; ira ; ebrietas frequens ; dolores acuti ; vermes in ventriculo

aut intestinis ; dentitio ; et evacuationes solitae suppressae, Epilepsiam excitant.

*De Causis Praedisponentibus.*

*Q.* Quae causae corpus Epilepsiae opportunitum reddunt ?

*R.* Mobilitas magna generis nervosi ; plethora sanguinis vasa cerebri nimis distendens ; debilitas generalis ; et, labes haereditaria, proclivitatem dant.

*De Diagnosi.*

*Q.* Quibus cum morbis Epilepsia confundi potest ?

*R.* Cum Apoplexiâ, Hysteria, et Convulsione.

*Q.* Quibus notis Epilepsia ab *Apoplexia* distinguenda est ?

*R.* Convulsionibus generalibus et vehementibus ; sudore per vultum manante ; oculis distortis et albis, vel prominentibus ; spuma oris ; vultus aspectu generali ; et pulsu frequente et molli, Epilepsia cognoscenda est.

*Q.* Quibus indiciis Epilepsia ab *Hysteria* distingui potest ?

*R.* Signis jam dictis Epilepsiam : dum habitu, sexu, animo vario et mutabili, convolutionibus truncum corporis torquentibus, et ex-

tremitates vehementer agitantibus ; globo ad guttur assurgente, et suffocationem minitante ; respiratione modo celeri, modo tardâ, vel interruptâ ; suspiriis profundis ; et urinâ multâ limpidâ, Hysteriam dignoscere licet.

*Q.* Quomodo Epilepsia *Convulsione* dignoscenda est ?

*R.* Aetas tenera ; vel conditio gravida aut puerpera, et causa haud raro evidens, Convulsionem ; dum indicia supra memorata Epilepsiam, designant.

### *De Prognosi.*

*Q.* Quae est prognosis Epilepsiae ?

*R.* Quod ad vitam pertinet prognosis potius fausta ; ad sanitatem vero plerumque infasta ; accessiones tamen tantillum nocent quibusdam epilepticis, ut, cum ipsi nullius rei concii fuerint, aegrè sibi persuaderi possit se aliquid ejusmodi passos esse. Alii autem, postquam resipuerint, experti sunt gravitatem universam, et torpores in aliquot horas, vel capitis dolorem, nauseam, vomitum, languorem, et sensuum stuporem, sic ut mens et memoria vix prorsus restitutae fuerint post tres dies. His singulas accessiones sequentibus, morbus, cum inveteraverit, labefactat memoriam, aciem ingenii hebetat, corpus universum

debilitat, vel arcessit Paralysin aut Apoplexiā.

*De Curatione.*

*Q.* Quae methodus medendi Epilepsiae est?

*R.* Consilium medendi plurimūm innititur causis; et igitur alium alii aegro adhibendum est. Missio sanguinis tamen, purgantia reperita, temperantia, diaeta tenuis et parca, tonica, et antispasmodica, simul cum exercitatione liberā sub divo, methodum curationis optimam constituunt.

*Q.* An missio sanguinis semper, aut quando, necessaria est?

*R.* Minime vero; si aeger plenus sanguinis est; si impetus ejus caput versus magnus, eoque vasa cerebri plurimum distenduntur, sanguis liberè mittendus est.

*Q.* Quod si plenitudo vix sanguinis missione postulat, quid est optimum fieri?

*R.* Hirudines decem aut quindecim temporibus applicare, caput exulcerare, et ubi fonticulum, aut in parte cervicis posticā, aperire; et alvum leniter, sed perpetuo, ducere oportet.

*Q.* Quum iis rebus causa tolli videtur, et paroxysmi adhuc redeunt, quid factu idoneum est?

*R.* Vires eorum frangere antispasmodicis, sicuti opio, vel camphora, vel hyoscyamo, oportet; si aeger debilis est, tonicis, veluti cinchonā, tincturā muriatis ferri, et caeteris ejusmodi intrinsecus; et balneo frigido, exercitatione modica sub caelo, uti licet.

*Q.* Nonne multa alia medicamenta epilepticis dari solita sunt?

*R.* Plurima alia; sicuti hydrargyrus, ammoniacum cupri, nitras argenti, oxidum arsenici album, oxidum zinci, sulphas zinci, digitalis purpurea; moschus, castoreum, et gummi factida, usurpata sunt; sed fortasse tanto utilia sunt, quanto aut alvum purgant, concocationem retardant, eoque plethoram impediunt; aut mobilitatem generis nervosi sedare tendunt.

## DE AMENTIA.

*Q.* In qua Classe et Ordine Nosologiae ponitur Amentia?

*R.* In Classe Neurosum, et Ordine Vesaniarum.

*Q.* Quae est definitio Amentiae?

*R.* "Mentis judicantis imbecillitas, qua homines rerum relationes, vel non percipiunt, vel non reminiscuntur."

*Q.* Quot species Amentiae sunt?

*R.* Tres; “Amentia *congenita* a nativitate constans; *senilis* ex perceptione et memoria, ingravescente aetate, imminutis; et *acquisita* a causis externis.”

### *De Causis.*

*Q.* Quibus ex causis Amentia oriri videatur?

*R.* Defectu congenito mentis; imbecillitate perceptionis, et memoriae, in senectute; et injuriis cerebro illatis, Amentia exoriri potest.

### *De Prognosi.*

*Q.* Quae prognosis in Amentia ducenda est?

*R.* In amentia *congenita* et *senili* prognosis mala; in *acquisita* nonnunquam fausta est; semper vero cum cautione maximâ dicenda, utpote valde dubia.

### *De Curatione.*

*Q.* Quae curatio optima Amentiae est?

*R.* Parum aut nihil fieri potest, nisi quod functiones corporis varias promovere, viresque ejus nutrimento et exercitatione modica robore, valeamus: facultates mentis quoque, verisimile est, ut usu quotidiano confirmare liceat,

memoria enim, ut bene cognitum est, excoleendo augetur.

## DE MELANCHOLIA.

Q. Quomodo definitur Melancholia?

R. "Insania partialis sine dyspepsia."

Q. Quid est insania?

R. Insaniam adesse dicimus, "quando rerum relationes omnino falsae mente concipiuntur, ita ut hominis vel pathemata vel actiones praeter rationem excitentur."

Q. Quae signa sunt Melancholiae?

R. Alia signa aliis melancholicis adsunt; sed res una alterave, de qua falso judicant, mentem eorum occupat; et tristes, hebetes, et oblivious, insomnes, hominum coetum fugientes, de rebus quidem minimis solliciti, mutabiles, nunc avari, nunc prodigi sunt; alvus astricta est, facies fere pallida, pulsus tardus, cibi avide devorantur, imaginatio adeo falsa et perversa est, ut alius se esse bestiam, alius crura sibi ex stipula facta, alius brachium ex vitro, et alius caput e ferro, factum esse creditat.

*De Causis Excitantibus.*

*Q.* Quae videntur esse causae excitantes Melancholiae?

*R.* Attentio nimia et continua ad unam ideam; affectus animi vehementes; religionis falsae terrores, et eaetera, Melancholiam haud raro tandem excitant.

*De Causis Praedisponentibus.*

*Q.* Quae sunt causae Melancholiae praedisponentes?

*R.* Difficillimum est dictu; sed temperamentum melancholicum, et inclinatio cogitationum inde oriens, praecipuae causae praedisponentes ad Melancholiam esse videntur.

*De Diagnosi.*

*Q.* Cum quibus morbis Melancholia confundi potest?

*R.* Cum Hypochondriasi solummodo.

*Q.* Quomodo Melancholia *Hypochondriasi* dignoscenda est?

*R.* In hypochondriasi aeger de valetudine sua potissimum occupatur, futuri semper anxius, et pessimum metuens, et ex quadam mutatione sensus, utcunque levi et experte periculi, periculum maximum, et equidem mortem

ipsam, magnopere formidat ; praeterea, Dyspepsia plus minus semper laborat. In Melancholia aeger animum totum in unam alteramve rem convertit, cui semper solicite mentuit, anxius, et insomnis die nocteque ne quid noceat ; cum de hac, cui sollicitus est, loquitur, mentis alienationem ostendit, etiamsi de omnibus aliis rebus sanè loqui videatur. Melancholicus raro valetudinis suae anxius, raro quoque Dyspepsiae obnoxius est ; quibus admodum pronus est hypochondriacus.

### *De Prognosi.*

**Q.** Quae est prognosis Melancholie ?

**R.** Prognosis Melancholie dubia est, nam morbus modo sese remittit, modo intendit ; de eo igitur cautè praedicendum est. Melancholia religiosa, aut ebriosa, pessima est ; de rebus adversis melior.

### *De Curatione.*

**Q.** Quae methodus Melancholiam curandi instituenda est ?

**R.** Curatio aegri conditioni varianda, aptandaque est ; et causae mali quam maxime fugiendae sunt. Si aeger languidus, moestus, abjectus, pavidus est, et solitudine gaudet, animum ejus hortari, erigere, et confirmare

oportet, spe, fiduciâ, ludis, musicâ, et fabulis ; quibus olim gaudere solitus est. Praeterea, alvus ei facilis ; diaeta modica et facilis concoctu, semper esse debent ; anxiae curae, et solicitudines omnes, de quibus imaginatione falsâ, animoque tenaci, dicere consuevit, ne semel quidem nominandae sint. Navigare, equitare, iter facere, et animum rebus jocundis occupare, utilissima sunt ad curationem efficiendam.

## DE MANIA.

*Q.* In qua Classe et Ordine Nosologiae ponitur Mania ?

*R.* In Classe Neurosum, Ordineque Vesparianarum.

*Q.* Quomodo definitur Mania ?

*R.* " Insania universalis."

*Q.* Quot species Maniae sunt ?

*R.* Tres : " *Mania mentalis* omnino a pathemate mentis ; *corporea* a vitio corporis evidente et *obscura* praegresso nullo vel patiente mente mentis, vel vitio corporis evidente."

*Q.* Quae signa Maniae paroxysmum praecedunt ?

*R.* Rubor oculorum, capitis dolor, dies noctesque insomnes, tinnitus aurium, risus

intempestivi, mores a solitis mutati, superbia, odium erga unum alterumve propinquum quondam dilectum, imaginatio egregie vitiata, plerumque Maniam furiosam antecedunt.

*Q.* Quid fit fere in paroxysmo furioso?

*R.* Maniacus hilaris, vel iracundus, tristis, et ferox est; semper secum loquitur; vel nunc quietus, nunc vehementer vociferat; in iram effrenem et truculentam de lanâ caprinâ incidit; quoscunque obvios lacerat; vires ejus, et frigoris, famis, et sitis tolerantia, mirum in modum augentur.

### *De Causis Excitantibus.*

*Q.* Quibus ex causis oritur Mania?

*R.* Ex affectibus animi vehementibus et assidue vexantibus; sicuti moerore et metu subito, gaudio nimio, amore absente intempestivo, nimio studio; mutatione subita et maximâ fortunae; venere effrenata ebrietate frequente et diutinâ; tumoribus, exostosi, aut humore effuso in cerebrum; injuriis capitî illatis; et interdum aliis morbis acutis.

### *De Causis Praedisponentibus.*

*Q.* Quae corpus ad Maniam proclive reddit?

*R.* Difficillimum est dictu; sed infirmitas

facultatum mentis haereditaria, aut conformatio et fabrica quaedam prava cerebri, vulgo labes haereditaria esse dicitur; plethora; atque temperamentum sanguineum, aut melancholicum, corpus, ut verisimillimum est, Maniae obnoxium reddunt.

*De Diagnosi.*

Q. Quibus cum morbis Mania confundi potest?

R. Interdum fortasse cum Phrenitide, et Melancholia.

Q. Quomodo Maniam a *Phrenitide* distingueres?

R. Febre ardente, quae semper Phrenitidem; dum perraro ulla febris, aut si adest, saltem lenta, Maniam comitatur.

Q. Quomodo Mania a *Melancholiā* distinguenda est?

R. Melancholia et mania in gradu, altera ab altera, differre videntur, et igitur vix dignoscenda sunt, nisi gravitate; melancholicis enim animus demissus, et timiditas; maniacis vero animus audax, vultus ferox, et actiones vehementes plerumque sunt.

*De Prognosi.*

Q. Quae est prognosis Maniae?

*R.* Prognosis, ut generaliter dicamus, fere dubia, et minimè fausta est. Nonnulli maniaci post quosdam annos convaluerunt; et iterum in morbum suum reciderunt. Alii perpetuo laborant: alii intra paucos menses, aut annos, consumuntur: raro quidem maniaci ad senectutem veniunt.

### *De Curatione.*

*Q.* Quae curatio Maniae adhibenda est?

*R.* Missio sanguinis, purgantia, emetica, balneum frigidum, regimen animi idoneum, coercitio, et diaeta tenuis et parca, methodum curatiovis optimam constituunt.

*Q.* An missione sanguinis, et purgantibus semper opus est?

*R.* Minimè semper; plerumque vero, nam impetus sanguinis ad caput versus in Mania fere magnus est. Impetum igitur illum necessarium est minuere sanguine detrahendo; et purgantibus repetitis, ita ut alvus fortiter ducatur.

*Q.* An emetica utilia sunt?

*R.* Utilia sunt interdum in plena dose, ad vomitum ciendum; plerumque tamen utiliora sunt ita exhibita, ut nauseam gravem moveant, et alvum solvant. His rebus Tartras Antimonii optime respondet. Nausea gravis

plurimum temperat furiosum maniacum, eumque tractabiliorem reddit.

**Q.** Quando balneum frigidum utilissimum est?

**R.** Postquam incitatio corporis nimia, et vires pulsuum, redacta sunt; praesertim si vires multum fractae ebrietate et intemperantia priori, balneum frigidum, praecipue vero balneum pluviale, bono auxilio est.

**Q.** Quid regimen animi idoneum est?

**R.** Maniacis certum ad modum placere, et animos eorum mulcere, sensimque in rectum tramitem reducere, expedit. Amovendi sunt ab amicis suis, et propinquis, et, si furiosi, in tenebris tenendi vestimento arcto coerciti. Interdum tamen utile est animum eorum formidine custodis afficere, ut dictis ejus obedient; atque maniacos quosdam, ut manibus suis laborent, cogere.

**Q.** Nonne alia remedia aliquando utilia sunt?

**R.** Ita; cum impetus et congestio sanguinis in cerebro maxima sunt, multo sanguine detracto, Emplastrum Vesicatorium summo capiti applicatum, et fonticulus ibi postea aperitus, nonnunquam ex usu sunt.

**Q.** Annon antispasmodica Mariae prosunt?

**R.** Opium, camphora, moschus, castoreum, hyoscyamus, et digitalis, exhibita sunt; sed

dubia remedia esse videntur; quia si non animum sedare valent, pro certo facultates ejus plurimum perturbant, ideoque nocent.

## DE HYDROCEPHALO AQUOSO.

*Q.* In qua Classe et Ordine Nosologiae ponitur Hydrocephalus aquosus?

*R.* In Classe Cachexiarum, et Ordine Intumescentiarum aquosarum.

*Q.* Quomodo Hydrocephalus aquosus definitur?

*R.* "Capitis intumescentia mollis, inelastica, hiantibus cranii suturis."

*Q.* An alia signa unquam adsunt?

*R.* Ita; capitis gravitas dolorque, clamores subiti, torpor, stupor, pulsus tardus, distentio nervorum, et caecitas, plerumque superveniunt.

*Q.* Nonne Hydrocephalus aquosus interdum cum Hydrorachitide conjungitur?

*R.* Saepissime cum Hydrorachitide, seu Spinâ Bifidâ, ut vulgo appellatur.

*Q.* Quid est Hydrorachitis?

*R.* "Tumor supra vertebrales lumborum, mollis, exiguus, hiantibus vertebris."

*De Causis Excitantibus.*

**Q.** Quibus ex causis Hydrocephalus aquosus oritur?

**R.** Ex imbecillitate congenita fortasse, vel conformatio[n]e malâ cerebri, vel partis ipsius: confitendum est tamen causas ejus parum adhuc cognitas esse.

*De Diagnosi.*

**Q.** An cum aliis morbis confundi potest Hydrocephalus aquosus?

**R.** Vix cum aliis confundi potest, nam magnitudo capitis, suturae hiantes, et signa alia cerebri compressi, Hydrocephalum aquosum planè designant.

*De Prognosi.*

**Q.** Quae est prognosis Hydrocephali aquosi?

**R.** Prognosis semper infasta est; mors enim serius citiusve intra paucos menses, aut annos interdum, infelicem perimit.

*De Curatione.*

**Q.** Quae curatio instituenda est?

*R.* Non in nobis est dicere ; quia causae ejus multum abditae sunt, et, ut verisimillimum est, defectu aliquo congenito fabricae in cerebro vel cranio nituntur. Itaque omnis methodus adhuc exercita nihil ad curationem valuit. Morbus immedicabilis dici potest.

*Q.* Nonne Hydrorachitis curationem admittit ?

*R.* Rarissime quidem : nuperrimè vero quibusdam persuasum est, se puncturis exiguis in tumorem supra vertebrae factis et saepe repetitis curavisse.

## COLLOQUIUM SEXTUM.

### DE OCULO, &c.

*Q.* Quibus morbis praecipuis oculus obnoxius est ?

*R.* Ophthalmiae, Caligini, et Amaurosi, quae sub curâ medici veniunt.

### DE OPHTHALMIA.

*Q.* In qua Classe et Ordine Nosologiae Ophthalmia ponitur ?

*R.* In Classe Pyrexiarum, et Ordine Phlegmasiarum.

*Q.* Quomodo definitur Ophthalmia?

*R.* "Rubor et dolor oculi; lucis intolerantia; plerumque cum lachrymatione."

*Q.* Quot species Ophthalmiae sunt?

*R.* Duae; Ophthalmia membranarum, et tarsi.

*Q.* Quomodo *species prior* definitur?

*R.* "Ophthalmia membranarum in tunica adnata, et ei subjacentibus membranis, sive tunicis oculi."

*Q.* Quomodo definitur *species posterior*?

*R.* "Ophthalmia tarsi cum tumore, erosione, et exudatione glutinosa tarsi palpebrarum."

*Q.* Num illae species unquam miscentur?

*R.* Saepe ambae simul existunt; interdum verò una sine alterâ accidit; interdum altera alteram incitat.

*Q.* Nonne Pyrexia fere adest Ophthalmiae?

*R.* Interdum, cum Ophthalmia lenis est, nulla febris adest; cum gravior, febris semper supervenit.

*Q.* Quae alia signa, praeter quae in definitione sunt, sese ostendunt?

*R.* Sensus muscae oculo inhaerentis, pru-

ritus, vel pulveris in eo ; ardor ; tumor palpebrarum ; capitis dolor ; et pulsus celer potius durus, et plenus, aegrum vexant.

### *De Causis Excitantibus.*

Q. Quae causae Ophthalmiam excitant ?

R. Injuriæ oculo illatae ; aliena, sicuti pulvis, arena, in oculum immissa ; lux splendida ; vigilia ; ebrietas frequens ; obstipatio ; ventus frigidissimus ; et alii quidam morbi, ophthalmiam movent.

Q. Nonne ophthalmia interdum oritur contagio ?

R. Ophthalmia saepe epidemica grassatur, et videtur quasi contagio ab alio ad aliud hominem communicari ; nihilominus valde dubium est, an contagiosa sit necne.

Q. Annon Ophthalmia Aegyptia contagiosa est ?

R. Multum disputatum est ; sed hodie inter medicos plerosque constat contagiosam esse.

Q. In quo differt Ophthalmia Aegyptia a communi ?

R. In Ophthalmita Aegyptia signa omnia fere graviora sunt ; et humor purulentus copiose ex oculo effunditur ; et morbus contagio communicatur.

*De Causis Praedisponentibus.*

**Q.** Quae oculos Ophthalmiae proclives redundunt?

**R.** Debilitas oculi quocunque modo inducta; accessus prior Ophthalmiae ; et habitus Scrofula imbutus, causae praedisponentes habenda sunt.

*De Prognosi.*

**Q.** Quae est prognosis Ophthalmiae ?

**R.** Si multum febris adest ; si signa inflammationis gravia sunt ; si oculi et capitidis dolor urget, prognosis mala est ; et multum metuendum est, ut caligo sequeretur : sed si parum, aut nulla febris est, et signa alia potius lenia sunt, felicem exitum praedicere licet.

*De Curatione.*

**Q.** Quae curatio est Ophthalmiae ?

**R.** Curatio varianda est pro signis praesentibus ; primo causae submovendae sunt, et omnes stimuli oculo excludendi ; et si febris ardet, missione sanguinis generali minuenda est ; si non, sanguinem e temporibus, locisque oculo vicinis, detrahere satis est ; purgatione, emplastro vesicatorio, et collyrio uti.

Q. Quid primum in curatione faciendum est?

R. Aeger in tenebris continendus est; si parum febris adest, oculum aquâ tepidâ foveat; medicamentum, quod alvum purget, habeat; et si morbus non cedat, sanguis ex temporibus hirudinibus, vel cucurbitulâ cum ferro, vel arteriam temporalem incidendo, detrahatur.

Q. Quod si morbus ne his quidem remediis cedat, quid fieri debet?

R. Alvum fortiter ducere; sanguinem oculo detrahere vasa in facie internâ palpebrarum incidendo; et fomentis tepidis uti, in quibus pauca capita papaverum decocta essent; atque emplastrum cantharidis vesicatoriae temporibus, pone aures, vel nuchae imponere, expedit.

Q. Nonne collyria ad inflammationem minuendam utilia sunt?

R. Utilissim sunt, modo calida, modo frigida.

Q. Quando debent collyria calida et quando frigida adhiberi?

R. Si inflammatio lenis, nulla febre praesente, collyrium frigidum et astringens; si gravior, tepidum, et si inflammatio gravissima sit, calidum, vel vapores aquae calidae utilissimi sunt. Collyrio, cum dolor gravis est, paululum tincturae opii vinosa addatur. Caput

totum lavare aqua frigida et acetō ter quaterve  
in die semper idoneum est.

*Q.* Quae in Ophthalmia tarsi facienda sunt?

*R.* Unguentum oxidi hydrargyri rubri insi-  
nuare inter margines palpebrarum mane et ves-  
peri; oculos luce defendere; alvum leniter  
ducere; et emplastra vesicatoria temporibus  
applicare, expedit. Collyrium astringens quo-  
que commodum est.

*Q.* Quum Ophthalmia videtur esse Aegyptia,  
quae idonea sunt?

*R.* Aegrum ex aliis integris protinus segregare, et inflammationem quam primum detractione sanguinis pro re nata, purgantibus repetitis, aliisque auxiliis jam dictis, superare oportet.

*Q.* Quae diaeta maxime idonea est?

*R.* Diaeta tenuis et parca, et ex herbis fruc-  
tibusque confecta commodissima est.

#### DE CALIGINE.

*Q.* In qua Classe et Ordine Nosologiae Ca-  
ligo ponitur?

*B.* In Classe Localium, et Ordine Dysaes-  
thesiarum.

*Q.* Quomodo definitur Caligo?

*R.* "Visus imminutus, vel prorsus aboli-

tus, ob repagulum opacum, inter objecta et retinam, oculo ipsi vel palpebris inhaerens."

Q. Quot species Caliginis sunt?

R. Quinque: "Caligo *lentis* ob maculam opacam pone pupillam; *corneae* ob corneam opacam; *pupillae* ob obstructam pupillam; *humorum* ob vitium vel defectum humoris aquei; et *palpebrarum* ob vitium palpebris inhaerens."

### *De Causis Excitantibus.*

Q. Quae causae Caliginem Lentis faciunt?

R. Flamina clara assidue ante oculos; hinc ferrarii fabri, et vitrarii Caligini Lentis magis obnoxii sunt; injuriae externae oculis illatae, Caliginem inducunt; interdum tamen accedit sine ulla causa evidente.

Q. Quibus ex causis oritur Caligo *corneae*, *pupillae*, et *humorum oculi*?

R. Ex inflammatione interdum acuta, sed plerumque longa, oritur.

Q. Quibus causis Caligo *palpebrarum* oritur?

R. E tumoribus, vel adhaesione post inflammationem.

### *De Causis Praedisponentibus.*

Q. Quae proclivitatem Caligini dant?

*R.* Actas proiecta; exercitatio oculorum nimia in res per exigua intuendo, quae oculum debilitat, et pro causa praedisponente, recte habenda est; et habitus Scrofula imbutus, oculos magis imbecilles et Caligini pronos reddunt.

*De Curatione.*

*Q.* Quomodo Caligo tractanda est?

*R.* Usus Submuriatis Hydrargyri intrinsecus, et alia remedia, quae inflammationem minuant, aduersus Caliginem idonea sunt: si nulla inflammatio adsit, acria, sicuti solutio tenuis Nitratis argenti, aether, &c. tentari possunt, sed Caligo saepe curanda est operatione chirurgicâ; et haud raro quoque immedicabilis.

DE AMAUROSI.

*Q.* In qua Classe et Ordine ponitur Amaurosis?

*R.* In Classe Localium, et Ordine Dysaesthesiaiarum.

*Q.* Quae est definitio Amaurosis?

*R.* "Visus imminutus vel prorsus abolitus, sine vicio oculi evidente; plerumque cum pupilla dilatata et immobili."

*Q.* Quot species sunt Amaurosis ?

*R.* Quatuor : “ *Amaurosis compressionis*, post causas et cum signis congestionis in cerebro ; *atonica*, post causas et cum signis debilitatis ; *spasmodica*, post causas et cum signis spasmi ; et *venenata*, a veneno ingesto vel applicato.”

*Q.* Quae signa plerumque adsunt ?

*R.* Dolor capitis, sensus plenitudinis in globis oculorum, Ophthalmia gravis et profunda, et visū defectus, Amaurosin praecedunt. Pupillae plerumque dilatatae sunt, interdum vero contractae et parum mobiles. Aspectus oculorum ferè vitreus, vel corneus est ; non-nunquam quidem pene naturalis.

### *De Causis Excitantibus.*

*Q.* Quibus causis movetur Amaurosis ?

*R.* Compressione, vel laesione, vel paralysi nervorum opticorum.

*Q.* Quibus rebus nervi optici comprimi aut laedi possunt ?

*R.* Congestione sanguinis in vasis cerebri, praecipue dilatatione arteriarum, quae circum Willisi constituant ; humore effuso ; tumoribus ; exostosi ; et fumis narcoticis, functiones nervorum opticorum laeduntur atque perduntur.

*De Causis Praedisponentibus.*

Q. Quae causae oculos Amaurosi obnoxios reddunt?

R. Causae praedisponentes Amaurosis parum cognitae sunt; sed plethora sanguinis; affectus generis nervosi peculiaris, haud assimilis ei, qui in habitu hysterico interdum fit, quo visus defectus incidat, proclivitatem dent, verisimile est.

*De Diagnosi.*

Q. An Amaurosis cum ullo alio morbo confundi potest?

R. Vix; fortasse cum Caligine Lentis, sed inspectio accuratior opacitatem lentis in Caligine; et pupillas dilatatas, aut inordinate contractas, et non, vel parum mobiles in Amaurosi, sine difficultate detegere potest, quibus diagnosis statuenda est.

*De Prognosi.*

Q. Quae prognosis est Amaurosis?

R. Prognosis causis regenda est; sed plerumque infaustissima est.

*De Curatione.*

Q. Quae curatio Amaurosi idonea est?

*R.* Methodus medendi potissimum de causis morbi pendere debet; si aeger plenus est, missio sanguinis, purgantia repetita, praecipue Submurias Hydrargyri, et Emplastrum Cantharidis vesicatoriae summo capiti, vel temporibus applicatum, utilia sunt.

*Q.* Si ex Effusione aut Paralysi oriri videatur, quae curatio exercenda est?

*R.* Submurias hydrargyri bis terve in die exhibitus, ita ut alvus solvatur; et gingivae tenerae fiant, cum quo digitalis sumatur ad absorptionem promovendam; electricitas quoque sub forma scintillarum ex oculis et temporibus elicitarum; stimulantia externa, veluti vapores carbonatis ammoniae naribus et oculis accepti; frictio frontis cum oleo ammoniato; et rubefacientia, vel vesicatoria, extremitates nervorum stimulant; per quorum consensum nervi oculi, et fortasse retina ipsa, stimulum recipient.

*Q.* Si oriatur e tumoribus, vel exostosi, vel causa abdita, quid fieri debet?

*R.* Si morbus non auxiliis jam memoratis cedit, et de his causis pendere videtur, nihil ad rem fieri potest; immedicabilis tum habendus est.

## DE OTITIDE, SIVE AURIS INFLAMMATIONE.

**Q.** In qua Classe et Ordine Nosologiae locum Otitis haberet?

**R.** Hunc morbum Doctor Cullen omisit; sed non dubium est, quin locum haberet in Classe Pyrexiarum, et Ordine Phlegmasiarum.

**Q.** Quomodo Otitis definiri potest?

**R.** "Pyrexia; auris dolor vehemens, rubor faciei, insomnia, interdum delirium, pulsus frequens et durus."

*De Causis.*

**Q.** Quibus ex causis Otitis oritur?

**R.** E rivulo aëris frigidi in aurem missi; subito ex aëre calido in frigidissimum trans-eundo.

*De Curatione.*

**Q.** Quae methodus est curationis?

**R.** Detractio sanguinis hirudinibus quam proxime ad aurem; et emplastrum vesicatorium ponè aurem; cataplasma quam calidissimum super meatum auditorium externum superimpositum, et quaque tertia hora repetitum extrinsecus; et purgantia repetita intrinsecus utilissima sunt ad inflammationem minuendam, vel suppurationem promovendam.

DE CYNANCHE PAROTIDEA.

Q. In qua Classe et Ordine Nosologiae ponitur Cynanche Parotidea?

R. In Classe Pyrexiarum, et Ordine Phlegmasiarum.

Q. Quae est definitio Cynanches Parotideae?

R. "Cynanche parotidea cum tumore externo parotidum et maxillarum glandularum magno; respiratione et deglutitione parum laesis; febre synocha plerumque leni."

Q. Quae de hoc morbo generaliter notanda sunt?

R. Cynanche parotidea saepe epidemica est, et interdum contagiosa videtur; a signis pyrexiae consuetis incipit; dein tumor glandularum accedit, et dies quatuor crescit, tum recedit; in cuius loco testiculi maris, aut mammae foeminae interdum tumescunt, dolent atque durescunt. Pyrexia interdum vehementis est.

*De Causis.*

Q. Quibus ex causis excitatur Cynanche Parotidea?

R. E frigore magno et diurno, vel subito corpori admisso.

*De Diagnosi.*

*Q.* Quomodo dignosceres Cynanchen Parotidēam tumore scrufuloso earum glandularum?

*R.* Cum Cynanche parotidēa febris semper conjungitur; cum Scrofula tumor solummodo lente nascitur.

*De Prognosi.*

*Q.* Quae est prognosis Cynanches parotideae?

*R.* Prognosis plerumque fausta est; interdum tamen inflammatio sursum tendit, et signa haud obscura Phrenitidis movet; interdum tumor glandularum sub maxilla inferiore in suppurationem abit, in laryngem id, quod continet, infundit, aegrumque suffocat.

*De Curatione.*

*Q.* Quid in curatione Cynanches Parotideae necessarium est?

*R.* Signa plerumque lenia sunt, et facile purgantibus et panno laneo tumorem tegenti cedunt. Si febris acuta est, et tumor glandularum magnopere dolet, sanguinis ad uncias viginti aut plures mittendus est; et cataplasma emolliens calidum tumori superimponen-

dum est, et tertia quâque horâ repetendum. Purgantia etiam necessaria sunt, ut dejec-  
tiones duac aut tres efficiantur indies. Si ad-  
est capitis dolor perpetuus et ingens, vigilia,  
rubor oculorum, pulsus frequens et durus, et  
delirium, quae Phrenitidem declarant, misso  
sanguinis copiosa, purgantia fortia et repetita,  
et emplastrum vesicatorium summo capiti ex  
toto necessaria sunt.

## DE EPISTAXI.

*Q.* In qua Classe et Ordine morborum Epi-  
staxis ponitur?

*R.* In Classe Pyrexiarum, et Ordine Hae-  
morrhagiarum.

*Q.* Quomodo definitur Epistaxis?

*R.* "Capitis dolor vel gravitas; faciei ru-  
bor; profusio sanguinis e naribus."

*Q.* Cui aetati Epistaxis saepius incidit?

*R.* Aetati juvenili praecipue, interdum  
quoque, sed rarius, proiectae et senili incidit.

*De Causis Excitantibus.*

*Q.* Quibus ex causis Epistaxis oritur?

*R.* Ex violentia externa, calore nimio, capi-  
te demisso, exercitatione immodica, sternuta-  
mento, et tussi, Epistaxis fere movetur.

*De Causis Praedisponentibus.*

**Q.** Quae causae pro praedisponentibus habendae sunt?

**R.** Temperamentum sanguineum, et plenitudo sanguinis.

*De Prognosi.*

**Q.** Quae prognosis est Epistaxis?

**R.** In juventute expers periculi est; in aetate provecta et senectute magis periculosa est, quia plethoram fere inducit, quae, profluvio solito suppresso, invicem in Apoplexiam desinat.

*De Curatione.*

**Q.** Quae curatio est Epistaxis?

**R.** Si reditus frequentes, et profluvium sanguinis magnum est, refrigerantia, sicuti lavatio capitis, et cervicis, et praecordiorum aquâ quam frigidissimâ, vel assusio frigida et lavatio totius corporis, idonea sunt; spiritum frigidum per nares inhalare, et calidum per os emittere, quoque prodest. Si non iis rebus cedit, et si aeger plenus est, sanguinis mittantur.

**Q.** Quae utilia sunt ad reditum prohibendum?

*R.* Purgantia ita repetita, ut alvus semper soluta sit, aqua fontana pro potu communi, diaeta tenuis et parca; et exercitatio modica, commoda sunt.

## DE CATARRHO.

*Q.* In qua Classe et Ordine Nosologiae Catarrhus ponitur?

*R.* In Classe Pyrexiarum, et Ordine Profluviorum.

*Q.* Quomodo definitur Catarrhus?

*R.* "Pyrexia saepe contagiosa; muci, ex glandulis membranae narium, faucium, vel bronchiorum, excretio aucta; saltem hujus excretionis molimina."

*Q.* Quot species Catarrhi sunt?

*R.* Duae; *Catarrhus a frigore*, et *Catarrhus a contagio*.

*Q.* Quae signa Catarrho a frigore plerumque adsunt?

*R.* Sensus plenitudinis est, et narium clausorum; frontis gravedo et dolor; oculi sentiuntur pleni et distenti; distillatio humoris acris ex oculis naribusque; interdum lassitudo, horrores, et pulsus frequentior accidunt; deinde raucitas; sensus asperitatis in trachea, et angustiae in thorace; dyspnoea; tussis,

superveniunt : his accedunt aliquando dolores  
vagi, anorexia, sitis, aliaque signa febris.

### *De Causis Excitantibus.*

*Q.* Quae causae Catarrhum excitant?

*R.* Frigus corpori calido et halitu cutis ma-  
defacto applicatum, vel per tempus longum  
Catarrhum plerumque movet ; aut contagium,  
peculiare aëre illatum, aliquando Catarrhum  
epidemicum incitat.

### *De Prognosi.*

*Q.* Quae prognosis Catarrhi danda est?

*R.* Catarrhus fere sine periculo est ; sin au-  
tem gravis, et febre multâ comitatus, periculu-  
sus est, ne pulmones inflammatione et Phthisi  
afficiat.

### *De Curatione.*

*Q.* Quae methodus curationis Catarrho re-  
spondent?

*R.* Si signa lenia sunt, aegrum se in domo  
vel in lecto continere, et blanda diluentia bibe-  
re, diaetam tenuem et parcam sumere, et ex-  
halationem per cutem fovere, satis est : quòd  
si indicia graviora sunt, et tussis, angustia,  
vel dolor pectoris, et febris urgent ; sanguinem  
mittere, emplastrum vesicatorium super bron-

chia et summum pectus imponere, et alvum purgantibus ducere, oportet. Mistura mucilaginosa vel oleosa cum pauxillo tincturae opii, tussim molestam mitigando utilis est.

*Q.* An illa curatio Catarrho epidemico contagioso responderet?

*R.* In Catarrho epidemico contagioso sanguis cum cautione detrahendus est, nam febris Typhus fere adest; ventilatio igitur justa, sed prudens, et diaphoretica, diligenter adhibenda sunt ad febrem minuendam; alia eadem sunt ac in Catarrho communi.

---

---

## COLLOQUIUM SEPTIMUM.

DE

MORBIS ORIS, FAUCIUM, ET CERVICIS.

*Q.* Quibus morbis Os praecipue obnoxium est?

*R.* Odontalgiae, Aphthis, Ageustiae, Adipsiae, Polydipsiae, Picae, Ptyalismo, et Ulcusculis venereis.

## DE ODONTALGIA.

*Q.* Quum Odontalgia e carie dentium oriens plurimum excruciat, quid faciendum est?

*R.* Interdum olei cassiae, vel cariophilli aromatici, vel origani, et aetheris partes aequales in cariem dentis guttatum positae; velempastrum vesicatorium maxillae externae impositum; et pannus laneus cum dose medicamenti purgantis, dolorem pro tempore submovent; sed extractio dentis carie consumpti remedium efficacissimum est.

## DE AGEUSTIA.

*Q.* De *Aphthis* postea dictum erit; quomodo definis mihi Ageustiam?

*R.* "Gustus imminutus vel abolitus."

*Q.* In quo habitu accedit Ageustia?

*R.* In habitu hysterico, quum functiones ventriculi et intestinalium plurimum turbatae et vitiatae sunt.

*Q.* Quae remedia ad curationem necessaria sunt?

*R.* Purgantia ita repetita, ut alvum libere solvant; et inter doses purgantium amara utilissima sunt, sicuti infusi gentianae unciae duae, vel tincturae gentianae semuncia, et si-

milia : interdum aromaticā, veluti cinnamomum, zingiber, piper, et caetera ejusmodi, curationem multū adjuvant.

## DE ADIPSIA ET POLYDIPSIA.

Q. Quomodo Adipsia et Polydipsia definiuntur ?

R. "Adipsia est appetitus potulentorum suppressio, sive sitis seriatio ; Polydipsia est appetitus majoris solitae copiae potulentorum."

Q. Quando Adipsia fere accidit ?

R. In morbis, praecipue febribus, quibus cerebrum admodum perturbatur atque afficitur : coma plerumque ei adest.

Q. An Adipsia submoveri potest ?

R. Non ; nisi cerebro succurrere, sensumque restituere valeamus.

Q. Quibus in morbis Polydipsia fere accidit ?

R. Polydipsia fere adest febribus, hydropi, diarrhoeae, dysenteriae, et caeteris ejusmodi.

Q. An Polydipsiam moderari aut tollere possumus ?

R. Polydipsiam non aliter sedare licet, quam morbum, quo nitatur, mitigando ; et potus acidos porrigendo.

## DE PICA.

*Q.* Quomodo definitur Pica?

*R.* "Desiderium non esculenti ingerendi."

*Q.* Quibus morbis, vel conditionibus corporis, Pica adest?

*R.* Adest fere pueris Marasmo et Rachitide laborantibus; puellis Chlorosi implicitis; et foeminis uterum gerentibus.

*Q.* An Pica removeri potest?

*R.* Curatio ejus efficienda est alvum caute, sed libere, purgantibus ducendo; et interim res Alcalinas exhibendo cum nutrimento idoneo.

## DE ULCUSCULIS.

*Q.* Cum ulcuscula venerea in faucibus vel lingua apparent, quid faciendum est?

*R.* Ulcuscula ipsa subinde lavare solutione acetatis zinci; et Hydrargyrum exhibere ita, ut ptyalismus sive fluxus salivae excitetur, et corpus Hydrargo affectum tenere, expedit, usque dum ulcuscula sanentur.

---

DE FAUCIUM MORBIS.

*Q.* Quibus morbis fauces obnoxiae sunt?

*R. Cynanche Tonsillari, Cynanche Malig-  
nae, et Cynanche Pharyngeae.*

## DE CYNANCHE TONSILLARI.

*Q. In qua Classe et Ordine morborum po-  
nitur Cynanche Tonsillaris?*

*R. In Classe Pyrexiarum, et Ordine Phleg-  
masiarum.*

*Q. Quae est definitio Cynanches Tonsilla-  
ris?*

*R. "Cynanche tonsillaris membranam fau-  
cium mucosam, et praecipue tonsillas, tumore  
et rubore afficiens, cum febre synocha."*

*Q. Quae alia signa sese plerumque osten-  
dunt?*

*R. Semper adsunt difficultas et dolor devo-  
randi; angustiae in faucibus sensus; secretio  
aucta muci tenacis; dolor saepe in aurem ten-  
dit; et interdum, tonsillis tumidis fauces oc-  
cupantibus, respiratio difficilis fit; pulsus fre-  
quentissimus et durus est; et facies rubet,  
atque paululum tumet.*

*Q. Quomodo Cynanche Tonsillaris termi-  
natur?*

*R. Resolutione fere; aliquando suppura-  
tione, et raro gangraena.*

*Q. An contagiosa est?*

*R.* Cynanche Tonsillaris vere aut autumno apparet, et sub formâ epidemicâ saepe grassatur, sed non contagiosa habenda est.

### *De Causis Excitantibus.*

*Q.* Quae causae Cynanchen Tonsillarem vulgo excitant?

*R.* Frigus praecipue humori junctum subito corpori applicatum, cum halitu cutis madefactum est; praesertim rivulus aëris frigidi in collum directus; exercitatio nimia loquendi; et respiratio multum accelerata in currendo, haud raro Cynanchen Tonsillarem movent.

### *De Causis Praedisponentibus.*

*Q.* Quae Cynanche Tonsillari proclivitatem dare videntur?

*R.* Aetas florens; habitus robustus et plenus; temperamentum sanguineum; accessus priores, qui vasa sanguinea faucium debilitant, quae iterum facilius inflammatione tententur, causae praedisponentes haberri possunt.

### *De Diagnosi.*

*Q.* Quibus cum morbis Cynanche Tonsillaris confundi potest?

*R.* Cum Cynanche Malignâ, et Cynanche Pharyngeâ.

Q. Quibus notis Cynanche Tonsillaris *Cynanche Malignā* dignoscenda est?

R. In Cynanche Tonsillari febris synocha ardet; pulsus frequentissimus, durus et validus est; deglutitio difficillima; et in tonsillis interdum est ulceratio superficiaria, sed nunquam profunda, rōembranae mucosae. In Cynanche Malignā febris dicitur esse typhodes; adeo quoque eruptio Exanthematum, sive rubrarum macularum; pulsus frequentissimus, et admodum debilis est; crustae mucosae albidae ulcera tegentes; et color fauciū purpureus seu lividus, diagnosin praeter dubium statuunt.

Q. Quomodo Cynanche Tonsillaris a *Cynanche Pharyngēā* distinguenda est?

R. Saepe simul existunt; sed deglutitio maxime difficilis, et dolentissima; respiratio facilis; et rubor in imis faucibus, Cynanchen Pharyngēam ostendunt.

### *De Prognosi.*

Q. Quae est prognosis Cynanches Tonsillaris?

R. Hic morbus est magis incommodus, quam periculosus. Interdum tamen tumor tonsillarum adeo magnus fit, ut nullum nutrimentum devorari possit per aliquot dies; et

tandem pus, tonsillis suppuratis et ruptis, effunditur in oesophagum, inde in ventriculum descendit, vel in laryngem, quo suffocatio exemplò sequatur.

### *De Curatione.*

**Q.** Quae curatio Cynanche Tonsillari respondet?

**R.** Febris mitiganda est, emetico, et purgante medicamento; et fauces internae gargarismate astringente fovendae sunt; sin autem inflammatio acutissima sit, aquâ calidâ, vel vaporibus aquae calidae, subinde fovendae: hirudines sex vel decem faucibus externis impositae, et postea emplastrum vesicatorium, prosunt. Interdum ad inflammationem superandam missio sanguinis generalis; ad febrem, affusio et lavatio tepida, necessaria sunt. Quum tumor in suppurationem abit, cataplasma emolliens faucibus externis applicatum, pus citius maturat.

### DE CYNANCHE PHARYNGEA.

**Q.** Antea sub Scarlatina de *Cynanche Maligna* dissertum est; et pluribus verbis hic nihil opus est: pergamus igitur pauca inter-

nos colloqui de Cynanche Pharyngea : quomodo definitur ?

*R.* "Cynanche pharyngea cum rubore in imis praesertim faucibus ; deglutitione maxime difficii, dolentissima ; respiratione satis commoda, et febre synocha."

*Q.* Quae praecipue de Cynanche Pharyngea notanda sunt ?

*R.* Haec species Cynanches ex iisdem causis oritur, et iisdem remediis curatur, ac Cynanche Tonsillaris : quae igitur de illa jam dicta sunt, huic bene respondebunt.

---

#### DE CERVICIS MORBIS.

*Q.* Quot morbi viam in pulmones, et in ventriculum invadunt ?

*R.* Cynanche Laryngea, et Cynanche Trachealis, viam in pulmones ; Hydrophobia, et Dysphagia, viam in ventriculum infestant.

#### DE CYNANCHE LARYNGEA.

*Q.* In qua Classe et Ordine morborum poni Cynanche Laryngea debet ?

*R.* Inter alias Cynanches in Classe Pyrexiarum, et Ordine Phlegmatiarum.

**Q.** Quo modo Cynanche Laryngēa definiri potest?

**R.** Sensu molestiae, stricturae, seu doloris in larynge, tumore, voce raucā et vix audientiā, deglutitione et respiratione difficulti, et febre synocha.

**Q.** Quae signa morbum hunc novum indicant?

**R.** Febris signa communia, sensus stricturæ laryngis, raucitas, vox susurris edita, respiratio difficultis, et tandem deglutitio molesta, pulsus frequens et durus, vultus peculiaris et quasi lividus.

**Q.** Quae est natura generalis hujus morbi?

**R.** Inflammatio est membranae, quae faciem internam laryngis et epiglottidis obducit.

### *De Causis Excitantibus.*

**Q.** Quae causae Cynanchen Laryngēam excitant?

**R.** Frigidus aër diu corpori praecipue calido, aut post exercitationem vocis, applicatus; vel rivulus aëris frigidissimi in fauces externas directus, causa communis excitans videtur.

### *De Diagnosi.*

**Q.** Quibus cum morbis Cynanche Laryngēa confundi potest?

R. Cum Cynanche Tracheali, et fortasse cum Cynanche Pharyngea.

Q. Quo modo Cynanchen Laryngeam *Cynanche Tracheali* dignoscere possumus?

R. In Cynanche Laryngea raucitas magna, sensus stricturae laryngis, vox pene nulla et susurris edita, tumor faucium, deglutitio difficultis, satis sunt morbum indicare. Observare tamen licet simul interdum existere.

### *De Prognosi.*

Q. Quae prognosis est hujus morbi?

R. Morbus periculosus est; cum verò signa potius lenia sunt, et remedia idonea tempestive adhibita sunt, prognosis, etiamsi magna cautione, fausta tamen potius pronuncianda est.

### *De Curatione.*

Q. Quae est curatio Cynanches Laryngeae?

R. Curatio hujus morbi facienda est detractione copiosa sanguinis e vena, vel ope hirudinum ad fauces externas adversus laryngem applicatarum; et post fomenta calida diu gutturi adhibita, emplastro cantharidis vesicatoriae parti externae laryngis superimposito; et purgantibus repetitis in plenis dosibus.

Q. Nonne alia necessaria sunt?

*R.* Ita ; sed haec in curatione Cynanches Trachealis memoranda sunt.

#### DE CYNANCHE TRACHEALI.

*Q.* In qua Classe et Ordine morborum Cynanche Trachealis ponitur ?

*R.* In Classe Pyrexiarum, et Ordine Phlegmasiarum.

*Q.* Quae est definitio Cynanches Trachealis?

*R.* "Cynanche trachealis respiratione difficiili, inspiratione strepente, voce rauca, tussi clangosa, tumore fere nullo in fancibus apparente, deglutitione parum difficili, et febre synoqua."

*Q.* Quae signa, praeter ea in definitione eximiâ, digna notatu sunt ?

*R.* Plerumque sub forma Catarrhi aggreditur ; adsunt plerumque noctu tussis peculiariter clangosa, raucitas, inspiratio stridula sicuti spiritus per tubum metallicum transibat, oculi rubore suffusi et aquosi, mucus narium auctus, pulsus frequens et durus, febris acuta, et sensus molestiae vel dolor in trachea : respiratio magis magisque difficilis et sonora fit, cum sensu suffocationis.

*Q.* Nonne Cynanche Trachealis interdum subito invadit ?

*R.* Ita ; respiratio subito difficultis fit, inspiratio stridula, et tussis sicca et clangosa, cum aliis signis gravibus.

*Q.* Quae generaliter de Cynanche Tracheali notanda sunt ?

*R.* Pueros maxime robustos inter annum aetatis primum et duodecimum praecipue, multo rarius adultos, adoritur. Verno tempore et hieme grassatur epidemica in locis humidis et paludosis : nunquam contagiosa est.

*Q.* Annon est species una Cynanches Trachealis semper inflammatione comitata ; et altera spasmodica sine inflammatione ?

*R.* Certe : morbus cum inflammatione dictus est *verus* ; sed sine inflammatione *falsus* sive *spasmodicus* habitus est.

*Q.* Quibus signis species *spasmodica* seu *falsa* cognoscenda est ?

*R.* Accessu ejus subito et violento ; remissionibus signorum et accessionibus invicem ; febre absente ; et decessu ejus facili.

*Q.* Nonne *spasmus* fere Cynanche Trachealem, seu *speciem veram*, comitatur ?

*R.* Semper plus minusve spasm ei adest, nam inflammatio musculos glottidis et laryngis irritat, eosque ad contractionem praeter naturam ciet.

Q. An species falsa nomen ei proprium habet?

R. Appellatur quibusdam *Asthma infantum acutum seu spasmodicum.*

Q. Num haec species spasmodica, seu asthma infantum, ex eisdem causis, ac altera species inflammatione comitata, oritur?

R. Maxime; ambae ex iisdem causis oriuntur, et signa quaedam haud absimilia ostendunt.

Q. Quae in conspectum veniunt, tracheâ et pulmonibus mortui incisis et inspectis?

R. Membrana praeter naturam conspicitur, faciem internam tracheae tegens; et materia mucosa, purulenta, spissa, et subalbida, bronchia complet. Tunica intima tracheae quoque rubra et inflammata est.

Q. Unde formetur illa membrana praeter naturam, et materia glutinosa in trachea et bronchiis?

R. Non formatur secretione auctâ et vitiatâ muci, sicuti Caharrho accidit, ut quibusdam putatum est; sed exudatione lymphae ex arteriis exhalantibus effusâ in superficiem inflamatam, sicuti pleurae et peritonaeo inflammati evenit. Illa membrana et materia igitur ex toto effectus inflammationis sunt.

*De Causis Excitantibus.*

Q. Quae causae Cynanchen Trachealem ex-citant?

R. Ventus frigidissimus, humore onustus, corpus diu perflans, dum respiratio vociferando, vel currendo, nimis acceleratur, ut infantibus et pueris saepe evenit, causa communis excitans Cynanches Trachealis esse videtur. Hinc ratio est, quare hic morbus in regionibus humilibus et paludosis epidemicus appareat.

*De Causis Praedisponentibus.*

Q. Quae causae proclivitatem Cynanche Tracheali dant?

R. Habitus plenissimus et robustus, temperamentum sanguineum, et aetas tenera et juvenilis, causae praedisponentes esse videntur.

*De Diagnosi.*

Q. Quibus cum morbis Cynanche Trachealis confundi potest?

R. Cum Cynanche Laryngea, Cynanche Tonsillari, Cynanche Pharyngeâ, et Asthmate infantum acuto sive spasmodico.

Q. Quibus signis inter *Cynanchen Laryn-*

*gēam et Cynanchen Trachealem dignoscere possumus?*

*R.* Haud raro simul existunt; sensus autem stricturae laryngis, vox non solum rauca, sed nulla, et susurrjs etiam edita, Cynanchen Laryngeam; dum inspiratio strepens, et tussis clangosa Cynanchen Trachealem, declarant.

*Q.* Quibus notis Cynanche Trachealis *Cynanche Tonsillari* dignoscenda est?

*R.* Deglutitione difficiili, rubore et tumore tonsillarum et membranae faucium mucosae, Cynanche Tonsillaris; inspiratione stridula et strepente, voce rauca, et praecipue tussi peculiariter clangosā Cynanche Trachealis, cognoscenda est.

*Q.* Quae signa *Cynachen Pharyngēam* designant?

*R.* Rubor in imis fauibus, deglutitio maxime difficilis, et dolentissima, et respiratio sati commoda praeter dubium Cynanchen Pharyngeam a Cynanche Tracheali distinguunt:

*Q.* Nonne Cynanche Trachealis interdum cum Cynanche Tonsillari, aut pharyngeā miscetur?

*R.* Ita; Cynanche Trachealis modo cum illa, modo cum hac miscetur; feliciter tamen evenit curationem Cynanches Trachealis quoque aliūs respondere.

*Q.* Quibus indiciis Cynanchen Trachealem ab *Asthmate infantum spasmodico* distinguere possumus?

*R.* Asthma infantum spasmodicum tussiculâ sicca, praesertim remissionibus et accessionibus, pulsu frequente sed molli, febre nullâ, et balneo calido cedens, Cynanche Tracheali dignoscendum est, in qua signa sese longe aliter habent.

### *De Prognosi.*

*Q.* Quae est prognosis Cynanches Trachealis?

*R.* Prognosis praesentibus indiciis innititur; sed morbus est admodum periculosus, itaque illa caute dicenda est, quippe quae saepe infausta sit.

*Q.* Quae indicia fausta sunt?

*R.* Imminutio febris, respiratio potius facilis, alvus soluta; sputa copiosa, tussis minus clangosa, et vox magis naturalis, exitum felicem praesagiunt.

*Q.* Quae signa infausta sunt?

*R.* Respiratio difficillima, febris ardens, anxietas maxima, vox magis stridula, tussis valde molesta et clangosa, et labra livida, exitum futurum esse mortem significant.

*De Curatione.*

**Q.** Quam curationem Cynanche Trachealis postulat?

**R.** Missionem sanguinis, emeticum, purgantia, emplastrum vesicatorium, antispasmodica, diaphoretica, et diluentia postulat.

**Q.** Quando sanguis mittendus est?

**R.** Si aeger infans est, hirudines sex vel decem sedi doloris, nempè tracheae, applicatae, fere satis sanguinis detrahunt; sin autem signa gravia sunt, melius est ramulum arteriae temporalis incidere, et unciae sex, octo, vel decem, pro aetate aegri mittere; si aeger ultra annum quartum aut quintum natus, efficacius est sanguinem copiosè e vena detrahere. •

**Q.** Quid post missionem sanguinis expedit?

**R.** Emeticum laudibus summis commendatum est; sed doses plenae et repetitae Submuriatis Hydrargyri et vomitum cident, et alvum libere solvunt; hinc utiliores sunt quam emeticum, quod solummodo vomitum movet.

**Q.** Quae auxilia in ordine proxima veniunt?

**R.** Emplastrum vesicatorium summo thoraci et parti cervicis anticae multum prodest; antispasmodicum quoque, sicuti mistura mucilaginosa, cui paululum tincturae opii addi-

tur, tussim sedat, spasmos solvit, atque halitum cutis auget. Pulvis ipecacuanhae et opii bis terve indies nonnunquam febrem minuit, atque irritabilitatem allevat.

Q. Nonne emeticum dare expedit, quum respiratio difficillima est, morbo jam veterascente?

R. Si causa sit suspicandi, membranam in trachea et bronchiis formatam esse, emeticum in plena dose sine dubio ad eam expellendam efficacissimum est.

Q. An non balneum calidum commodum est?

R. Balneum calidum ab initio morbi commodissimum est ad febrem minuendam, spasmosque solvendos.

Q. Quae remedia optime *Cynanche Trachelialis falsae*, sive *Asthmati infantum acuto* et spasmodico respondent?

R. Balneum calidum et emeticum, vel medicamentum quod alvum ducat, plerumque morbum solvunt.

Q. Quod si illa non morbum curant, quid fieri debet?

R. Haustus ex aethere sulphurico et tinctura opii, spasmis accendentibus, exhibendus est, et balneum calidum, si opus est.

## DE HYDROPHOBIA.

*Q.* In qua Classe et Ordine morborum ponitur Hydrophobia?

*R.* In Classe Neurosum, et Ordine Spasmodorum.

*Q.* Quomodo definitur Hydrophobia?

*R.* "Potionis cuiuslibet, utpote convulsione pharyngis dolentein crientis, fastidium et horror, plerumque ex morsu animalis rabidi."

*Q.* Quot species ejus sunt?

*R.* Duae; "Hydrophobia rabiosa cum mordendi cupiditate ex morsu animalis rabidi; et simplex sine rabie, vel mordendi cupiditate."

*Q.* Quae signa sunt Hydrophobiae?

*R.* Pars cane rabido morsa dolet, rubet, dolores per membrum vagos diffundit; languor, lassitudo, agitatio, anxietas magna, vigilia, spasmi subiti, febris acuta, vomitus, respiratio difficilis, sitis ingens, vox rauca, sensus angustiae in gutture major majorque fit, qui suffocationem aegro minitatur; deglutitio liquoris difficillima et dolentissima, hinc aeger omnem fluidam metuit, abhorretque, quia deglutitio ejus spasmos pharyngis ciet, qui respirationem impediunt. Saliva, cum non devoratur more solito, ex ore fluit, vel viscida expuitur.

**Q.** Quae morbida ostendit incisio cadaveris?

**R.** Epiglottis inflammata; glottis inflammati, spissata, et contracta; trachea etiam inflammata, spissata, et mucum continens; puncta inflammata in ventriculo et oesophago prope cardiam, reperta sunt. Inflammatio in cerebro, aut ejus membranis; vel humor effusus in eo, interdum observata est. Nonnunquam vero nihil morbidi detegi potest.

#### *De Causis Excitantibus.*

**Q.** Quibus ex causis oritur Hydrophobia?

**R.** E morsu animalis rabidi, et maxima irritatione corporeâ cum affectibus animi plurimum perturbatis.

#### *De Causis Praedisponentibus.*

**Q.** Quae causae Hydrophobiae dare proclivitatem videntur?

**R.** Debilitas et habitus valde irritabilis, corpus Hydrophobiae opportunum reddunt; fatendum tamen est hanc rem obscurissimam esse, et parum cognitam.

#### *De Diagnosi.*

**Q.** An Hydrophobia cum ulla aliis morbis confundi potest?

*R.* Cum Tetano fortasse ; sed in Tetano spasmi non musculos gutturis solum, verum plurimos alias etiam afficiunt : in Hydrophobia tamen spasmi musculos pharyngis solummodo infestant.

### *De Prognosi.*

*Q.* Quae prognosis est Hydrophobiae ?

*R.* Prognosis Hydrophobiae infaustissima est : interdum quidem aegri curati sunt ; multo saepius autem morbo intra paucos dies succumbunt.

### *De Curatione.*

*Q.* Quibus modis curatio Hydrophobiae efficienda est ?

*R.* Excisione partis morsae, hydrargyro, missione sanguinis, opio, et oleo olivae.

*Q.* Quomodo pars morsa removenda est ?

*R.* Excidenda est ferro, si fieri potest ; si non, cauterio urenda ; et ope cucurbitulae sine ferro quam maximus sanguis detrahendus est, ut virus prohibeat quo minus absorbeatur. Alterutrum semper tentandum est.

*Q.* An Hydrargyrus in curatione utilis est ?

*R.* Cum tantum hydrargyri, quantum salivam fluere copiosè, et gingivas teneras esse,

faceret, exhibitum fuit, commodum ferre existimatum est : sed hodie raro usurpatus.

**Q.** Num missio sanguinis curationi efficienda utilis est ?

**R.** Multa signa, praecipue cadaveris inspeccio, inflammationem indicant ; missio sanguinis igitur copiosa, iterum iterumque pro re nata, ad inflammationem et spasmos laryngis aut partium caeterarum submovendum utilissima est.

**Q.** An antispasmodica ex usu sunt ?

**R.** Post missionem sanguinis copiosam opiate in dosibus magnis spasmis solvendis, et irritabilitati corporis sedandae, utilissima sunt.

**Q.** Quomodo multum olei in ventriculum demissum agit ?

**R.** Partim fauces illinendo, potissimum vero alvum purgando. Hinc purgantia, praecipue oleum ricini, auxilio optimo essent in curacione efficienda.

**Q.** In qua Classe et Ordine Nosologiae Dysphagia ponitur ?

**R.** In Classe Localium, et Ordine Dyscinesiarum.

**Q.** Quomodo definitur Dysphagia ?

*R.* "Molestia deglutitionem impediens sine respirationis laesione vel phlegmasia."

*De Causis Excitantibus.*

*Q.* Quae sunt causa Dysphagiae?

*R.* Aliena in pharynge vel oesophago haerentia; polypi; spasmus; paralysis; strictura oesophagi; et tumores eum prementes, Dysphagiam movent.

*De Curatione.*

*Q.* Quid in Curatione Dysphagiae faciendum est?

*R.* Methodo curationis in causis nitendum est.

*Q.* Si alienis aut polypis nititur, quid fieri debet?

*R.* Aliena extrahere, vel in ventriculum demittere; et polypos extirpare, oportet.

*Q.* Si Dysphagia spasmo nititur, quid fieri expedit?

*R.* Antispasmodica, sicuti opium, aether, et camphora intrinsecus; tinctura saponis cum opio, et emplastrum vesicatorium extrinsecus, maxime utilia sunt. Quum aeger vix aliquid devorare potest, enemata anodyna bis terve in die commoda sunt ad spasmos solvendos.

**Q.** Si Dysphagia de paralysi oesophagi pendet, quae curatio est ?

**R.** In ventriculum demittere tubum flexibilem oportet, 'per quem nutrimentum et medicamenta exhibeantur. Rubefacientia sive stimulantia, vesicatoria, et electricitas cum fricione forti, remedia esse optima videntur.

**Q.** Si stricturâ nititur, quid faciendum est ?

**R.** Stricturam dilatare et tollere conandum est, instrumento *probang* dicto; vesicatoriis, et hirudinibus adversus stricturam applicatis; et opiatibus, aliisque antispasmodicis.

**Q.** Si tumores externi oesophagum premunt, quo opus est ?

**R.** Tumores manu submovendi sunt.

## COLLOQUIUM OCTAVUM,

DE'

THORACIS MORBIS.

**Q.** Quot morbi viscera thoracis infestant ?

**R.** Tredecim; Pneumonia, Catarrhus gravis, Phthisis, Haemoptysis, Dyspnoea, Asthma, Pertussis, Carditis, Syncope, Angina pec-

toris. Palpitatio, Aneurisma vasorum magnorum, et Hydrothorax, quae sub cura medici veniunt.

## DE PNEUMONIA.

*Q.* In qua Classe et Ordine Nosologiae Pneumonia ponitur?

*R.* In Classe Pyrexiarum, et Ordine Phlegmasiarum.

*Q.* Quo modo Pneumonia definitur?

*R.* "Pyrexia; dolor in quadam thoracis parte; respiratio difficilis; tussis."

*Q.* Quot species Pneumoniae sunt?

*R.* Duae; *peripneumonia*, et *pleuritis*.

*Q.* Quae est definitio speciei prioris?

*R.* "Pneumonia, *peripneumonia*, pulsu non semper duro, aliquando molli; dolore thoracis obtuso; respiratione perpetuo difficile, saepe non nisi trunco corporis erecto exercenda; faciei tumidae colore purpureo; tussi plerumque humida, saepe cruenta."

*Q.* Quomodo definitur species posterior?

*R.* "Pneumonia, *pleuritis*, pulsu duro; dolore, plerumque lateris, pungente, sub inspiratione praesertim aucto; decubitu in latus molesto; tussi dolentissima initio sicca, postea humida, saepe cruenta."

*Q.* Nonne illae species saepe miscentur?

*R.* Saepissime miscentur, nam altera saepe alteram movet, deinde ambae simul existunt.

*Q.* Utra periculosior est?

*R.* Peripneumonia; nam saepe existit sub formâ Catarrhi, pro quo habetur, et vires adeo multas inobservata acquirit, ut postea, quum se planius declarat, insuperabilis sit.

*Q.* Quae signa sunt Pneumoniae, praeter quae jam memorata sunt?

*R.* A frigoris sensu, quem subsequitur calor major, sitis, tussis, rubor vultus, capitis dolor, et praecipue dolor aut acutus aut obtusus in quadam thoracis parte, sub inspiratione acutus, spiritus difficultas, et pulsus frequens, catus, plenus, durus, et chordae similis. Sputa primo mucosa et spumosa, deinde purulenta et saepe cruenta.

*Q.* Quibus modis terminatur Pneumonia?

*R.* Resolutione, suppuratione, et effusione seri vel sanguinis in cellulas bronchiorum, et in texturam cellularem pulmonum, rarissime gangraenâ.

*Q.* Quomodo *resolutionem* cognoscere possumus?

*R.* Sputa copiosiora, liberiora et spissiora, saepe sanguine mista, excreantur tussicula facili; exhalatio per cutem quoque copiosa et generalis fit, pulsus mollior tardiorque; calor,

aliaque febris signa, magis magisque minuntur.

*Q. Quibus indiciis suppuratio indicatur?*

*R. Quum morbus remediis obsistit, cursumque tenet certum per multos dies, fortasse decem vel quindecim, suppuratio expectanda est; praesertim si spirandi difficultas magna est, si horrores frequentes incidunt, si pulsus mollior et frequentior, si dolor obtusior, in cuius loco gravitatis sensus est, si tussis et dyspnoea graviora fiunt, et si febris hectica supervenit, nihil dubii est, quin inflammatio, ubi dolor erat, in suppurationem abierit.*

*Q. Quomodo effusio vel gangraena cognoscenda est?*

*R. Respiratione magis magisque subito difficili facta, ita ut aeger spiritum trahendo inhabilis fiat, protinus igitur exspiret.*

### *De Causis Excitantibus.*

*Q. Quibus causis excitatur Pneumonia?*

*R. Frigore, quod halitum cutis impedit, et plus humoris in pulmones convertit; exercitatione nimia pulmonum sub aere frigidissimo, injuriâ pulmonibus illatâ, incitatione corporis nimiâ, sive diathesi phlogistica, sicuti eâ, quae Variolam aut Rubeolam comitatur.*

*De Causis Praedisponentibus.*

Q. Quae causae sunt praedisponentes Pneumoniae?

R. Habitus sanguine plenus, et robustus, temperamentum sanguineum, intemperantia, et accessus prior ejusdem mali, proclivitatem Pneumoniae dant.

*De Diagnosi.*

Q. Quibus cum morbis Pneumonia confundi potest?

R. Cum Catarrho gravi, Rheumatismo muscularum inter costas, et cum Hepatitide acuta.

Q. Quibus indiciis Pneumonia a *Catarrho gravi* discernenda est?

R. Dolore plus minusve acuto in quadam thoracis parte, sub inspiratione plenâ plurimum aucto, Pneumonia designatur. Catarrhus vero gravis sensu angustiae, caloris quasi urentis in summo pectore, gravedine, et distillatione muci ex naribus; et sensu angustiae et caloris, inspiratione plenâ, nihil aucto, dignoscitur.

Q. Quibus notis *Rheumatismus muscularum inter costas* Pneumoniâ dignoscendus est?

R. Dolore plurimum aucto quum truncus corporis sinistrorum aut dextrorum inclipa-

tur; et dolore extrinsecus tendente sub inspiratione, et tussi et sputis fere absentibus, Rheumatismus cognoscitur.

*Q.* Quibus indiciis *Hepatitis acuta* Pneumoniâ dignoscenda est?

*R.* Situ doloris, et hoc parum aut nihil aucto sub inspiratione plenâ, tussi siccâ, vomitu, singultu, dolore saepe ad claviculam et summum humeri dextri, et decubitu in latus sinistrum difficiili, Hepatitis acuta facile a Pneumoniâ discernenda est.

### *De Prognosi.*

*Q.* Quae signa exitum felicem praesagiunt?

*R.* Si febris est lenis, si respiratio haud ita difficultis, si dolor lenior, si sputa libera et copiosa fiunt, exitum faustum sperare licet.

*Q.* Quae signa malum exitum praenunciant?

*R.* Febris gravis, respiratio difficultima, dolor pungens excruciansque, tussis perpetua et siccâ, delirium, vultus lividus, et pulsus inordinatus et debilis, periculum maximum indicant.

### *De Curatione.*

*Q.* Quae curatio est Pneumoniae?

*R.* Missio sanguinis copiosa semel et subita; purgantia; emplastrum vesicatorium; ex-

pectorantia; et diluentia, remedia adversus Pneumoniam optima sunt.

**Q.** Quid de missione sanguinis notandum est?

**R.** Pneumonia vitam aegri in praeceps periculum fert, sanguis igitur libere et copiose e vulnera venae ampio mittendus est, et tantum ejus semel detrahendum, quantum violentia signorum postulat. Multo melius est vires morbi ex toto frangere unâ detractione sanguinis largi, quam eandem quantitatem bis, ter, quaterve mittere. Quum autem morbus graviter reddit, iterum sanguis pro ejus vehementia copiose mittatur; et iterum repetatur, si opus sit.

**Q.** Quae statim post missionem sanguinis necessaria sunt?

**R.** Emplastrum cantharidis vesicatoriae ampulum super partem thoracis dolentem impnendum est; deinde medicamentum purgans, sicuti pulveris jalapae compositi drachma, dandum, et tertiam quaque horâ repetendum est, usque dum alvus ter quaterve responderit.

**Q.** Quae expectorantia commodissima sunt?

**R.** Mistura ex mucilaginis gummi Acaciae, aquae purae, utriusque unciis tribus, vini antimonialis, tincturae opii, utriusque drachmâ, composita, bene respondet: vel mistura muci-

laginosa cum pauxillo aceti scillae, et tincturae hyoscyami, utilis est : vel mistura oleosa idonea convenit.

*Q.* Quae diluentia maxime prosunt ?

*R.* Decoctum hordei, vel avenae ; ptisana ; panis aqua fervente madefactus et emollitus, cui sacchari paululum addatur, et tenuis factus ; et similia blanda, ad libitum sumantur.

#### DE PERIPNEUMONIA NOTHA.

*Q.* Quid est Peripneumonia notha ?

*R.* Inflammatio est pulmonum aut pleurae lenis, et affluxus humorum in pulmones solito copiosior.

*Q.* In quo differt Peripneumonia notha a verâ ?

*R.* In gradu solummodo ; morbus enim, de quo sermo est, aetate proiectos, et senes debiles, et plenos invadit ; vere et autumno apparet, atque ex iisdem causis oritur, ac Pneumonia Vera.

*Q.* Nonne Peripneumonia notha saepe cum Catarrho gravi vel senili miscetur ?

*R.* Morbus periculosus et fallax senibus est ; nam sub formâ Catarrhi gravis cum exscrectione muci copiosâ ingruit, viresque majo-

res sine periculi suspicione acquirit, et brevi aegrum perdit.

**Q.** Quae curatio ad Peripneumoniam no-tham idonea est?

**R.** Si dolor lateris acutus est, et inspira-sione auctus, sanguis caute pro viribus mittat-ur; si vires plurimum fractae et imbecilles sunt, et missionem sanguinis non patientur, emplastrum vesicatorium parti dolenti appli-care, alvum leniter ducere, et misturam ex-pectorantem, et tandem tonica exhibere, o-portet.

#### DE CATARRHI GRAVIS CURATIONE.

**Q.** De Catarrho anteà collocuti sumus; sed pauca hic plenius dicere de curatione ejus licet. Quae curatio Catarrho Gravi maxime convenit?

**R.** Catarrhus membranam mucosam inflam-matione afficit, sensumque caloris urentis in bronchiis movet, cum tussi molestâ, et exscre-atione muci; si illa signa sine multa febre ad-sunt, et si nihil augentur inspiratione plenâ, emplastrum vesicatorium summo sterno im-ponere, alvum libere purgare, et diaetam te-nuem et parcam praescribere, et aegrum se in-domo continere, oportet.

*Q.* Quid necessarium est fieri, si dolor lateris, sterni, vel dorsi, simul cum sensu urente summi pectoris, adest?

*R.* Si dolor pectoris inspiratione plenâ intentitur, et exasperatur, sanguis protinus mitendus est ad uncias viginti, aut plures, si opus erit; deinde remedia jam memorata administranda sunt.

*Q.* Quid est *Catarrhus senilis*?

*R.* Catarrhus, quae excretione muci copiosâ comitatur, senes imbecilles, et constitutione multum fractos, affigit, et haud raro in Peripneumoniam notham transit.

*Q.* Quae methodus curationis exercenda est?

*R.* Si dolor lateris, vel angustiae sensus urget, emplastrum vesicatorium parti dolenti superimponatur; si debilitas magna est, et corpus multum relaxatum, tonica, veluti cinchona, myrrha, calumba, aut ferri praeparationes, idonea sunt; si tussis assidue vexat, expectorantia, sicuti gummi resina ammoniaci, scilla maritima, et caetera ejusmodi; et opiata, utilissima sunt.

*Q.* Quae diaeta commodissima est?

*R.* Diaeta nutriendis et simplex, et si nullus dolor adest, vinum rubrum, valde commoda

sunt ; observandum tamen est alvum semper facilem tenendam esse.

## DE PHTHISI.

Q. In qua Classe et Ordine morborum Phthisis ponitur ?

R. In Classe Pyreiarum, et Ordine Haemorrhagiarum, sub genere Haemoptysis, cuius Phthisis Doctori Cullen sequela esse visa est.

Q. Quae definitio est Phthisis ?

R. " Corporis emaciatio et debilitas, cum tussi, febre hectica, et plerumque expectoratione purulenta."

Q. Quot species Phthisis sunt ?

R. Duae : " Phthisis *incipiens*, sine expectoratione puris ; et Phthisis *confirmata*, cum expectoratione puris." \*

Q. Quae signa sese in *Phthisi Incipiente* plerumque ostendunt ?

R. Pyrexia ; catarrhus ; tussis molesta, siccata, et peculiariter rauca ; sensus angustiae, vel dolor lenis, in quadam thoracis parte ; respiratio nonnihil impedita et difficilis ; agitatio ; somnus tussi interruptus, omnia quae in pejus ruunt, atque si nihil illis occurrit, in statum confirmatum sensim transeunt.

*Q. Quae signa praecipue Phthisis Confir-  
mam indicant?*

*R. Macies; vires gradatim labantes; dolor  
lateris perpetuus; dyspnoea; respiratio acce-  
lerata; tussis gravis et molesta; sputa puru-  
lenta; febris hectica; et pulsus frequens, ce-  
ler, durus, et chordae similis, phthisin confir-  
matam declarant.*

*Q. Quibus modis pus a muco, cum expuitur  
tussi, discernendum est?*

*R. Colore, spissitate et tenacitate, odore,  
gravitate, materiam variatam sputorum, nam *pus*  
est magis opacum et saepe subviride, minus  
glutinosum et tenax, et cum in aqua infun-  
ditur, in fila agitatione separatur, et gravius  
cadit, odore magis ingrato, quam *mucus*.*

*Q. Nonne chemia differentiam multo evi-  
denter discernere potest?*

*R. Certe: si sputa in Acido Sulphurico, et  
in Lixivio Caustico, pari quantitate solvantur;  
et si ambabus solutionibus aqua pura adda-  
tur; si in utraque aliquid cadat, *pus* est; si  
vero nihil cadit, *mucus* solum in sputis est.  
Praeterea, si Oxyurias Hydrargyri sputis  
addatur, *mucum* facile, sed nunquam *pus*, coa-  
gulat.*

*Q. Quomodo definitur *Febris Hectica*?*

*R. " Febris quotidie revertens; accessioni-*

bus meridianis et vespertinis ; remissione, rarius apyrexia, matutina ; plerumque sudoribus nocturnis, et urina sedimentum furfuro-  
ceo-lateritium deponente."

Q. Quae alia signa Febrem Hecticam de-notant ?

R. Pulsus semper frequentissimus est, plerumque supra centum in hora sexagesimā parte, calor perpetuò auctus, sensus frigoris interdiu, et sudor matutinus noctu, macies, saepe tussis, et muci vel puris exscreatio aucta, lingua interdum alba, sed fere nitida et rubra, fauces Aphthis infestae, diarrhoea, et oedema pedum, Hecticam monstrant.

Q. Quibus ex causis Febris Hectica ori-  
videtur ?

R. Ex absorptione puris saepissime, irri-tatione summā, et debilitate extremā, et fortasse nimio Oxygenio in sanguine.

### *De Causis Excitantibus.*

Q. Quae causae Phthisin excitant ?

R. Catarrhus frequens, Pneumonia, Ru-beola, et Variola, quae omnia, cum negligun-tur, saepius suppurationem pulmonum, et Febrem Hecticam, movent, sine quibus Phthi-sis non existere potest. Tubercula in pulmo-

nibus saepissime; Haemoptysis fortasse et Asthma interdum causae excitantes sunt.

*Q.* Quid de *Tuberculis* intelligis?

*R.* Tumores esse exiguos; qui glandulae tumidae et induratae esse videntur.

*Q.* Quae res *Tubercula* constituunt?

*R.* Glandulae lymphaticae, vel saltem puncta exigua, quae inflammatione lentâ tumescunt, suppurant, et abscessus parvi sive vomicae fiunt, quae rumpunt, atque pus in ramulos bronchiorum emittunt, ut exscreetur.

### *De Causis Praedisponentibus.*

*Q.* Quae causae proclivitatem Phthisi dare videntur?

*R.* Habitus Scrofulâ imbutus; conformatio thoracis nimis angusta aut parva; haereditaria debilitas pulmonum; aliena; sicuti pulvis; fumi, in pulmones ingredientia; et plethora; causae praedisponentes haberri possunt.

### *De Dingnosi.*

*Q.* An Phthisis cum ullo morbo confundi potest?

*R.* Cum Chlorosi fortasse confundatur, sed vix cum aliis morbis.

*Q.* Quomodo diagnosis inter *Chlorosin* et Phthisin statuenda est?

*R.* In *Chlorosi* adest rei non esculentae desiderium; cutis pallor et decoloratio; venae minus plenae; pulsus tardus; languor et torpor generalis; calor minor; oculi hebetes; et tussis dura et sicca. In *Phtisisi* tamen res se aliter habent, cupiditas cibi naturalis, vultus rubore suffusus, venae sanguinis plenae, pulsus frequens, animus spe elatus, calor major, oculi nitidi et albidi, et tussis cum exscrectione muci vel puris copiosâ, diagnosin constituunt.

### *De Prognosi.*

*Q.* Quae Prognosis Phthisis est?

*R.* Prognosis plerumque mala dicenda est; interdum tamen in specie incipiente inflammatio idoneis auxiliis submovetur, et ulcus pulmonum sanatur: interdum in confirmatâ vomica formatur, rumpitur, et senatur, et aliae aliis succedunt per multos annos ad mortem usque. Aegri tamen quidam hoc modo pulmonibus laborantes ad aetatem usque provectionem vivunt.

### *De Curatione.*

*Q.* Quae est methodus optima Phthisis tractandi?

*R.* Si in *stadio incipiente* est, mittere san-

guinem, emplastrum vesicatorium parti maximè dolenti applicare, alvum facilem reddere et tenere, atque diaetam tenuem admittere, oportet. Si in *stadio confirmato*, emplastrum vesicatorium sedi doloris iterum iterumque imponere; impetum circuitūs sanguinis Digitali fraenare; vires diaetā lacteā, blandā, et nutritive recreare tussim molestam Opiatis inhibere; et sudores nocturnos Acido Sulphurico et Cinchonā temperare, debemus.

Q. Quo consilio sanguinem mitteres, vesicatorium applicares, alvumque duceres?

R. Ut inflammationem minuamus, et submoveamus, quam maxime fieri potest, quae glandulas et folliculos mocosos bronchiorum et pulmonum irritat, tussim semper movet, quae invicem pulmones vehementer et perpetuò quatit, Tubercula aut gignit, aut exasperat, et inflamat, eaque in suppurationem abire cogit.

Q. Nonne aegro utile est quam maxime a frigore magno et subito, a plenitudine habitūs, et ab intemperantia omnigenā praecaveri?

R. Ab iis rebus, et ab exercitatione pulmonum nimiā, praecaveri utilissimum est.

Q. Cui usui emplastra vesicatoria in stadio confirmato inserviunt?

*R.* Humores extrinsecus attrahunt, vasa interna per consensum ad actionem magis salutarem stimulant, quâ ulceratio interna sanetur.

*Q.* Nonne medicamenta illi processui auxiliari possunt?

*R.* Hydrargyrus, digitalis, cicuta, myrrha, cinchona, et caetera, ulcera purgare, et sationem eorum promovere, existimata sunt.

*Q.* Nonne caelum calidius mitiusque commodum esset?

*R.* In specie incipiente mutare frigidum pro calido caelo commodissimum est; sed in confirmatâ, mutatio caeli nimis sero venit, et raro ad curationem conferre potest.

*Q.* Annon utile esset temperiem conclavis, in quo aeger est, circiter gradum sexagesimum quintum Fahrenheitii thermometri tenere?

*R.* Ita utilissimum est, quum vires non patiuntur aegrum in caelum mitius transire.

*Q.* Nonne diaeta lactea, et rus interdum, curationem efficiunt?

*R.* Sine dubio diaeta lactea commodissima est, sed aër ruris aliquando pulmones nimis irritat, stimulatque, et tussim et tubercula exasperat.

*Q.* An non vestimenta lanea cuti proxima necessaria sunt?

*R.* Ab initio thoracem phthisici a frigoris vicissitudinibus bene defendere, vestimento laneo duplice subter alia ejus consueta, ex toto convenit.

*Q.* Quibus medicamentis sudores nocturni minuendi sunt?

*R.* Acidis; guttae viginti quinque acidi sulphurici aromatici in cyatho aquae subinde plerumque satis sunt.

*Q.* Quid fieri debet, quum diarrhoea cum sudoribus matutinis alternat?

*R.* Astringentia, veluti electuarii catechu drachmae quatuor in aquae cinnamomi unciis sex tritae et solutae sive suspensae, cui misturae tincturae opii drachma addatur, cujus unciam aeger capiat post omnem dejectionem solutam: aut drachma tincturae saponis cum opio bene infretetur super abdomen bis terve in die, quod alvum constringere multum tendit.

#### DE HAEMOPTYSI.

*Q.* In qua Classe et Ordine morborum Haemoptysis ponitur?

*R.* In Classe Pyrexiarum, et Ordine Haemorrhagiarum.

**Q.** Quibus verbis definitur Haemóptysis?

**R.** " Genarum rubor ; molestiae aut doloris, et aliquando caloris, in pectore sensus ; dyspnoea, titillatio faucium ; tussis aut tussicula sanguinem floridum, saepe spumosum, rejiciens."

**Q.** Quot species Haemoptysis sunt?

**R.** Quinque : " *Haemoptysis plethorica* nulla vi externa applicata, neque praegressa tussi aut evacuationis solitae suppressione ; *violenta* a vi externa applicata ; *phthisica* post tussim cum macie et debilitate diuturnam ; *calculosa* rejectis simul moleculis calculosis plerumque calcariis ; et *vicaria* post evacuationis solitae suppressionem."

**Q.** Dic mihi seriem signorum quae fere accessionem Haemoptysis comitantur?

**R.** Sensus gravitatis, anxietatis, et aliquando caloris sub sterno ; respiratio haud facilis, interdum dolor pectoris ; sapor salsus in ore ; titillatio laryngis ; tussicula ; et sanguinis spumosi exscreatio, sequuntur ; tussis et exscreatio plus sanguinis floridi et semper spumosi iterum iterumque rejiciunt ; pulsus frequens, validus, et durus est ; genae rubent ; et multum anxietatis animum aegri perturbat.

*De Causis Excitantibus.*

**Q.** Quae causae Haemoptysin excitant?

**R.** Nisus vehemens currendi, saltandi, luctandi, cantandi, vociferandi, et instrumentum musicum inflandi; violentia pectori illata, sicuti casus, vulnus, ictus; tussis vehementissima et iterata; calor nimius; intemperantia; alii morbi, veluti Pneumonia, Phthisis, Pertussis, et Asthma, Haemoptysin excitant.

*De Causis Praedisponentibus.*

**Q.** Quae causae sunt Haemoptysi praedisponentes?

**R.** Conformatio thoracis prava, quâ pulmones nimis arcte continentur; plethora sanguinis in pulmonibus; debilitas vasorum, aut fabricae, pulmonum haereditaria; temperamentum sanguineum; et Scrofula, pulmones Haemoptysi opportunos reddunt.

*De Diagnosi.*

**Q.** An Haemoptysis cum alio morbo confundi potest?

**R.** Cum Haematemesi interdum confundatur.

**Q.** Quibus indiciis Haemoptysis a *Haematemesi* distinguenda est?

*R.* In *Haemoptysi* sanguis coloris floridi semper tussiendo ejicitur, et cum spumis miscetur, et signis antea memoratis praeceditur; in *Haematemesi* contrà sanguis purpurei coloris et partim coagulatus, vomitu et sine tussi, ejicitur, et cibis, vel iis, quae ventriculus continebat, miscetur.

*Q.* Nonne sanguis floridus exscrezione et tussi ejectus, e naribus aut faucibus veniat, ideoque cum *Haemoptysi* confundatur?

*R.* Vix: nam si e naribus venit, Epistaxis fieret; si e faucibus, inspectio accurata noscertiores faceret, quia conspici possunt.

### *De Prognosi.*

*Q.* Quae prognosis *Haemoptysis* ducenda est?

*R.* Prognosis multum causis et profluvio sanguinis ipsius, et constitutione aegri pravâ, an integrâ, regenda est; sed plerumque infasta dicenda est, morbus enim periculosissimus. Si constitutio aegri integra est, et causa excitans haud obscura, ope auxiliorum idoneorum prognosis fausta cum cautione pronunciari potest.

### *De Curatione.*

*Q.* Quae methodus curationis *Haemoptysi* idonea est?

*R.* Missio sanguinis, purgantia, emplastrum vesicatorium, astringentia interna et externa, et anodyna, curationem constituunt.

*Q.* Quo consilio sanguinem mitteres?

*R.* Ad plethoram, et impetum sanguinis, minuendum missio sanguinis potentissima est.

*Q.* Quare purgantia exhiberes, si alvus facilis est?

*R.* Ut humores deorsum ad intestina versus ducerentur, atque ut nausea moveatur, quibus rebus determinatio sanguinis in pulmones, et profluvium sanguinis tardentur, atque haud parum imminuantur.

*Q.* Quae astringentia post missionem sanguinis pro re nata, et medicamentum purgans, utilissima sunt?

*R.* Aqua frigida Acido Sulphurico acidula facta, et ad libitum copiose potata; Conserva rosae Gallicae ad uncias tres quatuorve in die; Sulphatis Aluminæ semidrachma ter quaterve, aut saepius, quotidie repetita, intrinsecus; et affusio frigida et lavatio, ut antea commendatum est; aut pannus laneus magnus aquâ quam frigidissimâ madefactus, atque circum pectus universum circumvolutus, extrinsecus, utilissima et efficacissima sunt.

*Q.* Quae anodyna, et quo consilio ea, exhiberes?

*R.* Opiata ad irritabilitatem pulmonum, et faucium, eoque tussim, minuendam utilia sunt. Extractum hyoscyami eodem consilio adhiberi potest. Digitalis quoque ad granum pulveris, aut ad guttas quindecim, aut viginti tincturae, bies terve indies data, impetum sanguinis tardat fraenatque, et eodem tempore irritabilitatem pulmonum minuit, eoque remedium utilissimum est.

*Q.* Quando, et quo consilio, vesicatorium pectori applicares?

*R.* Cum vires aegri multum quassatae, et constitutio ejus phthisica et scrofulâ imbuta est, emplastrum vesicatorium amplum supra sedem doloris seu molestiae superimpositum, simul cum astringentibus vasa sanguinea debilia ad contractionem et tonum idoneum stimulat, ideoque profluviu m sanguinis sistit.

*Q.* Si aeger debilis esset, et pravâ constitutione praeditus, quae ex iis remedii necessaria essent?

*R.* Refrigerantia, astringentia, purgantia lenia, et vesicatorium, maximè prosunt.

*Q.* In qua Classe et Ordine Nosologiae ponitur Dyspnoea?

*R. In Classe Neurosum, et Ordine Spasmorum.*

*Q. Quomodo definitur Dyspnœa?*

*R. " Spirandi difficultas perpetua, sine angustiae, et potius cum repletionis et infarctū in pectore, sensu. Tussis per totum morbi decursum frequens."*

*Q. Quot species sunt idiopathicae dyspnœae?*

*R. Octo: dyspnœa catarrhalis, sicca, aërea, terrea, aquosa, pinguedinosa, thoracica, et extrinseca.*

*Q. Quot species symptomaticae sunt?*

*R. Tres: morborum cordis, vel vasorum majorum; tumoris abdominalis; et variorum morborum.*

*Q. Nonne omnes illae species potius symptomaticae habendae sunt?*

*R. Ita: dyspnœa enim catarrhalis cum tussi frequente, mucum viscidum copiosum ejiciente comitatur; dyspnœa sicca cum tussi plerumque sicca, phthisin tuberculosam; dyspnœa aërea a minima quavis tempestatum mutatione aucta, irritabilitatem pulmonum aut inflammationem lenem indicat, quae phthisi fere adsunt; dyspnœa terrea cum tussi materiam terream vel calculosam ejiciente, interdum phthisi incidit; dyspnœa aquosa cum urina parca et oedemate pedum, sine fluctua-*

tione in pectore, vel aliis characteristicis hydrothoracis signis; effusionem in fabricam cellularem sive parenchematosam pulmonum indicat, eoque hydrops habenda est; dyspnoea *pinguedinosa* in hominibus valde obesis, et sub polysarcia apparent; dyspnoea *thoracica* a partibus thoracis cingentibus laesis, vel male conformatis, sicuti quod vulnera, vel rachitide fiat; et dyspnoea *extrinseca* a causis externis manifestis, veluti fumis metallicis, bronchocele et similibus, oritur.

*Q.* Si haec ita sese habent, an in curatione eorum malorum, ut dyspnoea medeatur, intendendum est?

*R.* Maxime: species aliae cum morbis, ad quos pertinent, curandae; aliae immedicabiles sunt.

## DE ASTHMATE.

*Q.* In qua Classe et Ordine Nosologiae Asthma ponitur?

*R.* In Classe Neurosum, et Ordine Spasmodum.

*Q.* Quibus verbis definitur Asthma?

*R.* "Spirandi difficultas, per intervalla subiens; cum angustiae in pectore sensu, et respiratione cum sibilo strepente; tussis sub-

initio paroxysmi difficilis, vel nulla, versus finem libera, cum sputo muci saepe copioso."

**Q.** Quot species sunt Asthmatis?

**R.** Tres: "*Asthma spontaneum* sine causa manifesta, vel alio morbo comitante; *exanthematicum* a scabie vel alia acris effusione retro-pulsa; et *plethoricum* a suppressa evacuatione sanguinis antea solita, vel a plethora spontanea."

**Q.** Quae signa paroxysmum Asthmatis declarant?

**R.** Paroxysmus incipit plerumque noctu ab angustiae seu stricturae transverse tendentis in pectore sensu, quae respirationem haud parum impedit. Aeger, si in lecto est, statim surgit, aëra petit liberiorem, spiritum trahit atque emittit tarde cum majore majoreque difficultate, et sono sibili; vix loqui potest, interdum tussi vexatur. Pulsus vulgo naturalis est; vultus fere pallidus, raro rubescit. Paroxysmus per horas quatuor vel sex durat, dein signa, aurorâ appropinquante, sese remittunt, et somnus multum exoptatus supervenit.

**Q.** An aeger die proximo sese bene habeat?

**R.** Post somnum liberè respirat, sed adhuc non nihil angustiae in pectore sentit, vix supinus jacere potest; ructus, lassitudo, et somno-

lentia, superveniunt. Paroxysmus serius cito-  
tiusve iterum noctu redit.

### *De Causis Excitantibus.*

*Q.* Quae causae Asthma excitare videntur?

*R.* Calor externus; vicissitudines tempe-  
riei; diaeta plena; exercitatio nimia; affectus  
animi; odores ingrati; sumi acres; alii mor-  
bi interdum, sicuti Dyspepsia, Hypochondri-  
asis, Podagra, et Hysteria, Asthma excitare  
valent.

### *De Causis Praedisponentibus.*

*Q.* Quae causae Asthamati proclivitatem  
dant?

*R.* Congestio sanguinis in pulmonibus; con-  
formatio thoracis prava et nimis arcta, quae  
labes haereditaria vulgo appellatur; et irrita-  
bilitas pulmonum et muscularum respirationis,  
causae praedisponentes haberi possunt.

### *De Diagnosi.*

*Q.* Quibus cum morbis Asthma confundi  
potest?

*R.* Cum Dyspnoea fortasse; sed accessio  
subita paroxysmi plerumque noctu, et per in-  
tervalla rediens; et suffocationis imminentis  
sensus, qui aegrum ad aëra liberiorem con-

fugere cogit, Asthamati propria sunt, idque ab omnibus aliis morbis facile distinguunt.

### *De Prognosi.*

**Q.** Quae prognosis Asthmatis est?

**R.** Asthma per se, etiamsi saepe necem aegro minitari videatur, rarissime fatale est; periculosum autem est cum inveterascit, ne alias morbos, sicuti Phthisin, vel Hydrothoracem, vel Aneurisma aut cordis aut vasorum magnorum, vel oedema pedum, et Anasarcam, vel Diabetem, inducat, quibus mors plerumque cito infertur.

### *De Curatione.*

**Q.** Quae curatio Asthamati idonea est?

**R.** Asthma confirmatum interdum, sed raro, curationem admittit; levationem vero multam medicamentis recipere potest.

**Q.** Quae auxilia allevationem morbi optimè ferunt?

**R.** Nonnunquam missio sanguinis; purgantia lenia; et emplastrum vesicatorium; sed praecipue antispasmodica, et emetica, utilissima sunt.

**Q.** Quando missio sanguinis utilis est?

**R.** Sub initio morbi, cum aeger potius robustus, et plenus sanguinis est; aut cum con-

gestio sanguinis in pulmonibus facta est ob transitum ejus quodam modo tardatum et impeditum, paululum sanguinis detrahere prodest.

*Q.* Quando purgantia necessaria sunt?

*R.* Apud initium ad plethoram sanguinis minuendam, vel in decursu morbi, cum Dyspepsiae signa vexant, ad functiones ventriculi et intestinalium promovendum atque absolvendum, maxime necessaria sunt.

*Q.* Quae purgantia anteponenda sunt?

*R.* Pulvis Rhei, et magnesia cum pauxillo zingiberis; aut pilulae Rhei compositae; aut pilulae Aloëticæ vesperi, et mane Sulphatis Magnesiae semuncia; et similia, ex usu maximo sunt.

*Q.* Quando emplastrum vesicatorium utilissimum est?

*R.* Sub initio morbi, cum Catarrhus interdum gravis quidem adest; aut aliis temporibus, morbo inveterascente, cum inflammatio lenis moveri videtur, emplastrum cantharidis vesicatoriae parti sterni dolenti superimpositum, et postea ut fonticulus ibi fieret, aliquando utilissimum est.

*Q.* Quae antispasmodica optimè respondent?

*R.* Tinctura opii, aether sulphuricus, tinctura hyoscyami, tinctura castorei, camphora,

moschus, aut gummi foetida, invicem usurpanda sunt. Cum enim alii eorum corpus assuetum fit, alii decurrentum est.

*Q.* Quando emetica necessaria sunt?

*R.* Quum paroxysmus certâ horâ accedere consuevit, emeticum ante accessionem expectatam exhibitum, aliquando paroxysmo occurrit, aut eum saltem plurimum minuit. Intervallis paroxysmorum quoque, cum respiratio vix facilis, et gravitas ventriculi adest, emeticum utilissimum est. Tempore autem paroxysmi emeticum nequaquam admittendum est.

*Q.* Quae res in intervallis ad corpus roborandum, minusque mobile, et paroxysmis minus opportunum reddendum, conferunt?

*R.* Exercitatio medica sub divo, praecipue equitatio; balneum tepidum, id est, circiter gradum octogesimum; cinchona, tinctura muriatis ferri, et amara: diaeta parca sed nutritens; aqua pura pro potu; et vix unquam aliquid vini, nisi debilitas urgeat, maxime ad eas res, ut nobis videtur, conferunt.

#### DE PERTUSSI.

*Q.* In qua Classe et Ordine morborum Pertussis ponitur?

*R.* In Classe Neurosium, et Ordine Spasmodorum.

*Q.* Quomodo definitur Pertussis?

*R.* " Morbus contagiosus ; tussis convulsiva, strangulans, cum inspiratione sonora, iterata ; saepe vomitus."

*Q.* Quae generalia de Pertussi notanda sunt?

*R.* Pertussis aetatem puerilem plerumque, adultam vero interdum, infestat ; neque senectuti, etiamsi minus quidem opportuna sit ei, semper parcit. Eundem hominem semel tantum in decursu vitae invadit.

*Q.* Quae signa Pertussim ingravescentem ostendunt?

*R.* Sub forma Catarrhi incipit, exscreatio muci aut nulla, aut tenuis solummodo, hinc tussis vehemens et saepe iterata vexat : plerumque tamen mucus spissus copiose tussiendo ejicitur, cum quo cessat tussis. Vultus, sanguinis transitu per pulmones tardato, purpureus aut lividus est inter tussiendum, eoque sanguis e naribus saepe erumpit, et oculi sanguine suffusi et teneri fiunt.

*Q.* An Pyrexia unquam Pertussi adest?

*R.* Pyrexia apud initium saepe adest, et sensim, si morbus lenis est, evanescit ; si gravis, magis magisque ardet per morbi decursum.

*Q.* Num inflammatio pectoris Pertussim comitatur?

*R.* Aliquando adest inflammatio; quam respiratio difficilis, pulsus frequens, celer, et potius durus, dolor pectoris, et pyrexia, indicant.

### *De Causis.*

*Q.* Quibus ex causis oritur Pertussis?

*R.* Ex aëris statu parum adhuc cognito, et contagio.

### *De Diagnosi.*

*Q.* Quomodo Pertussis a *Catarrho* discernenda est?

*R.* Interdum, cum lenis est, vix, nisi epidemica, discernenda est; sed multo saepius tussis convulsiva, et inspiratio peculiariter sonora, iterata, Pertussim designant.

### *De Prognosi.*

*Q.* Quae prognosis ducenda est Pertussis?

*R.* Cum febris aut lenis aut nulla est; cum respiratio facilis est intervallis paroxysmorum tussiendi; et cum exscreatio muci, vel vomitus, facile inter tussiendum ejicitur, nihil periculi metuendum est. Contrà, si febris ardet; si respiratio multum concitata et diffici-

lis; si irritabilitas pulmonum maxima; si tussis convulsiva vehemens; et si vires plurimum imminutae sunt, prognosis infaustissima est.

*De Curatione.*

*Q.* Quae methodus curationis adversus Pertussim exercenda est?

*R.* Purgantia lenia, aëris mutatio, et emeticum subinde, methodum curationis communem constituit.

*Q.* Si febris haud parva, et respiratio difficilis adsunt, quid fieri debet?

*R.* Sanguinem pro aegri aetate mittere, emplastrum vesicatorium summo sterno applicare, et alvum ducere, oportet.

*Q.* Nonne antispasmodica adversus spasmos bronchiorum in Pertussi utilissima essent?

*R.* Antispasmodica ad tussim moderandam, et habitum interrumpendum, efficacissima sunt: formula hujuscemodi bene respondet; aetheris sulphurici, tinturae opii, utriusque drachma, mucilaginis gummi Acaciae, syrapi simplicis, aquae fontanae, utriusque unciae duae, misceantur; cuius cochleare inminimum, vel medium, vel magnum, pro aetate, ante accessionem expectatam tussiendi, aegro detur; et praeterea, cochleare minimum tinturae sa-

ponis cum opio in summum pectus roane et vesperi bene infricetur.

*Q.* Annon ea antispasmodica alvum astrin-gunt?

*R.* Maxime; sed pauca grana Submufriatis Hydrargyri vesperi solutam tenent, et excretionem muci e pulmonibus promovent.

*Q.* Quo consilio mutatio aëris vel loci com-mendatur?

*R.* Ab experientia bene cognitum est aëra aliud multo plus alio pulmones irritare; si igitur aër siccus, tenuis, et frigidus tussim exasperat; humidior, densior, aut calidior, fortasse minus irritationis praebeat.

*Q.* Cui usui inserviunt emetica repetita?

*R.* Emeticum subinde exhibitum mucum e bronchiis tenacem cogit, eoque respirationem multo liberiorem et faciliorem reddit, nisi nimis saepe exhibeat, et tum excretionem mu-ci morbidam plurimum augeat. Emetica igitur parce et prudenter adhibenda sunt.

#### DE CARDITIDE.

*Q.* In qua Classe et Ordine Nosologiae Car-ditis ponitur?

*R.* In Classe Pyrexiarum, et Ordine Phleg-masiarum.

*Q.* Quomodo definitur Carditis?

*R.* "Pyrexia; dolor in regione cordis; anxietas; spiritus difficilis; tussis; pulsus inaequalis; palpitatio; syncope."

### *De Causis.*

*Q.* Quibus ex causis oritur Carditis?

*R.* Ex iisdem ac Pneumonia oritur.

### *De Diagnosi.*

*Q.* An Carditis *Pncumonia* dignosci potest?

*R.* Interdum vix; sed plerumque potest.

*Q.* Quae signa Carditidem distinguunt?

*R.* Dolor in regione cordis, anxietas magna, motus cordis inordinati, palpitatio, syncope, et praesertim pulsus inaequalis.

### *De Curatione.*

*Q.* Quae curatio Carditidis exercenda est?

*R.* Eadem curatio, de qua sub Pneumonia mentionem fecimus, ex toto Carditidi respondeat.

### DE SYNCOPE.

*Q.* In qua Classe et Ordine morborum Syncope ponitur?

*R.* In Classe Neurosum, et Ordine Adynamiarum.

*Q.* Quibus verbis definitur Syncope?

*R.* "Motus cordis imminutus, vel aliquamdiu quiescens."

*Q.* Quot species Syncopes *idiopathicae* sunt?

*R.* Duae; Syncope *cardiaca*, et *occasionalis*.

*Q.* Quomodo definitur Syncope Occasionalis?

*R.* "Syncope a causa manifesta oriens; ex affectione totius systematis."

### *De Causis Excitantibus.*

*Q.* Quae causae Syncopen Occasionalem excitant?

*R.* Quaecunque cor, arteriasque stimulis consuetis privant, sicuti haemorrhagiae subitae; mutatio subita positurae corporis; vel pressura subito remota, ut saepe fit post operationem Paracentesis, aut post partum laboriosum; dolor ingens; affectus animum plurimam et subito perturbantes; et odores ingrati et injucundi, Syncopen interdum movent.

### *De Causis Praedisponentibus.*

*Q.* Quae causae corpus ad Syncopen opportunum reddunt?

*R.* Corporis conformatio talibus aegris pecu-

liaris, sensibilitate et mobilitate nimiâ comitata ; debilitas magna ; vitia organica aut cordis aut vasorum magnorum ; et interdum plethora sanguinis ; proclivitatem Syncope praebent.

*De Curatione.*

Q. Quae methodus curationis in Syncope postulatur ?

R. Positura supina ; stimulantia, sicuti vînum, aut aqua ammoniae ; et tonica, veluti cinchona, ferri præparations, exercitatio modica sub divo, et balneum pluviale, plerumque ad curationem, aut saltem allevationem satis sunt.

Q. Si aeger sanguine plenus est, quid fieri debet

R. Missio sanguinis ad uncias quindecim, medicamentum purgans subinde, diaeta parca, et exercitatio aucta, plenitudinem cito tollunt.

Q. Nonne Syncope aliquando morborum aliorum symptomatica est ?

R. Ita ; Dyspepsiae ; Hysteriae ; Podagrae ; Scorbuti ; et febrium, symptomatica est, et simul cum causâ ejus submovenda.

**DE ANGINA PECTORIS.**

Q. Quomodo Angina Pectoris, seu *Syncope Cardiaca*, definitur ?

*R.* "Syncope cardiaca sine causa manifesta saepe rediens, cum palpitatione cordis vehementi in intervallis : *ex vitio cordis vel vasorum vicinorum.*"

*Q.* An alia *signa* sunt, quae nos de hoc morbo adhuc certiores faciant?

*R.* Inter exercitandum dolor acutus transversim a medio sterno ad cubitum laevum usque tendens ; pulsus saepe naturaliter moventur, interdum vero concitati et inaequales ; suspiria profunda ; dolor sive angor pectoris, quamprimum gradus vel exercitatio sistatur, ex toto protinus conquiescit ; interdum pulsus debilis, vultus pallidus fit, summa cutis sudore gelido madescit, et aeger sensu et motu pro tempore privatus in Syncopen cadit.

### *De Causis Excitantibus.*

*Q.* Quae causae excitantes Syncopes Cardiacae, sive Anginae Pectoris, habendae sunt?

*R.* Quaecunque motum sanguinis accelerant, aut quodam modo perturbant, sicuti scalas, aut locum acclivem ascendere ; clarâ voce legere, aut loqui ; cum malum inveteraverit, angor pectoris nonnunquam inducetur vecione in curru, aut in equo, item devoratione, tussi, solutione alvi, aut mentis perturbatione ; omnia quae Anginam Pectoris movent.

*De Causis Praedisponentibus.*

**Q.** Quae causae corpus Anginae Pectoris proclive reddunt?

**R.** Vitia organica; veluti puncta, vel partes arteriarum coronariarum, et vasorum magnorum, in os vel cartilaginem, conversae: valvulae cordis, vel arteriarum vicinarum, osseae, vel cartilaginosae factae; plethora sanguinea; amplificatio cordis, aut aortae; et spasmus cordis fortasse, nam post mortem nihil morbidum aliquando detegi potest, proclivitatem huic malo maximam dant.

*De Diagnosi.*

**Q.** Num Angina Pectoris cum aliis vitiis pectoris confundi potest?

**R.** Vix cum ullo alio morbo confundatur; nam hic morbūs tarde et paulatim nascitur, pejor pejorque fit; accessio facilis angoris sub exercitatione; cessatio ejus subita sub quiete; dolor ad brachium laevum, et interdum ad dextrum quoque, transversè tendens; palpitatio cordis vehemens, et inclinatio ad Syncopen, Anginam Pectoris ab omnibus aliis malis designant.

*De Prognosi.*

*Q.* Quae prognosis Anginae Pectoris ducenda est?

*R.* Prognosis semper infausta est; nam etiam si cum regimine idoneo aeger quosdam annos protrahere possit, eum tamen cito concidet.

*De Curatione.*

*Q.* Quae methodus optima est Anginae Pectoris tractandae?

*R.* Causae excitantes quam maxime evitandae sunt; si aeger sanguine plenus est, sanguis mittendus; diaeta parca ex lacte et frugibus praebenda est; exercitatio lenis; et purgantia, necessaria sunt.

*Q.* Quid tempore paroxysmi Syncopes Cardiacae fieri debet?

*R.* Si aeger, gradum sistendo, cito spiritum faciliorem invenit, nihil, nisi cessatio laboris aut exercitationis, opus est: si respiratione diu laborat, sanguis ad uncias decem mittatur, quo transitus sanguinis, quantitate sua minore, facilis per cor reddatur; dein exhibetur stimulus, sicuti aqua ammoniae, aut alcohol ammoniatum aromaticum.

*Q.* Nonne stimulantia sine missione sanguinis utiliora essent?

*R.* Quidam medici ita putant, sed causa excitans paroxysmi ad cor versus plus sanguinismittit, quam cor transmittere valet, itaque cor vehementer laborat, ut functiones suas perficiat, sanguinemque accumulatum propellat, hinc accedit palpitatio vehemens tempore paroxysmi: stimulantia igitur sine quantitatatem sanguinis minuendo, non vires cordis solum, verum impetum sanguinis etiam cor versus, augere videntur; eoque missio sanguinis prius anteponenda est.

*Q.* Annon opiate utilia sunt?

*R.* Haustus anodynus horâ somni ad irritabilitatem corporis, aut spasmus, si adsit, temperandum, et minuendum etiam, nonnunquam valde necessarius est.

## DE PALPITATIONE.

*Q.* In qua Classe et Ordine morborum ponitur Palpitatio?

*R.* In Classe Neurosum, et Ordine Spasmodorum.

*Q.* Quibus verbis definitur Palpitatio?

*R.* "Motus cordis vehemens, abnormis."

*Q.* Nonne saepe aliorum morborum *symptomatica* est?

*R.* Ita; Hysteriae, Chlorosis, Hypochon-

driasis, aliorumque est symptomatica ; sed interdum est quoque idiopathica.

*Q.* Quomodo definitur Palpitatio *idiopathica*?

*R.* "Palpitatio cardiaca fere constans, saltem saepe rediens, sine alio morbo evidente."

### *De Causis Excitantibus.*

*Q.* Quibus causis excitatur Palpitatio?

*R.* Vitiis cordis aut vasorum vicinorum, plethora, debilitate, aut mobilitate magnâ, affectibus animi, aliis morbis, et conformatione thoracis pravâ.

### *De Prognosi.*

*Q.* Quae est prognosis Palpitationis?

*R.* Prognosis potissimum in causis nititur; quum igitur causae non submoveri possunt, infausta est; contrà, si causas detegere et tollere licet, potius fausta sit.

### *De Curatione.*

*Q.* Quae methodus curationis Palpitationi idonea est?

*R.* Si morbus de dilatatione, vel diminutione, vel de partibus in os aut cartilaginem conversis, aut cordis ipsius, aut ejus valvularum, aut aortae, vel de conformatione thoracis pravâ, pendeat, immedicabilis est: si de ple-

thora, missio sanguinis ad uncias quindecim aut viginti, alvus soluta, diaeta parca, et exercitatio sub divo, curationem efficiunt; si de affectibus animi, exercitatio justa, mentis occupatio, et alvus facilis cum evitazione causarum, utilissima sunt; si de irritabilitate, mobilitate, vel debilitate pendeat, opiate et tonica invicem exhibita, plerumque sanitatem constituunt.

## DE ANEURISMATE VASORUM MAGNORUM.

*Q.* In qua Classe et Ordine morborum Aneurisma ponitur?

*R.* In Classe Localium, et Ordine Tumorum.

*Q.* Quomodo definitur Aneurisma?

*R.* "Tumor mollis, pulsans, supra arteriam."

*Q.* Quae signa sunt *Aneurismatis Aortae* intra thoracem?

*R.* Sensus molestiae, interdum doloris, insunmo thorace; pulsus, praecipue unius carpi, intermittens, et inaequalis; palpitatio; et ad syncopen proclivitas, primo sese ostendunt; tumor vero prope claviculam surgit, pulsat, morbumque declarat: respiratio et nonnunquam deglutitio difficiles fiunt; oedema,

et torpor brachii supervenient, et valetudo magis magisque declinat.

*De Diagnosi.*

**Q.** Quibus indiciis Aneurisma Aortae vitiis ab aliis cordis dignoscendum est?

**R.** Non ab initio dignosci potest, sed postquam tumor pulsans apud partem thoracis superiorem apparet, Aneurisma declarat.

*De Prognosi.*

**Q.** Quae est prognosis Aneurismatis Aortae?

**R.** Prognosis hujus mali infaustissima est.

*De Curatione.*

**Q.** Quid in curatione Aneurismatis Aortae faciendum est?

**R.** Illud aneurisma immedicabile est; et vix quidem allevationem medicamentis recipiat: diaeta parca tamen, et inter initia morbi missio paucarum unciarum sanguinis subinde, alvus facilis, et interdum opiatum, praecipue vesperi, utilissima sunt auxilia.

DE HYDROTHORACE.

**Q.** In qua Classe et Ordine Nosologiae ponitur Hydrothorax?

*R. In Classe Cachexiarum, et Ordine Intumescentiarum.*

*Q. Quibus verbis Hydrothorax definitur?*

*R. "Dyspnoea; faciei pallor; pedum oedema; urina parca; decubitus difficilis; subita et spontanea ex somno cum palpitatione excitatio; aqua in pectore fluctuans."*

*Q. An alia signa adsunt?*

*R. Hydrothorax ab anxietatis sensu apud imam partem sterni, dyspnoeā leni, et tussi incipit, praesertim cum aeger in lecto jacet; deinde signa jam in definitione optimā recensita morbum praeter dubium inanifestant.*

### *De Causis Excitantibus.*

*Q. Unde oriatur Hydrothorax?*

*R. Ex effusione auctā; vel ex absorptione diminutā humorum; vel fortasse partim ex illā, et partim hāc, oriatur.*

*Q. Quae res effusionem humoris nimiam reddunt?*

*R. Omnia, quae transitum sanguinis per pulmones impedian, sicuti vitia cordis, aut ejus valvularum; vel aneurisma vasorum magnorū; vel spasmus, ut in asthmate fit; vel tubercula, aut vomicae, aut adhaesiones in pulmonibus ipsis; ruptio ductūs thoracici, aut vasis lymphatici; et praeterea debilitas*

magna vasorum exhalantium, humorem praeter consuetudinem augent.

**Q.** Quae res absorptionem humoris naturalem minuunt?

**R.** Debilitas vasorum absorbentium extre-  
morum, quae humorem effusum tollere ne-  
queunt tam celeriter, quam vasa exhalantia ef-  
fundunt, causa excitans est, quae saepe quoque  
nonnullas causas supra recensitas comitatur.

### *De Causis Praedisponentibus.*

**Q.** Quae causae corpus Hydrothoraci pro-  
clive reddunt?

**R.** Debilitas utcunque concitata et inducta  
fuit, et senectus.

**Q.** Quae talem debilitatem excitant?

**R.** Intemperantia, ebrietas ferè quotidiana,  
podagra, asthma, fatigatio extrema, vigilia, ca-  
tarrhus senilis, et praegnatio infirma, debilita-  
tem corporis summam inducunt.

### *De Diagnosi.*

**Q.** Quibus cum morbis Hydrothorax con-  
fundi potest?

**R.** Cum Empyemate, Asthmate, Anginâ  
Pectoris, et vitiis cordis, aut vasorum ei vici  
norum.

Q. Quae signa singulis eorum propria sunt, quibus insigniri queant?

R. Inflammatio praecedens, et febris Hectica, Empyema; spirandi difficultas per intervalla subiens, sensus angustiae in pectore, et respiratio cum sibilo strepens, Asthma; dolor in brachium sinistrum transversè tendens, palpitatio vehemens, et syncopes paroxysmus, Anginam Pectoris; et tumor pulsans prope claviculam Aneurisma, insigniunt.

Q. Quae signa Hydrothoraci propria sunt?

R. Dyspnoea, faciei pallor, urina parca, decubitus difficilis, somnia terrificæ, præsertim subita et spontanea ex somno cum palpitatione excitatio, et interdum aqua in pectore fluctuans, Hydrothoracem haud obscurè ab iis distinguunt.

### *De Prognosi.*

Q. Quae prognosis Hydrothoracis ducenda est?

R. Prognosis semper cum cautione dicenda est, et plerumque infœsta.

### *De Curatione.*

Q. Quae methodus curationis Hydrothoraci maximè idonea est?

R. Hydrargyrum exhibere, ut gingivæ affi-

ciantur, dein pilulas duas scillae maritimae bis terve in die, et potum communem Super-tartrate Potassae acidum facere, utile est : vel supertartratis potassae drachmae sex vesperi, et tincturae digitalis guttae quindecim, vel pulveris granum, bis in die exhibeantur ; spi-ritus aetheris nitrosi drachma in cyatho aquae ter quaterve in die, et haustus anodynus horâ somni, dentur.

*Q.* Nonne remedia externa utilia essent ?

*R.* Ita : frictio fortis sicca cum panno laneo, aut humida cum oleo ammoniato ; vel sinapis-mus sinapeos ; vel emplastra vesicatoria re-petita thoraci applicata, vasa absorbentia sti-mulant, ut humorem internum auferant.

*Q.* Si nullum ex iis remediis humorem sub-movere potest, quid experiendum est ?

*R.* Operationem chirurgicam *Paracentesis* tentare oportet, quippe quae unica vitam aegri protrahere valeat.

## COLLOQUIUM NONUM.

DE

## MORBIS VENTRICULI.

*Q.* Quot morbi ventriculum praecipue invadunt?

*R.* Sex: Gastritis; Spasmus; Dyspepsia; Hypochondriasis; Pyrosis; et Haematemesis.

## DE GASTRITIDE.

*Q.* In qua Classe et Ordine morborum Gastritis ponitur?

*R.* In Classe Pyrexiarum, et Ordine Phlegmasiarum.

*Q.* Quibus verbis definitur Gastritis?

*R.* "Pyrexia typhodes; anxietas; in epigastrio ardor et dolor, ingestis quibuslibet auctus; vomendi cupiditas, et ingesta protinus rejecta; singultus."

*Q.* Quot species Gastritidis sunt?

*R.* Duae: "Gastritis phlegmonodea, dolore acuto, pyrexia vehementi; et erythematica, dolore, et pyrexia lenioribus, rubore erysipelatoso in faucibus apparente."

*Q.* An alia signa Gastritidi plerumque adsunt?

*R.* Pulsus frequens, exilis, durus, et chordae similis; ardor ingens, qui sitim urgentem movet, dolor in epigastrio sub pressu admodum auctus, agitatio perpetua, vires plurimum imminutae, vigilia, interdum delirium, aut syncope, adsunt.

### *De Causis Excitantibus.*

*Q.* Quae causae Gastritidem excitant?

*R.* Res acres in ventriculum sumptae; sicuti arsenicum, oxymurias hydrargyri, alcalina, acida fortia, et liquores spirituosi meraces in larga quantitate devorati; et cibi difficilli-  
mi concoctu; haustus copiosus aquae frigidissimae inter sudandum; rivulus aëris frigidissimi in ventriculum diu missus; injuriae ventriculo illatae; morbi quidam, veluti Variola, Rubeola, Scarlatina, Podagra, et Febris Flava, Gastritidem movent.

### *De Causis Praedisponentibus.*

*Q.* Quae causae proclivitatem Gastritidi dare videntur?

*R.* Causae ejus praedisponentes parum cognitae; sed forsitan habitus edendi acria et stimulantia, vel potandi nimium liquoris spiri-

tuosi meracis, proclivitatem quodammodo praebeat.

*De Diagnosi.*

*Q.* An Gastritis Phlegmonodēa cum ulla si aliis morbis confundi potest?

*R.* Cum Gastritide Erythematicā, Enteritide aut Spasmo Ventriculi fortasse.

*Q.* Quibus signis dignoscere possumus *Gastritidem Erythematicam* specie Phlegmonodeā?

*R.* Pyrexia lenis, dolor ventriculi vix auctus sub pressu, sensus molestiae et caloris in epigastrio, rubor in faucibus erysipelatosus, et haud raro diarrhoea, *Gastritidem Erythematicam* haud obscurè designant.

*Q.* Quomodo *Gastritidem* ab *Enteritide* distingueres?

*R.* Dolor in ventriculo ipso, pressu auctus, excruciansque; vomitus vehemens et perpetuus, praesertim cum aliquid devoratur, protinus rejicitur, et sitis insatiabilis, *Gastritidem*; dum sedes doloris paulo inferior prope umbilicum, vomitus subinde, qui non potum protinus rejicit, et dolor urens in ventriculo absens, *Enteritidem* designant.

*Q.* Quomodo *Gastritidem Spasmo Ventriculi* dignoscere possumus?

*R.* Sensus spasmi vehementis in ventriculo, incurvatio corporis, dolor ingens pressu minutus, ingesta non vomitu rejecta, pyrexia absens, et pulsus tardus, Spasmum Ventriculi Gastritide facillimè dignoscunt.

*De Prognosi.*

*Q.* Quae prognosis Gastritidis ducenda est?

*R.* Hic morbus periculosissimus est, ideoque, ut prognosis semper caute pronuncianda sit, necesse est; nam si non remediis idoneis cito occurritur, in suppurationem, vel in gangraenam abibit.

*Q.* Quae signa suppurationem indicant?

*R.* Morbus sine resolutione protractus ad diem octavum vel decimum usque, diminutio doloris, dum sensus gravitatis et anxietas magna perstant, horrores, sudores nocturni, et febris hectica, suppurationem monstrant.

*Q.* Quae signa gangraenam indicant?

*R.* Signa, quae vehementissima essent, et remediis idoneis vel non cederent, vel cito ad pristinam vehementiam redirent, post tempus haud ita longum subitò leniora fiunt, vel ex toto cessant; dum pulsus frequentissimus et maximè debilis fit, sudores frigidi, et delirium; omnia gangraenam factam esse, et mortem instare, ostendunt.

*De Curatione.*

Q. Quae curatio est *Gastritidis Phlegmone-deae*?

R. Missio sanguinis copiosa, et pro re nata repetita; dein emplastrum cantharidis vesicatoriae amplum regioni epigastricae applicatum; et tum enemata purgantia, et anodynæ invicem injecta, curationem optimam constituant.

Q. Nonne pyrexia typhodes, pulsus frequentissimus ad centum et quidraginta usque, et vires plurimum imminutæ, missionem sanguinis contra-indicant?

R. In febre *idiopathicā* talia signa detractionem sanguinis vetant; sed in *symptomatica*, Gastritide nimis, minime eam vetare debent.

Q. Quid sumendum est, quum primum potus in ventriculo retineri potest?

R. Diluentia blandissima, mucilaginosa, et oleosa, parce et caute primo, deinde magis magisque liberè, danda sunt.

Q. Quae curatio *Gastritidis Erythematicae* est?

R. In Gastritide Erythematica signa, scilicet, sensus caloris, molestiae, vel doloris in epigastrio, vomitus subinde, anxietas, anorexia,

et pyrexia lenis, mitia sunt, ideoque raro missionem sanguinis postulant; emplastrum vesicatorium epigastrio applicatum, diluentia blanda, et purgantia lenia, cum diaeta tenui ad curationem satis sunt; interdum fomenta epigastrio bis terve indies applicata, alvus facilis, diluentia, et abstinentia, paucis diebus curationem efficiunt.

## DE SPASMO VENTRICULI.

*Q.* Quid de Spasmo Ventriculi intelligis?

*R.* Contractio non voluntaria fibrarum muscularum ventriculi cum sensu stricturae; facies pallida, pulsus tardus, ventriculus tactu durissimus sentitur, dolor excrucians pressu et calore mitigatur, et interdum se paulisper remittit.

*Dc Causis.*

*Q.* Quae causae Spasmum Ventriculi movent?

*R.* Acida, vel nimis acerba in ventriculum recepta; frigus corpori sudanti subito admisum, et praesertim in ventriculum directum, Spasnum Ventriculi excitare videntur.

*De Diagnosi.*

**Q.** An Spasmus Ventriculi cum *Gastritide* confundi potest?

**R.** Vix; nam subita accessio, diminutio doloris pressu, absentia pyrexiae, et pulsus tardus, Spasmum Ventriculi Gastritide facilè dignoscunt.

*De Prognosi.*

**Q.** Quae prognosis est Spasmi Ventriculi?

**R.** Spasmus ventriculi periculosissimus est, et, cum remedia idonea non in promptu fuerunt, aegrum intra paucas horas concidit; remediis tamen tempestivis atque idoneis plerumque cedit. Prognosis igitur potius fausta est, sed cum cautione justa dicenda.

*De Curatione.*

**Q.** Quae curatio Spasmum Ventriculi submovet?

**R.** Pedes et crura in aquam calidam protinus immergere, epigastrium aquâ quam calidissimâ fovere; et haustum ex aetheris sulphurici scrupulis duobus, et tincturae opii drachmâ cum diluentibus calidis exhibere, oportet. Si nullum medicamentum in promptu est, fomenta calida epigastrio applicentur, et

cyathus liquoris spirituosi meracis detur, et, si non satis est ad spasmum solvendum, repetatur; vel haustus calidi lactis cum pipere, zingibere, et similibus, interdum respondet.

## DE DYSPEPSIA.

Q. In qua Classe et Ordine morborum Dyspepsia ponitur?

R. In Classe Neurosum, et Ordine Adynamiarum.

Q. Quibus verbis definitur Dyspepsia?

R. "Anorexia, nausea, vomitus, inflatio, ructus, ruminatio, cardialgia, gastrodynbia, pauciora saltem vel plura horum simul concurrentia, plerumque cum alvo adstrictâ, et sine alio vel ventriculi ipsius, vel aliarum partium, morbo."

Q. An alia signa interdum in Dyspepsia adsunt?

R. Hypochondriasis plus minusve accedit; anxietas praecordiorum; capitis dolor; vertigo; tinnitus aurium; oculi rubri; lingua sicca et albida; saliva interdum super modum fluit; interdum etiam diarrhoea obstipationi supervenit.

*De Causis Excitantibus.*

*Q.* Quae causae Dyspepsiam excitant?

*R.* Quae debilitatem ventriculi producant, aut succi gastrici quantitatem vel qualitatem mutent, illae causae excitantes habenda sunt; sicuti ebrietas frequens; venus immodica; crapulae crebrae; vita sedentaria; studium nimium; affectus animum deprimentes; exinanitiones nimiae; nimium theae, coffeae, nicotianae, et opii; defectus salivae, succi gastrici, atque bilis; alii morbi, veluti Hepatitis, Splenitis, Nephritis, Hypochondriasis, et Hysteria.

*De Prognosi.*

*Q.* Nihil de causis praedisponentibus Dyspepsiae cognitum est; neque cum ullo alio morbo confundi potest; dic mihi igitur, quae prognosis ducenda sit?

*R.* Prognosis Dyspepsiae, quod ad vitam attinet, fausta est; sed morbus nihilominus aliquando diu continuat, aegrum quo magnopere vexat: interdum Scirrum pylori, aut Hydroponem inducit.

*De Curatione.*

*Q.* Quam curationem Dyspepsia postulat?

*R.* Causas excitantes submovere, vel evita-

re; succum gastricum quam maximè naturalem reddere; et fibras musculosas ventriculi roborare, oportet.

**Q.** Quibus modis succum gastricum meliorem reddere possumus?

**R.** Diaetam idoneam, praecipuè animalem, et partim vegetabilem praescribendo; aquam puram pro potu communi admittendo; exercitationem sub divo hortando, et alvum tenendo facilem, concoctionem promovemus.

**Q.** Quid si flatus et aciditas nascuntur, quibus concoctio retardetur, quid factu opus est?

**R.** Magnesiae et pulveris Rhei cochleare parvum ter quaterve in die, acidum superfluum absorbet, alvum leniter solvit, et functiones ventriculi justas promovet. Purgantia lenia; absorbentia, sicuti magnesia, carbonas calcis, potio cretacea, et aqua calcis; et alkalina, veluti aqua potassae, aut sodae, interdum cum aromaticis conjuncta, concoctioni multum favent, succumque gastricum, ut verisimillimum est, naturalem reddunt.

**Q.** Quae medicamenta vires, aut tonum, ventriculi ipsius augere possunt?

**R.** Tinctura muriatis ferri, acidum sulphuricum aromaticum, cum magnâ copiâ aquae

dilutum; cinchona, aut amara aromaticis juncta, utilissima sunt.

Q. Nonne antispasmodica nonnunquam utilia essent?

R. Opiata, tempestive et prudenter exhibita, molestiam et corporis et animi, et gastrodyniam ventriculi allevant, aliaque remedia plurimum adjuvant.

Q. Quae ventriculum cum reliquo corpore confirmant?

R. Exercitatio viribus aptata, et semper circa fatigationem subdivo, praesertim equitatio, aut navigatio; balneum in mare; vel balneum pluviale, totum corpus, et ventriculum quoque roborant.

#### DE HYPOCHONDRIASI.

Q. In qua Classe et Ordine morborum Hypochondriasis ponitur?

R. In Classe Neurosum, et Ordine Adynamiarum.

Q. Quomodo definitur Hypochondriasis?

R. "Dyspepsia cum languore, moestitia, et metu, ex causis non aequis, in temperamento melancholico."

Q. Quae praecipuae de Hypochondriasi notandae sunt?

*R.* Hypochondriasis homines plerumque aetate provectiones, et magno ingenio praeditos, infestat: dyspeptici semper pessimum de omnibus rebus augurant, metuuntque, et minimum malum per imaginationem pravam in multum pejus convertunt, et maxime augent; semper de sua valetudine admodum solliciti sunt.

### *De Causis.*

*Q.* Quae causae Hypochondriasin excitant?

*R.* Eaedem causae, quae Dyspepsiam, quoque Hypochondriasin movent; et praeterea anxietas magna et perpetua ob rem amissam, vel spem frustratam, interdum Hypochondriasin sine Dyspepsia excitat, sed illa ferè hanc comitatur.

### *De Diagnosi.*

*Q.* Quomodo Hypochondriasin a *Dyspepsia* distingueres?

*R.* Alteram ab altera vix necessarium est discernere; Hypochondriasis enim saepius Dyspepsiae symptomatica est; ea tamen post annum aetatis quadragesimum, haec vero inter id tempus atque pubertatem incidit; ea quoque animum metu mortis, anxiisque curis implet, dum parum aut nihil Dyspepsiae adest.

*De Prognosi.*

**Q.** Quae prognosis Hypochondriasis danda est?

**R.** Prognosis, quod ad vitam attinet, fausta est; sin autem diu continuat, in melancho- liam perpetuam transire potest.

*De Curatione.*

**Q.** Quae curatio Hypochondriasi apta est?

**R.** Eadem curatio, quae Dyspepsiae com- menda est, Hypochondriasi bene respondet; et porrò animum equitatione, navigatione, re- busque diversis, aut artibus ingenuis occupare, utilissimum est.

## DE PYROSI.

**Q.** In qua Classe et Ordine ponitur Pyrosis?

**R.** In Classe Neurosum, et Ordine Spas- morum.

**Q.** Quibus verbis definitur Pyrosis?

**R.** "Epigastrii dolor urens, cum copia hu- moris aquei, plerumque insipidi, aliquando acris eructata."

**Q.** Quae de Pyrosi notanda sunt?

**R.** Aetatem medium praecipue, foeminas, easque Fluore Albo tentatas, potius quam

mares, invadit; interdum diu trahit, et multum molestiae facit. Plerumque accidit ventriculo inani; non periculosa, saepe autem satis molesta est; atque haud raro Dyspepsiae symptomatica.

### *De Causis Excitantibus.*

*Q.* Quae causae Pyrosin excitant?

*R.* Dyspepsiae quaedam causae, veluti vita sedentaria, diaeta nimis sicca, et parum nutritens, nimium theae, aut coffeae, aut nicotianae; obstipatio; et frigus partibus inferioribus admotum, plerumque causae excitantes, Pyrosis sunt.

### *De Curatione.*

*Q.* Quae curatio Pyrosis instituenda est?

*R.* Antispasmodica, sicuti opium, aether sulphuricus, et ammonia, et pleraque remedium aduersus dyspepsiam sine magno commodo usurpata sunt. Nucis vomicae grana sex vel decem bis terve in die, et oxydum bismuthii, exhibita sunt, et summis laudibus elata. Nobis tamen purgantia lenia ita exhibita, ut alvus semel plene, vel ad summum bis in die respondeat, utilissima esse videntur: dum acidi sulphurici aromatici, vel tincturae muriatis ferri, guttae viginti quinque cum

cyatho aquae fontanae ter in die ad ventriculum roborandum, et secretionem ejus morbi-dam compescendam, summo cum commodo sumantur.

## DE HAEMATEMESI.

*Q.* In qua Classe et Ordine morborum poneretur Haematemesis?

*R.* Haematemesis a Doctore Cullen existi-mata est plerumque, si non semper, sympto-matica, et igitur sub Menorrhagiâ posita est: nobis tamen videtur, ut locum in Classe Lo-calium, et Ordine Apocenosium haberet.

*Q.* Quibus signis Haematemesis cognoscenda est?

*R.* Sensu gravitatis, anxietate, et dolore in epigastrio praegressis, sanguis subniger et concretus e ventriculo vomitu rejicitur sine pyrexia atque tussi.

*De Causis Excitantibus.*

*Q.* Quibus ex causis oritur Haematemesis?

*R.* Ex injuriis internis, aut externis, ventri-culo illatis; plethorâ sanguinis ob suppressio-nem mensium, aut fluxûs haemorrhoidalis; splene tumido, aut ex obstructione hepatis, re-ditum sanguinis liberum per venas impidente.

*De Diagnosi.*

*Q.* Quomodo Haematemesis in *Haemoptysi* dignosceres?

*R.* In *Haematemesi* sanguis subniger, coagulatus, et alimentis mistus, vomitu ejicitur; in *Haemoptysi* sanguis floridus, et spumis mixtus, tussiendo ejicitur; quae signa diagnosin evidenter statuunt.

*De Prognosi.*

*Q.* Quae prognosis ducenda est Haematemesis?

*R.* Hoc sanguinis profluvium, quanquam interdum copiosum sit, raro tamen periculosest; nisi debilitatem magnam inferat.

*De Curatione.*

*Q.* Quae curatio Haematemesi optime respondet?

*R.* Si Haematemesis ex obstructione aut vicio ullius visceris non oriatur, purgantia repetita; et tonica, praesertim tintura muriatis ferrari, alternata, ad profluvium sanguinis sistendum satis sunt. Si ex obstructione visceris alicujus oriatur; eadem remedia, interdum missio sanguinis, et emplastrum vesicatorium epigastrio applicatum, haemorrhagiam suppri-

munt; et praeterea, hydrargyrus, ad obstruk-  
tionem tollendam maximè prodest.

---

---

## COLLOQUIUM DECIMUM.

DE

MORBIS INTESTINORUM.

*Q.* Quot morbi intestina infestant?

*R.* Octo: Enteritis; Colica; Cholera;  
Diarrhoea; Dysenteria; Obstipatio; Tympa-  
nitis intestinalis; et Vermes.

DE ENTERITIDE.

*Q.* In qua Classe et Ordine morborum En-  
teritis ponitur?

*R.* In Classe Pyrexiarum, et Ordine Phleg-  
masiarum.

*Q.* Quibus verbis Enteritis definitur?

*R.* "Pyrexia typhodes; dolor abdominis  
pungens, tendens, circa umbilicum torquens;  
vomitus; alvus pertinaciter astricta."

Q. Quot species sunt Enteritidis Idiopathicae?

R. Duæ : “Enteritis *phlegmonodea*, dolore acuto, pyrexia vehementi, vomitu et alvo astricta; et Enteritis *erythematica*, dolore et pyrexia lenioribus, sine vomitu, et cum diarrhoea.”

Q. Quae alia signa Enteritidi adsunt?

R. Dolor acutus per totum abdomen primo sentitur, deinde in parte quadam vehementer haeret, atque ibi tactu intolerabilis est; vomitus, sitis, calor, et anxietas maxima, urgent. Pulsus frequens, exilis, et durus est; musculi abdominis in massulas spasmo contrahi videntur; et dolor magis magisque torquet.

Q. Res certe ita sese habeant in specie *phlegmonodeâ*, sed nonne sunt longe aliter in specie *erythematicâ*?

R. Maximè: ab initio languor et lassitudo, horrores, et caloris vicissitudines, multo majora sunt; sensus doloris profundi rodentis, et frigoris, in abdomine, sitis, et diarrhoea, maximè urgent.

### *De Causis Excitantibus.*

Q. Quae causae Enteritidem movent?

R. Obstipatio; frigus aut abdomini, aut partibus inferioribus, applicatum; ingesta

acria et irritantia; Colica; Intus-susceptio; et Hernia strangulata, plerumque causae excitantes Enteritidis sunt.

*De Diagnosi.*

Q. An Enteritis cum ullo morbo confundi potest?

R. Cum Colica solummodo.

Q. Quibus notis Enteritis a *Colica* discernenda est?

R. Febre; pulsu celeri, exili, et duro; dolore pressura plurimùm aucto, quorum omnia *Enteritidi* propria sunt: dum contrà, febre absente; pulsu tardo, pleno, et non duro; et dolore sese modo remittente, modo accedente in paroxysmis, et sub pressu multum allevato, *Colica* praecipuè discernenda est.

Q. Quod si *Colica* interdum Enteritidem excitat, quomodo dignoscenda?

R. Febris, dolor pressurà auctus, et pulsus, ut dictum est, Enteritidem; et contrà remissio et accessio doloris, qui pressu semper plurimùm imminuitur, et pulsus tardus, *Colicam*, indicant. Si aliquid dubii medicinam facienti sit; an illa, an haec; satius est morbum tractare, quo conveniat Enteritidem curare.

*De Prognosi.*

*Q.* Quae prognosis Enteritidis ducenda est ?

*R.* Prognosis potius infausta est, morbus enim periculosissimus ; sin autem dolor gradatim remediis cedat, si alvus soluta, si pulsus plenior, et mollior, si exhalatio per cutem copiosa et generalis sit, bonum est. Contrà, si dolor remediis obsistat, penè intolerabilis remaneat, et post quasdam horas subitò remittat ; si pulsus inordinatus, debilis, et frequens fiat ; si vultus mutetur, et pallidus ; si syncope, singultus, et tumor abdominis superveniant, mors in propinquo est.

*De Curatione.*

*Q.* Quae curatio Enteritidis instituenda est ?

*R.* Missio sanguinis tam copiosa, quam signa postulant, adhibenda, et pro re nata repetenda est ; fomenta abdominis, aut emplastrum vesicatorium amplum abdomini applicatum ; et enemata purgantia, remedia optima sunt.

*Q.* Nonne purgantia per os exhiberes ?

*R.* Si vomitus urget, non possunt admitti ; sed post detractionem sanguinis copiosam, enema purgans, et applicationem vesicatorii, vomitus fere cessat ; deinde olei ricini uncia ; aut Submuriatis Hydrargyri, grana quatuor,

et opii puri granum formâ pilulae omni tertîâ vel quartâ horâ dentur.

**Q.** Num antispasmodica per se utilia essent?

**R.** Non ab initio ; sub finem vero, morbi, cum inflammatio imminuta fuerit, et spasmus actionem intestinorum assuetam impedire videtur, opiata valde idonea sunt. Opiata tamen cum purgantibus alternare convenit.

**Q.** Quae diaeta utilissima est?

**R.** Omnia ingesta tenuia, et blanda, esse debent, veluti ptisana, decoctum furfuris, decocatum avenae farinae, serum lactis, lac novum aquâ mistum, gelatina, et omnia mucilaginosa et tenuia, quae refrigerant, utilissima sunt.

**Q.** In qua Classe et Ordine morborum Colica ponitur?

**R.** In Classe Neurosum, et Ordine Spasmodorum.

**Q.** Quae definitio Colicae est?

**R.** "Dolor abdominis, praecipue circa umbilicum torquens, vomitus; alvus astricta."

**Q.** Quot species Colicae sunt?

*R.* Septem : *Colica spasmatica* ; *pictorum* ; *stercorea* ; *accidentalis* ; *meconialis* ; *callosa* ; et *calculosa*.

*Q.* Quae definitio est *Colicae Spasmatica*?

*R.* " *Colica* cum retractione umbilici, et spasmis muscularum abdominalium."

*Q.* Quomodo *Colica Pictorum* definitur?

*R.* " *Colica pictorum*, praeeunte ponderis vel molestiae in abdomine, praecipue circa umbilicum, sensu ; accedente dolore colico, primum levi, non continuo, et praecipue post pastum aucto ; tandem graviore, et fere perpetuo ; cum dolore brachiorum, et dorsi, in paralysin demum abeunte."

*Q.* Quibus verbis definiuntur species *Stercorea*, *Accidentalis*, *Meconialis*, et *Calculosa*?

*R.* " *Colica stercorea*, in hominibus alvi tardae post diuturnam alvi obstipationem ; *accidentalis*, a materie acri ingesta ; *meconialis* neophytorum a meconio retento ; et *calculosa*, cum duritie in quadam parte abdominalis fixa ; calculis quondam per anum dejectis."

*Q.* Quae definitio est *Colicae Callosae*?

*R.* " *Colica* cum sensu in quadam intestinalium parte stricturae, et saepe ante eam collecti flatus cum aliquo dolore, qui flatus etiam per eandem paulatim transiens evanescit ; alvo

tarda, et tandem non nisi faeces paucas liquidas egerente."

*Q.* An illae species eundum effectum producunt?

*R.* Maximè: omnes stricturam spasmo intentem in quadam parte intestinorum efficiunt.

### *De Causis Excitantibus.*

*Q.* Quae causae Colicam excitant?

*R.* Frigus et humor abdomini et cruribus admota; obstipatio, sive remora faecum; flatus; plumbum; acria ingesta; vermes intestinalium; bilisque acris, ut putatum est, Colicam haud raro movent.

### *De Diagnosi.*

*Q.* Quae signa diagnosin inter Enteritidem et Colicam designant?

*R.* Remissio, et accessio doloris torquentis; umbilici retractio; pulsus tardus, plenus, et mollis; absentia febris; diminutio doloris sub pressu; et alvus plerumque astricta, *Colicam* indicant; atque ab Enteritide, omnibusque aliis morbis, distinguunt.

### *De Prognosi.*

*Q.* Quae prognosis Colicae danda est?

*R.* Morbus periculosus est ; sed prognosis saepius fausta est.

*Q.* Quae indicia exitum felicem augurant ?

*R.* Quum dolor sedem mutat ; cum faeces, vel spiritus deorsum redditus, signorum allevationem fert, exitum felicem sperare licet.

*Q.* Quae exitum infastum denotant ?

*R.* Dolor fixus, ingens, et subito cessans ; alvus pertinaciter astricta ; singultus ; sudores frigidi ; pulsus debilis, et tremulus ; syncope ; et delirium, Colicam in Enteritidem transisse, quae jam in gangraenam abierit, indicant.

### *De Curatione.*

*Q.* Quae methodus curationis Colicae aptissima est ?

*R.* Purgantia repetita, antispasmodica, emplastrum cantharidis vesicatoriae abdomini applicatum, diluentia, et interdum missio sanguinis.

*Q.* Quo consilio purgantia in Colicâ exhiberes ?

*R.* Inter omnes constat Colicam in contractione spasmodicâ cujusdam partis intestinorum niti ; itaque purgantia prudenter exhibita descendunt, partem spasio constrictam stimulant, actionem praeter naturam superant, atque naturalem et assuetam restituunt.

*Q.* Quae purgantia ad efficiendum id utilissima sunt?

*R.* Sulphatis magnesiae uncia alterà quaque horâ; vel sulphatis sodae, vel phosphatis sodae, vel tartratis potassae eadem quantitas bene diluta, admodum utilis est: aut infusi cassiae sennae unciae tres; aut submuriatis hydrargyri grana sex, aut olei ricini uncia, omni tertiâ horâ ad alvum solvendam usque continuetur.

*Q.* Nonne enema effectum purgantium adjuvaret?

*R.* Certè: enema emolliens copiosum, praesertim vero purgans, per anum injectum, faeces duratas emollit, rectum et colon fovet, ideoque spasmum haud parum solvere tendit: et pro re nata repetendum.

*Q.* Nonne antispasmodica purgantibus anteponenda sunt, cum dolor de spasmo pendeat?

*R.* Antispasmodica, sicuti opiate, et fomenta, et balneum calidum, utilia sunt; sed remedia tantum secundaria haberi debent. Si dolor igitur remanet post alvi solutionem dosis opii; vel, si purgantibus solum alvus non solvi possint, fomenta abdominalis, et enema anodynnum, plurimum auxilii afferunt.

*Q.* Quid faciendum est, si alvus ne his quidem solvatur?

*R.* In purgantia repetita et enemata exhibendo, caute perseverandum est, et emplastrum vesicatorium toti abdomini applicandum; et praeterea dosin largam opii identidem inter purgantia exhibendum; aegrum in lecto calidum semper tenendum est.

*Q.* An eadem curatio Colicae pictonum quoque respondet?

*R.* Vix: nam doses magnae et repetitae tincturae opii ad spasmos mitigandum primò necessariae sunt, deinde purgantia pro re nata ad alvum solvendam, fomentis quam calidissimis abdominalis adjuvata, repetenda sunt. Interdum antispasmodica et purgantia alternare utilissimum est. Cum dolores mitigati, et alvus facilis facta fuerint, partes debiles et paralysi tentatae remediis idoneis stimulanda sunt, et roboranda.

*Q.* Quando missio sanguinis necessaria est?

*R.* Cum dolor maxime excruciat, diuque fixus remanet; et cum alvus vix, aut ne vix quidem, solvi potest, sanguis ad vires aegri, morbique vehementiam mittendus est.

*Q.* Nonne interdum fit, etiamsi perraro quidem, ut alvus omnibus iis remediis non solvi possit; quid tum fieri debet?

*R.* Aegrum e lecto ferre, et erectum ponere super lapidem frigidum; aut subito aquam frigidam cruribus pedibusque aspergere, tandem aliquando spasmum solvit, et alvum solutam reddit.

*Q.* Quae diaete commodissima est?

*R.* Diaeta tenuis et simplex, ptisana, serum lactis, aqua in qua panis tostus et paululum combustus jacitur, et omnia blanda, idonea sunt.

#### DE CHOLERA.

*Q.* In qua Classe et Ordine Nosologiae Cholera ponitur?

*R.* In Classe Neurosum, et Ordine Spasmodorum.

*Q.* Quae est definitio Cholerae?

*R.* "Humoris biliosi vomitus, ejusdem simul dejectio frequens; anxietas; tormina; surarum spasmat."

*Q.* Quot species Cholerae sunt?

*R.* Duae: "Cholera *spontanea*, tempestate calida, sine causa manifesta aboriens; et Cholera *accidentalis*, a rebus acribus ingestis."

*Q.* Quae indicia, praeter quae in definitione enumerata sunt, Choleram indicant?

*R.* Nausea, molestia, dolor, et fatus in

ventriculo ; et dolores acuti rodentes in intestinis, quibus superveniunt vomitus vehemens, dejectiones frequentes materiae biliosae ; surarum spasmata ; sitis insatiabilis ; respiratio accelerata : et pulsus frequentissimus, maxime debilis, et saepe inordinatus ; saepe delirium.

### *De Causis Excitantibus.*

*Q.* Quae causae Choleram excitare videntur ?

*R.* Ingesta acria ; fructus immaturi ; exhalatio per cutem obstructa ; et bilis acria et nimis copiosa, causae excitantes habenda sunt.

### *De Causis Praedisponentibus.*

*Q.* Quae causae Cholerae proclivitatem dant ?

*R.* Calor caeli nimius, et debilitas, et bilis incrementum inde orientia pro causis praedisponentibus ducenda sunt.

### *De Diagnosi.*

*Q.* Quibus cum morbis Cholera confundi potest ?

*R.* Cum Diarrhoeâ, Enteritide Erythematice, Dysenteriâ, aut Colicâ Pictonum fortasse.

*Q.* Quibus indiciis Cholera a Diarrhoeâ distinguenda est ?

*R.* In *Diarrhoea* dejectiones frequentes ple-

rumque mucosae et sanguine mistae, perrarobilirosae; dolor modo nullus, modo lenis, et ante singulas dejectiones solummodo; vomitus interdum ob debilitatem, sed nunquam, aut saltem rarissimè, materiae biliosae: in *Cholera* dejectiones frequentes et biliosae; dolor ingens excruciansque est; humoris biliosi vomitus perpetuus; anxietas maxima, et surarum spasmata, accedunt.

Q. Quomodo Choleram *Enteritide Erythematicā* dignoscere possumus?

R. Signis jam dictis Choleram cognoscimus: dolor profundus, rodens, et ferè perpetuus; sensus frigoris in abdomen, et in summa cute, dum calor ipse corporis verè major est; dejectiones foetidissimae, et non biliosae; vomitus rarus, et non humoris biliosi, Enteritidem Erythematicam a Cholera designant.

Q. Quibus notis *Dysenteriam* a Cholera discernere licet?

R. Vomitus, et dejectiones humoris biliosi, et surarum spasmata, ut dictum est, Choleram: dum contrà febris; dejectiones mucosae, vel sanguinolentae; retentis plerumque faecibus alvinis, et praecipue tenesmus, *Dysenteriam* indicant.

Q. An Cholera cum *Colicā Pictonum* confundi potest?

*R.* Vix: nam dolor colicus gradatim accedens; humoris biliosi vomitūs absentia, et dejectiones nullae; et praeterea imbecillitas, et dolor cujusdam partis, veluti digiti, carpi, brachii, et dorsi, in paralysin abiturae, Colicam Pictonum plane declarant.

*De Prognosi.*

*Q.* Quae prognosis Cholerae ducenda est?

*R.* Morbus periculosus est, nam interdum intra viginti, triginta, aut quadraginta horas, aegrum perimit, prognosis igitur caute dicenda est; si verò vomitus, et dolor remediis tempestivis et idoneis cedunt, si somnus, et halitus cutis generalis superveniunt, bonum est: si contrà, vires plurimum exhaustae, pulsus inordinatus atque inaequalis, si abdomen tumidum, si sudor frigidus, si respiratio accelerata, si singultus, et spasmata, aut convulsiones extremitatum, accedunt, pessimum est, et prognosis infaustissima.

*De Curatione.*

*Q.* Quae curatio Cholerae exercenda est?

*R.* Accessio hujus morbi subita est; et sitis insatiabilis aegrum cogit humorem copiosum bibere, quo ventriculus bene eluatur. Diluentia igitur tepida et blanda dare oportet.

Haustus ex tincturae opii guttis quadraginta, et aquae menthae piperitidis unciā compositus, omni horā sumatur; usque dum vomitus et dolor cessaverint. Fomenta calida interim abdomini applicata ex usu sunt. Interdum enema mucilaginosum cum tincturae opii guttis octoginta, omni tertiā horā injiciatur maximo cum commodo, quamdiu dejectiones frequentes dolentesque sunt.

*Q.* Nonne purgantia necessaria sunt, post vomitus et tormina quām opio et fomentis allevata fuerint?

*R.* Ita: post viginti quatuor, aut plures horas, quām vomitus et tormina superata essent, medicamentum leniter purgans, sicuti olei ricini optimi drachmae tres; aut sulphatis magnesiae, vel phosphatis sodae semuncia; aut infusi cassiae sennae unciae tres exhibantur inter singulas doses antispasmodici, donec alvus responderit.

*Q.* An alia remedia unquam utilia sunt?

*R.* Cum tormina et vomitus maximè urgent; et vix aut potus, aut medicamenta ventriculo retineri possunt, tincturae saponis cum opio drachmam in abdomen bene infricare bis terve in die utilissimum est. Aliquando emplastrum vesicatorium epigastrio, et sedi dolores

ris applicatum, ad vomitum et tormina minuendum aliis remediis auxiliatur.

#### DE DIARRHOEA.

*Q.* In qua Classe et Ordine morborum Diarrhoea ponitur?

*R.* In Classe Neurosum, et Ordine Spasmodorum.

*Q.* Quomodo definitur Diarrhoea?

*R.* "Dejectio frequens; morbus non contagiosus; pyrexia nulla primaria."

*Q.* Quot species *Diarrhoeae idiopathicae* sunt?

*R.* Sex; "diarrhoea crapulosa" qua stercora naturalibus liquidiora et majori copia dejiciuntur; *biliosa* qua faeces flavae magna copia dejiciuntur; *mucosa* qua vel ab acribus ingestis, vel a frigore, praecipue pedibus applicato, mucus copiosus dejicitur; *coeliaca* qua humor lacteus specie chyli dejicitur; *lienteria* qua ingesta parum mutata celeriter dejiciuntur; et *hepatirrhoea* qua materies seroso-cruenta, sine dolore dejicitur."

#### *De Causis Excitantibus.*

*Q.* Quid Diarrhoeam movere potest?

*R.* Quicquid actionem intestinalium abnormem et solito majorem excitet, idque ex cau-

sis in totum corpus agentibus, aut ex aliis in canalem alimentarium, oriatur.

Q. Quae causae in totum corpus agendo Diarrhoeam excitant?

R. Affectus animi; odores ingrati; frigus summae cuti applicatum; dentitio; podagra; aliquique morbi.

Q. Quae causae in intestina agendo Diarrhoeam movent?

R. Acescentia, putrescentia, et oleosa in ventriculum sumpta; purgantia; bilis nimia, vel acris; Exanthemata; sanies purulenta; faeces accumulatae et duratae; vermes, et inflammatio erythematica, Diarrhoeam excitant.

### *De Diagnosi.*

Q. Quibus cum morbis Diarrhoea confundi potest?

R. Cum Dysenteria, Cholera, et Enteritide Erythematicâ.

Q. Quibus indiciis Diarrhoea a *Dysenteria* discernenda est?

R. Dysenteria contagiosa est, et plerumque febre comitatur; tormina, dejectiones parcae, frequentes, mucosae vel sanguinolentae, et tenesmus; ei, dum retinentur plerumque faeces alvinae, communia sunt. Contrà, dejectiones frequentes, copiosae et faeculentae, dolores

vagi, et interdum vomitus, sine contagio et febre Diarrhoeam indicant.

*Q.* An Diarrhoea unquam Dysenteriam praecedit, aut subsequitur?

*R.* Maximè; Dysenterjam interdum praecedit, eique supervenit, quum debilitas maxima est, et tormina submota fuerint.

*Q.* Quomodo igitur discrimen inter eos morbos statueres?

*R.* Tormina profunda et quasi rodentia, tenesimus urgens, dejectiones parcae, et scybala, simul cum febre, *Dysenteriam* designant, discrimenque ostendunt.

*Q.* Quibus signis Diarrhoea a *Cholera* distinguenda est?

*R.* Vomitio urgens, et dejectiones humoris biliosi, surarum spasmata, et causa ipsa, *Choleram*: dum vomitus rarus, et dejectiones mucosae, Diarrhoeam indicant.

*Q.* An Diarrhoeam biliosam a *Cholera* distinguere potuisti?

*R.* Vix: sed fortasse calor tempestatis et caeli, et vomitus multo minor, Diarrhoeam biliosam designet. Cum adeo similes sunt, ut non dignosci possint; nullius momenti est, propterea quod eadem ambabus curatio est.

*Q.* Quomodo Diarrhoea ab *Enteritide Erythematica* dijudicanda est?

*R.* Febris lenis; dolor profundus, rodens, et fixus; atque foetor dejectionum intolerabilis et cadaverosus, Enteritidem Erythematcam: duin in Diarrhoea febris abest, dolores vagi per abdomen tendunt, et dejectiones haud ita ingratae sunt.

*De Prognosi.*

*Q.* Quae est prognosis Diarrhoeae?

*R.* Prognosis, causâ, viribus, et aetate aegri, et morbi diuturnitate, regenda est; sed saepius fausta.

*De Curatione.*

*Q.* Quae methodus curationis Diarrhoeae idonea est?

*R.* Curatio pro causâ varia instituenda est; si ex frigore oriatur, opiate, et alia astringentia, sicuti electuarium catechu cum vestimento laneo circa abdomen, ad curationem efficiendam satis sunt; si ex faecibus accumulatis irritationem praebentibus, purgantia ad alvum ducendam, dein astringentia respondent; si ex alimentis acribus, aut oleosis, diluentia blanda mucilaginosa, et astringentia, sicuti potio carbonatis calcis cum pauxillo tincturae opii; aut magnesia interdum, idonea sunt. Emeticum quoque ex usu magno est.

*Q.* Si Diarrhoea in aliis morbis nititur, quid opus est?

*R.* Si ex Enteritide Erythematicâ oriri videtur, diluentia mucilaginosa, leniter astrigentia ope electuarii catechu, fomenta abdominis, vel emplastrum vesicatorium abdomini superimpositum; et interdum, si febris urgeat, missio sanguinis ad uncias duodecim vel quindecim, auxilia idonea esse videntur. Ali quando autem Diarrhoea ex visceribus morbidis oriens, immedicabilis est; astrigentibus tamen intùs, et tincturam saponis cum opio in abdomen fricando, mitigari potest.

#### DE DYSENTERIA.

*Q.* In qua Classe et Ordine morborum Dysenteria ponitur?

*R.* In Classe Pyrexiarum, et Ordine Profluviornum.

*Q.* Quibus verbis Dysenteria definitur?

*R.* "Pyrexia contagiosa; dejectiones frequentes, mucosae, vel sanguinolentae, retentis plerumque faecibus alvinis; tormina; tenesmus."

*Q.* Quae alia notata digna sunt?

*R.* Dysenteria acstate et autumno plerumque apparet; modo ab obstipatione et flatu, modo a Diarrhoea, cum dolore incipit; dejec-

tiones frequentes et parcae cum dolore multo et tenesmo sunt ; tormina et tenesmus magis magisque urgent, dum simul cum muco saepe sanguine misto faeces duratae et subrotundae, vulgo scybala dictae, vel fila membranacea, vel massulae adipi similes, conjunguntur. Odor dejectionum foetidissimus est. Adsunt quoque nausea, vomitus, vires plurimùm imminutae, et irritabilitas summa.

### *De Causis Excitantibus.*

**Q.** Quae causae Dysenteriam movent ?

**R:** Frigus, et aër humidus nocturnus calori, aut fatigationi corporeac, supervenientia ; miasmata paludum ; effluvia putrida faecum ; et contagium, Dysenteriam plerumque, si non semper, excitant.

**Q.** An Dysenteria et Febris Intermittens affines sunt, cùm ex eâdem causa interdum oriantur ?

**R.** Ita ; maximè affines sunt, in castris enim apud milites saepissimè in eodem aegro simili existunt ; illa contagio, atque haec miasmate grassatur.

### *De Diagnosi.*

**Q.** Quibus cum morbis Dysenteria confundi potest ?

*R.* Cum Diarrhoea, et forsitan Enteritide Erythematica.

*Q.* Quibus indiciis Dysenteriam *Diarrhoeam* dignosceres?

*Q.* Dolor abdominis profundus, rodensque; tenesmus urgens; dejectiones mucosae, aut sanguineae sine faecibus; aut, si adsint, durae, parvae, et subrotundae, et febris, *Dysenteriam*: dum absentia febris, et tenesmi; dolor vagus, aut saepe nullus; et dejectiones frequentes, copiosae, et faeces alvinas exhibentes, *Diarrhoeam* satis designant.

*Q.* Quomodo Dysenteria ab *Enteritide Erythematica* distingui potest?

*R.* Dolor profundus, rodensque, sine tortura, utriusque haud absimilia sunt; febris quoque utriusque adest; sed dejectiones copiosae faecum, et absentia tenesmi et contagii, Enteritidem Erythematicam indicant.

*Q.* Num inflammatio Dysenteriae adest, cum Enteritidi Erythematicae tam similis est?

*R.* Certè; inflammatio tunicae intimae coli et recti praecipue cum febre Dysenteriam comitatur.

*Q.* An spasmus intestinorum quoque adest?

*R.* Maximè; spasmus colon praecipue, et alia intestina quoque infestat, doloresque excruciantes excitat.

*Q.* Unde spasmus oriatur?

*R.* Dubium est: sed ex inflammatione erythematičā cujusdam partis coli aut recti oriatur, verisimillimum est; nam plus minusve spasmi semper inflammationi intestinorum adest.

### *De Prognosi.*

*Q.* Quae prognosis Dysenteriae ducenda est?

*R.* Dysenteria in regionibus calidis et paludosis morbus periculosissimus est, prognosis igitur summā cum cautione dicenda est. In regionibus tamen frigidioribus et altioribus Dysenteria saepe lenior est, et febre vix comitata; itaque prognosis, etiamsi caute, fausta pronunciari potest.

### *De Curatione.*

*Q.* Quae curatio est Dysenteriae?

*R.* Purgantia, antispasmodica, vesicatorium, diluentia mucilaginosa vel oleosa, et interdum missio sanguinis.

*Q.* Quid primis diebus morbi faciendum est?

*R.* Si aeger plenus et robustus est, si febris gravis, et si tormina et tenesmus plurimū urgent, missio sanguinis ad uncias viginti aut plures pro re nata; dein purgantia omni tertiatā horā repetita ad alvum plene purgandam, necessaria sunt.

**Q.** Nonne alia remedia iis bono auxilio essent?

**R.** Immo: fomenta quām calidissima toti abdomini ter quaterve in die applicata; vel emplastrum vesicatorium ad spasmos solvendum, et purgantibus auxiliandum, maximē valet.

**Q.** Annon opiate utilissima essent?

**R.** Sine alvi ductione curatio non efficienda est; itaque quibusdam medicis persuasum est, ut opiate alvum astringant, eoque curationi obsistant: falso autem; nam experientia nos docuit nihil efficacius esse, quām opiate vel alternare, vel cum purgantibus conjungere.

**Q.** Quae alternatio purgantium et opiorum optima esse videtur?

**R.** Cum vomitus potius lenis est, vel penē nullus, oleum ricini, vel sulphur magnesiae, vel phosphas sodae, in plena dose ter quaterve in die exhibeat; et intervallis opii puri granum, vel tincturae opii guttae quadraginta, commodissimae sunt.

**Q.** Cūm vomitus gravissimus et frequentissimus est, et vires plurimūm imminutae, quid factu opus est?

**R.** Enemata opiate saepe repetita, et frictio epigastrii cum tincturā opii calidā, et panni lanei plures circum abdomen circumvoluti,

irritabilitatem ferè allevant ; deinde submuriatis hydrargyri grana quatuor, et opii puri granum, forma pilulae, alterā quāque horā ad alvi ductionem, et torminum imminutionem usque utilissimè dentur.

*Q.* Quae ad tenesmum minuendum commodissima sunt ?

*R.* Enemata anodyna cum amyli mucilagine; vel grana duo aut tres opii puri in anum digito immissa ; calor ano applicatus, et pulvinar laneum calidum in anum arctè ligatum, elevationem saepe afferunt.

*Q.* Nonne emetica, et praesertim diaphoretica, multum laudata sunt ?

*R.* Ipecacuanha, et tartras antimonii in parvulis dosibus, summis laudibus elata sunt, quippe quae alvum ducant, spasmos solvant, halitumque cutis promoveant. Sed submuriatis hydrargyri et opium conjuncta, ad eas res efficiendum multò potentiora et efficaciora esse reperiuntur.

*Q.* Quae diaeta Dysenteriae idonea est ?

*R.* Apud initium morbi diaeta tenuis et parca ; versus finem nutriens, blanda, et glutinosa, maximè idonea est. Si vomitu cibi semper ejiciuntur, enemata nutrientia valde necessaria fiunt.

DE OBSTIPATIONE.

Q. In qua Classe et Ordine Nosologiae ponitur Obstipatio?

R. In Classe Localium, et Ordine Epischemium.

Q. Quibus verbis definitur Obstipatio?

R. "Dejectio faecum nulla vel solito rarior."

Q. Quot species Obstipationis sunt?

R. Tres: "Obstipatio *debilium* in hominibus laxis, debilibus, et plerumque dyspepticis; *rigidorum* in hominibus fibrae rigidae saepe, hypochondriacis; et *Obstipatio obstrutorum* cum symptomatis *colicae*."

*De Causis Excitantibus.*

Q. Quibus ex causis Obstipatio oritur?

R. Cibis ex nimis aridis, et difficilè concoquendis; ex halitu cutis profuso; opportunitatem faeces reddendi idoneam et assuetam omittendo; ex nimio vino rubro; et ex affectu peculiari generis nervosi, sicuti interdum Dentitioni, Hysteriae, Hypochondriasi, ceterisque incidit, Obstipatio oriri potest.

*De Causis Praedisponentibus.*

Q. Quae videntur esse causae praedisponentes Obstipationis?

*R.* Vita sedentaria ; concoctio imperfecta ; et temperamentum cholericum, aut melancho-licum.

*De Curatione.*

*Q.* Quae curatio Obstipationi commodissima est ?

*R.* Purgantia repetita ; enemata ; diaeta ex frugibus maturis confecta, quae alvum solutam teneat ; et exercitatio justa sub divo, curacionem constituunt.

*Q.* Quae purgantia optimè respondent ?

*R.* Submurias hydrargyri cum jalapa ; oleum ricini optimum ; pilulae aloëticae duae vel tres horâ somni, et sulphatis magnesiae drachmae sex mane sumantur, et omni tertîâ horâ repeatantur ad alvi ductionem, et caetera ejusmodi, bene respondent.

*Q.* Quando enemata maximè idonea sunt ?

*R.* Cùm faeces duratae colon ita infarciunt, ut extrinsecus sentiri et videri possit ; purgantia saepe repetita, et enemata emollientia iterata, massam duratam faecum emolliunt, et gradatim tollunt.

*Q.* Nonne res, quae maximè nutriunt, valde necessariae sunt ?

*R.* Certè : inter purgantium doses, vinum, gelatina è carne vitulinâ, et ex fructibus, con-

fecta ; et diaeta demum nutriens, commodissima sunt.

## DE TYMPANITE INTESTINALI.

*Q.* In qua Classe et Ordine Tympanites inseritur ?

*R.* In Classe Cachexiarum, et Ordine Intumescentiarum.

*Q.* Quae est definitio Tympanitis ?

*R.* "Abdominis intumescientia tensa, elastica, sonora ; alvus astricta ; caeterarum partium macies."

*Q.* Quot species sunt Tympanitis ?

*R.* Duae ; *intestinalis*, et *abdominalis*.

*Q.* Quo modo definitur Tympanites Intestinalis ?

*R.* "Tympanites *intestinalis* cum tumore abdominalis saepe inaequali, et cum rejectione aëris frequenti, tensionem et dolorem levante."

*De Causis Excitantibus.*

*Q.* Quae causae Tympanitem Intestinalem excitant ?

*R.* Diarrhoea nimis subito suppressa ; Dysenteria ; Febres ; et Obstipatio, Tympanitem movent.

*De Curatione.*

*Q.* Quae curatio Tympaniti Intestinali convenit?

*R.* Purgantia lenia et repetita pro re nata simul cum aromaticis, et tonica internè; et frictio sicca, vel humida, et fascia lata lanea circum abdomen quàm arctissime circumvoluta extrinsecus, curationem plerumque efficiunt.

## DE VERMIBUS INTESTINORUM.

*Q.* Quae signa Vermes intestinorum indicant?

*R.* Appetitus varius, spiritus foetidus, flatus et gastrodynia, stridor dentium in somno, narium pruritus et frequens vellicatio, faciei pallor, abdomen tumidum et durum, dejectiones mucosae, alvi dolores vagi, alvus varians nunc astricta nunc soluta, pruritus et calor ani, tussis sicca, macies, febricula, et pulsus inordinatus.

*Q.* Quot species vermium canalem corporis humani alimentarium infestant?

*R.* Tres: *Tenia*; *Ascaris Lumbricoides*; et *Ascaris Vermicularis*.

*Q.* Quot varietates *Teniae* sunt?

*R.* Tres: *Tenia solium*, articulis quadratis,

elongato, aut transverso-quadratis; osculis pone medium insertis: *Tenia dentata*, articulis brevibus, transverso-quadratis, postice marginatis; osculis medio insertis; margine posteriori dilatato; ovariis obscuris; et *Tenia lata*, articulis brevissimis, medio nodosis, postice marginatis; osculis prominulis medio insertis.

*Q.* Quot varietates *Ascaridis* sunt?

*R.* Tres: *Ascaris Lumbricoides*; *Ascaris Vermicularis*; et *Trichuris Hominis*.

*Q.* Quam partem intestinorum *Teniae* habitant?

*R.* Intestina tenuia praecipue, haud raro colon, et interdum ventriculum quoque, *Teniae* infestant.

*Q.* Quam partem canalis intestinorum *Ascaris Lumbricoides* infestat?

*R.* Intestina tenuia, et aliquando colon, rassisimè quidem ventriculum, habitat.

*Q.* Quam partem *Ascaris Vermicularis* habitat?

*R.* *Ascaris Vermicularis* omnium exiguissimus intestinum rectum, et interdum colon, infestat.

*Q.* Quid de *Trichuride Hominis* notandum est?

*R.* *Trichuris Hominis* perratò accedit; corpus ei circiter digitum transversum est lon-

gem; et cauda fili formâ digitum cum dimidio longa.

*De Causis.*

**Q.** Quae causae Vermium Intestinorum esse videntur?

**R.** Difficillimum est dictu, quae causae vermium sint; sed cibi parum salubres, immundi, ex herbis, et fructibus immaturis confecti; concoctio prava, aut imperfecta; et alvus tarda astrictaque, Vermes Intestinorum generare videntur.

*De Curatione.*

**Q.** Quae remedia Taeniam expellere possunt?

**R.** Olei terebinthinae semuncia pro dosi, bis terve in die repetita, adversus Taeniam efficax est; hoc medicamento pars Taeniae pedes plures longae ejecta est. Filicis maris drachma cum dimidio quoque ad Taeniam expellendam summas laudes adepta est; post omnem tertiam dosin filicis, dosis ex submuriatis hydrargyri granis quinque, et jalapae scrupulo, exhiberetur.

**Q.** Quae remedia Ascaridem Lumbricoidem necant, expelluntque?

**R.** Pulveris stanni semuncia ter quaterve in

die; vel dolichi pruriens grana sex formâ electuarii mane et vesperi sumantur; et postero die alvus submuriate hydrargyri, et jalapâ, aut gambogiâ bene ducatur. Submuriatis hydrargyri grana sex horâ somni, et pulveris gambogiae grana quatuor proximo mane, summo cum commodo alternis diebus, exhibeantur. Spigeliae marilandicae pulvis; et decocatum geoffraeae inermis quoque, summis laudibus contra Lumbricos elata sunt.

*Q.* Quae remedia Ascarides Vermiculares optime expellunt?

*R.* Pilulae aloëtiae ad grana decem mane et vesperi plerumque satis sunt; vel aloës drachma in aquae ferventis libra soluta, per anum injecta, remedium efficax est, et quotidie repetatur ad Vermium usque expulsionem.

*Q.* Nonne alia remedia adversus Vermes in usu quotidiano sunt?

*R.* Multa alia; quorum potissima sunt, aqua fontana in qua sulphur abundat; aqua calcis; pulvis artemisiae santonicae; cataplasma nicotianae abdomini applicatum; ruta; tanacetum; atque absinthium.

## COLLOQUIUM UNDECIMUM.

DE

## VISCRUM ABDOMINIS MORBIS.

*Q.* Qui morbi sub eo titulo comprehenduntur possunt?

*R.* Hepatitis acuta, et chronica; Icterus; Splenitis; Tabes; Tympanites abdominalis; et Ascites.

## DE HEPATITIDE ACUTA.

*Q.* In qua Classe et Ordine morborum Hepatitis ponitur?

*R.* In Classe Pyrexiarum, et Ordine Phlegmasiarum.

*Q.* Quae est definitio Hepatitidis Acutae?

*R.* "Pyrexia; hypochondrii dextri tensione et dolor, saepe pungens pleuritici instar, saepius obtusus; dolor ad claviculam et summum humeri dextri; decubitus in sinistrum latus difficulter; dyspnoea; tussis sicca; vomitus; singultus."

*De Causis Excitantibus.*

*Q.* Quae causae Hepatitidem excitant?

*R.* Frigus hepatis admissum ; abusus liquorum spirituorum ; calor caeli tropici ; injuriae ; agitatio nimia ; febris intermittens aut remittens longa ; et calculi in ductibus bilis haerentes, Hepatitidem Acutam excitant.

*De Diagnosi.*

*Q.* Quibus cum morbis Hepatitis Acuta confundi potest ?

*R.* Cum Pneumonia, Gastrite Erythematice, et Rheumatismo musculorum hepatis vicinorum.

*Q.* Quomodo Hepatitidem *Pneumoniā* diagnosceres ?

*R.* Sedes doloris, decubitus in latus sinistrum difficilis, tussis sicca, singultus, et haud raro dolor ad claviculam et summum humeri, et Icterus, Hepatitidem manifestant. Contra vero dolor in quadam thoracis parte, inspiratione plenâ auctus ; respiratio difficilis, et saepe non, nisi trunco corporis erecto, exercenda ; et tussis plerumque humida, saepe cruenta, *Pneumoniam* verè indicant.

*Q.* Quibus signis *Gastritis* ab Hepatitide distinguenda est ?

*R.* Anxietate ; dolore urente ingestis quibuslibet aucto, in epigastrio ; vomitu, qui pro-

tinus ingesta rejicit, et rubore erysipelatoso in faucibus apparente, *Gastritis* designatur.

*Q.* Quae signa diagnosin inter Hepatitidem, et Rheumatismum muscularum vicinorum, indicant?

*R.* Dolores rheumatici partes alias corporis, quam musculos prope jecur, affligunt; et huc atque illuc corpus flectendo plurimum exasperantur; et praeterea neque tussis, neque respiratione difficultis, neque vomitus adest. Indicia jam recensita Hepatitidem facile ostendunt.

### *De Prognosi.*

*Q.* Quae prognosis Hepatitidis Acutae ducenta est?

*R.* Prognosis plerumque fausta est; sed si indicia gravia sint, periculum est, ne hepar in suppurationem, vel in chronicam inflammationem abeat; quae in hydropem, atque haec iterum in mortem, desinat.

### *De Curatione.*

*Q.* Quam curationem Hepatitis Acuta postulat?

*R.* Missionem sanguinis pro signorum vehementia; purgantia; emplastrum vesicatorium hypochondrio dextro applicatum; et diluentia postulat.

*Q.* An multum sanguinis detrahere necesse est?

*R.* Interdum sanguinis uncias viginti, mittere satis est; interdum, ut repetatur, opus est ad febrem debellandam.

*Q.* Quae purgantia anteponenda sunt?

*R.* Primo sales medii ad alvi ductionem liberam, dein submurias hydrargyri ad gingivas usque afficiendas, et simul ad hepar emulgendum, exhiberi debent:

*Q.* Si ventriculus multum afficiatur, quid opus est?

*R.* Haustus effervescentes subinde, et fomenta calida ventriculo admota, interdum opiate lenia ex usu sunt.

#### DE HEPATITIDE CHRONICA.

*Q.* Quae est definitio Hepatitidis Chronicæ?

*R.* "Chronica saepe nulla quibus dignoscatur signa praebet; aliquando tamen eandem adesse suspicari potest, ex hepatitidis causis quibusdam praegressis, ex sensu quodam plenitudinis et gravitatis in hypochondrio dextro, ex doloribus plus minusve pungentibus in eadem parte subinde perceptis, ex dolore quodam a presso hypochondrio dextro vel a decubitu in latus sinistrum sentito, et denique

ex pyrexia leviori cum dictis signis subinde infestante."

Q. Nonne sunt alia signa, quae ferè accedunt?

R. Molestia, aut dolor, praesertim post cibos, in hypochondrio dextro pressu multùm aucta; aciditas, flatus, et tensio ventriculi; alvus astricta; vultus colore plumbeo, et subfusco; lingua albida; sitis; et febris interdum hectica, plerumque Hepatitidem Chronicam designant.

Q. Quando hepar suppurat, quibus viis pus exitum inveniat?

R. Hepar inflammatum adhaesiones nunc intestino duodeno, nunc colo, nunc septo transverso, et nunc costis format; hinc pus vel in duodenum, vel in arcum coli transversum, vel per septum transversum in thoracem, vel per musculos inter costas, et integumenta extrinsecus, viam aperit; et simul cum faecibus redditur; vel exscreatur tussiendo ex pulmonibus, qui casu adhaesissent diaphragmati et pus ex abcessu jecinoris excepissent; vel per phlegmonen externam.

### *De Curatione.*

Q. An Hepatitis Chronica eandem methodum curationis, quam Hepatitis Acuta, postulat?

*R.* Non: nam inflammatio fere lenis est, eoque missio sanguinis raro necessaria fit.

*Q.* Nonne detractio sanguinis ex regione hepatis per hirudines, vel per cucurbitulam cum ferro, interdum utilis est?

*R.* E corpore sanguinis parco hirudines decem sedi doloris applicatae inflammationem multum temperant, aliisque remediis auxiliantur: ex aegro pleno sanguinis ad uncias quindecim magno cum commodo detrahi potest.

*Q.* Quae alia remedia utilissima sunt?

*R.* Hydrargyrus, subinde vesicatorium epigastrio dextro, vel sedi doloris, applicatum, et diaeta parca.

*Q.* Quomodo hydrargyrum exhiberes?

*R.* Submuriatis hydrargyri grana duo cum grani dimidio opii, formâ pilulae, mane et vesperi, effectus hydrargyro proprios paucis diebus ostendunt: et si plus ejus necessarium est, ut gingivae afficiantur, unguenti hydrargyri drachma mane et vesperi in femora, vel in regionem hepatis, si parum doloris adsit, bene infricetur.

*Q.* Quamdiu corpus hydrargyro affectum teneres?

*R.* Circiter hebdomadas sex, vel octo semel; deinde medicamentum omittere, ut vires aegri reficiamus, oportet; et post hebdomadas

duas hydrargyrum iterum incipere; et per menses duos perseverare, si opus sit, idque alternè ad curationem usque facere.

**Q.** An alia remedia utilia sunt?

**R.** Pulveris conii maculati grana quinque bis terve in die, cum hepar maximum et durissimum est; hydrargo in eo minuendo auxiliari videntur.

**Q.** An alia necessaria sunt?

**R.** Alvus semper facilis tenenda est: diaeta lactea, et ex fructibus, et herbis potissimum constans, maximè idonea est.

#### DE ICTERO.

**Q.** In qua Classe et Ordine morborum Icterus ponitur?

**R.** In Classe Cachexiarum, et Ordine Impetiginum.

**Q.** Quae est definitio Icteri?

**R.** "Flavedo cutis et oculorum; faeces albidae; urina obscure rubra, immissa colore luteo tingens."

**Q.** Quid cutem et oculos colore luteo tingit?

**R.** Bilis, quae in sanguinem intraverat, va- sis extremis iterum in superficiem corporis evehitur.

**Q.** Quibus modis bilis in massam sanguinis ingredi potest?

*R.* Quum bilis impeditur, quo minus in duodenum transeat, vasis lymphaticis praecipue absorbetur, aut in venas hepaticas partim refluxit, et utroque modo in sanguinem vehitur.

*Q.* Quot species Icteri sunt?

*R.* Quinque; *Icterus calculosus, spasmodicus, hepaticus, gravidarum, et infantum.*

*Q.* Quae est definitio Icteri *calculosi*?

*R.* " *Icterus calculosus* cum dolore in regione epigastrica acuto, post pastum aucto, et cum dejectione concretionum biliosarum."

*Q.* Quomodo definitur species *spasmodica*?

*R.* " *Icterus spasmodicus* sine dolore post morbos spasmodicos et pathemata mentis."

*Q.* Quae est definitio Icteri *hepatici, gravidarum, et infantum*?

*R.* " *Icterus hepaticus* sine dolore, post morbos hepatis: *gravidarum* sub graviditate oriens, et post partum abiens; et *icterus infantum* in infantibus haud diu post natales oriens."

*Q.* Quae signa praeter ea, quae in definitione tradita sunt, plerumque sese ostendunt?

*R.* Adsunt languor, lassitudo, anorexia, nausea, vomitus, flatus, aciditas ventriculi, alvus astricta, lingua albida; et pulsus plerumque tardus et debilis.

*De Causis Excitantibus.*

Q. Quae causae Icterum excitant?

R. Quaecunque transitum bilis in duodenum tardant aut impediunt, veluti calculi, aut bilis spissata, in ductibus haerentes; spasmus ductuum; aut tumores partium circumiacentium; vel quaecunque bilem supra modum copiosam reddere possunt, sicuti febres remittentes, et caelum calidum; omnia quae Icterum movent.

*De Prognosi.*

Q. Quae prognosis Icteri pronuncianda est?

R. Cum Icterus recens est, et in calculis, vel spasmo niti videtur, prognosis fausta est; cum verò vitiis hepatis aut partium circumacentium, magis infausta: prognosis Icteri gravidarum, et infantum, ferè faustissima est.

*De Curatione.*

Q. Quae methodus curationis adversus Icterum instituenda est?

R. Curatio de causa admodum pendet, itaque illa pro hac varia esse debet.

Q. Quae curatio est, quum calculus in ductu haeret, signaque gravia incitat?

R. Cum dolor in epigastrio acutus, vomitus

frequens, et pyrexia lenis adsunt, inflammatio metuenda est ; itaque sanguis, si vires patiuntur, mittendus est ; dein aeger in balneum calidum descendat, et haustum tincturae opii largum sumat ad spasnum solvendum, quem irritatio calculi induxisset.

*Q.* Annon emeticum utile esset ?

*R.* Maximè : post balneum quām calidissimum, et haustum opiatum, emeticum ad calulum expediendum, spasnumque solvendum, efficacissimum est.

*Q.* Nonne purgantia Ictero commodissimae sunt ?

*R.* Ventriculus valde irritabilis est, ideoque vix purgantia recipere valet ; enemata igitur purgantia, vel anodyna interdum, utilia sunt : alvus tamen semper facilis esse debet.

*Q.* An illi calculi bilis solvi possunt ?

*R.* Repertum est experimentis, calculos bilis extra corpus facillimè potassi, sodà, oleo terebinthinae, et alcohole calido, solvi posse : eaedem res igitur caute et prudenter exhibitae allevationem haud parvam doloris afferre visae sunt ; itaque existimare licet, ut intra corpus verè calculos solvant.

*Q.* Quae curatio Ictero gravidarum, et infantum, respondet ?

*R.* Purgantia in plenâ dosi, et pro re nata

repetita utriusque respondent: submuriatis hydrargyri grana quinque horâ somni, et sulphatis magnesiae, vel phosphatis sodae, semuncia bene diluta summo mane alvum ducent, et Icterum intra paucos dies fugabunt. Infantibus manna, vel oleum ricini optimum, maxime idoneum est.

*Q.* Si Icterus de tumoribus ductum preventibus pendet, quid factu opus est?

*R.* Quum res ita sese habent, spes tantum exigua morbum curandi relinquitur: nihilo tamen secius hydrargyrus, si aliquid possit, tumores minuet, morbumque curabit.

*Q.* Quum Icterus de vitio hepatis pendet, quid fieri debet?

*R.* Hydrargyrus, post inflammationis allevationem remedium optimum, et quidem unicum, esse reperitur.

#### DE SPLENITIDE.

*Q.* In qua Classe et Ordine morborum Splenitis ponitur?

*R.* In Classe Pyrexiarum, et Ordine Phlegmasiarum.

*Q.* Quomodo definitur Splenitis?

*R.* "Pyrexia; hypochondrii sinistri tensio, calor, tumor, et dolor pressu auctus; absque signis nephritidis."

*Q.* An alia signa plerumque adsunt?

*R.* Dolor ad summum humeri sinistri haud raro adest, et pulsus plenus, validus, et durus est.

### *De Causis Excitantibus.*

*Q.* Quibus ex causis oritur Splenitis?

*R.* Ex iisdem, ac Hepatitis, praecipue vero ebrietate et frigore et humore conjunctis.

### *De Prognosi.*

*Q.* Diagnosis inter hunc et alios morbos evidens est; quae igitur est ejus prognosis?

*R.* Prognosis, si remedia idonea tempestivè exhibita sint, fausta; sin autem constitutio aegri conquassata sit, et splen vitio alio praeter inflammationem implicitus, infausta est.

### *De Curatione.*

*Q.* Quae curatio Splenitidi idonea est?

*R.* Si signa urgent, detractio sanguinis ad uncias viginti, emplastrum vesicatorium parti dolenti impositum, et purgantia repetita, ad curationem efficiendam necessaria sunt. Si morbus vetus est, hydrargyro opus est. Dieta temperata et tenuis observanda est.

## DE TABE MESENTERICA.

*Q.* In qua Classe et Ordine morborum Tabes ponitur?

*R.* In Classe Cachexiarum, et Ordine Marcorum.

*Q.* Quomodo definitur Tabes?

*R.* "Marcor; asthenia; pyrexia hectica."

*Q.* Quot species Tabis sunt?

*R.* Tres: "Tabes purulenta ex ulcere externo vel interno, vel ex vomica; scrofulosa in corporibus scrofulosis; et venenata a veneno ingestu."

*Q.* Quae alia signa Tabem Mesentericam indicant?

*R.* Languor, lassitudo, appetitus vitiatus et ferè nullus, odor spiritū foetidus, vultus pallidus, abdomen tumidum, alvus astricta, faeces plumbei coloris, deinde pallor et rubor vultū alternant, et Febris Hectica accedit.

*De Causis Excitantibus.*

*Q.* Quae causae Tabem excitant?

*R.* Diaeta non nutriendis, aër vitiatus, obstopatio, pus absorptum, et vermes.

*De Causis Praedisponentibus.*

*Q.* Quae causae proclivitatem Tabi dant?

*R.* Habitus scrofulâ imbutus, et ignavia, corpus ad Tabem Mesentericam opportunum reddunt.

*De Curatione.*

*Q.* Quae methodus curationis Tabi Mesentericae optimè respondet?

*R.* Diaeta nutriens, aër purus, et submuriatis hydrargyri dosis ad aetatem aegri aptata, atque ad alvi ductionem liberam repetita, utilissima sunt.

*Q.* Quod si febris hectica, et profluviu alvi adsint, quid faciendum est?

*R.* Tincturae saponis cum opio cochleare minimum in abdomen infricare mane et vesperi alvum ita comprimit, ut hydrargyrus ad glandulas tumidas imminuendum exhibeat.

*Q.* Nonne interdum fit, ut usu longo hydrargyri, et tincturae saponis cum opio, cum opus est, tumor abdominis diminutus sit, et aeger nihilominus brevi moriturus?

*R.* Ita: macies et debilitas partim morbo et partim medicamento, adeo magna tandem facta sunt, ut vires vitae nunquam post tumoris glandularum diminutionem sese recuperarent, functionesque corporis varias perficere valerent.

**Q.** Annon tonica cum hydrargyro alterna-  
ri, vel misceri, debent?

**R.** Ita: omnia, quae corpora nutriant, robo-  
rentque, aegro porrigenda sunt.

#### DE TYMPANITE ABDOMINALI.

**Q.** Quae est definitio Tympanitis Abdomi-  
nalis?

**R.** "Tympanites abdominalis cum resonitu  
evidentiore, tumore magis aequabili, et emis-  
sione flatuum rariori et minus levante."

#### *De Causis Excitantibus.*

**Q.** Quid Tympanitem Abdominalem faciat?

**R.** Rima, sive foramen, quod morbo priore  
in quadam parte intestinorum factum esset,  
aëra ex intestinis in cavum abdomen egredi  
sinit.

#### *De Curatione.*

**Q.** Quid in Tympanite Abdominali neces-  
sarium est?

**R.** Alvus facilis et soluta teneri debet; et si  
tensio summa est, nihil certius allevationem  
dat, quam operatio chirurgica Paracentesis.

dd

## DE ASCITE.

*Q.* In qua Classe et Ordine morborum Ascites ponitur ?

*R.* In Classe Cachexiarum, et Ordine Intumescentiarum.

*Q.* Quae est definitio Ascitis ?

*R.* "Abdominis intumescentia tensa, vix elastica, sed fluctuosa."

*Q.* Quot species Ascitis sunt ?

*R.* Duae : *abdominalis*, et *saccatus*.

*Q.* Quomodo Ascites abdominalis definitur ?

*R.* "Ascites *abdominalis* cum tumore totius abdominis aequali, et cum fluctuatione satis evidente."

*Q.* Quae est definitio speciei secundae ?

*R.* "Ascites *saccatus* cum tumore abdominis, saltem initio, partiali, et cum fluctuatione minus evidente."

*Q.* Quae signa in Ascite plerumque apparent ?

*R.* Vultus pallidus ; pulsus parvus, debilis, saepius frequens, et inordinatus ; cutis arida et aspera ; urina parca ; alvus astricta ; anorexia ; sitis ; et intestinorum dolores accedunt.

*De Causis Excitantibus.*

*Q.* Quae causae Asciten Abdominalem movent ?

*R.* Vitia viscerum abdominis, praecipue Hepatitis chronica; exinanitiones immodicae; intemperantia, et ebrietas frequens; aliena transitum sanguinis in venis impedientia; Ascites haud raro excitant.

*De Diagnosi.*

*Q.* Quibus cum morbis Ascites Abdominalis confundi potest?

*R.* Cum Tympanite, Graviditate, et Ascite Saccato.

*Q.* Quae notae Asciten *Tympanite* dignoscunt?

*R.* Tumor abdominis elasticus, sonorus, saepe inaequalis, cum rejectione aëris frequenti; aut aequabilis et resonitu evidentiore, *Tympanitem*: dum fluctuatio aquae satis evidens, et tensio vix elastica, *Asciten Abdominalem* indicant.

*Q.* Quae notae Asciten a *Graviditate* distinguunt?

*R.* Mensium suppressio, mammarum incrementum, papillarum areola purpurea, aegritudo matutina, et demum motus foetus, *Graviditatem* satis ab Ascite dignoscunt.

*Q.* Quae signa Asciten *Abdominalem* a *Saccato* dignoscunt?

*R.* Ascites *Saccatus* tumorem versus unum

alterumve latus primò ostendit, ubi sentiuntur tensio et dolor obtusus, tardè nascitur; et tumor eodem in loco remanet, positu corporis mutato; sitis minor, respiratio facilior, macies minor, et appetitus vix diminutus, et raro oedema pedum est. In Ascite Abdominali, ut dictum est, res sese longe aliter habent.

*De Prognosi.*

Q. Quae prognosis Ascitis pronunciari debet?

R. Prognosis Ascitis incerta est, et saepius infausta.

Q. Quae signa exitum felicem praesagiunt?

R. Animum causis, durationi, et signis morbi; atque aetati, constitutioni, viribusque aegri, advertere oportet. Si nullum viscus morbidum est, si aeger aetate florente, et constitutio ejus intemperantiā illaesa, si aquae accumulatio haud magna est, si neque febricula, nec sitis, nec dyspnoea multum urget, prognosis fausta est.

Q. Quae signa exitum dubium, aut infelicem, augurant?

R. Si aeger aetate proiectior, morbis priорibus solutus, atque epulis poculisque deditus est, si adsunt febris, sitis magna, et dyspnoea urgens, si tumor abdominalis maximus est, et si remediis idoneis nihil minuitur; sed contrà,

magis magisque distenditur, prognosis infaus-tissima est.

*De Curatione.*

**Q.** Quae consilia curationis in Ascite insti-tuenda sunt?

**R.** Causas evidentes evitare; aquam accu-mulatam dissipare; et interim vires aegri refi-cere oportet.

**Q.** Quae medicamenta optimè aquam accu-mulatam dissipant?

**R.** Submuriás hydrargyri ita exhibitum, ut gingivas afficiat; deinde pilulae scilliticae duae bis terve in die, curationem haud raro efficiunt. Supertartras potassae cum jalapā, aut gambo-giā, similibusque, interdum ex usu magno est. Digitalis ad granum pulveris, aut ad guttas quindecim tincturae bis terve in die, cuius singulis dosibus drachmae duae spiritūs aethe-ris nitrosi addantur, remedium adversus Asci-ten utilissimum est.

**Q.** Cum morbus ex vitio visceris, veluti he-patis, ortus est, quid fieri necesse est?

**R.** Hydrargyrus et intrinsecus et extrinsecus exhibendus, et continuandus est, donec viscus melius fiat, et aqua effusa auferatur. Scilla, aut supertartras potassae, aut digitalis, simul cum hydrargyro adhibeatur.

*Q.* Quod si ex debilitate et obstipatione oriatur, quid opus est?

*R.* Purgantia fortia in plena dosi subinde repetita, sicuti pulveris jalapae compositi drachma ante meridiem, et, si alvus non prius responderit, horâ somni repetatur: illa dosis altero quoque die repetenda est. In intervallis purgantium tincturae muriatis ferri guttae triginta cum aquae unciiis quatuor bis in die sumantur. Haec medicamenta saepe curationem producunt.

*Q.* An alia remedia usurpata sunt?

*R.* Stimulantia et tonica, sicuti serpentaria virginensis, angustura, calumba, cinchona officinalis, gentiana, et aromatica, utilia sunt, aut per se, aut cum diureticis et purgantibus conjuncta.

*Q.* Quae diaeta idonea est?

*R.* Diaeta nutriendis et stimulans utilissima, et auxilio curationi est.

## COLLOQUIUM DUODECIMUM.

## DE RENUM

## ET VESICAE URINAE MORBIS.

*Q.* Qui morbi renes infestant?

*R.* Diabetes; Calculus; Nephritis; Haematuria; et Ischuria.

*Q.* Quae vitia vesicam urinariam et ureteres invadunt?

*R.* Ischuria; calculus vesicae; Cystitis; Dysuria; et Enuresis.

## DE DIABETE.

*Q.* In qua Classe et Ordine morborum Diabetes inseritur?

*R.* Inseritur in Classe Neurosum, et in Ordine Spasmorum.

*Q.* Quibus verbis definitur Diabetes?

*R.* "Urinae plerumque praeternaturalis, copia immodica, profusio chronica."

*Q.* Quot species Diabetis sunt?

*R.* Due: "diabetes mellitus, cum urina odoris, coloris, et saporis mellei; et insipidus, cum urina limpida non dulci."

**Q.** Quae signa Diabeti ferè adsunt?

**R.** Languor; lassitudo; debilitas universa; cutis arida et aspera; alvus astricta; sitis magna; appetitus plerumque vorax; macies; et urina super modum copiosa, et frequenter reddita, Diabetem haud obscurè ostendunt.

**Q.** Quam aetatem praecipue Diabetes infestat?

**R.** Homines constitutione conquassatos, et aetate proiectos, eosque liquoribus spirituosis diu deditos praecipue; et haud raro hystericos; dyspepticos; hypochondriacos; et asthmaticos, invadit.

### *De Causis Excitantibus.*

**Q.** Quae causae Diabetem excitare videntur?

**R.** Res valde renes stimulantes, urinamque provocantes; vita intemperata; venus nimia; acida nimis copiosè potata; fatigatio praeter modum cum diaeta parca et tenui; aliaque, quae debilitatem inducant, Diabetem movere existimata sunt. Fatendum tamen est, ut sine ulla causa evidente saepe oriatur.

### *De Prognosi.*

**Q.** Quae prognosis Diabetis pronuncianda est?

**R.** Prognosis raro fausta pronunciari potest;

nam morbus fere semper medicamentis obsistit, cursumque tenet fatalem.

*De Curatione.*

**Q.** Quae methodus curationis adversus Diabetem exercenda est?

**R.** Variae methodi secundum theoriam, quae morbum fecisset, exercitae sunt. Natura morbi vera adhuc plurimum in tenebris latet, curatio igitur quoque imperfecta atque inefficax est.

**Q.** Quae remedia a quibusdam exhibita et laudata sunt?

**R.** Ab aliis, qui morbum conditioni debili et laxatae renum imputabant, astringentia et tonica remedia exhibita sunt: ab aliis, qui concoctioni vitiatae, et assimilationi pravae, diaeta animalis summis laudibus, et haud immerito, elata est, quippe quae praeter omnia commodum aegro maximum attulerit.

**Q.** Nonne alia auxilia in curationem Diabetis venerunt?

**R.** Emetica, diaphoretica, inunctio et frictio cutis, balneum calidum, uva ursi, cinchona, opiate, tinctura cantharidis vesicatoriae, equitatio, missio sanguinis repetita, et vestes laneae, usurpata sunt.

*Q.* Quae ex iis aliisve remediis efficacissima esse reperta sunt?

*R.* Tartras antimonii, vel hydro-sulphureum ammoniae; diaeta animalis; potus intra fines justos porrectus; sulphas ferri, vel cinchana et uva ursi; missio sanguinis parca et repetita, et purgantia lenia, et interdum opiata.

*Q.* Quo consilio tartratem antimonii, vel hydro-sulphureum ammoniae, exhiberes?

*R.* Ut nauseam moveat, quae fines intra justos cibos in ventriculo detineat, concoctioni magis naturali faveat, appetitumque voracem admodum compescat; et eodem tempore ut exhalationem per cutem liberiorem reddat.

*Q.* Quo consilio potum communem diminueres?

*R.* Ut actio renum minuatur, et ad naturalem quam proxime feratur.

*Q.* Quare tonica exhiberes?

*R.* Sulphas ferri ad grana duo bis in die ventriculum et vasa renum confirmat, roboratque: cinchona, et uva ursi, et sulphas aluminae, idem faciunt.

*Q.* Quo consilio sanguinem mitteres in Diabete, quo debilitas ipsa summa est?

*R.* Quibusdam persuasum est, et interdum quidem incisione cadaveris probatum est, renes inflammatione leni in Diabete implicitos esse,

ideoque sanguinis missionem optimo remedio esse. Nobis tamen videtur, ut detractio sanguinis parca et pro viribus repetita omni tertio die ad uncias decem, sanguinem purpureum, vel caeruleum quasi, paulatim auferat; systema, ad plus chyli cibis hauriendum, cogat, stimuletque, quo nutrimentum recipiat justum, viresque suas languidas, et pene exhaustas reficiat.

*Q. Quo consilio purgantia lenia exhiberes?*

*R. Ad functiones ventriculi et intestinalium promovendum, et concoctioni quam maximè naturali favendum.*

*Q. Quae remedia externa utilissima sunt?*

*R. Summam cutem solutione saturatâ murriatis sodae calefactâ omni mane et vesperi, subito lavare expedit; et post lavationem frictio cutis multa exerceatur; deinde vestes lanearae ad cutem proximae induantur, ut corpus a frigore bene defendatur, et halitus cutis provocetur.*

*Q. Quae signa Calculum reni inesse significant?*

*R. Dolor profundus in regione renis, in paroxysmis rediens, exercitatione, praesertim*

equitatione, auctus ; stupor feminis in laterē affecto ; nausea ; vomitus ; et interdum urinæ suppressio ; febris nulla ; atque pulsus naturalis, Calculum renis indicant.

*De Causis.*

**Q.** Quae causae Calculos renum generant ?

**R.** Concoctio imperfecta, seu prava, quā acidum multo nimium in humoribus abundat, causa sola esse videtur.

*De Curatione.*

**Q.** Quae remedia adversus calculos potentissima sunt ?

**R.** Res alcalinae ; praecipuè aqua supercarbonatis sodae, aqua potassae, aqua calcis, et magnesia.

**Q.** An alcalinae calculos solvunt, necne ?

**R.** Illud dubium est, sed certè signa dolentissima minuunt, idque, ut verisimile est, concoctionem corrigendo, functionesque varias multo meliores reddendo, faciunt.

DE NEPHRITIDE.

**Q.** In qua Classe et Ordine morborum ponitur Nephritis ?

*R.* In Classe Pyrexiarum, et Ordine Phlegmasiarum.

*Q.* Quomodo definitur Nephritis?

*R.* " Pyrexia; dolor in regione renis, saepe ureteris iter sequens; mictio frequens urinae, vel tenuis decoloris, vel ruberrimae; vomitus; cruris stupor; testiculi ejusdem lateris retractio aut dolor.

### *De Causis Excitantibus.*

*Q.* Quae causae Nephritidem movent?

*R.* Injuriae renibus illatae; agitatio longa et vehemens, ut in equo; frigus regionibus lumbaribus formâ rivuli admotum; acria ingesta tenuia; liquores spirituosi immodicè sumpti; et calculus, plerumque Nephritidem excitant.

### *De Causis Praedisponenlibus.*

*Q.* Quae causae proclivitatem Nephritidi praebent?

*R.* Habitus arthriticus, plethoricus, et inflammationi proclivis; Nephritidi opportunus est.

### *De Diagnosi.*

*Q.* Quibus cum morbis Nephritis confundi potest?

*R.* Cum Calculo renis ; et Rheumatismo sive Lunbagine.

*Q.* Quibus signis Nephritis a *Calculo* renali discernenda est ?

*R.* Pyrexia, et dolor perpetuus sine intermissione, *Nephritidem* ; pyrexia absens, remissiones et accessiones doloris, et dolor agitatio, ut equitatione, plurimum auctus, *Calculum* designant.

*Q.* Quomodo Nephritis *Lumbagine* dignoscenda est ?

*R.* Dolor motu corporis auctus, sedem inter musculos\* occupans, et absentia vomitus, dysuria, et mictionis frequentis, *Lumbaginem* a Nephritide satis distinguunt.

### *De Prognosi.*

*Q.* Quae prognosis Nephritidis est ?

*R.* Prognosis Nephritidis semper caute dicenda est. Si morbus ultra diem octavum continuat, si dolor potius hebes est, si horrores, tremoresque adsunt, suppuratio metuenda est. Si dolor, febris, et tensio, sese remittunt, si urinae copia secernitur, si exhalatio per cutem generalis sequitur, bonum est.

### *De Curatione.*

*Q.* Quae curatio Nephritidis est ?

*R.* Missio sanguinis; fomenta; enemata emollientia, et anodyna; et purgantia lenia, curationem constituunt.

*Q.* Nonne emplastrum vesicatorium auxilio idoneo esset?

*R.* Emplastrum ex tartrate antimonii, vel ex pulvere sinapeos confectum, regioni renis applicatum, utile est; sed cantharides renes irritant; ideoque evitandae sunt.

*Q.* Quae purgantia maximè idonea sunt?

*R.* Oleum ricini optimum; pilulae aloëticas; jalapa cum submuriate hydrargyri; et caetera; salibus exceptis, qui nimiùm renes stimulant.

#### DE HAEMATURIA.

*Q.* In qua Classe et Ordine morborum Haematuria ponitur?

*R.* Haematuria a Doctore Cullen in Classe Pyrexiarum, et Ordine Haemorrhagiarum sub Menorrhagiâ posita est.

*Q.* Quae est definitio Haematuriae?

*R.* "Haematuria a Sanvagesio definitur, sanguinis fluidive rubri per vias urinarias emissio."

*Q.* Quae signa sunt Haematuriae?

*R.* Dolor acutus, aut sensus gravitatis et molestiae in dorso, urinae reddendae difficultas; et urina turbida et rubra, quae aliquid

demittit, quod coit, atque immissa colore rubi-  
cundo tingit, Haematuriam ostendunt.

### *De Causis Excitantibus.*

**Q.** Quae causae Haematuriam excitant?

**R.** Calculus in rene, aut uretēre, haerens  
saepissime; injuriae regioni renis illatae; agi-  
tatio corporis immodica in equitando, aut sal-  
tando; fluxus haemorrhoidalis suppressio; et  
imbecillitas, quae ebrietatem continuam se-  
quitur, Haematuriam haud raro movent.

### *De Curatione.*

**Q.** Quae remedia Haematuriam supprimunt?

**R.** Si profluviū sanguinis ex injuriis ex-  
ternis, vel ex calculo renis, vel fluxū soliti  
suppressione, oriatur, et si aeger robustus et  
plenus sit, sanguis ad uncias viginti mittendus  
est; et acidum sulphuricum bene dilutum, vel  
conserva rosae gallicae, vel sulphas aluminae  
intrinsecus, ut vasa, quae sanguinem effun-  
dant, constringat, exhibendus est.

**Q.** Quae alia idonea sunt, si ex debilitate  
aut agitatione oriri videatur?

**R.** Alvus jalapā et submuriate hydrargyri  
ducenda est, et astringentia, quae profluviū  
sanguinis supprimant, exhibenda, et pro re-  
nata iteranda sunt.

## DE ISCHURIA.

*Q.* In qua Classe et Ordine morborum ponitur Ischuria?

*R.* In Classe Localium, et Ordine Epischēsium.

*Q.* Quibus verbis Ischuria definitur?

*R.* "Urinae suppressio absoluta."

*Q.* Quot species Ischuriae sunt?

*R.* Quatuor: *Ischuria renalis*; *ureterica*; *vesicalis*; et *urethralis*.

*Q.* Quae definitio est *Ischuriae renalis*?

*R.* "Ischuria *renalis*, praegresso renum morbo, cum dolore vel molesto gravitatis sensū in regione renum, et sine hypogastrii tumore, vel ad mingendum stimulo."

*Q.* Quomodo definitur *Ischuria ureterica*?

*R.* "Ischuria *ureterica*, praegresso renum morbo, cum doloris vel molestiae sensu in quadam uretēris parte, et sine hypogastrii tumore, vel ad mingendum stimulo."

*Q.* Quibus verbis definitur *Ischuria vesicalis*?

*R.* "Ischuria *vesicalis*, cum tumore hypogastrii, dolore ad cervicem vesicae, et frequenti ad mingendum stimulo."

*Q.* Quae definitio est *Ischuriae urethralis*?

*R.* "Ischuria *urethralis*, cum tumore hypogastrii, frequenti ad mingendum stimulo, et dolore in aliqua parte urethrae."

*De Causis Excitantibus.*

*Q.* Quae causae Ischuriam excitant?

*R.* Inflammatio; calculus; spasmus; sanguis concretus; mucus spissatus viam urinae obstruens; aut tumores uretēres prementes; vesicæ paralysis; incrementum glandulae prostatæ morbidum; strictura urethrae; carunculae, et phymosis etiam, Ischuriam faciunt.

*De Diagnosi.*

*Q.* Quibus cum morbis Ischuria confundi potest?

*R.* Cum aliis vix confundi potest; sed maxi-  
mi est momenti species, aliam ab aliâ, dignos-  
cere.

*Q.* Quae signa praecipua species duas prior-  
es indicant?

*R.* Dolor vel molestus gravitatis sensus in  
regione renum, praegresso renum morbo, *Is-  
churiā renalem*; sensus doloris vel molestiae  
in quadam uretēris parte, renum post morbum,  
*Ischuriā uretericam* designat.

*Q.* Quae notae praecipuae species duas pos-  
teriorē ostendunt?

*R.* Dolor ad cervicem vesicæ, *Ischuriā*

*vesicalem*; et dolor in aliqua parte urethrae,  
*Ischuriam urethralem* indicat.

*Q.* Quae signa Ischuriam renalem et uretericam ab Ischuria vesicali et urethrali distinguunt?

*R.* Morbus renum praegrediens, et dolor in regione renum, vel in via uretēris, *Ischuriam renalem et uretericam*; dum tumor hypogastrii, et frequens ad mingendum stimulus, *Ischuriam vesicalem et urethralem* ostendunt.

#### *De Curatione.*

*Q.* Quae curatio adversus Ischuriam renalem et uretericam maxime valet?

*R.* Si inflammatio, aut irritatio a calculo, causa esse videtur, sanguis mittendus est, et alia, quae ad Nephritidem commendata sunt, exercenda; si spasmus, balneum calidum, opata, et diluentia blanda, necessaria sunt.

*Q.* Quae curatio adversus Ischuriam vesicalem utilissima est?

*R.* Curatio de causā quoque pendet, si e calculo oriatur, res alcalinae, et opatae; si e tumore glandulae prostatae, hirudines, deinde fomenta perinaeo applicata, purgantia saepe repetita, enemata nunc emollientia, nunc anodyna, et interdum missio sanguinis copiosa, auxilia optima sunt; et quam primūm introducere catheterem in vesicam, et urinam emittere, oportet.

Q. Quae curatio Ischuriae urethrali respondet?

R. Causa submovenda est, calculus extra-hendus vel excidendum est; strictura instrumento dilatanda, et inflammatio minuenda est, ut urina naturaliter reddatur.

#### DE CYSTITIDE.

Q. In qua Classe et Ordine Nosologiae Cystitis ponitur?

R. In Classe Pyrexiarum, et Ordine Phlegmasiarum.

Q. Quibus verbis definitur Cystitis?

R. "Pyrexia; hypogastrii tumor et dolor; mictio frequens dolorifica, vel ischuria; tenesmus."

#### *De Causis Excitantibus.*

Q. Quae causae Cystitidem incitant?

R. Calculus in vesica, distentio vesicae nimia, cantharides, et vulnera, aut injuria.

#### *De Diagnosi.*

Q. An Cystitis cum ullo alio morbo confundi potest?

R. Vix; nam pyrexia, sedes doloris, tumor, et ischuria, urethrae irritabilitas, et tenesmus, Cystitidem facile dignoscunt.

*De Prognosi.*

*Q.* Quae prognosis Cystitidis ducenda est ?

*R.* Prognosis semper cum cautione dicenda est ; saepius autem fausta.

*De Curatione.*

*Q.* Quae curatio est Cystitidis ?

*R.* Detractio sanguinis ex regione vesicae ; fomenta calida ; purgantia ; enemata emollientia, et anodyna ; et diaphoretica, curationem efficiunt.

*Q.* Nonne missio sanguinis generalis aequa, ac ex parte solummodo, utilis esset ?

*R.* Interdum detractione sanguinis generali opus est, cum aeger robustus et plenus est ; multo saepius tamen hirudines inguinibus, perinaeo, et peni, alternè superimpositae, dein fomenta copiosa quām calidissima morsibus et toti regioni vesicae applicata, inflammationem fugant.

*Q.* Quae purgantia utilissima sunt ?

*R.* Submurias hydrargyri cum opio in plena dosi, et pro re nata repetitus, remedium optimum est ; pulvis jalapae compositus, aut oleum ricini optimum quoque, bene respondet.

*Q.* Quae diaphoretica exhiberes ?

*R.* Pulverem ipecacuanhae et opii parvis in

dosibus; vel oxidum antimonii cum phosphate calcis.

*Q.* An diluentia copiosa idonea sunt?

*R.* Diluentia parcissimè exhibenda sunt, eaque blanda et mucilaginosa esse debent, ne vesicam nimium stimulent.

#### DE DYSURIA.

*Q.* In qua Classe et Ordine morborum ponitur Dysuria?

*R.* In Classe Localium, et Ordine Epische-  
sium.

*Q.* Quae definitio est Dysuriae?

*R.* "Dolorifica et quodammodo impedita  
urinae emissio."

*Q.* Quot species Dysuriae sunt?

*R.* Sex: "Dysuria *ardens* cum ardore urinæ sine morbo vesicae evidente; *spasmodica*, a spasio ex aliis partibus cum vesica communicato; *compressionis*, a vicinis partibus vesicam prementibus; *phlogistica*, a vicinis partibus inflammatis; *irritata*, cum signis calculi vesicalis; et *mucosa*, cum excretione muci copiosa."

#### *De Causis Excitantibus.*

*Q.* Quae causae Dysuriam faciunt?

*R.* Cantharides absorptae ; spasmus sphincteris vesicae ; calculus vesicae ; inflammatio vesicae ipsius, praecipue vero glandulae prostatæ ; uterus gravidus, coagulum sanguinis in vagina, vel faeces duratae in recto accumulatae cervicem vesicae prementes ; strictura, vel inflammatio urethrae, vel calculus in urethra inhaerens, Dysuriam movet.

*De Curatione.*

*Q.* Quae curatio adversus irritationem, spasmum, et inflammationem, exercenda est ?

*R.* Adversus irritationem a cantharidibus orientem, et spasmum, diluentia blanda cum haustu tincturae opii, et fomenta calida hypogastrii utilissima sunt : aduersus inflammationem, hirudines inguinibus et perinaeo applicatae ; deinde fomenta calida ; et enemata emollientia, vel purgantia, maximè idonea sunt.

*Q.* Quae curatio adversus calculum vesicae, coagulum sanguinis, faeces induratas, et stricturam urethrae, commodissima est ?

*R.* Res alcalinae, sicuti aqua potassae, vel soda, aut potassa formâ pilularum, sapo, aqua calcis, et magnesia ; et opiata ad irritabilitatem sedandam utilia sunt ; coagulum sanguinis in Menorrhagia frangendum est atque extraheendum ; purgantia et enemata repetita faeces

emolliunt tolluntque; et instrumentum, *bougie* dic um, in urethram immissum, stricturam dilatat, breve submovet.

#### DE ENURESI.

*Q.* In quae Classe et Ordine morborum ponitur Enurēsis?

*R.* In Classe Localium, et Ordine Apocenosium.

*Q.* Quae est definitio Enurēsis?

*R.* "Urinae e vesica fluxus involuntarius non dolens."

*Q.* Quot species sunt Enuresis?

*R.* Duae: "Enuresis *atonica* post morbos sphincterem vesicae laedentes; et *irritata* a compressione vel irritatione vesicae."

#### *De Causis Excitantibus.*

*Q.* Quae causae Enuresin excitant?

*R.* Debilitas vesicae distentione nimiā inducta, paralysis sphincteris, compressio vesicae, sicuti utero gravo, calculus, et morbus vesicae, Enuresin plerumque movent.

#### *De Curatione.*

*Q.* Quae medicamenta Enuresi idonea sunt, quum ex debilitate oritur?

*R.* Emplastra vesicatoria nunc ossi sacro, nunc inguinibus, nunc perinaeo, applicata ; et rivulus aquae frigidae ex alto demissus in regionem vesicae, sensum movent, stimulumque haud parvum dant ; quo tonus fibrarum vesicae recuperetur.

*Q.* Quid optimum est factu, quum Enuresis in paralysi nititur ?

*R.* Vesicatoria, et electricitas ; et tinctura cantharidis vesicatoriae intrinsecus, auxilia optima sunt.

*Q.* Quum Enuresis e calculo vesicam irritante oritur, quid fieri debet ?

*R.* Pulvis arbuti uvae ursi ad semidrachmam bis terve in die ; et aqua calcis ; aut aqua supercarbonatis potassae, vel sodae, quoque liberè adhibita, allevationem haud raro afferrunt. Si non, calculus operatione chirurgicâ extrahendus est.

COLLOQUIUM DECIMUM  
TERTIUM.

DE MORBIS

CUM UTERO CONSENTIENTIBUS.

Q. Qui morbi utero ipsi, aliisve partibus cum eo consentientibus, proprii sunt?

R. Hysteritis; Chlorosis; Amenorrhoea; Menorrhagia; et Hysteria.

DE HYSTERITIDE.

Q. In qua Classe et Ordine Nosologiae Hysteritis ponitur?

R. In Classe Pyrexiarum, et Ordine Phlegmasiarum.

Q. Quomodo definitur Hysteritis?

R. "Pyrexia; hypogastrii calor, tensio, tumor, et dolor; os uteri tactu dolens; vomitus."

Q. Quae de Hysteritide generaliter digna notatu sunt?

R. Mulieres secundo, tertio, vel quarto die post partum, easque plenas et potius robustas, invadit; pyrexia est acuta; pulsus frequens et

durus; hypogastrium multum tumet; dolor tactu plurimam auctus et intolerabilis est; profluviū Lochiorum cessat; urina plerumque suppressa; et alvus astricta est.

### *De Causis Excitantibus.*

*Q.* Quae causae Hysteritidem excitant?

*R.* Actio uteri diutina et vehemens in partu; injuriae utero illatae; et frigus subito admissum corpori adhuc relaxo, et fortasse sudore humido, causae excitantes Hysteritidis esse videntur.

### *De Prognosi.*

*Q.* Quae prognosis Hysteritidis ducenda est?

*R.* Morbus periculosissimus est, prognosis igitur summā cum cautione dicenda.

*Q.* Quae signa exitum felicem augurant?

*R.* Diarrhoea lenis, Lochiorum redditus, dolor, et febris mitescens, exitum bonum indicant.

*Q.* Quae signa contrá exitum fatalem praesagiant?

*R.* Rigoris calorisque alternationes frequentes, pulsus debilis et frequentissimus, vires depresso et penè exhaustae, delirium mussitans, tremores, cessatio doloris subita, sudores frigidi, et diarrhoea urgens, mortem instare declarant.

*De Curatione.*

**Q.** Quae methodus curationis adversus Hysteritidem exercenda est?

**R.** Purgantia ita repetita, ut alvum ducant; hirudines inguinibus applicatae, deinde fomenta calida hypogastrio et partibus externis applicata, enemata calida in anum injecta, et aqua calida in vaginam immissa, utilia sunt; tum pulveris oxidi antimonii cum phosphate calcis grana quinque cum opii semigrano, omni tertią vel quartā horā exhibita, sudorem movent, qui morbum interdum tollit.

**Q.** Nonne missio sanguinis et vesicatoria necessaria sunt?

**R.** In aegris plenis et robustis missio sanguinis ad uncias viginti vel plures, et emplastrum cantharidis vesicatoriae regioni uteri et inguinibus applicatum, auxilia potentissima sunt; sed vires saepe non patiuntur, et morbus aliis jam recensitis cedit.

## DE CHLOROSI.

**Q.** In qua Classe et Ordine morborum ponitur Chlorosis?

**R.** In Classe Neurosum, et Ordine Adynamiarum.

*Q.* Quibus verbis definitur Chlorosis?

*R.* "Dyspepsia, vel rei non esculentae desiderium; cutis pallor vel decoloratio; venae minus plenae, corporis tumor mollis; asthenia; palpitatio; menstruorum retentio."

*Q.* Quae signa, praeter quae jam in definitione recensita sunt, plerumque sese ostendunt?

*R.* Languor, lassitudo, a motu etiam leni fatigatio, dolores vagi dorsi vel lumborum; spiritus saepe foetidus; eructationes acidae; appetitus admodum imminutus et pravus, quo carbonas calcis, magnesia, cineres, et arena, avidè desiderentur; alvus pertinaciter astricata, deinde areola infra oculos livida; vultus pallidus et luteo colore; labra admodum pallida; oculi hebetes; pulsus parvus, tardus, et exercitatione facilè concitatus; syncope; capitis dolor; vertigo; memoriae diminutio; respiratio difficilis; oedema pedum; et ana-sarca, Chlorosin manifestant.

### *De Causis Excitantibus.*

*Q.* Quae causae Chlorosin excitare videntur?

*R.* Obstipatio longa; quae invicem appetitum minuit, corpus nutrimento privat, et debilitatem maximam totius corporis tandem in-

fert; ignavia, et diaeta vix idonea, causae excitantes Chlorosis esse videntur.

### *De Diagnosi.*

Q. Quibus cum morbis Chlorosis confundi potest?

R. Cum Phthisi, et fortasse Hydrope.

Q. Quae indicia Chlorosin a *Phthisi* distinguunt?

R. Vultus pallidus et luteus, oculus hebes, venae minus plenae, pulsus debilis et tardus, sensus frigoris, rei non esculentae desiderium, aetas aegrae, et menstruorum retentio, *Chlorosin*; dum genae florentes, vultus serenus, oculus acris, venae sanguinis plenae, pulsus frequens et celer, calor major, appetitus ferè naturalis, tussis cum exscreatione muci vel puris copiosâ, et tempore solito menstrua interdum fluentia, *Phthisin* indicant.

### *De Prognosi.*

Q. Quae prognosis Chloroseos pronuncianta est?

R. Si idonea remedia tempestivè adhibita fuerint, prognosis fausta; si non idonea, vel intempestive, et morbus inveteratus fuerit, et Anasarca, aliaque signa gravia supervenerint, potius infausta pronuncianda est.

*De Curatione.*

*Q.* Quae curatio adversus Chlorosin instituenda est?

*R.* Medicamenta purgantia ita repetita et exhibita, ut dejectiones plenas duas tresve in die efficiant; et post redditum faecum coloris, odorisque naturalis, et leniora et rariora exhiberi debent. Continuentur tamen purgantia, usque dum facces accumulatae submotae fuerint, et alvus facilis, et sponte soluta fuerit.

*Q.* Nonne tonica necessaria sunt?

*R.* Ita: Cum curatio longa et difficilis est, tonica cum purgantibus alternari magno cum commodo possunt.

*Q.* Si hydrops supervenit, quid factu opus est?

*R.* Purgantia adversus hydropem efficacia sunt, ideoque humorem sub cute tollunt; si non, tintura digitalis et spiritus aetheris nitrosi in purgantium intervallis exhibeantur.

*Q.* Nonne alia plurimè Chlorosi prosunt?

*R.* Diaeta nutriens et facilis concoctu porrigenda est, et exercitatio pro viribus sub divo cum dies serenus est, sin autem nebulosus et pluvius, saltatio intra fores, utilissima est.

## DE AMENORRHOEA.

*Q.* In qua Classe et Ordine morborum Amenorrhoea ponitur?

*R.* In Classe Localium, et Ordina Epische-  
sium.

*Q.* Quae est definitio Amenorrhoeae?

*R.* "Menses tempore quo fluere solent, vel  
solito parciores, vel non omnino fluentes, citra  
gravitatem."

*Q.* Quot species amenorrhoeae sunt?

*R.* Tres; Amenorrhoea *emansionis*, *suppres-*  
*sionis*, et *difficilis*.

*Q.* Quomodo definitur *Amenorrhoea eman-*  
*sionis*?

*R.* "Amenorrhoea *emansionis*, in puberibus  
quibus post fluxus tempus solitum, menses  
non jam prodierint, et cum simul variae affec-  
tiones morbidae adsint."

*Q.* Quae est definitio *speciei secundae*?

*R.* "Amenorrhoea *suppressionis*, in adultis,  
quibus menses, quae jam fluere solebant, sup-  
pressae sunt."

*Q.* Quam definitionem habet *species tertia*?

*R.* "Amenorrhoea *difficilis*, in qua menses  
parcius, et cum dolore fluunt."

Q. Quae de Amenorrhoea *emansionis* obser-  
vas?

R. Menses modo citius, modo serius in foemini diversis, et in caelis variis, incipiunt. In Britannia circiter annum decimum quartum vel quintum; in regionibus tropicis circiter annum undecimum vel duodecimum; et in septentrionalibus circiter annum decimum octavum, vel vigesimum, menses incipiunt. Itaque si nullae affectiones morbidae adsint, praesentia aut absentia mensium per se vix morbus habenda est. Si adsint affectiones morbi-  
dae sine mensibus, *Chlorosis* habenda est.

Q. Quae signa Amenorrhoeam *suppressio-*  
*nis* comitantur?

R. Dolor capitis, lumborum, et dorsi; anxietas; anorexia; febricula; sensus plenitudinis in hypogastrio, et in mammae, praecordiisque; epistaxis, haemoptysis, haematemesis, aut haemorrhoides, haud raro adsunt.

Q. Quae signa Amenorrhoeam *difficilem* co-  
mitantur?

R. Mamiae tumescunt, dolentque; dolor capitis, lumborum, et imi ventris, vehemens; nausea et vomitus; et saepe Hysteriae paroxysmus, ante accessionem mensium incident.

*De Causis.*

*Q.* Quae causae accessioni fluxūs occurrunt, vel fluxum ipsum mensium sistunt?

*R.* Corpus frigori et humori diu objectum, mensibus accendentibus vel praesentibus; affectus animi quoque, sicuti metus subitus, horror, et moestitia, accessionem vel fluxum mensium impediunt.

*De Curatione.*

*Q.* Quo modo Amenorrhoea *emansionis* curanda est?

*R.* Eodem modo ac in Chlorosi praescriptum est.

*Q.* Quae remedia Amenorrhoeae *suppressio-*ni maximè idonea sunt?

*R.* Fomenta quam calidissima imo abdomini et genitalibus applicata, vel semicupium, vel balneum calidum; etiam purgantia, praesertim aloë, gambogia, et scammonia, quae alvum bene ducant, utilia sunt. Tinctura aloës aetherea, et tinctura hellebori nigri; interdum ex usu sunt. Cum dolores maxime urgeant, enema anodynūm utilissimum est. Cum habitus plenus est, et febris, et sensus plenitudinis adsunt, missio sanguinis plurimūm pro-

dest; et postea electricitas lumbis et pelvi elicit menses saepe provocat.

**Q.** Quae remedia Amenorrhoeam *difficilem* magis tolerabilem et naturalem reddunt?

**R.** Medicamentum purgans, sicuti jalapa cum submuriate hydrargyri, ante accessionem mensium; et postea dosis tincturae opii, vel tincturae hyoscyami, bis terve in die exhibeantur, et tempore fluxus etiam continuetur anodynum. Balneum calidum et semicupium utilia sunt. Post menses purgantia lenia, et tonica, menstruis dolentibus iterandis praeveniunt.

## DE MENORRHAGIA.

**Q.** In qua Classe et Ordine morborum Menorrhagia ponitur?

**R.** In Classe Pyrexiarum, et Ordine Haemorrhagiuarum.

**Q.** Quae verba Menorrhagiam definiunt?

**R.** "Dorsi, lumborum, ventris, parturientium instar, dolores; menstruorum copiosior, vel sanguinis e vagina praeter ordinem fluxus."

**Q.** Quot species Menorrhagiae sunt?

**R.** Sex: "menorrhagia rubra, cruenta in non gravidis nec puerperis; *abortus*, cruenta in gravidis; *lochialis*, cruenta in puerperis; *vitiorum*, cruenta ex vitio locali; *alba*, serosa

sine vitio locali in non gravidis; *Nabothi*, serosa in gravidis."

Q. Quae signa Menorrhagiae saepius praeviunt in habitu pleno et robusto?

R. Capitis dolor, vertigo, faciei et oculorum rubor, sensus plenitudinis in pectore, dyspnoea, deinde dorsi et lumborum dolores, sitis, calor major, et pulsus validus, durus, et frequens.

Q. Quae signa eam et praecedunt et comitantur in habitu relaxato et debili?

R. Vultus pallidus, collapsus et plumbeo colore, languor, debilitas magna, musculi flaccidi, respiratio facilè concitata, syncope, extremitates frigidae, anorexia, sitis, Dyspepsia, et signa multa Hysteriae adsunt.

### *De Causis Excitantibus.*

Q. Quae causae Menorrhagiam excitant?

R. Injuriae regioni uteri illatae, frigus peribus cruribusque applicatum, exercitatio vehementis et nimia, affectus animi, obstipatio longa, venus nimia, intemperantia, abortus iteratus, thea nimia, ignavia, et vitia uteri organica, haud raro Menorrhagiam movent.

### *De Causis Praedisponentibus.*

Q. Quae causae Menorrhagiae proclivitatem praebent?

*R.* Plethora; vel contrà debilitas generalis, praesertim vero vasorum uteri.

*De Prognosi.*

*Q.* Quae prognosis Menorrhagiae pronuncianda est?

*R.* Prognosis multum causâ dirigenda est, sed plerumque fausta. Si quidem ex habitu soluto et perimbecilli oriatur, Menorrhagia cruenta in serosam transeat, diuque remaneat. Si ex ~~vitii~~ organicis, saepe immedicabilis est.

*De Curatione.*

*Q.* Quae methodus curationis in Menorrhagia instituenda est?

*R.* Curatio pro causis varianda est, et ad speciem morbi dirigenda. Causas evitare quam maximè oportet in specie omni Menorrhagiae curanda.

*Q.* Quid fieri debet, cum morbus foeminae plethoricae et robustae incidit?

*R.* Sanguis ad uncias viginti quatuor mittendus est, deinde alvus liberè ducatur purgantibus lenibus et refrigerantibus caute adhibitis; aeger bibat aquam acido sulphurico acidulam; et haustus anodynus subinde exhibetur, si dolores maxime urgeant.

**Q.** Quae curatio expedit, cum debilitas haud parva adest?

**R.** Supertartratis potassae tantum detur, quantum opus est ad alvum tenendam facilem; et detur etiam tinctura muriatis ferri ad guttas triginta ter in die cum aqua frigida. Inguina et imus venter bis terve indies bene laventur aquâ frigidâ; vel iis partibus panni lintei aquâ frigidâ et aceto madefacti superimponantur.

**Q.** Interdum fit, ne haec quidem sufficient ad curationem, quid igitur opus est? \*

**R.** Praeter ea quae jam dicta sunt, astrin-gentia, sicuti acidum sulphuricum multâ aquâ dilutum; conserva rosae gallicae cum acido conjuncta; kino; extractum catechu; et sul-phas aluminae per os simul cum potu adhibe-antur; dum sulphatis aluminae drachma cum dimidio in aquae librâ soluta, per vaginam ter quaterve indies injicienda est.

**Q.** Quid in Menorrhagiâ serosâ faciendum est?

**R.** Astringentia et interna et externa exhibenda sunt, et tinctura cantharidis vesicatoriae in quibusdam casibus vetustis, ad vasa stimu-landum commendata est.

**Q.** Quum ex vitiis organicis uteri pendet, quid idoneum est?

**R.** Opiata, astringentia, et tonica, praeci-

puè carbonas ferri, ad dolores mitigandos maxime idonea sunt.

## DE HYSTERIA.

*Q.* In qua Classe et Ordine morborum inseritur Hysteria?

*R.* In Classe Neurosum, et Ordine Spasmorum.

*Q.* Quomodo definitur Hysteria?

*R.* "Ventriss murmura; sensus globi in abdome se volventis, ad ventriculum et fauces ascendentis, ibique strangulantis; sopor; convulsiones; urinae limpidae copia profusa; animus, nec sponte, varius et mutabilis."

*Q.* Quae generaliter de Hysteriâ observas?

*R.* In paroxysmis foeminas plerumque, males etiam vitae sedentariae interdum, sed per raro quidem, invadit.

*Q.* Quac signa plerumque sese ostendunt?

*R.* Capitis dolor acutus supra orbitas in spatio ferè exiguo fixus, doloros abdominis vagi, flatus, obstipatio, interdum vomitus, et diarrhoea, eructationes acres et foetidae, animus irritabilis et saepe demissus, somnus inquietus; deinde oppressio praecordiorum, palpitatio, tussis sicca, et sensus globi ascendentis, paroxysmum declarant. Truncus convulsioni-

bus huc et illuc torquetur, extremitates varie agitantur, et post aliquot tempus aegra in somnum incidit.

### *De Causis Excitantibus.*

*Q.* Quae causae Hysteriam excitant?

*R.* Affectus animi vehementes, sicuti gaudium, ira, moestitia, metus subitus; imitatio; sympathia; obstipatio; menstruorum suppressio, aut aberratio; exinanitiones magnae; fatigatio; odores ingrati; et yita sedentaria, Hysteriam ferè excitant.

### *De Causis Praedisponentibus.*

*Q.* Quae causae Hysteriae proclivitatem dant?

*R.* Habitus sensu delicatissimo praeditus, quem causae aliquando leves morbidum redundunt.

### *De Diagnosi.*

*Q.* Quibus cum morbis Hysteria confundi potest?

*R.* Cum Epilepsia, Apoplexia, et Syncope.

*Q.* Quae signa Hysteriam ab *Epilepsia* discernunt?

*R.* Historia morbi et aegrae, globus, animus mutabilis, dolor capitis circumscriptus, et urina copiosa, Hysteriam ostendunt.

*Q.* Quae indicia Hysteriam ab *Apoplexia* distinguunt?

*R.* Abolitio sensus et motus temporaria, sopor profundus, respiratio perdifficilis, pulsus durus et validus, et convulsiones, si adsint, unius lateris solummodo, Apoplexiā designant.

*Q.* Quae signa Hysteriam a *Syncope* distinguunt?

*R.* In *syncope* motus cordis aliquamdiu quiescit, vultus pallidus et cadaverosus est, et convulsiones ferè absunt; in *Hysteriā* tamen pulsus evidens, et plerumque frequens; respiratio nunc frequens, nunc tarda; nullus sopor, sed suspiria; vultus rubicundulus et sudore suffusus; oculi clausi; contortiones potius, quam convulsiones, trunci et faciei, accedunt.

### *De Prognosi.*

*Q.* Quae prognosis Hysteriae pronunciari potest?

*R.* Paroxysmus, ad metum incitandum aptus est, raro autem periculum affert, nisi in Epilepsiam aut Maniam transeat. Aliquando quidem paroxysmorum frequentia aegram infeliciem cum coetu hominum commiscendo inhabilem reddit.

*De Curatione.*

**Q.** Quae methodus curationis Hysteriae convenit?

**R.** Si aegrae plenitudo sanguinis nimia est, et vires robustae, missio sanguinis generalis; aut si adsunt capitum dolor et sensus plenitudinis in praecordiis, hirudines octo vel decem temporibus applicandae sunt; deinde purgantia in plena dosi et ita repetita, ut alvum exonerent, exhibenda; attamen auxilium enematis purgantis interdum postulatur.

**Q.** Nonne antispasmodica ex usu maximo sunt?

**R.** Ita, utilia sunt; sed purgantibus, et missione sanguinis, cum opus est, potius confidere oportet, quam antispasmodicis: camphora tamen, et extractum vel tinctura hyoscyami, assafoetida, et opiata, ad irritabilitatem generis nervosi minuendam perutilia sunt; praesertim cum purgantibus aut mista, aut alternata.

**Q.** Annon tonica curationem adjuvarent?

**R.** Plurimum; inter alvum medicamentis prudenter repetitis purgandum diaeta nutriens et facilis concoctu adhibenda est; exercitatio quoque pro viribus citra fatigationem sub divo; et aestate balneum frigidum, praesertim in mari, vel balneum pluviale omni mane, utilis-

sima sunt; cinchona, et ferrum quoque, non-nunquam, aliis admodum auxiliantur.

**Q.** Num alia remedia utilia sunt?

**R.** Plurima alia remedia usurpata sunt; ex iis autem caput exulcerare, quum dolor id vehementer angit; absorbentia pro re nata, cum aciditas nimia primae viae concoctionem perturbat; maximè idonea esse videntur.

---

---

## COLLOQUIUM DECIMUM QUARTUM.

DE

### MORBIS INCERTAE SEDIS.

**Q.** Qui morbi sub eo titulo comprehenduntur?

**R.** Rheumatismus acutus, et chronicus; Podagra; Anasarca; Scrofula; Syphilis; et Scorbutus.

DE RHEUMATISMO ACUTO.

**Q.** In qua Classe et Ordine morborum Rheumatismus inseritur?

*R.* In Classe Pyrexiarum, et Ordine Phlegmasiarum.

*Q.* Quibus verbis definitur Rheumatismus?

*R.* "Morbus ab externa, et plerumque evidente causa; pyrexia; dolor circa articulos, muscularum tractum sequens, genua et reliquos majores, potius quam pedum vel manuum articulos, infestans, calore externo auctus."

*Q.* Quae de Rheumatismo generaliter notanda sunt?

*R.* Rheumatismus omni tempestate anni, praecipue verò autumno et vere, sese ostendit; robustos juvenes ferè invadit.

*Q.* Quae signa aditum Rheumatismi significant?

*R.* Languor, lassitudo, rigores; deinde calor major; anxietas; agitatio; sitis; alvus astricta; pulsus plenus, validus, et durus; rubor faciei; et dolores acuti, qui artus majores, sicuti humeros, cubitos, carpos, coxas, genua, et talos præcaeteris infestant, Rheumatismum indicant.

*Q.* An dolores calore lecti minuuntur, necne?

*R.* In Rheumatismo acuto dolores motu corporis, vel membra affecti, calore lecti, et exacerbatione febrili, noctu, multo vehementiores redduntur.

*Q.* An artus et dolent, et rubescunt?

*R.* Artus affecti dolent, et haud raro rubescunt, tumentque; quo dolores saepe alleventur, vel ex toto tollantur; sed paulo post, eosdem artus iterum, vel alios, invadere possunt.

### *De Causis Excitantibus.*

*Q.* Quae causae Rheumatismum excitant?

*R.* Frigus praesertim cum humore conjunctum, corpori applicatum: caeli vicissitudines magnae et subitae; vestes madidae in aëre frigido, Rheumatismum persaepè movent.

### *De Causis Praedisponentibus.*

*Q.* Quae causae corpus Rheumatismo proclive reddunt?

*R.* Temperamentum sanguineum; plethora; et debilitas post intemperantiam temporaria; causae praedisponentes haberi possunt.

### *De Diagnosi.*

*Q.* Cum quibus morbis Rheumatismus acutus confundi potest?

*R.* Cum Podagrâ, aut Pneumoniâ, aut Enterite.

*Q.* Quae signa Rheumatismum acutum *Podagrâ* dignoscunt?

*R.* Affectiones ventriculi cum signis Dyspepsiae impetum paroxysmi praecedentes; la-

bes haereditaria; relaxati et aetate provectiones impliciti; articuli minores, et unus ferè semel, veluti pollex vel digitus pedis, aut manūs, laborantes, *Podagram* designant: dum Rheumatismus robustos adultos, sanos, et juvenes, subitò invadit; artusque majores, atque ex iis plures semel, musculosque infestat, sedemque suam saepe et subito mutat.

*Q.* Quomodo Rheumatismus acutus a *Pneumoniā* distinguendus est?

*R.* Dolor muscularum inter costas externus est, et motu truncī dextrorsūm et sinistrorsūm intenditur, respiratio facilior, et tussis aut nulla, aut minor, quam in Pneumonia, solet.\*

*Q.* Quae signa Rheumatismum ab *Enteritide* discernunt?

*R.* Dolor externus motu plurimūm auctus, alvus aut facilis, aut purgantibus facile solvendo, et absentia vomitūs, aliorumque signorum Enteritidis, *Rheumatismum* muscularum abdominalium indicant.

### *De Prognosi.*

*Q.* Quae prognosis Rheumatismi pronunciari potest?

*R.* Prognosis plerumque fausta est, morbus enim rarissimè lethalis est; nisi in Pneumoniam, vel Phthisin, vel alias affectiones periculosas, abeat: haud raro tamen in speciem

chronicam transit, cum remedia vel non idonea, vel intempestivè adhibita sunt.

*De Curatione.*

**Q.** Quae methodus curationis Rheumatismo instituenda est ?

**R.** Incitationem corporis vehementem, sive diathesin phlogisticam, tollere ; halitum cutis liberum et generalem restituere ; et spasmum, si adsit, vasorum extreborum solvere, oportet.

**Q.** Quae ad eas res efficiendas necessaria sunt factu ?

**R.** Omnes causae et stimuli evitanda sunt ; et sanguis liberè pro signorum vehementiâ statim mittendus est, et, si dolores paucas intra horas non remittunt, repetendus : post missio- nem sanguinis exhibeatur dosis ex jalapae scrupulo, et submuriatis hydrargyri gronis quinque, et omni tertiâ horâ repetatur ad vicem tertiam usque, nisi prius alvus responderit. Si dolor adhuc molestus est, aeger laneis vestibus in lecto ad sudorem accingatur, et habeat oxi- di antimonii cum phosphate calcis grana quinque ; vel pulveris ipecacuanhae et opii grana decem omni tertiâ vel quartâ horâ, vel tartra- tis antimonii grana quatuor in aquae unciis sex soluta, cujus uncia exhibeatur omni secun- da hora ad nauseam ciendam, et ad sudorem usque eliciendum.

*Q.* Quae alia ad curationi auxiliandum necessaria sunt?

*R.* Diluentia blanda, sicuti decoctum hordei, cui addatur aqua acetatis ammoniae, vel tinctura opii ammoniata. Post dolores vehementes subacti sunt, pulvis cinchonae in parvulis dosibus utilis est.

DE RHEUMATISMO CHRONICO,  
SEU ARTHRODYNIA.

*Q.* Quae est definitio Arthrodyniae, sive Rheumatismi Chronicus?

*R.* "Post rheumatismum, nisum violentem, vel subluxationem; dolores artuum vel musculorum, sub motu praesertim, aucti, plus minusve fugaces, calore lecti vel alio externo levati; artus debiles, rigidi, facilè et saepe sponte frigescentes; pyrexia nulla; tumor plerumque nullus."

*De Diagnosi.*

*Q.* Arthrodynia ex iisdem causis, ac Rheumatismus acutus, oritur; pergamus igitur pauca de diagnosi inter nos colloqui: et primò dic mihi morbos, quibus Arthrodynia confundatur?

*R.* Cum Syphilide et fortasse cum Scorbuto.

*Q.* Quibus indiciis Rheumatismus Chronicus Spyhilide dignoscendus est?

*R.* Dolores syphilitici partes ossium medias,

et ossa durissima, occupant, calore lecti nihil levantur, et praeterea alia signa Syphilidis doloribus aut praeeunt, aut eos comitantur; *dolores rheumatici* contrà, extremitates ossium et articulos infestant, atque tractum muscularum sequuntur, et calore lecti plurimum minuantur. Causae, accessio, et progressus horum, illis multum discrepant.

*Q.* Quae notae Arthrodyniam a *Scorbuto* discernunt?

*R.* Gingivarum mollities, maculae lividae, sudores foetidi, spiritus ingratus, debilitas totius corporis insolita, et dolores fugaces calore lecti aucti, *Scorbutum Arthrodyniā* facilè diagnoscunt.

### *De Prognosi.*

*Q.* Quae prognosis Rheumatismi Chronicidanda est?

*R.* Prognosis saepius fausta, sed accessiones persaepe iteratae articulos ita infirmant, ut rigidi, aut paralytici, interdum fiant; vel nodosi tandem Anchylosi implicentur.

### *De Curatione.*

*Q.* Quam curationem Arthrodynia exposcit?

*R.* Stimulantia, sicuti balneum calidum; vel calida arena, vel sal siccatus quam calidissimus

parti affectae applicatus ; frictio sicca, vel humida cum oleo terebinthinae, vel oleo ammoniato, vel tincturae cantharidis vesicatoriae et tincturae saponis cum opio, partibus aequilibus.

*Q.* Quae alia remedia externa utilia sunt ?

*R.* Exercitatio totius corporis, praesertim vero membra affecti et debilis, dolore sublato, commoda est ; electricitas quoque formâ scintillarum, et galvanismus, plurimum stimulant ; ideoque interdum perutilia sunt. Balneum frigidum ambiguum est, quod tamen, si aeger subito immergatur, et statim bene defricetur, atque in lectum calidum ponatur, ut halitus cutis liber foveatur, maximè prodest.

*Q.* Quae medicamenta interna adhiberi possunt ?

*R.* Guaiaci officinalis scrupulus ; tincturae guaiaci ammoniatae drachma e cyatho vini quater indies, vel carbonas ammoniae, vel oleum terebinthinae, vel submurias hydrargyri cum opio puro, interdum ex usu maximo sunt. Nuperrimè liquor arsenicalis summis laudibus commendatus est.

*Q.* In qua Classe et Ordine morborum inseritur Podagra ?

*R. In Classe Pyrexiarum, et Ordine Phlegmasiarum.*

*Q. Quibus verbis definitur Podagra?*

*R. " Morbus haereditarius, oriens sine causa externa evidente, sed praeeunte plerumque ventriculi affectione insolita; pyrexia; dolor ad articulum, et plerumque pedis pollici, certe pedum et manuum juncturis, potissimum infestus; per intervalla revertens, et saepe cum ventriculi, vel aliarum internarum partium, affectionibus alternans."*

*Q. Quot varietates Podagrae a celeberrimo Cullen notatae sunt?*

*R. Quatuor: *Podagra regularis*; *atonica*; *retrograda*; et *aberrans*.*

*Q. Quae est definitio primae varietatis?*

*R. " *Podagra regularis* cum inflammatione artuum satis vehementi, per aliquot dies persistante, et paulatim cum tumore, pruritu, et desquamatione partis, recedente."*

*Q. Quomodo definitur varietas secunda?*

*R. " *Podagra atonica* cum ventriculi vel aliis partis internae atonia, et vel sine expectata aut solita artuum inflammatione, vel cum doloribus artuum lenibus tantum et fugacibus, et cum dyspepsia vel aliis atoniae symptomatis, subito saepe alternantibus."*

*Q.* Quae est definitio varietatis retrogradae?

*R.* "Podagra *retrograda* cum inflammatione artuum subito recedente, et ventriculi vel alias partis internae atonia mox insecuta."

*Q.* Quomodo varietas aberrans definitur?

*R.* "Podagra *aberrans* cum partis internae inflammatione, vel non praegressa, vel praegressa, et subito recedente, inflammatione articulorum."

*Q.* Quae signa paroxysmum Podagrae saepius praecedunt?

*R.* Languor, et debilitas generalis; dejectio et torpor animi; et frequens cogitationum confusio; multaque Dyspepsiae signa, paroxysmo praeeunt.

*Q.* Quae generaliter de Podagra notari possunt?

*R.* Podagra plerumque aetate proiectos et relaxatos, aliquando tamen juvenes robustos utriusque sexus, temperamento sanguineo praeditos, intemperantiâ pro tempore et fatigatio infirmatos, hieme aut vere invadit.

*Q.* An *varietas Podagrae atonica* unquam verè existit?

*R.* In constitutione Podagrae proclivi plurimùm atoniae, debilitatis, sine dubio existit; ut anorexia, nausea, vomitus, inflatio, ructus, gastrodynia, moestitia, et sensus frigoris in

epigastrio, ostendunt ; omnia quae signa tamen *Dyspepsiae* sunt.

Q. An *varietas Podagrae retrograda* saepe incidit, necne ?

R. In habitu ad *Podagram proclivi plethora sanguinis plerumque, et diathesis phlogistica quoque* saepe adsunt ; cujus auxilio igitur causa excitans *Podagrae inflammationem vel spasmus*, si irritabilitas generis nervosi maxima sit, partis cuiusdam internae excitare potest.

Q. An *varietas aberrans Podagrae* affinis est ?

R. Vix : diathesis enim phlogistica ad inflammationem plethorica, praecipue sanguineo temperamento praeditis, excitandam, causis excitantibus etiam levibus, aptissima est, ideoque *arthriticis*, qui saepe congestionem sanguinis in quibusdam visceribus laborant.

Q. Quibus morbis hae varietates, si non *Podagrae*, attribuendae sunt ?

R. *Varietas atonica Dyspepsiae* solummodo in habitu relaxo et debili, qui *podagrīcī* sollet ; atque *retrograda*, quae notae evidentes *Dyspepsiae*, interdum etiam inflammationem artūs, ostendit, eidem attribui debent. *Aberrans* verò morbo, cui similis sit, attribuenda est.

*De Causis Excitantibus.*

*Q.* Quae causae Podagram excitant?

*R.* Quae plethoram et debilitatem totius corporis, praecipue verò ventriculi, inducere possint, illae causae excitantes habendae sunt, Cujusmodi sunt diaeta nimis plena et luxuriosa ex carne confecta; vina, liquores spirituosi et fermentati nimiūm liberaliter potata; venus immodica; vita sedentaria et ignava; lucubrations, et nocturna vigilia; moestitia; fatigatio; corpus frigori et humori objectum; mutatio subita ex diaetā nimis plenā ad parcā; exinanitiones copiosae et subitae, omnia quae Podagram excitant.

*De Causis Praedisponentibus.*

*Q.* Quae causae proclivitatem Podagrae dant?

*R.* Labes haereditaria; irritabilitas generis nervosi maxima cum debilitate magnā conjuncta; habitus intemperantiā priore et aetate provectione conquassatus et laesus; atque haud raro temperamentum sanguineum, causae praedisponentes Podagrae sunt.

*De Diagnosi.*

*Q.* Quibus cum morbis Podagra confundi potest?

*R.* Cum Rheumatismo solummodo.

*Q.* Quibus notis igitur Podagra *Rheumatismo* dignoscenda est?

*R.* Interdum inter eos morbos discrimen dubium esse potest, sed attentionem proclivitati, signis praegredientibus, et partibus affectis advertendo, ut *Podagra* articulos minores infestet, magis fixa sit, et affectione ventriculi praecedatur et comitetur, videre licet: dum *Rheumatismus* plures artus majores corripit, magis fugax, et affectione ventriculi plerumque caret.

### *De Prognosi.*

*Q.* Quae prognosis Podagrae ducenda est?

*R.* Paroxysmi Podagrae subinde diu certè revertunt; quibusdam extremitates corripiunt; nihilo tamen secius functiones corporis sensim minuunt, atque, si non regimine et medicamentis idoneis subacti, aegrum ut vitam degat adversam, plerumque cogunt, atque serius citius ve haud raro perimunt. Prognosis igitur caute et prudenter dicenda. Haec autem robustis et aetate florentibus fausta; aetate tamen provectioribus, constitutione plurimum fractis, atque senibus debilibus, infausta plerumque est.

*De Curatione.*

*Q.* Quae methodus curationis in paroxysmo postulatur?

*R.* Articulum panno laneo tegere, alvum magnesiā facilem tenere, ad temperantiam hortari, et reliquum tempori et patientiae committere solet.

*Q.* Quid igitur melius fieret in paroxysmo?

*R.* Si podagricus juvenis et naturaliter robustus est, mittatur sanguis ad uncias viginti quatuor, deinde hirudines sex vel decem statim parti rubrae, tumidae, et maximè dolenti imponantur, et postea morsus, et omnis pars inflammata, bene aquâ calidâ foveantur; et tum alvus purgantibus ducatur.

*Q.* Quid debilibus et senibus podagricis factu necessarium est in paroxysmo?

*R.* Purgantia lenia et repetita exhibeantur ad alvi ductionem usque liberam; deinde hirudines parti dolenti imponantur, quae dimidium horae aquâ calidâ fomentetur; et tum ventriculus amaris et aromaticis confirmetur, quae etiam cum purgantibus, et absorbentibus, alternè continentur. Illa curatio Podagrae retrogradae etiam respondet.

*Q.* Quid in *Podagra atonica*, sive in habitu

arthritico, in quo vix ulla inflammatio evidens sese ostendit, fieri debet?

*R.* Vinum et liquores spirituosi evitanda sunt, quippe quae Dyspepsiam periculumque augeant; purgantia lenia, et absorbentia cum aromaticis igitur adhibeantur; sicuti magnesiae drachmae octo, pulveris rhei duae, pulveris zingiberis una, in unum terantur; cuius coquale minimum bis terve indies aeger capiat. Tincturae muriatis ferri uncia, et tincturae gentianae unciae tres miscentur, cuius drachmae duae, seu cochlearia duo minima, in aquae unciiis duabus bis terve in die sumantur, dum alvus pilulis rhei compositi duabus vel tribus horâ somni facilis tenetur; ventriculum roborant, atque Dyspepsiam minuunt.

*Q.* Quid per intervalla paroxysmorum optimum est factu?

*R.* Temperantia et in cibis et potu meritoriori sedulò servanda est; exercitatio citra fatigationem sub caelo; balneum in mari aestate, balneum pluviale domi hieme; et alvus nec nimium soluta, nec astricta, sed facilis paroxysmorum redditus arcere tendunt, atque sanitatem promittunt.

## DE ANASARCA.

*Q.* In qua Classe et Ordine morborum Anasarca ponitur?

*R.* In Classe Cachexiarum, et Ordine Intumescentiarum.

*Q.* Quae est definitio Anasarcae?

*R.* "Corporis totius vel partis ejus intumescentia mollis, inelastică."

*Q.* Quot species Anasarcae sunt?

*R.* Quinque: "*Anasarca serosa* a retento sero ob evacuātiones solitas suppressas, vel ab aucto sero ob ingestam aquam nimiam; *oppilata* a compressione venarum; *exanthematica* post exanthemata, et praecipue post erysipelas, suborta; *anaemia* a tenuitate sanguinis per haemorrhagiam producta; et *debilium* in debilibus a morbis longis, vel ab aliis causis."

*Q.* Quae signa Anasarcae adsunt?

*R.* Oedema pedum vesperi, quod mane interdum abest; tumor autem surgit, et crura, femora, truncum, atque caput, tandem occupat. Aqua membranas cellulares partium internarum quoque implet, hinc respiratio difficilis, tussis; pulsus frequens et saepe inaequalis; sitis plerumque urget; urina parca; alvus astricta; vultus luridus tumidusque; ad haec accedunt languor, torpor, et febricula.

*De Causis Excitantibus.*

*Q.* Quae causae Anasarcam movere videntur?

*R.* Debilitas generalis aut vasorum exhalantium, aut absorbentium, aut partim fortasse amborum; et vitia quorundam viscerum aut in thorace, aut abdomine; et aliquid transitum sanguinis, aut lymphae, ad cor versus impediens aut obstruens, Anasarcam movent.

*Q.* Quae debilitatem extremam inducere possunt?

*R.* Evacuationes nimiae; intemperantia maxima et diurna; morbi priores; diaeta parca et tenuis; et aër insalubris, debilitatem persaepè excitant, quae hydropem faciat.

*De Curatione.*

*Q.* Quae methodus curationis ad Anasarcam apta est?

*R.* Causae excitantes, quam maximae possunt, evitandasunt; et purgantia, stimulantia, diuretica et tonica, pro re nata adhibenda sunt.

*Q.* Si Anasarca ex debilitate quoqua modo inducta oriri videatur, quae medicamenta maximè prosunt?

*R.* Supertartras potassae ad unciam cum dimidio indies simul cum zingiberis aut cinnamomi pauxillo ex usu maximo est, aut pulve-

ris jalapae scrupuli duo cum pulveris aromatici grana decem bis in die exhibeantur. Submuriás hydrargyri quoque, et scillae maritimae; aut digitalis, et spiritus aetheris nitrosi; et caetera antea commendata, bene respondent.

Q. Nonne tonica exhiberes?

R. Ita: tonica, sicut tinctura muriatis ferri, acidum sulphuricum aromaticum, aut tinctura cinchonae, in purgantium aut diureticorum intervallis, summo cum commodo adhibeantur.

Q. Quid, cum morbus obstructione vel vitió visceris oriatur, fieri debet?

R. Morbus tum saepe immedicabilis est, sed hydrargrus et digitalis, si quid prosit, auxiliis optimis sunt.

Q. Nonne aquam inter cutem emittere interdum utile est?

R. Certe: puncturae duae tresve interdum prope genu, vel talum factae sunt, quibus aqua effundatur; aliquando autem in ulcera sanata difficilia aperiunt.

Q. Annon integumenta sustentare fasciā latā expedit?

R. Maximè: pedes, talos, et crura, circumdare fasciā latā laneā, arctè circumvolutā, expeditissimum est; et sursum bene fricare subinde etiam convenit.

## DE SCROFULA.

*Q.* In qua Classe et Ordine Nosologiae Scrofula ponitur?

*R.* In Classe Cachexiarum, et Ordine Impetiginum.

*Q.* Quibus verbis Scrofula definitur?

*R.* "Glandularum conglobatarum, praesertim in collo, tumores; labium superius et columna nasi tumida; facies florida, cutis laevis; tumidum abdomen."

*Q.* Quot species Scrofulae sunt?

*R.* Quatuor: "Scrofula vulgarissimplex, externa, permanens; *mesenterica* simplex interna, cum pallore faciei, inappetentia, tumore abdominis, et foetore faecum insolito; *fugax* simplissima, et tantum circa collum, plerumque a resorptione ex ulceribus capitis proveniens; et *Americana* cum framboesia conjuncta."

*Q.* Quae generaliter de Scrofula notanda sunt?

*R.* Scrofula infantes et juvenes ante puber-  
tatem cute nitidā et laevi, capillis linteis, tem-  
peramento sanguineo, vel leucophlegmatico,  
praeditos invadit; plerumque glandulas con-  
globatas sub cute, et lymphaticas etiam inter-  
nas, glandulam thyroidēam, mammas, testes,

ossum extremitates, artus, et cartilagines inter vertebras, occupat.

*Q.* An tumores scrofulosi in suppurationem abeunt?

*R.* Interdum tardè suppurant et in ulcera mala desinunt, quae materiem albam sero similem emittunt; sed plerumque glandula diu tumet sine rubore aut dolore; et multos post menses, vel fortasse annos quosdam, sponte in magnitudinem pristinam subsidit.

### *De Causis Excitantibus.*

*Q.* Quae causae Scrofulam excitare videntur?

*R.* Difficillimum est dictu; sed vicissitudines caeli; corpus diu frigori et humori objectum, defectus vestium idonearum, immunditia, multa fatigatio, et morbi priores acuti, glandulas lymphaticas irritare, et haud raro leniter inflammare, videntur.

### *De Causis Praedisponentibus.*

*Q.* Quae causae proclivitatem Scrofulae praebere videntur?

*R.* Labes haereditaria; et quaecunque corpus debilitent, humoresque vitient, qui glandulas lymphaticas irritare, et praeter modum tumidas reddere, possunt; sicuti aër contami-

natus, diaeta insalubris et parùm nutriend, atque alvus astricta.

*De Curatione.*

**Q.** Quae curatio Scrofulae maximè idonea est?

**R.** Aquae minerales, aqua maris, cinchona, tussilago, cicuta, hydrargyrus, et antimonium, modo cum, modo sine commodo singulatim usurpata sunt. Solutio acetatis plumbi, aqua acetatis ammoniae, fomenta, et cataplasma emollientia extrinsecus, vario successu tumoribus et ulceribus applicata sunt. Nuperrimè murias calcis, aqua calcis, et alcalina, ferrum, liquor arsenicalis, galvanismus, et emplastra vesicatoria in usum quibusdam venerunt; nihil tamen seciùs fatendum est Scrofulam adhuc opprobrium medicorum esse.

**Q.** Quaenam ex iis remediis igitur commodum promittunt, aut verè faciunt?

**R.** Purgantia lenia cum tonicis, ut valetudo generalis melior reddatur, corporisque humores purgantur, adhiberi atque per aliquot hebdomadas continuari debent. Oleum camphoratum cum panno laneo tumoribus sine rubore; tumoribus autem rubicundulis cataplasma calida et emollientia, optimum esse videntur. Ulcera nunc cataplasmatis, nunc unguento sim-

plice, nunc unguento oxidi hydrargyri rubri, nunc nitrate argenti, pro eorum inflammatione et conditione peculiari, sananda sunt.

## DE SYPHILIDE.

*Q.* In qua Classe et Ordine morborum Syphilis ponitur?

*R.* In Classe Cachexiarum, et Ordine Impetiginum.

*Q.* Quomodo definitur Syphilis?

*R.* " Morbus contagiosus, post concubitum impurum et genitalium morbum, ulcera tonsillarum; cutis, praesertim ad marginem capillitii, papulae corymbosae, in crustas et in ulcera crustosa abeuntes; dolores ostocopi; exostoses."

*Q.* An Syphilis semper contactu solum ex alio ad aliud communicatur?

*R.* Virus venereum, cuticulâ integrâ, sine frictione vix absorbetur; cum frictione tamen sicuti in coitu facillimè, aut ubi cuticula abraditur ab aliis partibus, ibi vasis absorbentibus avidè accipitur. Itaque non contactus solum, verum frictio etiam, cuticula integra, necessarius esse videtur ad morbum communicandum.

*Q.* An morbus primò incipit in loco, cui virus applicatum et receptum esset?

*R.* Ita: virus eam partem irritat atque in-

flammat; hinc quum in urethram recipitur, folliculos mucosos ita irritat, ut humorem vitiatum emittant, qui *gonorrhœam* constituit; quum in glandis contactum venit, ulcuscula sub praeputio saepe excitat.

Q. Num virus venereum gonorrhœâ impurâ in sanguinem transmitti potest?

R. Raro, nisi ulcus in urethra sit: nam gonorrhœa secretionem aut potius excretionem auctam et vitiatam urethrae facit.

Q. An virus ex ulcusculis facile absorbetur, et in sanguinem aufertur?

R. Ulcusculum utrumque est nova quasi glandula, in quâ virus fovetur et generatur, atque ex cuius superficie cito absorbetur, et in sanguinem vasis lymphaticis vehitur.

Q. An directè vehitur in sanguinem, necne?

R. Virus venereum ex glande maris, vel pudendis foeminae absorptum, plerumque per glandulas inguinum transmittitur, quas irritat, inflammat, atque in suppurationem cogit, antequam in massam sanguinis ingrediatur.

Q. Quum virus venereum humores imbuīt, quibus in partibus corporis notae Syphilidis apparent?

R. In cute, faucibus, ossibus, et ligamentis, atque tendinibus muscularum.

*Q.* Quae notae Syphilidem in iis locis adesse indicant?

*R.* Maculae fuscae et coloris cupri passim in cute apparent; in crustas et in ulcuscula interdum abeunt; in faucibus ulcuscula profunda materiam subalbidam tecta sese ostendunt; in mediis ossibus tubera dura et dolentia nascentur, quae inflammatione tentantur, suppurant, atque ulcera mali odoris faciunt.

### *De Curatione.*

*Q.* Quae curatio Gonorrhoeae idonea est?

*R.* Si inflammatio urethrae haud ita magna sit, solutio acetatis zinci in urethram sexies in die injecta bene respondet; si urethra multum inflammata, cataplasma emolliens peni applicatum, et injectio mucilaginosa cum paululo vini opii, irritationem et dolorem minuunt.

*Q.* An opus est hydrargyrum administrare in gonorrhoea?

*R.* Plerumque non: nam morbus tantummodo localis est, ideoque remedium locale solummodo postulat.

*Q.* Nonne quoque interdum ulcuscula localia sunt, tum igitur hydrargyrus exhiberi debet?

*R.* Ita; quibusdam visum est hydrargyrum non esse ulcusculis necessarium, quae nitrate argenti curari solebant; virus tamen prius in

humores accipiebatur quām ulcuscula sanata essent, ideoque post aliquot menses Syphilis iterum sese manifestabat.

Q. Quae curatio ulcusculis venereis convenit?

R. Ulcuscula ejusmodi multum inflammata curare cataplasmatis emollientibus, ut sedetur inflammatio; dein unguento oxidi hydrargyri rubri, aut aliquando nitrate argenti, ea tangere, ut mundentur, expedit.

Q. Quid curationis igitur in ulcusculis, et bubonibus, faciendum est?

R. Unguenti hydrargyri drachma mane et vesperi in corpus bene infricitur; et pilulae hydrargyri duae horā somni, et una mane, quotidie sumantur, donec effectus hydrargyro proprii se planè in gingivis ostendunt; deinde gingivas teneras servare expedit, usque dum omnia signa morbi evanuerint.

Q. Quod si curatio longa sit, et vires aegri plurimùm imminutae sint, quid factu opus est?

R. Medicamentum intermittere expedit, et vires recreare nutrimento; et decocto sarsaparillae composito, vel acido nitrico bene diluto morbum inhibere. Post hebdomadas duas tres-ve usus hydrargyri repetatur ut antea. Hoc modo medicamentum ad curationem usque perfectam continuetur.

## DE SCORBUTO.

*Q.* In qua Classe et Ordine morborum Scorbuto inseritur?

*R.* In Classe Cachexiarum, et Ordine Impetiginum.

*Q.* Quibus verbis Scorbatus definitur?

*R.* "In regione frigida post victum putrescentem salitum, ex animalibus confectum, deficiente simul materia vegetabili recente; asthenia; stomachace; in cute maculae diversicolores, plerumque livescentes, praesertim ad pilorum radices."

*Q.* Enumera mihi signa Scorbuti praecipua?

*R.* Languor, lassitudo, animus demissus, anxietas, praecordiorum oppressio, et debilitas magna; morbo inveterascente, vultus pallidus, respiratio motu leni accelerata, dentes soluti, gingivae spongiosae, tumidae et sanguinem tactu etiam levi emittentes; spiritus foetidus evadit, maculae lividae passim in conspectum veniunt, vulnera prius sanata iterum aperiunt, dolores vagi noctu excruciant, et pulsus parvus, frequens, et saepe intermittens fit.

*De Causis Excitantibus.*

*Q.* Quae causae Scorbutum excitare videntur?

*R.* Victus ex carne salitâ et subputridâ, et aquâ limosâ et putrescente constans; defectus aut inopia vegetabilium recentium, aut rerum acescentium in diaeta, humores vitiatos reddunt; frigus et aér humidus simul cum victu insalubri, ad corpus infirmandum consentiunt.

*De Causis Praedisponentibus.*

*Q.* Quae causae corpus Scorbuto proclive reddunt?

*R.* Aēr impurus, immunditia, ignavia, animus demissus, et labor supra vires, debilitatem corporis summam inducunt; ideoque causae praedisponentes haberri possunt.

*De Diagnosi.*

*Q.* An Scorbucums aliis morbis confundi potest?

*R.* Vix; interdum quidem cum petechiis sine febre seu purpurâ haemorrhagicâ, et cum rheumatismo, et syphilide, confundi putatum est.

*Q.* Quae notae igitur scorbutum illis diagnoscunt?

*R.* In purpurâ haemorrhagicâ fluxus sanguinis e gingivis et interdum ex aliis partibus tantum Scorbuto similis; alia signa ex toto ei absimilia sunt. In rheumatismo chronico, et

in syphilide nihil, nisi dolores, Scorbustum refert; et hi quidem scorbuticis absimiles sunt.

*De Prognosi.*

**Q.** Quae prognosis Scorbuti pronuncianda est?

**R.** Prognosis plerumque fausta, si causae evitari possint, et diaeta salutaris in promptu sit; aliter, infausta pronuncianda est.

*De Curatione.*

**Q.** Quae curatio Scorbuto maximè convenit?

**R.** Diaeta salubris, fructus subacidi, et maturi, et vegetabilia recentia, cerevisia extracto abietis confecta, cerevisia tenuis et fortis, cerevisiae spuma, caro animalis recens, munditia, et exercitatio sub divo, brevi tempore constitutionem mutant, atque curationem perfectam inducunt.

COLLOQUIUM DECIMUM  
QUINTUM.

DE

VITIIS CUTIS.

**Q.** Quot ordines vitiorum cutis Doctor Willan instituit?

*R.* Octo : papulas ; squamas ; exanthemata ; bullas ; pustulas ; vesiculas ; tubercula ; et maculas.

## DE PAPULIS.

*Q.* Quomodo definitur Papula ?

*R.* Eminentia cuticulae parva et fastigiata, cum basi inflammatâ, perraro humorem continens, aut suppurans, et fere in squamulas furfuraceas abiens.

*Q.* Quot genera sub Ordine Papularum sunt ?

*R.* Tria : *strophulus* ; *lichen* ; et *prurigo*.

*De Strophulo.*

*Q.* Quam aetatem Strophulus invadit ?

*R.* Aetatem infantilem praecipue sub dentitione.

*Q.* Quot species aut varietates Strophuli sunt ?

*R.* Quinque ; *Strophulus intertinctus*, *albidus*, *confertus*, *volatileus*, et *candidus*.

*Q.* Quibus ex causis oriri videntur ?

*R.* Ex irritatione ; quam dentitio, obstipatio, vel alium irritamentum corpori applicatum, moveat.

*Q.* Quae curatio earum varietatum Strophuli est ?

*R.* Si dentitione oriatur, gingivas incidere ; si obstipatione, alvum ducere ; si ab ullo alio irritamento, in balneum calidum aegrum immergere mane et vespere, expedit.

*De Lichene.*

*Q.* Quid de Lichene intelligis ?

*R.* Eruptio est papularum, adultos afficiens, cum vitio aliquo interno conjuncta, fere in squamulas furfuraceas abiens, recurrens ; non contagiosa.

*Q.* Quot varietates Lichenis sunt ?

*R.* Septem ; *Lichen simplex, pilaris, circumscriptus, agrius, lividus, tropicus, et urticatus.*

*Q.* Quibus ex causis illae varietates Lichenis oriuntur ?

*R.* Ex irritabilitate nimia constitutionis ; dyspepsia ; debilitate post febres ; et ex irritatione vel interna vel externa.

*Q.* Quae remedia iis occurruunt ?

*R.* Laxantia refrigerantia, sicuti flores sulphuris et supertartras potassae ; acidum sulphuricum aromaticum multa aqua dilutum ; vinum vel tartras ferri bene dilutum, ex usu maximo sunt ; satis est eruptionem axungia illincre ad pruritum minuendum.

*De Prurigine.*

*Q.* Quid est Prurigo?

*R.* Pruritus est molestus, papularum eruptione comitatus.

*Q.* Quot varietates Pruriginis sunt?

*R.* Tres; Prurigo *mitis*, *formicans*, et *senilis*.

*Q.* Quibus ex causis oriuntur?

*R.* E vitiis concoctionis; diaeta nimis calefaciente; condimentis; visceribus abdominis obstructis; et constitutione infirma, ori-videntur.

*Q.* Quae curationis methodus est?

*R.* Purgantia lenia; sulphur cum carbonate sodae; acidum muriaticum oxygenatum, seu chlorina; acida mineralia bene diluta; tonica, veluti cinchona, decoctum sarsaparillae, et serpentaria intrinsecus: balneum tepidum, aut lavatio cum aqua tepida et sapone; aqua acetatis ammoniae bene diluta; aqua acetatis plumbi; aqua calcis; aut oleum terebinthinae oleo amygdalarum dilutum, pro re nata extrinsecus utilia sunt.

## DE SQUAMIS.

*Q.* Quomodo hic ordo Squamarum definitur?

*R.* Squama, lamina cuticulae morbidae, durae, spissatae, subalbidae et opacae est. Squa-

mae, cum in laminas inordinatas increscunt, crustae appellantur.

*Q.* Quot genera Squamae comprehendunt?

*R.* Quatuor; *lepram*; *psoriasisin*; *pityriasisin*; et *ichthyon*.

### *De Lepra.*

*Q.* Quibus notis Lepra cognoscitur?

*R.* Maculis squamosis, magnitudine variis, sed fere semper subrotundis.

*Q.* Quot species sive varietates Leprae sunt?

*R.* Tres; *Lepra vulgaris*; *alphoides*; et *nigricans*.

*Q.* Quibus ex causis oritur Lepra?

*R.* Difficillimum est dictu, sed ex sordibus cuti haerentibus; frigore et humore conjunctis et aliquando cibis quibusdam, et aromaticis, oriri putata est: verisimilius est fortasse, ut e labe haereditaria constitutionis oriatur.

*Q.* Quae remedia adversus Lepram utilia sunt?

*R.* Interdum curatu difficillima est; sed cum lenis, balneo calido et frictione modica; aut ablutione simplice aquarum sulphure continentium, submoveri potest: sin autem squamae in crustas spissas convertantur, alcohol dilutum; solutio sulphatis potassae; lotio ex aqua potassae, vel acido muriatico, multum diluta, simul cum

ablutione calida, vel vapore aquae, crustas molliunt, tolluntque ; deinde unguentum nitratis hydrargyri mitius omni nocte applicatum, et ablutio mane cum aqua calida et sapone, respondebunt.

**Q.** Nonne remedia interna utilia sunt ?

**R.** Liquoris arsenicalis guttae octo vel decem ; resinae grana tria ; aut muriatis hydrargyri grana duo in aquae uncia soluta, cuius guttae triginta in cyatho aquae ; decoctum solani dulcamarae ; mane et vespere utilia sunt, nisi irritabilitas cutis maxima sit. Cum cutis multum inflammata, densa, rigida et rubicunda est, cum calore, dolore, et pruritu, partes affectas illinere axungiā vel cremore lactis, maxime convenit. Usus tamen quotidianus purgantium medicamentorum lenium quidem corpus refrigerat, irritationem cutis minuit, atque curationem festinat.

### *De Psoriasis.*

**Q.** Quibus notis Psoriasis Leprā dignoscenda est ?

**R.** Eruptio inaequalis, aspera, et squamosa in *Psoriasis* est, sed margine elevato, inflamato, et ovali aut circulari, qui *Leprae* est, eget ; et sub squamis cutis tēnērior, et saepe rimosa est.

*Q.* Quot species Psoriasis sunt?

*R.* Quatuor; Psoriasis *guttata*, *diffusa*, *gyrata*, et *inveterata*.

*Q.* Quibus ex causis oritur Psoriasis?

*R.* Ex hausto aquae frigidae, corpore fatigato et sudante; ex cibis quibusdam, oriri putata est.

*Q.* Quae remedia Psoriasis utilia sunt?

*R.* Diaeta tenuis; purgantia lenia; sulphur carbonate sodae vel potassae mistum, et cinchona, simul cum ablutione tepida, fere Psoriasis curant: squamas locales unguentum nitratis hydrargyri submovendo utile est. Si dolor urens pruriensque cum calore morbido partis affectae aegrum vexet, cataplasma frigidum emicis panis et aqua acetatis plumbi parti dolenti applicatum, et saepe repetitum, inflammationem et dolorem minuet.

### *De Pityriasi.*

*Q.* Quibus notis Pityriasis cognoscitur?

*R.* Maculis exiguis squamosis, quae saepe decedunt, redeuntque, sed neque in crustas abeunt, neque cute exulcerata comitantur.

*Q.* Quot species Pityriasis sunt?

*R.* Quatuor; Pityriasis *capitis*, *rubra*, *versicolor*, et *nigra*.

*Q.* Quae curatio est?

*R.* Ablutione saponacea, munditiâ summâ, balneo calido aquae marinae extrinsecus ; tinctura veratri, acido muriatico oxygenato intrinsecus, uti convenit.

*De Ichthyosi.*

*Q.* Quibusnotis Ichthyosis cognoscenda est?

*R.* Texturâ tegumentorum spissatâ, durâ, asperâ, et aliquando paene corneâ ; quae squamulas exuit, sed laminis deciduis, maculis in locis distinctis, aut affectu constitutionis generali, quae ad Lepram et Psoriasisin pertinent, semper caret.

*Q.* Quot species Ichthyosis sunt ?

*R.* Duae : Ichthyosis *simplex* et *cornea*.

*Q.* Quae remedia utilia sunt ?

*R.* Balneum calidum, et frictio, squamas removent : deinde unguentum nitratis hydrargyri mitius omni nocte illinatur : et pilulae resinae ; aut liquor arsenicalis, cutem stimulat ad actionem ejus naturalem resumendam.

**DE EXANTHEMATIS.**

*Q.* Quomodo Exanthema definitur ?

*R.* Exanthema ex maculis rubicundis ; figuras varias habentibus, saepe confluentibus, per summam cutem inordinate diffusis ; interstitia

coloris naturalis relinquentibus ; et paucis diebus laminas cuticulae exuentibus, constat.

**Q.** Quot genera sunt hujus ordinis ?

**R.** Sex ; *rubeola* ; *scarlatina* ; *urticaria* ; *roseola* ; *purpura* ; et *erythema*.

### *De Urticaria.*

**Q.** De *Rubcola* et *Scorlatina* antea tractavimus, nunc restat quod de aliis ordine pauca colloquamur : quo modo igitur *Urticaria* cognoscitur ?

**R.** Elevatione cuticulae rotunda aut longa ; apice albo saepe rubore diffuso circundato. *Urticaria* non est contagiosa.

**Q.** Quot species *Urticariae* sunt ?

**R.** Sex ; *Urticaria febrilis*, *evanida*, *persistans*, *conferta*, *subcutanea*, et *tuberosa*.

**Q.** An *Urticaria febrilis* saepe accidit ?

**R.** Interdum ; sed aliae species multo saepius in parte corporis quadam accidentunt.

**Q.** Quibus ex causis *Urticaria* oritur ?

**R.** Irritabilitate ex dentitione, obstipatione, aut plethora, oriente ; cibis quibusdam, aut potu ; et exhalatione per cutem subito impedita.

**Q.** Quae est curatio *Urticariae* ?

**R.** Purgantia lenia, et pro re nata repetita ; fructus et potus subacidi ; diaeta facilis concoctu ; interdum imbecillis cinchona et amara ex-

pediunt : a liquoribus fermentatis et spirituosis aegro abstinendum est ; et balneo calido uti ; vel partem eruptione tumidam et prurientem, farinâ triticâ tegere, prodest.

*De Roseola.*

*Q.* Quibus notis Roseola cognoscenda est ?

*R.* Cutis colore roseo efflorescit, varie figurato sine eminentiis, aut papulis. Roseola non contagiosa est.

*Q.* Quot varietates sunt ?

*R.* Septem ; Roseola *aestiva*, *autumnalis*, *annulata*, *infantilis*, *variolosa*, *vaccina*, et *miliaris*.

*Q.* Quibus ex causis Roseola oritur ?

*R.* Habitu nimis irritabili ; vicissitudine subita frigoris aut caloris ; et vitiis intestinalium, oriri videtur.

*Q.* An febris adest ?

*R.* Aliquando languor ; capitum artuumque dolor ; perturbatio functionum ventriculi ; fastidium cibi ; vertigo ; calor major ; et siccitas ; febrem declarant.

*Q.* Quae remedia sunt idonea ?

*R.* Diaeta levis, potus acidus, laxantia ; et balneum tepidum, vel in mare descendere, curationem cito efficiunt.

*De Purpura.*

**Q.** Quid de Purpūra intelligis?

**R.** Cutis efflorescit in maculis parvis, distinctis, purpureis: debilitate generali, sed non semper febre, comitatis.

**Q.** Quot varietates Purpūrae sunt?

**R.** Quatuor; Purpura *simplex*, *haemorrhagica*, *urticans*, et *contagiosa*.

**Q.** Quibus ex causis oritur Purpura?

**R.** Causae ejus obscurae et incertae sunt; Purpura autem eos, qui imbecilles sunt et constitutione tenera praediti, aut viscere aliquo obstructo tentati, corripere videtur.

**Q.** Quae signa sunt Purpurae Haemorrhagiae?

**R.** Purpura Haemorrhagica, vulgo *Petechiae sine febre* appellata, petechias frequentes, vibices, et ecchymoses, quae primo rubrae dein purpureae et croceae fiunt, exhibit. Cuticula facile deteritur; et tactu quidem leni sanguis extra vasa effunditur sub cuticula, maculamque efficit. In eodem corporis malo habitu sanguis e gingivis, naribus, faucibus, lingua, et ex omni membrana interna canalis alimentarii, uteri, renum, et pulmonum, erumpit, assidueque exudat; aut sese remittit, iterumque brevi increscit. Debilitas maxima est; animus demis-

sus ; pulsus debilis, et frequens ; irritatio febrilis ; aliquando dolores in praecordiis, abdomine, aut lumbis ; syncope ; pallor vultūs ; et oedema, accedunt.

Q. Quae *curatio optima* Purpurae est ?

R. Si aeger malo corporis habitu est ob aëra inquinatur, diaetam nimis parcam, et fatigationem ; tonica et acida, praecipue cinchona et vinum rubrum cum aëre puro, optima esse videntur. Cum autem aeger naturaliter robustus, et plenus, hoc morbo implicatur ; et si febricula, dolores interni, tussis sicca, et alvus varia, accesserunt, purgantia repetita, et non-nunquam missio sanguinis, ex usu maximo sunt ; deinde tonica, praecipue quinini sulphas, aromatica, et diaeta nutriendis, idonea sunt ad corpus firmandum.

### *De Erythema.*

Q. Quid est Erythema ?

R. Rubor ex parte cutis paene continuus, aliquo constitutionis affectu comitatus ; sed non contagiosum est.

Q. Quot varietates sunt Erythematis ?

R. Sex ; Erythema fugax, laeve, marginatum, papulatum, tuberculatum, et nodosum.

Q. Quibus ex causis oritur Erythema ?

R. Ex affectibus ventriculi et intestinorum

chronicis saepe oritur; hinc Erythema saepius dyspepticos et hystericos infestat.

*Q. Quae est ejus curatio?*

*R. Purgantia lenia; diaphoretica; acida bene diluta; et diaeta facilis concoctu, morbum superant: nonnunquam ablutio tepida; axungia; vel pulvis carbonatis calcis, extrinsecus utilis est.*

#### DE BULLIS.

*Q. Quomodo hic ordo Bullarum cognoscendus est?*

*R. Portione magna cuticulae e cute disjuncta, humore limpido interposito, qui erumpit, et superficie cuticulâ privata, scabie plana subflava aut subnigra tecta, quae remanet donec cuticula subter cam renovetur.*

*Q. Quot genera Bullarum sunt?*

*R. Tria; erysipelas, pemphigus, et pompholyx.*

#### *De Erysipelite.*

*Q. Quibus notis Erysipelas indicatur?*

*R. Rubore, tumore, calore, et dolore urente cuiusdam partis, interdum vesiculis magnis. Rubedo late serpit, spatiumque corporis magnum occupat.*

Q. Quae sunt varietates Erysipelatis?

R. Quatuor; Erysipelas *phlegmonodes*, *oedematodes*, *gangraenosum*, et *erraticum*.

Q. Unde oriatur periculum?

R. Inflammatione a parte externa in internam et vitalem, sicuti cerebrum, pulmones, aut intestina, transeunte.

Q. An febris semper Erysipelas comitatur?

R. Saepe locale est et sine febre; sin autem faciem aut caput corripiat, Synocha duorum vel trium dierum, plerumque cum somnolentia, saepe cum delirio, accedit: in varietate gangraenosa tamen Typhus adest.

Q. Quibus ex causis oritur Erysipelas?

R. Frigore multo; vel calore nimio, vel transitione subita ab alio in aliud; affectibus animi; et intemperantia; aëre inquinato nosocomiorum; et venenis.

Q. Quibus indiciis Erysipelas a phlegmone et erythema distinguitur?

R. Tumor mollis diffusus, inaequaliter circumscriptus, absque dolore, pulsatili, hoc a phlegmone; et praesentia tumoris et vesicularum, ab erythema, distinguit.

Q. Quae hujus morbi prognosis est?

R. Si febris ardet; si facies maximè tumet, et rubet; si delirium, vel coma cito accidit,

et plurimum urget, prognosis infausta est : sin autem res aliter sese habeant, fausta.

*Q.* Quae curatio maxime convenit ?

*R.* Si febris gravis est ; si pulsus plenus, durus, et validus ; et si delirium adest, missio sanguinis, et purgantia repetita, et emplastrum vesicatorium capiti, nuchae, aut inter scapulas, applicatum, febrem minuunt. Cum aeger habitu pravo est, et debilis, post purgantia primis diebus, cinchona et vinum, et, si irritatio magna est, opiate prosunt.

*Q.* Quae remedia ad locum inflammatum applicantur ?

*R.* Narcotica, refrigerantia, et astringentia, gangraenae favere putata sunt : oleosis aut aquosis, Erysipelas latius serpere visum est ; partes affectas spargere farinâ triticâ, carbonate calcis, aut zinci impuri, tutissimum, et in usu communi est.

*Q.* Quae optimè in varietate gangraenosâ respondent ?

*R.* Aér purus, diaeta levis et nutriens, alvus soluta, vinum, cinchona, et opiate, maxime convenient ; praecipue in nosocomiis, ubi Erysipelas grassari contagio videtur.

### *De Pemphigo.*

*Q.* Quibus signis hic morbus indicatur ?

*R.* Primo, secundo, aut tertio morbi die, in variis corporis partibus vesiculae, magnitudine variae, sero subflavo aut ichore tenui plenae, per plures dies manentes, modo cum febre, modo sine eâ, nascuntur.

*Q.* An Pemphigus contagiosus est?

*R.* Antea ita putatus est; sed in nostris temporibus plerumque non contagiosus esse existimatur.

*Q.* Nonne febris semper vesiculas comitatur?

*R.* Interdum febris potius acuta; multo saepius autem irritabilitas magna, functiones corporis plures perturbat, aegrumque premit debilitate magnâ.

*Q.* Quae curatio est Pemphigi?

*R.* Purgantia lenia pro re nata repetita; opia; et diaeta levis: si debilitas urgeat, vinum et cinchona, necessaria sunt.

### *De Pompholyge.*

*Q.* Quae signa sunt Pompholygis?

*R.* Bullas sine febre et inflammato margine lympham continentes, magnitudine varias, exhibet, quae bullae sive tumores, aliae post alias, apparent, paucis diebus rumpunt, et benigne sanantur.

*Q.* Quot varietates sunt?

*R. Tres ; Pompholyx benignus, diutinus, et solitarius.*

*Q. Nonne signa quaedam bullas sive tumores praecedunt?*

*R. Languor, lassitudo, capitis dolor, fastidium cibi, dolores vagi, praeeunt ; deinde quibusdam in locis cutis prurit, ubi cuticula humore elevatur, bullasque format.*

*Q. Quae causae Pompholygis esse videntur?*

*R. Debilitas, et frigus ; nam eos fatigatio-  
nem, anxietate, inopia, intemperantia, et morbo,  
confectos invadit.*

*Q. Quae curatio est?*

*R. Laxantia, refrigerantia ; balneum calidum ; cinchona ; et vinum ; diaeta lauta, fere  
curationem efficiunt.*

#### DE PUSTULIS.

*Q. Quid est Pustula?*

*R. Elevatio est cuticulae cum basi inflam-  
mata, pus continens. Pustulæ siccescunt, et  
in crustas seu scabies plerumque, interdum  
vero in ulcuscula, abeunt.*

*Q. Quot genera hic ordo Pustularum com-  
prehendit?*

*R. Quinque ; impelinem, porriginem, ec-  
thyma, variolam, et scabiem.*

*De Impetagine.*

*Q.* Quibus notis Impetigo cognoscitur?

*R.* Pustulis exiguis, saepe ambitu inaequali, cuticula parum elevata, et in scabiem abeuntibus.

*Q.* An Impetigo contagiosa est?

*R.* Non; neque inoculatione aliis communicari potest.

*Q.* Quot species ejus sunt?

*R.* Quinque; *Impetigo figurata, sparsa, erysipelatodes, scabida, et rodens.*

*Q.* Dic mihi quaedam plenius de Impetagine?

*R.* Impetigo fere extremitates corporis infestat; pustulae parvae gregatae, margine leviter inflammato cinctae, paululum elevatae, vix autem acuminatae, paucis diebus rumpuntur, humorem acrem emittunt, qui exulcerat roditque cutem vicinam; pruritum igitur, calorem et dolorem movet; deinde in scabies resolvuntur, quae decidunt, summamque cutem rubram, asperam, spissatam, et fissu aptam, relinquunt.

*Q.* Quibus ex causis oritur Impetigo?

*R.* Concoctione prava; exercitatione nimia; intemperantia; frigore; et affectibus animalium subito deprimentibus, praecipue metu et moerore.

**Q.** Quae causae corpus Impetigini opportunum reddunt?

**R.** Temperamentum sanguineum; habitus scrofula imbutus; cutis tenera et delicata, causae praedisponentes esse videntur.

**Q.** Quibus morbis Impetigo confundi potest?

**R.** Cum Porrigine et Scabie.

**Q.** Quomodo Impetigo a *Porrigine* distinguenda est?

**R.** Impetigo non contagiosa; raro infantes puerosque adoritur; praecipue extremitates infestat; non humorem purulentum et glutinosum, sed acrem, effundit; neque scabies spissas, molles, multasque format.

**Q.** Quomodo Impetigo a *Scabie* distinguenda?

**R.** Exudatio copiosa humoris acris; cuticula aspera, rubicunda, et fissa; magnitudo, et progressus tardus vesicularum; calor et dolor, qui pruritum comitantur, *Impetiginem* planè indicant, quae signa in *Scabie* sese longe aliter habent.

**Q.** Quae est prognosis Impetiginis?

**R.** Prognosis, quod ad vitam attinet, semper fausta est; nisi Impetiginis rodentis, quae etiam si feliciter rarissima, semper lethalis esse dicitur: nihilo tamen secius Impetigo omni-

bus medicamentis per menses duos tresve non-nunquam perstat obsistere; multumque dat medicis negotium.

Q. Quae medicamenta interna curationem Impetiginis promovent?

R. Purgantia lenia, sicuti flores sulphuris cum supertartratis potassae partibus duabus; submuriatis hydrargyri granum omni nocte; sulphatis magnesiae, phosphatis sodae, semuncia cum multa aqua diluta; interdum decocatum sarsaparillae, aut cinchonae, cum carbonate sodae aut potassae; aut potus acido imbutus, utilia sunt.

Q. Quae remedia extrinsecus applicata Impetigini prosunt?

R. Ablutio cum aqua tepida, aut aquâ maris; et quando superficies ita irritabilis est, ut nihil stimulans ferre possit, unguentum oxidi zinci, aut acetatis plumbi, inflammationem minuunt: irritabilitas interdum adeo maxima est, ut ne haec unguenta quidem tolerabilia sint; partes affectas axungia, aut cremore lactis illinere, aut farina tritica spargere, idoneum est. Cum irritabilitas haud ita multa est, unguentum nitratis hydrargyri mitius, aut fortius, si non nimis acre, remedium optimum est. Cum calor, pruritus, et dolor pene intolerabilia fiunt, et unguenta quidem mitia exasperant, cata-

plasma egelidum e micis panis et aqua egelida, in qua pauca papaverum capita decocta essent, confectum, omni tertia hora repetitum, inflammationem et irritabilitatem minuit, et postea unguentum idoneum applicari potest.

*De Porrigine.*

**Q.** Quae indicia sunt Porriginis ?

**R.** Morbus est contagiosus ; aetatem ineuntem fere, interdum vero adultam, infestat ; pustulas exiguae exhibens acuminatas, basi saepe inaequali et leviter inflammata, quae humorem in spissitudine et colore melli similem continent, et crustas sive scabies subflavas induunt, nulla febre comitante.

**Q.** Quot species Porriginis observata sunt ?

**R.** Sex ; *Porrido larvalis*, seu *Crusta Lactea* ; *furfurans*, seu *Linea Porriginosa* ; *lupinosa* ; *scutulata* ; *decalvans* ; et *favosa*.

**Q.** Quibus ex causis oritur Porrido ?

**R.** Contagio, immundicie, et fame.

**Q.** Quae medicamenta interna idonea sunt ?

**R.** Purgantia refrigerantia, submuriatis hydrargyri et pulveris oxidi antimonii cum phosphate calcis partes aequales ; decoctum cinchonae ; tartras, aut vinum ferri, pro habitu aegri utilia sunt.

Q. Quae remedia extrinsecus usurpanda sunt?

R. Ablutio bis terve indies cum aqua tepida et lacte, aut cum decocto furfuris; deinde unguentum oxidi zinci, aut acetatis plumbi, curationem efficient. Si inflammatio et irritatio submota essent, et squamulae siccae surgunt, et adhuc perstant, unguentum nitratis hydrargyri mitius maximo cum commodo applicari potest.

Q. Quid fieri debet, cum morbus in capillo fit?

R. Caput saepe radere oportet; deinde unguento idoneo illinere omni nocte, et mane aqua calida et sapone lavare: unguentum Cocculi Indici adversus Porriginem efficax reperatum est.

Q. Nonne alia remedia interdum utilia sunt?

R. Cum partes affectae cuticula densa et squamosa teguntur, et sensu parvo praeditae; stimulantia partes moliores, sensumque acutiorum, reddendo utilia sunt; veluti solutio muriatis hydrargyri, grano in aquae uncia soluto; solutio sulphatis zinci; tinctura muriatis ferri; acidum sulphuricum aut muriaticum dilutum; unguentum nitratis hydrargyri fortius; unguentum elemi, aut hellebori albi, aut piperis nigri; diversis temporibus usurpata sunt. Observare tamen licet unguentum et lotionem

plus minusve acria summae cutis irritabilitati accommodanda esse.

*De Ecthymate.*

*Q.* Quibus notis Ecthyma indicatur?

*R.* Eruptione pustularum inflammatarum, quae distinctae, separatae, et paucae sunt. Eruptio neque febre comitatur, nec contagiosa est.

*Q.* Quot species seu varietates sunt?

*R.* Tres; *Ecthyma vulgare, infantile, et luridum.*

*Q.* Quibus ex causis oritur Ecthyma?

*R.* Nutrimento pravo, et emunditia, in infantibus: errore concoctionis, et obstipatione, in adultis; et habitu intemperantia, labore nimio, et vigilia nocturna fracto, in senibus, oritur.

*Q.* Quae curatio est Ecthȳmatis infantes adorrientis?

*R.* Nutricem mutare; munditiam stricte balneo tepido servare; alvumque solutam, solutione mannae, verum sine profluvio, tene-re necesse est.

*Q.* Quae curatio ejus est in aetate adulta?

*R.* Purgantia lenia ita adhibita, ut dejectio-nes duas plenas quotidie faciant; balneum fri-

gidum aestate ; et lavatio summae cutis cum aquâ calidâ et sapone hieme, utilissima sunt.

**Q.** Quae remedia senibus Ecthymâte laborantibus convenient?

**R.** Nutrimentum idoneum et lautum cum vino ; alvus facilis ; usus balnei calidi occasionalis ; et tonica, sicuti cinchona, et tinctura muriatis ferri, commodum haud parvum, si non curationem, afferunt.

### *De Scabie.*

**Q.** De *Variola* inter febres dissertum est ; pergamus igitur pauca dicere de Scabie : et primo, enumera mihi notas, quibus cognoscatur?

**R.** Scabies eruptione vesicularum exiguum indicatur, quae vel pustulis miscentur, vel in eas abeunt ; pruritu perpetuo et molesto sine febre comitatur ; et semper contagiosa est.

**Q.** Quot varietates Scabiei sunt?

**R.** Quatuor ; *Scabies papuliformis, lymphatica, purulenta, et cachectica.*

**Q.** Quibus notis illae species declarantur?

**R.** *Papuliformis* vesiculos pruriētes leniter inflammatas et acuminatas habet ; *lymphatica* vesiculos pellucidas haud ita parvas sine basi inflammatâ ; *purulenta* pustulas prominentes, distinctas, et subflavas cum basi leni-

ter inflamatâ exhibet, quae duos tresve dies maturescunt, et tum exulcerant non sine doloris atque inflammationis incremento.

*Q.* Quae remedia Scabiem sanant?

*R.* Partes eruptione affectas inungere unguento sulphuris omni nocte, et mane eas lavare aqua calida et sapone, oportet: et eodem tempore medicamentum laxans adhibere, sicuti florum sulphuris partem unam, supertartratis potassae partes duas, in pulverem mistas, cujus aeger capiat drachmas sex omni nocte, et mane quoque, nisi prius alvus responderit.

*Q.* Nonne alia medicamenta ad Scabiei curationem usurpata sunt?

*R.* Multa alia; veluti, unguentum vel decoctum hellebori albi; potassa deliquescens; murias ammoniae; solutio muriatis hydrargyri; et unguentum hydrargyri praecipitati albi.

#### DE VESICULIS.

*Q.* Quomodo hic ordo Vesicularum definitur?

*R.* Elevatio cuticulae exigua rotunda, lympham aliquando limpidam, saepius vero opacam, et subalbidam, continens; atque in squamulas, aut in scabiem tenuem abiens, Vesiculam constituit.

*Q.* Quot genera Vesicularum sunt?

*R. Septem ; varicella, vaccinia, herpes, ru-  
pia, miliaria, eczema, et aphiha.*

*De Vaccinia.*

*Q. De Varicella antea tractatum est ; pauca  
nunc dicamus de Vaccinia ; enumera mihi igi-  
tur signa, quibus cognoscatur ?*

*R. Virus, cute leniter incisa, ibi inseritur ;  
vesicula rubra nascitur, magis magisque ad  
diem octavum aut decimum usque rubescit,  
centro ejus depresso, quod signum Vacciniae  
proprium est ; margine turgido et elevato.  
Vesicula in cellulas plurimas dividitur, quae  
inter sese communicant, et lymphā purā plenae  
sunt, circiter diem nonum aut decimum areo-  
la circumscripta cingitur, et arescens in sca-  
biem fuscā tandem abit.*

*Q. Nonne pustula interdum spuria est ?*

*R. Nonnunquam, sed ex toto absimilis est  
verae pustulae vaccinae.*

*Q. Quae signa veram pustulam vaccinam de-  
signant ?*

*R. Centrum depresso, margo plenus et  
elevatus, febricula circiter diem octavum,  
quando areola subito latius serpit, cuius inter  
marginem et vesiculam rubor cutis citè eva-  
nescit.*

**Q.** An Vaccinia corpus humanum semper postea tutum adversus Variolam reddit?

**R.** Tutissimum reddit adversus Variolam per reliquum vitae fere semper; nisi in casibus perpaucis, ubi Variola iterum incidisse dicitur: sed etiam in iis multo levior esset.

**Q.** Num ulla remedia in Vaccinia necessaria sunt?

**R.** Febris adeo lenis est, ut nulla medicamenta desiderentur, nisi interdum purgans, circiter tempus quo aeger febricitet.

### *De Herpele.*

**Q.** Quae signa sunt Herpetis?

**R.** Vesiculae continuae, pere exiguaeque in gregibus distinctis et inaequalibus, quarum fere aliae aliis succedunt, basi inflamatâ apparent, serpuntque, nonnunquam sanescentibus iis, quae primum vitiatae essent.

**Q.** Quot varietates Herpetis sunt?

**R.** Sex; *Herpes phlyctaenodes, zoster, circumatus, labialis, praeputialis, et iris.*

**Q.** An Herpes contagiosus, et febre comitatus est?

**R.** Non contagiosus est, et interdum solummodo febre comitatur.

**Q.** Num incipit a dolore?

**R.** Per biduum triduumve ante eruptionem

pars prurit doletque : dein vesiculae in conspectum veniunt sub forma corymbi, aut zonae, aut annuli.

**Q.** Quae remedia curationi Herpetis idonea sunt ?

**R.** Purgantia, praecipue submurias hydrargyri, ut alvum bis in die ducant ; et lotio astringens externa, veluti solutio sulphatis zinci, aqua calcis, aut tinctura muriatis ferri ; aut solutio muriatis hydrargyri ad partem affectam bene lavandam bis terve indies ; aut unguentum nitratis hydrargyri applicetur, si inflamatio haud ita magna sit ; sed si magna, farina tritica parti aspersa nonnihil refrigerat.

### *De Rupia.*

**Q.** Quibus notis Rupia cognoscenda est ?

**R.** Vesiculis latis et planis, basi leniter inflamatâ cinctis, quae non confluentes fiunt, tarde maturescunt, et in scabies tenues abeunt, quae facile absterguntur, moxque renovantur.

**Q.** Quot varietates Rupiae sunt ?

**R.** Tres ; *Rupia simplex*, *prominens*, et *excharatica*.

**Q.** Quae remedia Rupiae convenient ?

**R.** Laxantia, praecipue sulphur, et submurias hydrargyri, diaeta nutriendis, et interdum tonica.

*De Eczemate.*

*Q.* De *Miliaria* vix, ut aliquid dicamus, opus est; colloquamur paulisper de *Eczemate*; et primo dic mihi signa, quibus cognoscatur?

*R.* Eruptione vesicularum exiguarum, quae partes corporis varias occupant, confertae, nulla inflammatione circundatae, et nulla febre comitatae; neque hoc vitium contagiosum est.

*Q.* Quot varietates *Eczematis* sunt?

*R.* Tres; *Eczema solare*, *impetiginodes*, et *rubrum*.

*Q.* Quibus ex causis oritur *Eczema*?

*R.* Ex irritatione quadam vel interna vel externa plerumque oritur.

*Q.* Quae curatio est?

*R.* Laxantia lenia, et ablutio externa cum aqua calida et lacte, fere respondent.

*De Aphtha.*

*Q.* Quibus indiciis *Aphtha* cognoscenda est?

*R.* Vesiculis exiguis albidis linguae, fauci-  
um, et oris superficiem occupantibus, quae ali-  
quando discretae, saepe coalescentes, abrasae  
cito renascentes, et incerto tempore manentes,  
in crustas subalbidas abeunt.

*Q.* Quot species seu varietates *Aphthae* sunt?

*R.* Tres ; *Aphtha lactantium, adulorum, et anginosa.*

*Q.* Quibus ex causis *Aphtha* oritur ?

*R.* In acetate infantili ex cibis nimis spissis et calidis, irritatione ventriculi et intestinorum ; in adulta, e debilitate aliis morbis praeeuntibus inducta, aut frigore et humore conjunctis, ut in *Angina, Aphthae* oriuntur.

*Q.* Quae remedia *Aphthis* idonea sunt ?

*R.* Si ex aciditate ventriculi, carbonas calcis, vel magnesia, intrinsecus utilia sunt ; et os subinde foveatur solutione sub-boratis sodae tenui ; interdum nutricem mutare expediat. Quum morbis *Aphthae* superveniunt, ex summa debilitate pendent ; diaeta lauta et nutritiens, vinum rubrum, *cinchona*, et alia tonica utilissima sunt ; alvus nec astricta nec soluta, sed facilis, tenenda est ; *gargarisma* astringens quoque utile est.

#### DE TUBERCULIS.

*Q.* Quomodo *Tuberculum* mihi definis ?

*R.* *Tuberculum* est tumor parvus, durus, circumscriptus, et permanens, aut ex parte suppurans.

*Q.* Quot genera hic *Ordo Tuberculorum* comprehendit ?

*R. Novem ; phyma, verrucam, molluscum, vitiliginem, acnen, sycosin, lupum, elephantiasin, et framboesiam.*

*De Acne.*

*Q. Nihil, quod quaeram, habeo de quatuor primis generibus ; quid intelligis de Acne ?*

*R. Acne ex eruptione Tuberculorum constat, quae distincta et dura sunt, et modo diu existunt, modo tarde et ex parte in suppurationem abeunt.*

*Q. Quot varietates Acnes sunt ?*

*R. Quatuor ; Acne simplex, punctata, indurata, et rosacea.*

*Q. Quid generaliter de Acne dicis ?*

*R. Plerumque faciem, praecipue frontem, tempora, et mentum ; interdum cervicem, humeros, et summum pectus occupat ; aetatem florentem vexat.*

*Q. Quae remedia sunt utilia ?*

*R. Medicamenta, quae alvum leviter ducent, par hebdomadas quidem nonnullas adhiberi debent, lotio muriatis hydrargyri fortis ad partes affectas applicata saepius ex usu est. In specie rosacea tamen astringentia mitia extrinsecus adhibenda sunt.*

*De Sycosi.*

*Q.* Quibus notis *Sycosis* cognoscitur?

*R.* *Sycosis* ad *Acnen* affinis eruptione tubercolorum cognoscitur, quae rubra et subdura sunt, mentum aut caput in gregibus infestantia.

*Q.* Quot species ejus sunt?

*R.* Duae; *Sycosis menti*, et *capillitii*.

*Q.* Quae curatio *Sycosis* est?

*R.* Tuberculis confertis in suppurationem abeuntibus cataplasmata emollientia applicari debent; interdum ea aquâ calidâ fovere, deinde unguento nitratis hydrargyri miti, aut oxi- di zinci, aut hydrargyri praecipitati albi, pro gradu inflammationis tegere satis est. Grana duo submuriatis hydrargyri cum pulveris antimonialis granis tribus, horâ somni alterâ qua- que nocte sumantur.

*De Framboesia.*

*Q.* De *Lupo* et *Elephantiasi* nihil ad rem habeo a te quaerere. Pauca colloquamur de *Framboesia*. Quae signa sunt, quibus designetur?

*R.* Febricula saepius praecedit, cum doloribus artuum, dein post paucos dies eminentiae

sive pustulae passim super cutem surgunt, mori fructus referentes, et aliae aliis succedunt, tarde in suppurationem abeunt, et humorem glutinosum mali odoris effundunt.

*Q.* Quae generaliter de Framboesia memoriâ digna sunt ?

*R.* Framboesia contactu vel contagio grassetur ; inter Africanos, Americanos indigenas, et servos Indiae occidentalis saevit.

*Q.* Quae curatio est ?

*R.* Albutio cum aqua tepida, ulcuscula unguento acetatis plumbi curare, hydrargyrus ad gingivas leviter afficiendas justa quantitate adhibitus, et postea tonica, sicuti cinchona, sarsaparilla, cum diaeta nutrita et aëre puro, utilissima sunt.

#### DE MACULIS.

*Q.* Quid de Maculis observas ?

*R.* Maculae congenitae interdum chirurgi, sed nunquam medici attentionem sibi vindicant ; de illis igitur vix opus est verbis.

*Q.* Quot varietates macularum sunt ?

*R.* Duae ; *ephelis*, et *naevus* ; quae nihil sunt nisi asperitates quaedam et durities mali coloris.

Q. An medicamenta illis prosunt?

R. Interdum refrigerantia, et astringentia,  
ex usu esse videntur; saepius autem nihil va-  
lent, nisi interdum ferro excidere.

F I N I S.

QUADRANGULAR CHAMBERS

# INDEX MORBORUM.

---



---

	<i>Pag.</i>		<i>Pag.</i>
Acne - - -	400	Diabetes - -	307
Adipsia - - -	169	Diarrhoea - -	270
Ageustia - - -	168	Dysenteria - -	274
Amaurosis - - -	156	Dyspepsia - -	240
Amenorrhoea - - -	332	Dysphagia - -	189
Amentia - - -	137	Dyspnœa - -	213
Anasarca - - -	358	Dysuria - - -	322
A neurisma Aortae	231	Ecthyma - - -	302
Angina Pectoris	227	Eczema - - -	398
Aphtha - - -	398	Enteritis - - -	255
Apoplexia - - -	100	Enuresis - - -	324
Ascites - - -	302	Epilepsia - - -	131
Asthma - - -	215	Epistaxis - - -	163
Calculus Renum	311	Erythema - - -	381
Caligo - - -	154	Erysipelas - - -	382
Carditis - - -	224	Febris Flava - -	11
Catarrhus - - -	165	Febris Intermittens	22
Catarrhus gravis	199	Febris Remittens -	10
Chlorosis - - -	328	Febris Synocha -	15
Cholera - - -	265	Febris Synochus -	27
Chorea - - -	128	Febris Typhus -	31
Colica - - -	259	Febris TyphusPestifera	39
Convulsio - - -	122	Framboesia - -	45
Cynanche Laryngea	175	Gastritis - -	401
Cynanche Maligna -	75	Haematemesis - -	239
Cynanche Parotidea	161	Haematuria - -	253
Cynanche Pharyngea	174	Haemoptysis - -	315
Cynanche Tonsillaris	171	Hepatitis Acuta -	208
Cynanche Trachealis	178	Hepatitis Chronica	287
Cystitis - - -	320		

\*

	<i>Pag.</i>		<i>Pag.</i>
Herpes	396	Pompholyx	385
Hydrocephalus Acutus	93	Prrigo	390
Hydrocephalus Aquo-		Prurigo	373
sus	147	Psoriasis	375
Hydrophobia	186	Purpura	380
Hydrothorax	234	Pyrosis	251
Hypochondriasis	249	Rheumatismus Acutus	343
Hysteria	339	Rheumatismus Chro-	
Hysteritis	326	nicus	348
Ichthyosis	377	Roseola	379
Icterus	293	Rubeola	66
Impetigo	387	Rupia	395
Ischuria	317	Scabies	393
Lepra	374	Scarlatina	74
Lichen	372	Scorbutus	368
Mania	142	Scrofula	361
Melancholia	139	Spasmus Ventriculi	245
Menorrhagia	335	Splenitis	297
Nephritis	312	Strophulus	371
Obstipatio	280	Sycosis	401
Odontalgia	163	Syncope	225
Ophthalmia	149	Synocha	27
Otitis	160	Synochus	31
Palpitatio	231	Syphilis	364
Paralysis	108	Tabes Mesenterica	299
Pemphigus	384	Tetanus	115
Peripneumonia Notha	198	Tympanites Abdominalis	
Pertussis	220	lis	301
Pestis	45	Tympanites Intestinalis	282
Phrenitis	89	Typhus	39
Phthisis	202	Ulcuscula Venerea	171
Pica	170	Urticaria	378
Pityriasis	376	Vaccinia	395
Pneumonia	192	Varicella	64
Podagra	350	Variola	57
Polydipsia	169	Vermes Intestinorum	283









